

Oenale Rilolon: Bible for 1 John, 1 Peter, 1 Thessalonians, 1 Timothy, 2 Corinthians, 2 John, 2 Peter, 2 Thessalonians, 2 Timothy, 3 John, Colossians, Jude, Luke, Mark, Philemon, Philippians

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Mark

Chapter 1Yohanes Mana Sarani'a A'tena

¹iaka Yesus Kristus harali ma'ahulu'Na, Ama Lamatua Anak'Na ²ona'a yang nene sura' sia kitab Nabi Yesaya rala oi:"mete mita! Au denu Au a'te dedenu Ngga neu na'ahulu'u Hoo yang ana o'oti hela dala'a fee neu Nggo.Meleakhi 3:1

⁴de Yohanes sarani atahori'ra mi'a mo loa'a boema ana na'alolosa hara meulau soa no Ama Lamatua susuelalai'Na. ⁵boema, basa rauinggu mana leo sia Yedea no basa atahori mana sia Yerusalem'ra rema randa ro Yohanes mia mamana na. ara rema de ra'ta basa sira sala-singgo nara de Yohanes sarani'se mia loe Yordan'a. ⁶Yohanes bua ba'u na tao lao mia onta fulu'na boema bobori'na tao mia banda rou'a. ana na'a lamat no oni oe'. ⁷Yohanes dui bengga nae, "basa hendi au na atahori esa ma'ena kuasa lena mia au'e nae nema. mae dadi aka'a Eni dedenu'Na o, au nda unda'sa. ⁸au sarani hei endi aka'a oe, te dei fo Ana nema na Ana sarani hei nendi'a Lamatua dula-dale meumare'Na."Yohanes Sarani Lamatua Yesus⁹de lele' na, ma Yesus nema lao mia kambo esa narana Nazaret nisi'i Galilea neu, de Yohanes sarani'E mia loe Yordan. ¹⁰basama Yesus dea neu mia oe'a, nggengger ma lalai'a si. de basama Lamatua dula dale'Na sama ona' mbui lunda te neu Yesus. ¹¹boema, hara esa mia lalai ata nema nae, "Hoo ia Au Ana susue Ngga. Hoo tao fee Au umuho'o ukundo'a." Nitu'a Soba Lamatua Yesus¹²basa naa, ma Lamatua Dula-dale na nendi Yesus nisi'i mo lao'a. ¹³Ana leo mia mo loa' naa fai haa nulu, Ana na'abue no banda fui'ra de nitu'a nema coba Yesus fo tungga'e. basama Lamatua a'te nara rema tao mata' neu'E. Yesus Na'alolosa' Ama Lamatua Hara Li Na Mia Galilea¹⁴ basama ara tao Yohanes mana sarani'a bui rala neu, ma Yesus lao nisi'i mamana esa sia Galilea de Ana na'alolosa' Ama Lamatua hara li Na. ¹⁵Ana nafade nae, "pas fai na, Ama Lamatua nusak Na losa ena de ama miloe' hei tatao nono'i mara fo mimihere neu Lamatua hara li Na!" Yesus Here Nala Eni Ana Nanori Nara¹⁶pas Yesus fe'e lao' tungga dano Galilea bife'na, ma Ana mete nita Simon no odi'na Andereias, ru'ase fe'e pu'a u'u mia dano'a rala. naa sira ue osa nara tungga-tungga fai esa. ¹⁷de, Yesus no'ese nae, "ima tungga Au, te Au ae tao hei dadi mi mana pu'a atahori." ¹⁸basama Simon no Andereias lao' hela sira pu'a nara de ara tungga ro Yesus.¹⁹pas Yesus lao' na'adodo' mbei fai, ma Ana mete nita Zebedeus ana nara Yakobus no odi'na Yohanes, ru'ase fe'e ralole pu'ata mia ofa'a rala. ²⁰basama, Yesus no'e ru'ase de ara lao hela sira ama'na Zebedeus mia ofa' ata no basa sira atahori mana tungga ofa'a ra, de ara tungga ro Yesus. Yesus Nanori'Na Sosofe' No'a Kuasa²¹basama, ara lao' losa kambo esa nara na Kapernaum boema faina losa huhule o'oe, de Yesus nisi'i ume huhule o'oe a de Ana nanori mia naa. ²²basa mana sia nara rena Eni nanori nara, ma ara nggengger te Ana nanori ona'a atahori yang sosofe' no'a kuasa, nda ona' Yahudi'ra meser nara sa. ²³lele' naa, mia mamana naa hambu atahori esa sofe' no'a nitu'a dula-dale'na de ana nggasi, ²⁴nae, "Yesus atahori mana lao' mia Nazaret, Hoo mae uma tao saa sia ia?, Hoo mae uma tao misa hai do? hai mihene Hoo ia seka. Hoo ia sosofe' no'a manggarelo lao mia Ama Lamatua nema!" ²⁵te hu, Yesus boa'e nae, "nene! dea mu lao'mia atahori ia!" ²⁶basama dul-dale de'ulakata rupa-mbembesi'e no ana nggasi ki, de ana nela dea neu lao mia ana'ka rala na. ²⁷basa atahori mana mia naa ra nggengger de esa natatane mbali esa rae, "ia saa? nanori feu' no'a kuasa! Ana boe parenda dula-dale de'ulaka'a de ana rena Eni parenda'Na boe." ²⁸Basama, basa atahori dui bengga'E losa basa nusak-nusak ra boema duduit na'ka boe'o losa basa nusak mana sia Galilea. Simon Ina Ari'na No Atahori Nae'e Hai Lao' Mia Sira Hedi Nara²⁹basama Yesus no ana nanori nara lao helah ume huhule oo'e a, ma ara lao risi'i Simon no Andereias ume'na, boema siri'i Yakobus no Yohanes ume nara. ³⁰hu, Simon ina ari'na mana mamahedi'i de ana sunggu' sia koi ata, de ara reu rafade neu Yesus. ³¹Yesus rena nala ma Ana neu mete nita de Ana to'u nala lima'na fo nafefela'e. boema hedi'na mopo hendi'e neu ena, de basama ina'a tungga Lamatua Yesus.³²pas relo'a tena de ma'ahatu, ma ara rendi basa atahori mamahedi'ra boema atahori mana sofe' no'a dula-dale de'ulaka'ra rema risi'i Yesus, ³³basama, basa rauinggu mana sia mamana na rema ra'abue reu ume'a lelesu'na mata'. ³⁴de Yesus na'ahahai atahori nae'e hedi nara no'a basa hedis-hedis beka mesan'e boema Ana oi hendi nitu'ra. te hu, Ana nda nau nitu'ra rahara sa, karna ara rahine'e Eni. Yesus Hule O'e Boema Ana Na'alolosa Ama Lamatua Hara Li Na³⁵fe'e fefetu ana', boema fe'e ma'ahahatu, te Yesus fela de Ana lao nisi'i mamana ma'afuni, de Ana hule o'e mia naa. ³⁶basama, Simon no atahori'ra rema sangga Lamatua Yesus. ³⁷pas ara rita Yesus, ma ara rafade rae, "basa atahori'ra sangga Hoo!"³⁸de, Yesus nafade mbali se nae, "ima, ata lao tisi'i nusak mana sia deka iara, naa fo Au ae u'ulolosa' Ama Lamatua hara li'Na neu atahori-atahori mana sia nara. hu nana, alasan Au u'uma Ngga ia." ³⁹de, Yesus lao nisi'i basa mamana mana sia basa Galilea lala'ena fo Ana na'alolosa Ama Lamatua hara li Na sia sira ume huhule oo'e na rala boema Ana oi basa nitu mana sia nara. Atahori Mana Buni Ra'a Hai⁴⁰boema, atahori esa mana mamahedi bunira nema nisi'i Yesus de ana sende' lu langga'na neu Yesus mata'Na de ana ola' nae, "kalu Hoo nau, naa fee au hai lao' mia au hedi ngga sie." ⁴¹basama Yesus mete mbali ma Ana sue lai'e, de Ana lo lima'na neu'e de Ana ola' nae, "Au nau.

dadi ona' saka yang hoo nau!"⁴²Ana ola' basa boe, ma buni ra'a mopo mia atahori naa ao'na.⁴³Yesus denu atahori naa lao boema Ana fee nasenedat mahere' neu'e. ⁴⁴Ana nafade mbali'e nae, "afi'i dui-dui saa neu esa boe soa no saka yang hoo hambu'a ia. hu, ana lao, ma ana neu natudu eni ao'na neu malangga nggarei'ra, boema ana neu fee derma soa no eni hahai'na ona'a saka yang Musa parenda'na neu sira."⁴⁵te hu, atahori naa neu de ana dui benga neu basa atahori de duduit naa losa basa nusak-nusak ra. hu nana, Yesus nda sudi bebas nisi'i nusak-nusak ra sa, te hu Ana si'a kambo-kambo mana sia dodo'ra, boema mamana ma'afuni'ra, hu, atahori nae rena de ara rema lao' mia basa-basa nusak'ra.

Chapter 2Lamatua Yesus Fee Ambon Boema Ana Nahahai Ataohori Mamalu'u

¹Fe'e do fai hira ma, pas Yesus bali'i mia Kapernaum neu, ma ara dui bengga rae Ana sia ume. ²boema,atahori nae' rema ra'abubue sosofo losa nda sudi hambu mamana rou sa ena, de Ana na'alolosa Ama Lamatua harali'Na neu basa mana sia nara. ³Ana fe'e ola-olah ma, atahori haa lemba rendi atahori mamalu'u esa nema nisi'i Yesus. ⁴te hu atahori nae na seli rakasetik de ara nda hambu rala reu sa, boema ara hene risi'i ume'a mbuni'na ata de ara ofe ume'a sinina ata' fo ara ra'oonda atahori mamalu'ua pas nisi'i Yesus mata'Na. ⁵pas Yesus mete nita'se ma Ana nahine sira namahere nara tebe-tebe neu Eni, boema Ana nafade mbali atahori mamalu'u a nae, "Ana Ngge! Au fee ambon basa neu hoo sala singgo mara ena!" ⁶hu, ahli Taurat hira mana nggua-nggua mia naa ra du'a-du'a sia sira rala nara rae, ⁷"saa de Ana nambarani ola' na'o naa? Ana na'amumuti Ama Lamatualain! aka'a Ama Lamatualain mesa'Ne fo bisa fee ambon neu sala singgo'ra ma?" ⁸te yesus nahine mema' sa'ka yang sia sira dudu'a nara ena. de Ana nafade mbali'se nae, "saa de hei dudu'a ta'o na sia hei rala mara rala?" ⁹beka yang nggafat lena', nafade mbali atahori mamalu'u naa mae 'sala singgo mara nene ambon ena', do nafade mae, fela leon!, fo lu'a mala boslak ma fo bali' leon?" ¹⁰te hu, naa fo hei bubulu' te Ama Lamatualain Ana'Na na'ena Koasa fee ambon neu sala singgo'ra sia raefafo ia. boema Yesus nafade mbali atahori mamalu'u a nae, ¹¹"Au ufade neti nggo: fela leon, lu'a mendi hoo boslak fo bali' uma ma mu." ¹²ma atahori mamalu'a fela nambari, de ana lu'a nendi eni nenei'na de ana lao dea neu tungga basae mata nara. basa mana sia nara nggenger de esa ola' mbali esa rae "hai fe'edo mita ona'a iaka!" boema ara koa kia Lamatua nara'Na. Atahori Esa Nara'na Lewi Tungga Yesus¹³basama Yesus lao nisi'i dano a bife na, de atahori nae' rema ra'abubue fo ara rena Yesus nanori'Na. ¹⁴pas Ana neu ma, Ana nanda no ana' esa narana Lewi, ama na narana Alfeus, ana nggua-nggua sia mamana mana bae bea. de, Yesus nafade neu nae, "lao tungga Au." boema, Lewi fela de tungga Yesus. ¹⁵basa boe, Yesus endo de Ana naa-ninu mia Lewi a ume na, ma atahori mana eda bea ra ro atahori-atahori mana ue salah de'ulakata, ara boeo rema de raa-rinu sama-sama roo Yesus no Yesus ana nanori nara, te sia mamana naa atahori nae' rema hii rae rena Yesus nanori'Na. ¹⁶ahli Taurat hira lao mia Farisi ra tahori nara mete rita Yesus naa-ninu na'abubue no atahori-atahori mana ue salah de'ulakata ra boema atahori mana eda bea ra, ma ara ratane mbali Yesus ana nanaori nara rae, "saa de Ana naa-ninu na'abue no mana eda bea ra ro atahori mana ue salah de'ulakat ra?" ¹⁷Yesus rena, ma Ana nafade mbali se nae, "atahori mamahedi' ra perlu dokter, te hu atahori soda' ra hoko. Au u'uma ngga nda soa neu atahori ndotetu ra sa, hu soa neu atahori-atahori mana mamahedi no mana ue salah de'ulakat ra." Natanes Soa No Puasa¹⁸Yohanes mana sarani ana nanori nara no atahori-atahori Farisi ra puasa. de atahori ruma rema ratane neu e rae, "saa de Yohanes mana sarani a ana nanori nara ro atahori-atahori Farisi ra puasa, ta'o be de Hoo ana nanori mara nda puasa'sa?" ¹⁹boema Yesus na'ta mbali se nae, "naa fo hei bubulu' te nda fe'e hambu mita atahori mana roo pengantin tou a ara puasa sa, hu ara raa-rinu ra'abebeta ro mana kabi'ra defo ara lao bali ume nara reu. ²⁰hu, faina losa be ma pas pengantin tou a lao hela se, faina deifo ara fe'e do puasa. ²¹boema nda fe'e hambu atahori soo-seu teme feu' neu tema mbara' mana side ata' sa. te mete ma ta'o naa na, teme feu'a kukundu fo nalutu bali'i side mbara mana side a, fo side na na'amoko selu'u. ²²boema nda fe'e hambu mita atahori mbo'a anggur feu a neu mba'o mana mboko sa. te mete ma ta'o naa na anggor a nasi' hendi mba'o a fo anggur feu'a sai hendi basa'e. de, anggur feu naa mbo'ae neu mba'o feu boe."Lamatua Yesus Nalena No Fai Sabat²³Lao esa, pas no fai sabat, ma Lamatua Yesus lao' tungga osi gandum a rala, ma Yesus ana nanori nara etu gandum mbule. ²⁴boema, atahori-atahori Farisi ra olah mbali Yesus rae, "mete mita, te saa de ara Hoo ana nanori mara langgar hita tolane na sia fai sabat a?" ²⁵de, Yesus nafade mbali se nae, "hei baca mita do hoko, sa'ka yang Daud tao pas heni no atahori mana tungga nara basa se ndoe?" ²⁶ana lao nisi Ama Lamatua ume Na rala, pas faina te ama Abyatar fe'e malangga nggarei, de ana naa roti mia nggarei a rala boema ana ha'i nendi de babanggi fee neu basa eni atahori mana tungga nara, te hu esa nda fee salah neu sa boe". ²⁷basama, Lamatua Yesus nafade mbali atahori Farisi ra nae, "fai sabat a tao soa neu atahori raefafo a ia, te Ana nda tao atahori fo fee neu fai sabat sa. ²⁸te, Ama Lamatua Ana Na, naa boe Lamatua soa neu fai sabat."

Chapter 3Lamatua Yesus Na'ahahai Atahori Pas Mia Fai Sabat

¹Basama, Lamatua Yesus bali' risi ume huhule o'oe, sia mamana naa Ana nanda no atahori esa limana seri mates. ²sia mamana naa boeo hambu hira mana sangga-sangga a Lamatu Yesus sala' Na de ara memete' fo Yesus na'ahahai atahori mamahedi na'ka sia fai sabbat do hoko? ³basama, Yesus no'e atahori mamahedi naa nae, uma mumburi misi'i dalada sie. ⁴de Yesus nafade mbali atahori mana sia nara nae, "saa ka yang hita tae tao, malole' do de'ulaka, pas no fai hahae ona ia'ka?, ata fee atahori rasoda do tao tisa'se?" te hu, basa mana sia nara esa o'nda nahara sa boe. ⁵Basama, Lamatua Yesus mete mbali basa'se, ma rala Na merah soa no sira rala manggate nara. boema Ana olah mbali atahori mamahedi lima'na mate seseri naa nae, loo lima ma nema." de atahori mamahedi'a loo lima na neu Yesus, nggengger ma, lima na o'hai. ⁶hu naa, atahori Farisi mana mia nara lao hela Yesus no basa mana tungga nara. ara lao reu ra'abubue ro atahori mana sia Herodian fo ara sangga dala rae tao risa Yesus. Atahori Nae Tungga Lamatua Yesus ⁷Hu, Lamatua Yesus lao na'adodo no ana nanori nara risi'i dano Galilea, de atahori bubue teme' esa rema tungga Yesus, lao mia Yudea rema, ⁸lao mia Yerusalem, Idumea, mamana naa sia loe Yordan seri' na, boema lao mia Tirus no Sidon, atahori nae' yang ara rena Yesus, ma basa'e nonggo rema. ⁹atahori nae' na seli, ma Yesus denu ana nanori nara fo sangga fee'Ne ofa esa, Ana nae hene nisi'i ofa ata, naa fo basa se hambu rena boema afi'i ara rakasesetik ro'E. ¹⁰hu Yesus na'ahahi nita atahori nae ena', de atahori nae yang mana ma'ena hedi-raus ara rema rakaseseti'ki fo sadi rae nggama dai Yesus ao Na. ¹¹De, pas duala dale de'ulaka'ra mete rita Yesus, boema ara sende' lunggu langga nara risi'i Yesus mata Na de ara nggasi rae, Hoo Ia Ama Lamatua Ana Na! ¹²Hu, Ana na'ange neu se nae, "hei nda bole mifade atahori mae Au ia, se'ka sa boe!. Lamatua Yesus Tengga Eni Ana Nanori Ka Sanahulu Rua Nara ¹³Basama, Yesus hene nisi' lete esa ata de Ana no'e nala atahori hira yang nda no eni rala Na, boema ara rema risi Eni. ¹⁴Ana here nala atahori sanahulu rua fo tungga ro Eni, boema Ana denu mbali'se oi, "lami mi mi'idudui harali malole', ¹⁵boema Ana fee se koasa fo ara oi' dula-dale de'ulaka lao mia nitu. ¹⁶Atahori ka sanahulu rua ra nara nara:Simon (fo Yesus babae nara'na neu Petrus), ¹⁷Yakobus, Zebedeus ana mone'na,Yohanes, Yakobus odi'na (yang Yesus nana nara nara neu Boanerges, soa'na ara rae fe "Meser nana nara"), ¹⁸Andereas, Filipus,Bartolomeus,Matius,Tomas,Yakobus, Alfeus ana'na,Tadeus, Simon atahori lao mia Zelot nema, ¹⁹boema Yudas Iskariot yang mana seo Lamatua Yesus.Koasa Yesus Lao' Mia Ama Lamatua Nema ²⁰Basa na ma, Yesus no ana nanori nara risi' ume esa, de atahori nae' rema heo rala Yesus no ana nanori nara, losa ara nda raa-rinu rala sa. ²¹de Yesus bobonggi nara rena ts'o naa ma, ara rema fo ro bali' Yesus, boema ara olah oi ia nda sudi batu sana ena. ²²Boema, Ahli-ahli Taurat mana lao mia Yerusalem rema olah rae, "ia'ka Dula-dale nitu Beelzebul nala rala'Na!" de Ana oi nitu'ra nendi' koasa lao' mia malangga nitu'ra. ²³Yesus rena ta'o naa, ma Ana no'e nala basa'se de nafade mbali'se nendi' dudit esa nae, "ta'o be fo bisa malangga nitu'a oi bali' ena ana mana tungga nara? ²⁴mete ma sia nusak esa, rauinggu nara ramusuh ao, naa nusak a nda sudi be'i sa ena. ²⁵boema, sia ume esa isi nara, esa natofa ao no esa, naa mete te ara sarangga. ²⁶De mae nitu a namusuh bali' esa no esa, naa mete te ara sarangga, boema ara rambalulutu fo basana ara mopo' hendi'se. ²⁷nda hambu atahori na'o esa nema fo nae namana'o sia atahori ma'adere'a ume'na sa, hela'a ma ana pa'a nala atahori ma'adere'a, deifo fe'e do bisa namana'o nala sia ume naa rala. ²⁸Au ufade hela neti nggi, Lamatualain nau fee ambon neu atahori sala-singgo nara, boema neu basa atahori dedea o'ola' mamasi rarai nara. ²⁹te hu, seka yang ana na'amumuti Dula-dale meumare'a, na mete te Lamatualain nda fee ambon neu'esa losa lolosa naa neu." ³⁰Yesus na'o naa, naa alhi-ahli taurat ara olah oi fee "Yesus hambu dula-dale de'ulakat."Yesus Bobonggi Matetu Nara ³¹basama, Yesus mama'Na no bobonggi nara rema de rambari mi'a ume a dea'na. de ara denu atahori reu ro'e Yesus. ³²sia mamana naa atahori nae' endo heo rala Yesus bobonggo, basama atahori rema rafade Yesus rae, "uma te mama'Ma no odi' aa mara sia dea sangga Hoo. ³³Boema Yesus na'ta nae, "Au mama Ngga no odi'aa nggara seka'ra?" ³⁴basama, Ana mete mbali basa mana endo sia nara de Ana ola' nae, "mete mita, basa hei iara Au mama Ngga no Au odi'aa nggara! ³⁵hu naa, seka mesan'e yang ana tungga Au Ama Ngga hihi-nana'Na, naa sira fo Au mama Ngga no Au bobonggi Nggara."

Chapter 4Lamatua Yesus Naasasama Atahori Mana Sela-Nggari

¹Lao esa ma, Lamatua Yesus nanori selu' mia dano Galile bife na. boema atahori nae' rema heo rala'E. de Ana hene nisi'i ofa ata,te atahori nae ra endo ra'abubue mia dano'a bife na. ²Ana nanori atahori nae' mana sia nara nendi' na'asasama duduit esa, Ana dui neu'se nae, ³"rena matalolole! atahori esa lao neu sela-nggari fini nara. ⁴de pas ana nggari fini nara, ma ruma tuda risi'i dala'a bife na, de mbui'ra rema tengga rendi'se, ⁵boema fini ruma tuda risi'i rae fafatu' ata. de fini a faa mori nala ata, te hu rae fafatu de oka'na mbei ana'ka. ⁶De, pas relo'a natobi nae' boe, ma numbu' naa no oka' nara male de ara meto hendi'se. ⁷fini ruma fai tuda risi'i unu-hau ana' no nggaut'a talada nara. de fini a mori nala ata, te hu unu-hau ana' no nggaut ara hapi ra'risa'se, boema fini mae ana amori o' nda nambole-boea nala'sa. ⁸fini ruma tuda risi'i rae isi mana mana gembur a ata. de ranumbu, ra'amoko, rabuna, no ara rambule-raboa. de ruma raboa lao telu nulu, ruma raboa lao nee nulu, boema ruma raboa lao natun esa." ⁹basama, Lamatua Yesus ola' nae, "seka yang maena' ndiki' naa rena mala matalolole!"¹⁰Lele naa Lamatua Yesus mesa'Ne, ma atahori mana sia boboa nara no Yesus ana nanori ka sanahulu rua nara, rema randa ro'E de ara ratane rae dudut'i na'asasama naa arti'na sa?. ¹¹de Ana na'ta nae, "Au nda ufuni neu hei, Au Ama Lamatua Ngga Nusak'Na sa, te hu soa neu atahori laen, naa Au unori'se endi'i dudui na'asasama ona' iaka, ¹²naa fo, 'mae mata nara mete o,ara nda rita'sa boema ara nda rahine'sa;boema mae ndiki nara mana rena, fo ara rena'o ara nda bubulu'sa.naa fo Ama Lamatua afi' sudi fee ambon neu sala-singgo nara."Yesaya 6:9-10Duduit' Na'asasama' Atahori Mana Sela-Nggari'a, Lamatua Yesus Nafade Arti'na¹³Basama, Lamatu Yesus nafade mbali'se nae, "hei nda fe'e mihine' dudui na'asasama iaka sa do? ta'o be fo hei bisa mihine' dudui na'asasama ona' iaka? ¹⁴atahori mana sela-nggari Ama Lamatua hara-lii meulau'Na. ¹⁵fini beka yang ana tuda sia dala' bife na fo mboi'ra reu tengga rendi'se, naa ona' atahori yang ara rena Ama Lamatua hara-lii nasi'a ndikina, te nda doo'sa ma nitu'ra rema fo ara rau' rendi Ama Lamatua hara-lii Na mia'se. ¹⁶Boema, fini mana tuda sia rae fafatu'a, naa ona' atahori mana rena nala Ama Lamatua hara-lii'Na boema ana mbeda neu rala'na rala fo ana bali' ume'na no nemeho'o. ¹⁷te hu, Ama Lamatua hara-lii'Na nda na'oka sia rala'na saa. fo mete ma, pas sususa-sosona' nema naa ana lili' hendi Ama Lamatua hara-lii'Na naa. ¹⁸Boema, fini mana tuda sia unu-hau ana no nggaut talanda nara. naa ona' atahori yang mana rena Ama Lamatua hara-lii'Na. ¹⁹te hu, ana tasibu no'a eni dudu'a nemetau'na mata-mata' sia raefafo ia, aka' eni raku-tao'na soa no hata-eto raefafo ia, boema dudu'a na aka' si'a hihi-nanau nae namasu'i de tataos nara hapi rala Ama Lamatua hara-lii'Na de ana lili' endi'E. ²⁰mana tuda sia rae isi mana gembur'a, naa ona' atahori mana rena nala Ama Lamatua Hara-Lii'Na, naa ana mbeda neu rala'na fo ana tungga ona' sa'ka yang Ama Lamatua hihi-nanau'Na fo ana nambule-naboa lao telu nulu, lao neenulu,boema laonatun esa." Afi' tatana Lambu'a Masubu'na Mendi' Boa²¹Basama, Lamatua Yesus nafade mbali'se nae, "eni bess, atahori dede nala lambu'a naa ana tatana'e nisi' boa rala do oko'na ana mbeda'e nisi mamana susunggut'a rae'na? ta hu ana mbeda'e nisi'i mamana naru' naa fo manggarelo nala basa'e. ²²hu na naa, nda hambu ma'afuni' saa'ka yang nda nene nita'sa boe, boema nda hambu nefeni' saa'sa boe, basa-basa nara ara ratudu'se. ²³seka yang mandiki'i naa hela'ne fo ana rena!"²⁴Basama, Ana ola' selu' fai nae, "du'a mata lolole Au neneori ngga ia! mete ma hei uku atahori laen tatao-nono'i na, naa atahori'ra o uku hei tatao-nono'i mara ona' naka'ra boe. hu uku neu hei naa ana nalena' ²⁵hu na'naa, seka yang tungga Lamatua hih-nanau'Na naa ana hambu Lamatua susuelalai'Na, te hu seka yang nda tungga Lamatua hihi-nanau'Na naa, Ana hai nala bali' basa meulau'ra mia'e." Na'asasama No Fini' Ngges'ara²⁶Basama, Yesus nafade fai nae, "Ama Lamatua Nusa'Na sama ona'a atahori esa ana sela-nggari sia mole'na. ²⁷mae atahori naa bali' fo ana sunggu'-fela/hatu rerelona o, ana nda nahine'e fina'a mori fo losa ana na'amoko ta'o ona be saboe. ²⁸fini'a mori aona sia rae'a ata. ana nanumbu na'ahulu' fo ana na'amoko basana ana nabuna boema ana nambule-boea. ²⁹fo mete ma losa fai etu-oru'a nema naa tenu mole'a nema fo ana etu-oru nendi mbule-boea nara bali' umena neu." Lamatua Yesus Na'asasama No Fini Ana Diki'a Ano Mori Dadi Neu Hau Huu Ine³⁰³⁰Basama, Lamatua Yesus ola' fai nae, "hita bisa ta'asasama' Ama Lamatua nusa'Na tendi' saa? do hoko'na, tae fee Ama Lamatua Nusa'Na ona' be'ke? ³¹Ama Lamatua nusa'Na sama ona' fini anadiki'a, hita sela'e neu rae'a rala, fo mae fini naa anadiki na seli' lena' lao' mia basa fini-ngges sara o, ³²te hu, hita sela tale'e naa, basana ana nanambu fo ana mori na'anae dadi neu hau hu ine', dana nara ralongge ramanaru fo basana mbui'ra rema tao nduna nara risi'i dana nara ata. ³³no Lamatua Yesus dui na'asasama nae' ta'o naa, fo Ana na'alolosa Ama Lamata hara-lii Na neu basa mana sia na fo ara rena. ³⁴Ana ola' nendi'a na'asasama duduit neu basa atahori mana sia nara, te hu basana Ana dui namemeu neu Eni ana nanori nara mesa'nese. Lamatua Yesus Denu Sanggu Anin'a Hahae³⁵fai naa, pas bobo anana ma Yesus no'e nala ana nanori nara de Ana nafade mbali'se nae, "ima fo ata lao tisi'i dano seri' teu." ³⁶de ara lao hela basa atahori nae' mana sia nara, ara ro Yesus hene ofa ata' reu. boema afa' laen ara o tungga ro se. ³⁷ara lao rala dano'a taladana ma sanggu anin na nema de ree ra poko ofa'a mia seri-mia seri de oe maso nae sofe ofa rala'a. ³⁸sangu-anin'a basa naa te Yesus ndae langga Na sia ainulu' ata de Ana sunggu'

nasambeta sia ofa'a dea'. basa de, ara rema fafae Yesus rae, "Meser, fela dei! Hoo nda tao afi'sa te hita mate teu a
ian.³⁹ basama, Yesus fela de Ana ai anin a nae, "nene! muloe!" boema anin rena parenda'Na de naloe no ree rao
raloe.⁴⁰ basama, Ana ola' mbali'se nae, "saa de hei mimitau? hei nda miena nemehere' mbei sia hei rala mara rala
sa doo?"⁴¹ ara ramatau raseli' de esa ola' mbali esa rae, "Ia se'ka ? de mae sangu anin no tasi'ao rena parenda Na!"

Chapter 5 Lamatua Yesus Oi Duladale De'ulaka Mia Atahori Esa Lao' Mia Gadara

¹Lamatua Yesus se losa dano'a seri', mamana naa narana Gadara. ²pas Yesus onda mia ofa' ata, boema tou esa sofe' no'a duladale de'ulaka nema mia rates ara de nanda no Yesus. ³hatu-rerelona o ana leo si'a rates ra dalada nara, basa atahori'ra ramatau'e. ⁴ara pa'a rita'e rendi' rante boema ara langge ei nara, te ana na'etu endi basa rante'ra no ana nasenggi hendi basa langge'ra mana sia ei na. ⁵nda hambu atahori esa nambarani humu'e sa boe. ⁶ana nggasi-ki si'a rates' ara no sia mbuku-lete'ra, tungga-tungga'a fai, hatu rerelona, boema ana uta-e'edi ao'na nendi' fatu tande'. ⁷de, ana mete nita Lamatua Yesus fe'e mia dodo' nema, ma ana fela de ana sende' lu-langga'na neu Yesus mata'Na. ⁸de, ana randu nahere' mbali Yesus nae, "au bubulu' Hoo Ia Ama Lamatulain ana mone' ise Na, de Hoo mae tao sa mbali au?, au hule neu Nggo endi'i Ama Lamatualain nara Na, fo afi'i Hoo sik'sa au!" ⁹hu, Yesus nafade mbali'e nae, "hoo ia duladale de'ulaka, dea mu lao' mia atahori ia rala!" ¹⁰basama, Yesus natane mbali'e nae, "hoo narama se'ka?" de ana na'ta nae, "au nara ngga Legion, te hai nitu'ra nae ma seli". ¹¹ana hule-hule neu Lamatua Yesus fo afi' oi sira lao' mia nusak naa' ¹²sia mamana naa hambu fafi lalaet esa naena seli' ara soso'a mia deka no lete' ata. ¹³boema duladale de'ulaka ra hule mbali Yesus rae, "denu a hai misi'i fafi na ra sini." ¹⁴de Yesus tungga'se. hu na naa, duladale de'ulaka ra rela hela atahori naa risi'i fafi'ra. fafi mana ma'abubue ra nanae nara nda sala'sa na rifon rua. ara rela tungga dano a bife na basama ara boke dano rala reu, de basa'se tena dano rala reu. ¹⁵Rita ta'o na boe, atahori mana tada fafi ra rela reu rafade mia kambo rala, de basa atahori'ra rema mete rita saa mana dadi' sia naa. ¹⁶atahori'ra rema de randa ro Yesus, beoma ara mete rita atahori yang nitu pa'aa endo' sia naa boe, ana dudu'a na meulau bali' ena boema ana pake bua-lo'as meu lalau ena, de ara rita ma ara ramatau. ¹⁷basa atahori yang mana rita no mata nara bali' de ara reu dui-bengga rae atahori mulu'a Yesus nahahai'e boema Ana oi nitu'ra rela risi'i fafi'ra. ¹⁸de, atahori mana sia kambo rala'ra rena rala, ma ara rema ro'e Yesus fo Ana lao hela sira kambo na. ¹⁹basama, Yesus nae hene ofa' ata neu, ma atahori mana hai' lao' mia duladale de'ulaka'a no'e fo eni tungga no Yesus se boe. ²⁰te hu, Yesus nda nau'sa, Ana nafade mbali'e nae, "bali' ume'ma mu fo dui neu hoo odi-a'a mara basa'se mae, no Lamatua susue lalai'Na neu au de Ana fee au hai boema Ana oi hendi nitu'ra lao mia au ao ngga rala nisi'i fafi'ra reu." ²¹basama, atahori naa lao bali' de ana neu dui bengga neu basa atahori mana sia Dekapolis soa no Lamatua Yesus tao nahahai eni boema Ana oi hendi nitu'ra lao' mia eni ao na nisi'i fafi'ra de basa atahori mana rena ra nggengger.Yairus Ana'na Mate Ena Te Lamatua Yesus Nema De Ana Fe'ne Fala Bali' Boema Ina Esa Namahedi Mbo'a-Mbo'a Raa' Te Ana Hai' ²²Pas Lamatua Yesus ro ofa'a risi'i dano seri reu, te atahori nae kumbu rahani sia dano a su'na. ²³boema atahori esa nara na Yairus, eni naa malangga ume huhule-oo'e. ana mete nita Yesus losa, ma ana nema de ana sende' lulangga na neu Yesus mata Na. ²⁴de, ana hule tebe-tebe neu Yesus nae, "au ana feto ngga fe'e ana'ka, te ana namahedi nae'a mate. au hule neu Nggo uma nggama lima'Ma neu'e fo ana hai." ²⁵Yesus rena nala ma Ana tungga no Yairus. de atahori nae' mana mia nara boe o' bue-bue tungga Yesus se dea nara. ²⁶sia atahori mana bue-bue naa talada nara hambu ina'k esa hambu fula na te nda nate'esa too sanahulu rua ena. ²⁷ana nabasa hendi eni hata-eto nara bae neu'a atahori mana namodo hedis naa te ana nda hai'sa, hu hedis'a na'anae selu fai. ²⁸ina'a rena atahori dui-dui Yesus nara Na, ma ana nema tungga Yesus dea'Na sia atahori nae' talada nara de ana nggama neu Yesus badu'Na. ²⁹sia ina'a dudu'a na nae, "sadi'a au hambu kois dai badu'Na mbei'a o, au hai." ³⁰ana fe'e nggama dai Yesus badu'Na boe' raa'a naloe de ana o' meda oi eni hedi na hai ena. ³¹Yesus boe meda koasa kalua dea neu lao' mia ao'Na rala. boema Ana heo' dea nue de Ana mete mbali atahori nae' mana tungga se, de Ana natane nae, "sekamana kois dai Au badu Ngga?" ³²basama Yesus ana nanori nara ra'ta rae, "Hoo mete mbali atahori nae' ona' ia'ka ara rakasesetik ro Nggo na Hoo mutane mae, 'se'ka yang mana nggama Au?" ³³Te, Yesus rereo' fo Ana mete se'ka yang mana nggama Eni. ³⁴ina'ka rena Yesus natane ma ana namatau naseli' losa ana dere'. boema ana nema sende'lulangga na neu Yesus mata Na de ana na'ta nae, au hule fo fee ambon au, te au yang nggama Lamatua badu Na. ³⁵basama Yesus nafade mbali ina'ka nae, "ina'e, hoo nemehere'ma yang fee nggo hai. bali' ume'ma mo rala nemeho'ot boema soda'mole' soa neu nggo." ³⁶Ana fe'e ola-olah na'o naa boe, atahori ruma lao'mia malangga ume huhule o'e a ume na rema de ara rafade rae, "hoo ana'ma mate ena. saa de hoo fe'e muhani Meser'a?" ³⁷te hu, Yesus nda nau rena sa'ka yang sira rafade nara na'sa boe, de Ana ola' mbali malangga ume huhule oo'e a nae, "afi' mumutau, aka'a hoo mumuhere'a." ³⁸de Yesus nda nau esa tungga Eni neu sa boe, aka'a Petrus, no Yakobus, boema Yakobus odi'na Yohanes. ³⁹ara losa malangga ume huhule oo'e a ume'na, te ara rita basa atahori mana sia nara nggae ei-ie ena. ⁴⁰basama, Yesus nakando rala neu, de Ana natane mbali'se nae, "saa de basa hei nggae? ana'ka ia nda mate sa, te hu mana sunggu'u." ⁴¹hu basa atahori mana sia nara mali Yesus. boema Ana denu basa atahori'ra dea reu, Ana no'e nala aka'a ana'ka papa'na no mama'na rala reu. ⁴²basama, Yesus to'u nala ana'ka lima'na de Ana ola' nae, "Talita kum!" naa oi, "ina ana', Au ufade mbali nggo, fela leon!" ⁴³nggengger ma ana'ka fela nambari' de ana eo-eo, ana'ka naa to sanahulu rua ena, boema basa

atahori mana sia nara rita ma ara nggengger. ⁴³de Yesus ira ana'ka ama-ina nara nae ama afi mifade esa boe mae Au tao ta'o ia'sa boe, boema Ana denu'se fee ana'ka naa-ninu.

Chapter 6Atahori Nda Simbo' Yesus Sia Nusak Fua Funi' Na Sa

¹Basa ma, Yesus lao losa bali'i kambo'Na Nazaret neu no basa Eni ana nanori nara tungga'E. ²pas no sira fai huhule-oo'e na boe, Yesus nisi ume nggare'i' rala de Ana nanori. fai'na atahori nae' reu nggare'i de ara rena Yesus nanori'Na ma ara nggenger, basama esa natatane mbali esa rae, "Atahori ia hambu mahine' lao mia be'ka nema? boema Ana hambu Koasa ona' ia lao mia be nema? ³Eni ama'Na tukan hau, no ina'Na Maria, boema odi'Na Yakobus no Yoses, ma Yudas boema Simon to? te nda-sala'sa na Eni fetu nara sia ia ro hita boe?" de basama, ara ramanasa de ara mbu'E. ⁴basama, Yesus nafade mbali'se nae, "sia be-be mesane'o atahori fee hadat neu Lamatua A'te dedenu'Na, te hu sia kambo'Na, naa atahori nda fee hadat neu'e saa." ⁵de boema Yesus nda hambu tao nala saa mia mamana' naa, ona'o Ana nggama lima'Na neu atahori hira mana mamahedi'ri de ara hai. ⁶te atahori naa'ra rala manggate nara seli de ara nda nau ramahere Yesus nanaori'Na saa, de basama Yesus lao nakando nisi kambo-kambo deka sia naa de Ana nanori. Yesus Denu Ana Nanori Nara ⁷basama, Yesus no'e nala Eni ana nanori ka sana hulu rua' nara de Ana fee se Koasa soa neu Dula-dale de'ulaka'ra. ⁸boema Ana nafade mbali'se nae hei lao naa ama nda bole mendi sa'sa sia dala sa boe, hei mendi aka'a teteas, ama afi' mendi kokis, doo tondos, boema doi' sia hei bobori mara rala, ⁹hu hei pake lao-pe'i' te hu afi' hei pake mendi badu rua. ¹⁰boema, Yesus nafade mbali'se fai nae, "hei losa, fo hei misi' ume be'ka, naa ama leo mii hani naa losa hei lao hela mamana naa. ¹¹boema, hei misi' mamana esa fo ara nda nau simbo hei'sa, naa pas hei lao, na ama nggafur hendi'i afu'a lao mia hei eii mara fo ara mete rita." ¹²naa fo, ara boe'o reu na ara ola-ola' mbali atahori laen fo ara boe'o tobat. ¹³de, Lamatua Yesus ana nanori nara lao, de ara reu oi Dula-dale de'ulaka mia atahori nae' boema ara loloa atahori mamahedi'ra rendi' mina no ara nggama lima nara reu atahori mamahedi' naa ara hai. Manek Herodes Rena Lamatua Yesus Nara'Na ¹⁴basama, Manek Herodes'a rena Lamatua Yesus nara'Na atahori dui-bengga'E, boema ana rena atahori ola-ola' rae, "Yohanes mana sarani'a ana mori bali' ena". ¹⁵boema atahori ruma fai rafade rae, "naa Elia." hu ruma fai rafade rae, "naa Nabi, ona'a Ama Lamatua A'te dedenu'Na esa". ¹⁶te hu, Manek Herodes'a rena nala, ma ana nafade nae, "Ia Yohanes, au tati u'etu langga'Na, te hu ana mori bali' fai!" Manek Herodes'a Mbau Nisa Yohanes Mana Sarani' ¹⁷mema'a Herodes yang denu atahori fo ara humu rendi Yohanes mana sarani'a, fo pa'a e boema ara tao'E bui rala neu, ana tungga'a eni sao'na Herodias hihi' na. ¹⁸Yohanes mana sarani'a nafade nita lao hara neu Manek Herodes a nae, "hoo nda bole ha'i mala bali', hoo odi'ma sao'na fo tao neu hoo sao'ma sa, ¹⁹hu na'naa, de Herodias nambada no Yohanes mana sarani'a de ana nae mbau nisa'e te hu nda hambu'e sa. ²⁰boema Manek Herodes'a boe'o namatau Yohanes mana sarani'a, te ana bubulu' Yohanes mana sarani'a atahori ndo-tetu'u de Herodes'a nanea'E. de pas Manek Herodes'a rena oi Yohanes mana sarani'a, ma ana ngenger, te hu rala'na ho'o-ho'o. ²¹hu, losa faina pas no Manek Herodes fai bobonggi'na, ma ana tao fefetas no basa monae nusak'ra, no serdadu-serdadu nara boema basa malangga-malangga sia nusa galilea'ra. ²²de basama Herodias ana'na ina esa nema de ana lendo, de ana tao Manek Herodes no basa malangga'ra rala nara ramaho'o. basama, Manek'a natane mbali ina ana'a nae, "hoo mae mo'e a saa' sia fai ia'o, Au fee basa'e neti nggo." ²³basama, Manek Herodes'a fulii neu'e nae, "sa'ka yang hoo mae mo'e sia Au'e, naa Au ae fee neti nggo, mae hoo mo'e Nusak ia seseri'na oo Au fee neti nggo." ²⁴boema, ina ana'a lao bali nisi'i ina'na Herodias de ana natane mbali ina'na nae, "Au o'e saa sia Manek'a?" ma ina'na na'ta nae, "mo'e a Yohanes mana sarani'a langga'na." ²⁵ana rena nala ma, ana nela' bali nisi'i Manek'a de ana no'e mbali'e nae, "au ae o'e, Hoo fee au Yohanes mana sarai'a langga'na tao'e nisi'i rarali'a rala." ²⁶hu na'naa, Manek'a rala'na mera', te hu ana fuli ena neu ina ana'a boema atahori mana sia nara rena rala ena, de ana nda tao nala saa sa boe. ²⁷basama, Manek'a parenda algojo esa nisi'i Yohanes mana sarani'a bui'na, fo ana tati nendi Yohanes mana sarani'a langga'na nema. ²⁸basama, algojo'a bali' nema nendi Yohanes mana sarani'a langga'na nema tao neu rarali'a rala de ana fee neu ina ana'a de basama ana fee neu ina'na Herodias. ²⁹de basama, Yohanes mana sarani'a ana nanori nara rena, ma ara rema de ha'i rendi Yohanes mana sarani'a ao sisi'na de ara reu ra'oi e. Lamatua Yesus Nahao Atahori Rifon Lima lena ³⁰Basama, Lamatua a'te dedeunu nara basa'se kumbu ro Yesus de ara rafade mbali Yesus sa'ka yang sira tao boema sa'ka yang sira ranori neu atahori'ra. ³¹boema, Lamatua Yesus ola' mbali'se nae, "ima fo ata lao tisi'i mamana ma'afuni' fo ata hahae tala ao tara mbei dei." te, atahori nae' aka'a rema boema ruma lao bali'i, de mae ara rae raa-rinu boe'oo, ara nda raa-rinu rala'sa. ³²de, Lamatua Yesus no basa ana nanori nara sae ofa'a de ara lao risi'i mamana ma'afuni' ³³te hu, atahori nae'e mete rita ma ara rahine'se. de atahori nae'e rela' tungga'se tungga-tungga'a retan'a de ara losa ra'ahulu'u Lamatua Yesus no ana nanori nara. ³⁴pas Lamatua Yesus onda mia ofa'a ata ena, te Ana mete nita atahori nae' sia retan ata, boema Yesus rala'Na mera' mete mbali'se naa ara ona'a bibi lombo yang nda ma'ena mana tada'sa. de basama Lamatua Yesus nanori hal nae' neu'se. ³⁵losa relo'a nae tena, ma Lamatua Yesus ana nanori nara rema rafade mbali'E rae, "mamana ia ma'afuni'i boema fai'a ma'ahatu ena. ³⁶de denu atahori nae' iara lao risi'i kambo-kambo titia iara fo ara hasa na'na-nininu'u sia naa." ³⁷te hu Lamatua Yesus na'ta nae, "hei

yang mihao'se." boema, ara ola' mbali Yesus rae, "fee hai lao mi hasa nanat' sia be feli'na 200 dinar fo fee atahori nae' iara raa-rinu ?" ³⁸ma Yesus ola' mbali'se nae, "hei hela roti hira sia naa?mi ha'i mendi'se rema!"de ara reu sangga, ma ara hambu mia anak diki'i esa aka'a "roti poto'o lima no u'u poto'o rua." ³⁹boema, Lamatua Yesus parenda basa atahori nae nara fo ara endo rakukumbu risi'i moo ata. ⁴⁰atahori nae' nara endo rakukumbu, de ruma kumbu nara atahori natun esa, boema ruma kumbu nara atahori lima nulu. ⁴¹basa naa, ma Yesus ha'i nala roti ka lima'ra de Ana boti'i langga'Na lalai ata neu, Ana no'e makasih basama Ana bibinggi roti'ra, de Ana soro neu Eni ana nanori nara fo ara rahao neu basa atahori mana sia nara. u'u ka rua'ra o Ana babanggi neu basa atahori mana sia nara boe. ⁴²de, basa atahori mana sia na'ra raa-rinu ra'abeta. ⁴³basa naa, ma ara kumbu-kumbu bali'i nana sisa'ra, de ara kumbu rala bali'i sofe boa sanahulu rua. ⁴⁴atahori nae' nara basa'se aka'a tou'ra o rifon lima. Lamatua Yesus Lao Sia Tasi'a Ata ⁴⁵basama, Lamatua Yesus parenda ana nanori nara fo ara sae ofa ra'ahulu risi'i kambo' Betsaida reu, boema Ana denu atahori mana sia nara lao bali'i ume nara reu. ⁴⁶Ana denu nala'se, ma Ana hene nisi'i lete' ata, de Ana neu hule-o'e. ⁴⁷pas manggaua, ma ofa'a lao neu sia tasi'a taladana ena, te Lamatua Yesus hela'a mesa'Ne sia lete' ata. ⁴⁸boema, mete'te Ana nita anin monae'a tao nala ana nanori nara rae'a mate, nda sala'sa na li'i haa ena, basama Lamatua Yesus lao tungga oe' ata' neu se'u'se mia tasi'a taladana, losa'se ma Ana lao nakando nisi'i ofa'a mata na. ⁴⁹te hu, pas ara mete rita Yesus lao'o sia tasi'a ata, ma ara rae ne'o fe'Ne nitu, de ara nggasi-ki ramatau, ⁵⁰basa'se mete rita Lamatua Yesus de ara ramatau. hu, Lamatua Yesus ola' mbali'se nae, "ama ne-ne. ama afi'i mimitau te ia Au." ⁵¹basama, Ana hene nisi'i ofa ata neu, boema anina o hai, de basa'se nggengger. ⁵²hu na'naa, basa'se nda fe'e du'a rala mujizat yang Lamatua Yesus nahao atahori ka rifon lima'ra sa. Lamatua Yesus Fee Atahori Nae Hai Lao Mia Sira Hedi-Raus Nara ⁵³de, Basama Lamatua Yesus no ana nanori nara losa mamana esa nara na Genesaret ma ofa'a see mia naa. ⁵⁴pas ara fe'e onda mia ofa'a ata ena, te atahori nae' mete rita ma ara rahine Yesus, ⁵⁵de ara rela tungga-tungga ume fo ara lu'a rendi basa mana mamahedi'ra rema risi'i Yesus. ⁵⁶mae Lamatua Yesus nisi'i desa-desa be'ka mesan do kota-kota, do oko'na nusak-nusak titia'ra bee, naa te ara rasmusunggu atahori mamahedi'ra si'a rae loa'a, fo ara du'a rea sadi'a sira kois dai'a Yesus badu tonggo'Na mbei'aoo sira hai.

Chapter 7Ama Lamatualain'a To Lane'Na No Hadat-dala Raefafo

¹de, basa atahori-atahori Farisi'ra rakukumbu rala de ara rema ro mana to'u to lane raefafo'ra sia Yerusalem ara rema randa ro Yesus.²de, ara mete rita Yesus ana nanori nara raa-rinu roti te ara nda safe lolou lima nara'sa. ³hu na'naa, atahori-atahori Farisi'ra ro atahori Yahudi nara, nda nau raa-rinu sa-sa boe rendi'i sira lima mangegeo nara. naa ara to'u rahere' sira hadat nara lao mia sira bei-ba'i ma'ahulu nara rema. ⁴boema, kalu atahori-atahori Yahudi'ra bali'i rema lao' mia mamana ma'abubue'a, naa ara nda bole raa-rinu sa boe, hela ara sasafe lolou rala basa sira ei-lima nara dei. boema ara safe hura-ro'a, pingga, nggalas, ceret, basa'se musi safe-lolou'se tungga sira hadat-dala nara. ⁵basama, atahori-atahori Farisi'ra ro mana to'u to lane raefafo'ra ratane mbali Yesus rae, "saa de Hoo ana nanori mara nda tungga' hadat-dala mia bei-ba'i ra rema sa, te hu ara raa-rinu roti rendi'i sira lima manggenggeo nara?"⁶de Yesus nafade mbali'se nae, "mema' tebe Yesaya nafade hela nae hei iara atahori mana leleko'ro, ona'a nene sura' hela nae: atahori iara fee hadat neu Au si'a sira bafa nara, te hu rala nara ra'adodo ro Au.⁷sira koa-kia Au nara Ngga parsuma'te na'nara ranori atahori fo ara to'u rahere' parenda' lao mia atahori raefafo'a nema.' Yesaya 29:13⁸te ara nda nenene Ama Lamatualain parenda'Na, hei to'u mihere' hadat-dala raefafo'a." ⁹boema, Yesus nafade'se boe nae, "no hei mihine'e fo nda nau simbo' Ama Lamatualain parenda'Na sa de hei to'u mihere' hadat-dala raefafo'a. ¹⁰hu na'naa, Musa nafade nae, 'fee hadat neu hei ina'ma no ama'ma', boema 'se'ka mesane yang ana sumba-so ina'na do ama'na, naa huku-doki'e losa ana mate.¹¹te hu, hei mifade mae kalu atahori esa ola' neu ina'na do ama'na nae, 'hoo mae hambu saa lao mia au nema aka'a au fee korban,' ¹²boema hei nda sudi fee ijin neu'e tao meulau saa boe soa neu ina'na no ama'na, ¹³no naa fo hei mae hei nggarei ta-ta'ao hei tungga'a hei hadat-dala raefafo'ma hihi-nanau'na eni'a mia hei bei-ba'i mara rema. fo hei boeo tao tungga ona'a naa'ka boe."¹⁴basama, Lamatua Yesus no'e basa atahori'ra de Ana ola' mbali'se nae, "basa nggi rena mata lolole Au fo hei mihine. ¹⁵metema hei mia nana-nininu saa fo losa tei'ma rala te ana nda dea bali'sa naa basa naa meulau soa neu ao'ma, te hu metema hei mia-minu fo basana ana dea neu bali'i lao mia tei'na rala naa fo nda meulau'sa soa neu hei ao'ma." ¹⁶"kalu se'ka ma'ena' ndiki naa ana rena nala ia!"¹⁷basama, pas Yesus lao ume rala neu de lao hela basa atahori'ra, ma Yesus ana nanori nara ratane bali'E. ¹⁸de Ana nafade'se nae, "ia te hei boe nda mihine' sa boe? te hei nda bubulu saa mesan yang mia dea nema nala atahori tei'na rala, naa nda tao na'ngngggeo atahori'na saa? ¹⁹te, naa rala neu o nda losa nisi'i ate'na rala'sa, te hu losa aka'a ambu'na rala, basana ana dea neu sia kakus'a rala." (ona'a na'ka naa, Lamatua Yesus nafade oi basa nana-nininu'ra basa'se meulau'ru.)²⁰Boema Ana nafade nae, "sa'ka yang ana dea neu lao mia atahori ao'na, naa fo manggenggeo'. ²¹hu naa, basa dudu'a de'ulaka'ra rema lao' mia atahori rala nara, dudu'a de'ulaka' hohongge, nemena'o, tati-mbau atahori, ²²dale-lole', ola' na'tutuda atahori, tipu-laka, langga fatu, ko'ao, boema nda mana mahine hadat'sa. ²³basa de'ulaka' nara dea rema lao mia atahori rala nara. boema naa tao nalutu'se." Nemehere' Lao Mia Ina Esa Mia Siro-Fenisa Nema²⁴lao mia mamana' naa, ma Yesus fela de Ana lao nisi'i mamana esa sia Tirus no Sidon. de, Ana nisi'i ume esa rala te nda nau atahori rita Eni'sa, te hu atahori mete rita'E. ²⁵basama atahori bubulu' Lamatua Yesus sia naa, ma ina esa ana fetona esa namahedi dula-dale de'ulaka sofe sia ao'na rala, ina nema de ana sende' lulangga'na nisi'i Yesus ei'Na.²⁶ina naa lao mia Yunani nema, bonggi'e mia Siro-Fenisia. Ana nema hule mbali Yesus fo oi hendi'i nitu'a lao mia ana fetona ao'na rala.²⁷basama, Lamatua Yesus nggari dedeat nae, "hela'e fo ana diki'ra raa-rinu ra'abebeta dei. te, nda meulau'sa hita ha'i tala roti yang ana diki'ra ena nara fo hita tu'u fenu busa-fafi'ra." ²⁸te hu, ina'a na'ta nae, "tebe, papa Lamatua, hu, busa'ra leo-lao sia mei'a rae'na de ara raa-rinu ana diki'ra nana-nininu mana tuda sia mei'a rae'na boe."²⁹lamatua Yesus rena nala ta'o naa, ma Ana nafade mbali ina'a nae, "hoo ola' naa tebe, de bali' ume'ma leo!. te nitu'a nela hela hoo ana fetoma ena."³⁰basama, ina'a lao bali' uma'na, de neu te ana fetona mana sunggu' sia susunggut ata, boema nitu'a nela hela'e ena. Atahori Mbake'a Hai³¹basama, Lamatua Yesus lao hela mamana Tirus de Ana lao tungga Sidon nakando dano Galilea neu, nisi'i mamana esa nara'na Dekapolis.³²boema, ara ro atahori mbake esa yang ana nda ola' nala'sa boe. ara hule neu Yesus fo Ana nggama lima'Na neu'e.³³basama, Lamatua Yesus no'e nendi'e lao hela atahori nae'ra. de Ana mbau lima u'u'Na nisi'i ndiki ndola'na rala neu, boema Ana miru, de Ana to'u nala maa'na.³⁴basama, Yesus boti'i langga'Na ata neu, Ana hae naru' de Ana ola' nae, "Efata!", naa oi "Tabuka leon!"³⁵Ana ola' basa boe, ma atahori naa ndiki'na tabuka, ma maa bara'ai na boe banggana'u, de ana ola-ola'.³⁶basama, Yesus no bali'e nisi'i atahori nae'ra mata nara, de Yesus ai'se nae, hei afi'i mifade atahori mae Au uhai' atahori ia'sa, te hu, Ana ai' nala'se te ara reu dui-bengga basa atahori'ra. ³⁷basa'se tebe-tebe ngngger de ara ola' rae, "Ana tao nala basa iara meulau'. Ana boe'o fee atahori mbake'a rena boema ana ola-ola' nala boe."

Chapter 8Lamatua Yesus Nahao Atahori Rifon Haa Lena' Nendi'i Roti Poto'o Hitu

¹Lao esa, ma atahori nae' rema ra'abubue, fo rena Yesus nanori'Na, basama Yesus no'e nala ana nanori nara de Ana ola' mbali'se nae, ²"Au mete mbali atahori iara naa Au kasian'se, te fai ia na, fai ka telu'na ena ara tungga ro hita, te hita nda ma'ena' sasa'sa boe fo fee'se raa-rinu. ³boema, kalu Au denu bali'se lao bali' ume nara no tei rou', naa ne'oke ruma ra'aloli si'a dala' dalada'na, te sira ruma ume nara seku sia dodo naa." ⁴de, Yesus ana nanori nara ra'ta rae, "mamana' ia na'adodo no kambo'a de hita teu ha'i roti sia be fo fee atahori nae' iara raa-rinu ra'abeta?" ⁵boema, Lamatua Yesus natane'se nae, "hei hela roti hira sia naa?" ma ara ra'ta rae, "hai hela' a'ka'a roti poto'o hitu." ⁶basama, Yesus denu atahori nae' nara fo ara endo' risi'i rae'a ata, de Ana ha'i nala roti ka hitu' naa'ra, de Ana no'e makasih basama Ana bibinggi' roti'ra, de Ana loo neu ana nanori nara fo ara babanggi neu atahori nae' nara. ⁷boema Yesus ana nanori nara boe'o ra'ena' u'u ana' mbei. de Yesus no'e makasih neu Ama'Na, basama Ana denu ana nanori nara babanggi u'u nara reu atahori'ra. ⁸de atahori nae' nara raa-rinu losa ara ra'abeta, basama Yesus ana nanori nara raduduru rala bali'i nana sisa'ra de sofe boa monae' hitu. ⁹atahori mana tungga raa-rinu' nara nda salah'sa na rifon haa lena'. basama Lamatua Yesus denu'se lao bali' ume nara reu. ¹⁰basa'se lao hendi' ma Lamatua Yesus no ana nanori nara sae ofa' de ara lao risi'i nusak esa nara'na Dalmanatu. Ara Ro'e Lamatua Yesus Natudu Tanda Esa Lao Mia Lalai'a Nema ¹¹Yesus'se losa Dalmanatu, ma atahori Farisi'ra ba'ube rema randa ro Yesus, de ara rareresi ro'E fo rae ratutuda Yesus. ara ro'e fee'Ne natudu tanda koasa mia surga nema. ¹²Yesus lea hahae'Na naru', basama Ana ola' nae, "saa de neu titinonosi' ia dei'de ara ro'e fee sira tanda? Au ufade neti nggi tebe-tebe, te nda hambu tatanda esa yang Au ae utudu neti titinonosi' iara sa." ¹³basama, Yesus fela de Ana lao hela basa'se, Ana hene' bali' ofa' ata neu de ara lao tasi seri' reu. Yesus Nafade Nae Besa-Besa Mo Atahori Farisi'ra Ro Herodes Nana-Nininu Nara ¹⁴Yesus'se losa tasi'a talada'na, dei de ana nanori nara rasaneda oi sira lili' rendi roti, ara oi sira rendi a'ka'a roti poto' esa sia ofa' ata. ¹⁵boema, Yesus fee nasanedat neu'se nae, "hei musi besa-besa! afi' losa manek Herodes no atahori Farisi fee hei sira nana-nininu nara." ¹⁶boema ana nanori nara esa ola-ola' mbali esa rae ta'obe de hita lili' hela roti'ra??, Ana na'o naa mbali hita. ¹⁷te, basama Ana bubulu' ara ola-ola', ma Yesus natane mbali'se nae, "saa de hei dudu'a mara si'a aka'a nanat, mae saa de hei nda mendi roti'sa?, hei nda fe'e mihine' Au dudu'a Nga'sa doo? hei uta mara tao si'a saa?" ¹⁸ta'o be de hei mi'ena' mata', te hei nda mita'sa?, boema saa de hei mi'ena' ndiki'i, te hu hei nda rena'sa? hei lili' hendi' ena, ¹⁹faina Au bibinggi roti poto' ka lima'ra de nehao neu atahori rifon lima raa-rinu losa ara ra'abeta, ona'o basama hei miduduru bali' bibia nara de sofe boa hira?" boema ara ra'ta rae "boa sanahulu rua." ²⁰basama, Yesus natane selu'se fai nae, "hei fe'e misineda fai do hoko'?, Au bibinggi roti ka hitu'ra de nahao neu atahori rifon ka haa'ra, basama hei miduduru bali' bibia nara de hei kumbu mala boa hira?" ma ara ra'ta rae, "boa hitu." ²¹basama, Ana ola' mbali'se nae, "ona' na'ke'o hei nda fe'e mihine' saa boe?" Lamatua Yesus Nahai' Atahori Poke' Mia Betsaida ²²basama, Lamatua Yesus no ana nanori nara losa kambo Betsaida. boema, atahori rema ro atahori poke' ra risi'i Yesus de ara ro'e fo Ana nggama lina'Na neu'se. ²³Yesus to'u nala atahori poke'ra lima nara de Ana no'se risi' kambo dea' neu. basama, Yesus pupu miru neu atahori poke'a mata'na boema nggama neu'e. ma Ana natane mbali'e nae, "hoo mete mita saa boe?" ²⁴basama, atahori naa boti' mata'na ata' neu de ana ola' nae, "au mete ita atahori'ra, te hu ara ona' hau huu'ra mananela-nela." ²⁵basa naa, ma Yesus nggama selu' lina'Na neu atahir naa mata'na, ma atahori poke'a na'alala' mata'na, ma ana nita basa'e manggarelo' neu esa. ²⁶de Lamatua Yesus denu bali'e ume'na, hu fee neseneda' neu nae, "bali' tungga dala' fea, afi heo' misi' Betsaida mu!". Lamatua Yesus Naa Kristus ²⁷basa naa ma, Yesus no ana nanori nara lao' rereo' kambo-kambo mana sia Kaisarea Filipi. de, losa dala'a taladana, ma Yesus natane mbali ana nanori nara nae, "atahori'ra ola-ola' rae fee Au ia se'ka?" ²⁸ma ara ra'ta rae, "atahori ruma ola' rae 'Yohanes mana sarani', ruma fai rae 'Elia', boema ruma rae esa lao' mia Ama Lamatualain a'te dedenu'Na." ²⁹basama, Yesus natane mbali'se fai nae, "hu, hei fai mae fee Au ia se'ka?" Petrus na'ta nae, "Hoo ia Kristus, yang Ama Lamatualain denu Nggo onda raefafo ia uma." ³⁰boema, Yesus na'angge'se nae nda bole dui neu esa boe. Lamatua Yesus Nafade Doidoso'Na No Eni Mamate'Na ³¹basama, Yesus nanori Eni ana nanori nara nae, "Ama Lamatualain Ana'Na losa faina, te Ana doidoso boema lasi adat'ra, ro malangga-malangga nggare'i'ra, boema mana to'u too lane raefafo'ra, hala risa'E, te hu fai ka teluna te Ana mori bali'. ³²Yesus nafade relo-relo ta'o naaneu basa atahori'ra, te hu Petrus lea nala Yesus nesi' eni boboa'na de ana ai'E. ³³hu Yesus heo' dea'na de Ana mbali ana nanori nara, boema Ana ai Petrus nae, "dinggo' naa, hoo ia nitu! hu na'naa, hoo nda muhine' Ama Lamatualain dudua'na sa, te hu hoo dudua'ma a'ka sia raefafo ia nanalana." ³⁴basa naa ma, Yesus no'e nala basa atahori nae' mana sia nara, boema ana nanori nara mata rema de Ana nafade mbali'se nae, "kalu se'ka nae tungga Au, ana musi lili' hendi' basa eni hihi nanau nara, fo ana musii lemba hau nggangge'a tungga Au. ³⁵hu na'naa, seka mesan yang nae du'a a eni masoda'na, naa eni masoda'na boe mopo'e. hu, se'ka yang mopo hendi eni masoda'na sao neu Au, naa Lamatua hara-lli'Na boe'o fee masoda neu'e. ³⁶te, mae hoo hambu basa raefafo ia isi

oena oo, te mopo' hendi' hoo masoda'ma, naa hoo fe'e mae hambu saa fai? ³⁷te hoo mae hasa ao samana' mendi' saa?³⁸hu na'naa, se'ka mesan yang ana mae dui-bengga Au nara Nggga no Au Hara-lii Ngga sia tititi'nonosi nda mana rena'ra iara, naa Ama Lamatua Ana'Na o, Ana mae nae Eni nahine'se boe, pas Ana onda no sia Eni serdadu lalai nara rema sai mandela masa'a Na rala."

Chapter 9

¹basama, Lamatua Yesus nafade mbali'se nae, "Au ufade netin nggi tebe-tebe', te atahori hira yang rambari' ra'abue ro hita sia ia, ara nda mate'sa losa sira mete rita Ama Lamatualain Nusak'Na nema no koasa."Lamatua Yesus No Musa Ma Elia Sofe' No'a Mandela Masa'a Mia Lete' Ata²Basa hendi' fai ka nee'a, ma Yesus no'e nendi Petrus, Yakobus no Yohanes, de Ana no'se hene risi' lete'a tonggo'na. losa ata ma Yesus uba' ao'Na dadi laen mia sira telu'se mata nara. ³de, badu'Na dadi muti makandedelak'. nda hambu saa sia raefafo ia mutina ona' naa sa. ⁴aiboi', ma ara mete te rita Musa no Elia ola-ola' ro Lamatua Yesus sia sira mata nara. ⁵basama, Petrus ola' mbali Lamatua Yesus nae, "Meser, mamana ia malole', de nau naa hai tao tenda telu neu ia fo fee esa neu Nggo, boema esa fee neu Musa, ma esa fee neu Elia." ⁶hu naa, Petrus ola' ta'o naa, te basa telu'se ramatau rasili'.⁷basa naa ma, lelee'a onda nema, de tatana nala basa'se boema rena hara' esa nema lao' mia lalai ata' nema nae, "Ia'ia Au ana susue Ngga. de rena matalolole neu'E"⁸Petrus'se rena rala hara' naa, ma ara mete sira boboa nara te nda sudi rita sa'sa sa boe, ara rita aka'a Yesus sia sira mata nara.⁹basa naa, ma Yesus no ana nanori nara onda bali' mia lete ata' nema, ma Yesus ai'se nae, 'hei nda bole mifade atahori sa, sa'ka yang hei fe'edo miata fa'ra, losa Ama Lamatua Ana'Na musi mate dei'fo Ana mori bali' sia fai ka telu'na.' ¹⁰hu naa, ara to'u rahere' Yesus hehelu-fufuli'Na de ara nda rafade atahori esa sa'boe, hu ara ratatane sia sira rala nara, saa de Ana ola' na'o naa?¹¹boema, ara ratane mbali Yesus rae, "saa de mana to'u toolane raefafo'ra ola' rea Elia musi nema na'ahulu?"¹²ma Yesus na'ta neu'se nae, "mema' tebe, Elia musi nema na'ahulu' fo ana tao natetu basa dala'ra dei. boema, ta'o be de nenesura' nae, Ama Lamatualain Ana'Na musi hambu sususa-sosona' boema ara ra'a'eei'E?" ¹³hu, Au ufade neti nggi te Elia mema' ana nema ena, te hu ara tao ra'asususa'e, ara nau'a tungga no sira hihi nara, sama ona' nenesura' basa ena eni mia doo na nema."Yesus Ana Nanori Nara Nda Bole' Atahori Esa Yang Dula-Dale De'ulaka' To'u 'a¹⁴Lamatua Yesus no Petrus, Yakobus ma Yohanes bali' reu se'u nono nara, te ara mete rita atahori nae rakarurumbusia sira nono nara, de mana to'u toolane raefafo'ra rareresi ro'se.¹⁵de, atahori mana ma'abubue' nae nara mete rita Yesus nema, boema ara nggengger de ara rela' rema soru Yesus.¹⁶boema, Lamatua Yesus natane'se nae, "hei mireresi saa mo mana to'u toolane raefafo' nara?"¹⁷te atahori esa nema de ana nafade nae, "Meser, au oo ana mone ngga nema nisi Nggo, te dula-dale de'ulaka' to'u'e, de ana nda ola-ola'nala'sa. ¹⁸mete ma nitu'a maso' neu rala'na, naa ana rupa mbe'mbesi'e ao'na neu rae'a fo bafa'na lua' fufure, boema ana dali' nggio-nggio nisi nara, no ao'na o bara'ai ona'a hau e'etu'. au o'e neu Hoo ana nanori mara fo ara oi dula-dale deulaka' ia te hu ara nda bole'sa."¹⁹rena nala, ma Yesus namanasa' de Ana bua'se nae, "he, hei iara nda ma'ena' nemehere'sa! Au musi oo hei losa fai hira' fai? Au fee tembo neu hei losa bee fai? mendi ana'k naa nisi'ia nema!"²⁰boema, ara ro ana'ka nema nisi' Yesus. de, pas dula-dale de'ulaka' mete nita Yesus, ma ana mbe'mbesi' ana'ka neu rae'a de ana lengga-lololi boema fufure'a dea neu tungga bafa'na. ²¹basama, Lamatua Yesus natane mbali ana'ka ama'na nae, "hoo ana'ma ia manahedi eni bess?" ma ana ama'na na'ta nae, "au ana ngga manahedi eni mia a'ana'na. ²²de, dula-dale de'ulaka' ia ana tao hendi' ana ngga ia bali-bali' ai rala neu, no ana na'atetena'e oe rala neu boe. de hu au hule neu Nggo fo sue'lai mala hai dei, fee ana ngga hai!"²³ma Yesus ola' mbali'e nae, "kalu hoo nau? te saa mesan dadi soa neu basa atahori yang mana namehera'ra."²⁴basam naa, ana'ka ama'na nggae de ana ola' nae, "au umuhere'! de fee manggate' neu au umuhere ngga!"²⁵Lamatua Yesus mete nita atahori nae rela' rema rakarurumbu', ma Yesus bua' dula-dale de'ulaka' naa de Ana ola' nae, "hoo dula-dale poke, mbake', Au parenda nggo dea'mu lao' mia ana'ka ai rala boema afi' sudi maso' misi' ana'k ia rala fai!"²⁶nitu'a rena Yesus ola' na'o naa, ma ana nggasi-ki nahere' de ana rupa mbe'mbesi' ana'ka neu rae'a, basama dula-dale de'ulaka' nela dea neu. ma ana'ka ona'a atahori mates de atahori mana sia nara ola' rae, "ana'ka mate ena!"²⁷te hu, Lamatua Yesus to'u nala lima'na de nafefela'e, fene fela nambari. ²⁸basama, pas Lamatua Yesus lao nisi' ume rala neu, ma ana nanori nara ratane mbali'E mesan'E rae, "ta'o bee de hai nda bisa oi dula-dale de'ulaka' naa sa?"²⁹boema, Ana nafade mbali'se nae, "dula-dale de'ulaka' ia'ka nda nau dea neu saa, ana namatau aka'a Hule'oo'e neu Ama Lamatualain." Yesus Nafade Selu' Eni Mamate'Na³⁰lao' mia naa, ma Yesus no ana nanori nara lao tungga kambo' Galilea. lele' naa, Ana nda nau atahori bubulu'sa. ³¹te, Ana fe'e nanori Eni Ana nanori nara de Ana nafade mbali'se nae, "nda sudi doo' saa ena, te ara seo Ama Lamatualain Ana'Na neu atahori raefafo' ia, fo ara tati-mbau risa'E. boema, ara tati-mbau risa'E te hu, fai ka telu na te Ana fela bali'." ³²Yesus ola' na'o naa, ma ana nanori nara nda rahine' Eni o'ola'Na sa te ona'o ara ramatau ratane. Lamatua Yesus Ana Nanori Nara Rareresi Rea Se'ka Monae' Lena³³basama, Yesus no ana nanori nara losa Kapernaum. ara risi' ume rala, ma Ana natane mbali'se nae, "faa'ra hei ola-ola' saa mia dala' talada na?" ³⁴te hu, ara ramanene'. te faa'ra mia dala' talada na ara rareresi rae se'ka yang monae' lena sia basa-basa sira. ³⁵basama, Lamatua Yesus no'e nala basa-basa'se, de Ana nanori'se, Ana nafade mbali'se nae, "kalu atahori se'ka nae dadi monae' do dadi neu atahori mana sia mata' naa eni musi dadi neu atahori mana seku sia dea-dea fo eni yang su'u-o'o fee basa atahori'ra."³⁶basa boema, Yesus no'e nala ana diki' esa de Ana fee'ne nambari nisi' sira talada

nara. boema, Ana holu nala ana'ka de Ana ola' mbali'se nae, ³⁷"se'ka mesan yang simbo' ana diki' ona' ia'ka nendi' Au nara Ngga, naa eni'o simbo' Au boe. boema, se'ka yang simbo' Au, naa eni nda a'ka'a simbo' Au saa, te hu ena'o simbo' mana denu Au uma boe."Atahori Yang Oi Nitu Nendi' Lamatua Yesus Nara'Na ³⁸Yohanes ola' mbali Lamatua Yesus nae, "Meser, hai mita atahori oi nitu'ra rendi' Hoo nara'Ma, de hai mi'ingge'se te hai bubulu' sira nda ro hita'sa." ³⁹te hu, Lamatua Yesus nafade nae, "afi' mi'ingge'se te nda hambu atahori esa tao nala' nendi Au nara Ngga, te ana nae tao ma'afo Au nara Ngga. ⁴⁰hu na'naa, mete ma se'ka yang nda laban hita'sa, naa eni boe no hita. ⁴¹misineda matalolole', Au ufade neti nggi, mete ma se'ka mesan' yang fee hei oe nggalas esa te ana nahine' hei mana tungga' Kristus, naa nda lili' eni tatao nono'i na sa boe." Afi' Na'amimina' Mo Sala-kilu ⁴²basa naa ma Lamatua Yesus nafade nae, "se'ka mesan yang nanae'na fo ana'diki esa tao sala-singgo' fo ana nda sudi nau namaher' Au sa, malole' naa eni ha'i nala fatu monae' esa fo pa'a neu boto'na basana tu'u hendi'e nisi' tasi'a taladana rala. ⁴³boema, kalu lima'na be'ka yang nanae'na fo tao sala-kilu', naa tati hendi'e. malole' lena' naa hoo sorga mu mendi'a lima seseri'. afi' losa hoo nau'a lima mara ru'ase te ara nggari hoo misi'i aii neraka mu, ⁴⁴mamana' yang sofe' no'a ula'ra boema aii'na nda mate-mate nita sa. ⁴⁵mete ma, hoo ei ma seri nanaena fo tao sala-kilu', naa tati hendi' ei' naa. malole' lena' hoo sorga mu mendi'a ei seseri', afi' losa hoo nau'aei mara ru'ase te ara nggari hoo misi' neraka rala mu, ⁴⁶mamana yang sofe' no'a ula'ra boema aii'na nda mate-mate nita'sa. ⁴⁷mete ma, hoo mata'ma yang nanaena fo tao sala-singgo', naa edo hendi' mata'm mana tao sala-singgo'a. malole' naa hoo Ama Lamatualain Nusak'Na mendi'a mata seseri'ma, afi' losa hoo nau'a mata mara ru'ase te ara nggari hoo neraka rala mu, ⁴⁸mamana' yang sofe' no'a ula'ra boema aii'na nda mate-mate nita'sa ⁴⁹hu na'naa, basa atahori mana risi' naa reu, ara mamasi'se rendi' aii. ⁵⁰masi' naa meulau', te hu kalu masi'a nda sudi masi'sa ena, naa hita nda sudi tae naa masi'sa ena fo fe'e tae tao neu saa fai?, ama dadi ona'a masi'a sia ao mara rala boe fo ama esa suelai esa."

Chapter 10Atahori Farisi'ra Sangga Dala' Fo Rae Ra'atutuda' Lamatua Yesus No Dala' Masao-Mahela'

¹basama, Yesus lao hela' mamana naa de Ana lao Yudea neu boema loe Yordan seri'na. de, atahori nae' rema heo rala'E fai. de ona' ma'ahulu nara de Ana nanori'se fai. ²basama, atahori Farisi'rao hira rema rae sangga dala' fo ra'atutuda' Yesus de ara ratane rae, "tungga hita too-lane'na, naa tou esa masao te ana bole' mahela' doo hoko?"³ma Yesus na'ta'se nae, "Musa fee parenda neu hei ona' na'ke doo?"⁴ma ara ra'ta rae, "Musa oi fee sao tou esa musi tao susura mahela' na'ahulu' dei fo ana mahela'."⁵te hu, Lamatua Yesus nafade mbali'se nae, "Musa fee parenda' ona' naa, hu naa hei hi'ra langga fatu mara seli. ⁶te hu, eni'a mia ma'ahulu'na nema, 'te Ama Lamatualain na'adadadi' tou' no ina'.⁷naa'de, tou esa ana lao hela ama'na no ina'na. ⁸naa fo ana na'abue no sao'na dadi reu ao sisi' esa.' no naa ru'ase nda sudi dadi reu rua'sa, te hu ru'ase dadi reu ao sisi' esa. ⁹de mete ma, Ama Lamatualain yang na'asaso'se naa afi' losa atahori fee'se mahela'."¹⁰basama, Yesus no ana nanori nara risi' ume rala, ma ara ratane selu' mbali Lamatua Yesus fai. ¹¹de, Ana nafade mbali'se nae, "tou' seka mesan'e yang mahela' no sao'na fo ana sao selu, naa eni hohongge. ¹²boema, kalu ina' seka yang mahela' no eni sao'na fo ana sao selu', naa eni boe hohongge," Lamatua Yesus Fee Ua Nale' Neu Ana Diki'ra¹³basa na, ma atahori'ra rema ro sira ana'ra risi' Lamatua Yesus fo Ana nggama lima'Na neu ana'kara, te hu Yesus ana nanori nara ai'se. ¹⁴hu, pas Yesus mete nita'se, ma Ana namanasa'se de Ana ola' mbali ana nanori nara nae, "hela' neu fo ana diki' nara rema risi' Au, ama afi' mi'ingge te ana diki' ia'ra fo ra'ena Ama Lamatualain Nusak'Na.¹⁵misineda matalolole, te sa'ka yang nae nema nisi' Ama Lamatualain Nusak'Na te nda ona' ana diki' ia'ra saa na, ana nda hambu rala neu sa."¹⁶basa naa, ma Yesus holu nala ana diki' nara, de Ana so'u lima'Na neu langga nara de Ana fee ua nale' neu'se. Atahori Mamasu'i a Nda Nau Tungga No Lamatua Yesus¹⁷de, pas Lamatua Yesus se raote fo rae lao, ma atahori mamasu'i esa nela' nema de ana sende' lulangga'na neu Yesus mata'na boema ana natane nae, "Meser mana sue, sa'ka yang tao fo au u'ena masoda' losa losa'na neu?"¹⁸boema Lamatua Yesus nafade mbali'e nae, "saa de hoo ola' mae Au mana sue? nda hambu atahori esa mana sue' sa boe, aka'a Ama Lamatualain mesa'Ne. ¹⁹hoo bubulu' Ama Lamatualain parenda'Na mia fai ma'ahulu na nema nae, 'afi' hala-mbau atahori, afi' hohongge, afi' mumuna'o, afi' dadi sakasii leleko', afi' leleko', boema fee hadat neu hoo ama'ma no ina'ma."²⁰boema, atahori naa ola' nae, "Meser, au uhine basa parenda' nara eni'a mia au a'ana ngga nema."²¹hu, Lamatua Yesus mete mbali'e ma Ana kasian'e, de Ana nafade mbale'e nae, "tebe, te hu, fe'e hela' dala' esa sia naa hoo nda fe'e tao'sa. bali' ume'ma fo seo hendi' basa-basa' hoo su'i-ota mara, fo babanggi fee neu atahori hata-taa'k ra, basa naa, na bali' uma fo tungga Au. te Ama Lamatualain pala-banggi fee hoo su'i-ota sia sorga ena."²²te hu, atahori mamasu'i a rena nala, ma rala'na nambalulutu, te eni su'i nara nae na seli. de ana lao bali' ume'na no rala'na mera'.²³basama, Lamatua Yesus mete mbali basa atahori mana sia bobo'Na no Eni ana nanori nara de Ana ola' mbali'se nae, "mema' tebe, atahori mamasu'i a sie te susa' fo ana maso' sorga neu!"²⁴ana nanori nara rena ma ara nggenger. hu, Yesus ola' selu' fai nae, "atahori mamasu'i nara susa' fo ara maso' Ama Lamatualain Nusak'Na rala reu!²⁵banda onta monae' esa nae rala neu tungga sosot'a kolo'na oo ana fe'e nala, te hu atahori mamasu'i a nae sorga rala neu, naa ana nda nala'sa."²⁶Yesus ana nanori nara basa'se esa ola' mbali esa rae, "boema, ta'o naa, na se'ka yang bisa hambu masoda?"²⁷Yesus mete mbali'se esa-esa de Ana ola' nae, "mema' atahori nda tao rala'sa, te hu Ama Lamatualain bisa tao basa'e."Tungga Lamatua Yesus Naa Hambu Ua-nale'²⁸basa boema, Petrus ola' mbali Yesus nae, "mita ena, te hai lao hela basa hai sudi'a sa'sa mara de tungga mo Hoo!"²⁹de Yesus nafade nae, "Au ufade neti nggi tebe-tebe', te nda fe'e hambu mita atahori esa yang ana lao hela ume-loo'na, do odi-a'a tou nara no odi-a'a ina nara, ina'na no ama'na do ana nara, do mole-osi nara fo tungga ro Au mi dui-bengga Ama Lamatualain hara-iii Na, ³⁰yang sia fai'ia ana nda simbo' bali' ume nara yang ara lao hela nara, odi-a'a nara tou' do odi-a'a nara ina'ra, ina nara no ama nara, ana nara, boema mbule-boa'na lao natun esa sia mole-osi nara, te hu sira simbo a'ka'a sususa-sosona' ia, te losa raefafo' mate'en naa, te sira yang simbo masoda'a losa lolosa'na neu.³¹boema mete te atahori yang ma'ahulu'ra dadi reu atahori mana tungga dea, boema atahori mana tungga dea'ra dadi reu atahori ma'ahulu'." Lamatua Yesus Nafade Selu' Eni Mamate'Na Fai³²Lamatua Yesus se fe'e sia dala' talada na rae risi' Yerusalem reu. aiboi' ma Yesus lao na'ahulu basa'se, de basa atahori mana tungga'ra ramatau. basama, Lamatua Yesus no ana nanori ka sanahulu rua nara bali' rema, de Ana nafade selu'se fai nae, sa'ka yang nae dadi neu Eni sai fai muri mana nema'ra iara, ³³Ana ola' nae, "mete, te hita fe'e tae sae ofa' fo Yerusalem teu, te Ara seo hendi' Ama Lamatua Ana'na neu Malangga-malangga nggare'i'ra, no nama to'u too-lane raefafo'ra ena. basana ara fee neu atahori nda mana rahine Lamatualain sa fo ara huku-doki' risa'E. ³⁴fo ara ola' ramama'E, boema ara miru' miru neu'E, ma ara poko-paru'E basana ara mbau risa'E. te hu, fai ka telu na, te Ana fela bali' lao' mia mamates'sa nema."Yakobus No Yohanes Ro'e Fo Sira Sia Lamatua Yesus Boboa'Na³⁵basa naa, ma Zebedius ana nara Yakobus no Yohanes, rema randa ro Yesus de ara ola' mbali'E rae, "Meser, hai mae mo'e saa esa mbali Nggo, de rena mala hai dei."³⁶boema, Yesus na'ta nae, "hei mae ola' saa, fo fee Au rena?"³⁷ma ara rafade rae, "mete ma, Hoo to'u padenda' naa fee hai

ru'a nggi esa endo' nisi' boboa ona'Ma, boema esa endo' nisi' boboa dii'Ma, sia mandela masa'a'Ma rala."³⁸te hu, Lamatua Yesus ola' mbali'se nae, "hei ru'a nggi nda bubulu' sa'ka yang hei mo'e a sa'boe. hei mae ne'oke meulau', hei nda lemba be'i sa'ka yang ara mamasi-rarai neu Au, boema hei du'ana mae hei lemba be'i doi-doso' yang Au lemba losa mate, do?"³⁹ma ara ra'ta rae, "hai lamba be'i, boema Yesus ola' selu nae, "mema' hei lemba be'i yang ara mamasi-rarai neu Au boema doi-doso yang Au lemba'.⁴⁰te hu, fee seka yang endo' sia Au boboa ona Ngga, do seka yang endo' sia Au boboa dii Ngga, naa nda Au denu saa, te mamana' naa Ama Lamatualain na'etu' basa ena, nae fee neu atahori seka."⁴¹rena ta'o naa, ma Yesus ana nanori ka sana hulu nara ramanasa Yakobus no Yohanes.⁴²basama, Yesus no'e nala basa'se de Ana nafade mbali'se nae, "hei bubulu' to? atahori raefafo mana to'u parenda sia raefafo ia ara aka'a tuni-ndeni rauinggu nara, hu rauinggu nara nda ra'alalu'sa, boema malangga nusak'ra o tao ra'alelena' losa rauinggu'ra nda boti' langga nara'sa.⁴³hu, hei afi tao ona' naa, hei iara seka yang mae dadi monaen, naa ana dadi a'te soa neu basa atahori na'ahulu dei, ⁴⁴boema hei seka yang mae dadi malangga, naa ani dadi na'ahulu neu a'te soa neu basa hatahori dei. ⁴⁵hu na'naa, Ama Lamatualain Ana'Na onda raefafo ia nema nda fee atahori tao mata neu'E saa, te hu Ana nema dadi neu A'te soa neu basa atahori boema Ana fee Ao'Na teme-teme fo soi basa atahori lao' mia sala-kilu nara." Yesus Nahai' Atahori Poke' Esa Nara'na Bartimeus⁴⁶basana, ma Yesus'se lao losa Yerikho. lele' naa Yesus'se no ana nanori nara rae lao rakando ma atahori nae tungga'se, sia naa o hambu atahori poke' esa endo' si'a dala'a bife'na fo ana hule-hule' nara'na Bartimeus, ama'na nara na Timeos.⁴⁷ana rena athori ola' rae Yesus mia Nazaret nema, ma ana nggasi nahere' nae, "Yesus, Daud titi-nonosi'na, sue-laimala au dei!"⁴⁸te, atahori nae' mana sia nara ramanasa de ara denu'e nene. hu ana nggasi nahere' selu' fai nae, "Daud titi-nonosi'Na ee, sue-lai mala au de!"⁴⁹boema, Yesus namabari' de Ana denu nae, "mo'e nema." de ara reu ro'e atahori poke'a ma ara ola' mbali'e rae, "fee manggate neu rala'ma fo uma'!, te Lamatua Yesus no'e nggo."⁵⁰rena nala ma ana tu'u hendi' badu'na de ana neu nanda no Yesus.⁵¹ma, Yesus natane mbali'e nae, "hoo mae fee Au tao saa neti nggo?" ma atahori poke'a na'ta nae, Meser, fee au mata nggara rita dei,⁵²basama, Yesus nafade mbali'e nae, "lamu. te hoo nemehere'ma fee hoo hai ena." aiboei' te ana mete nita basa'e loa-loa ru esa ena, basama ana tungga namalolo' no Yesus'se.

Chapter 11Atahori Suru Lamatua Yesus Ona' Manek Mia Yerusalem

¹lele' naa pas Lamatua Yesus se losa Betfage no Betania mia lelete' Zaitun, sia deka Yerusalem, ma Lamatua Yesus denu ana nanori nara, ²Ana denu'se nae, "hei mi'i hulu' misi'i kambo mana sia mata naa, fo mete ma hei mita keledai tena' esa yang atahori nda fe'e sae rita'esa mana pa'aa sia naa, na ama sefi mendi'e nema. ³mete ma atahori mete rita hei, fo ara ratane rae, 'saa de hei lea mendi' keledai'a?', naa ama mifade mbali'se mae, 'Lamatua Yesus denu hai ima lea'e fo Ana nae sae, de defo fee hai mendi bali'e ia nema, "⁴basama, ara reu de ara mete rita keledai tena' esa yang mana pa'aa mia lelesu dea', si'a dala'a bife'na, boema ara sefi rala'e de ara rae lao. ma atahori hira rema rambari' mia mata nara de ara ratane rae, 'saa de hei sefi mendi keledai'a fo mae lao?' "⁶ma ara ra'ta ona' saa yang Lamatua Yesus fuli hela neu'se, basama atahori'ra fee'se rendi keledai'a lao. ⁷ara lea rendi' keledai'a losa Lamatua Yesus, basama ara dae sira lafe nara risi' keladai'a nggarasa'na de fee Yesus endo' neu ata'. ⁸basama, atahori nae' bela sira lafe nara risi' dala' ata, boema ruma reu tati hau ro mia sira osi nara de bela neu dala' ata. ⁹basama atahori nae' rema de ruma lao' ra'ahulu' boema ruma lao tungga Yesus dea'Na de ara nggasi rae, "Hosana!Ua-nale' soa neu Eni yang Ama Lamatualain na'a o'onda'E lao mia Lalai ata' nema. Mazmur 118:25-26¹⁰Ua-nale' soa neu hita ba'i Daud parenda'na!Hosana, soa neu Ama Lamatua mana sia nusak tetun inggu teme'Na!"¹¹basama, Yesus losa kota Yerusalem de Ana nisi' Ama Lamatualain ume'Na rala. de Yesus mete matalolole ndule basa mamana' nara, mete basama Ana no Eni ana nanori nara lao bali' risi' kambo Betania reu te te relo'a tena ena. Lamatua Yesus Sumba Hau Huu Ara Esa¹²fefetu anana, ma ara lao hela Betania, de Yesus ndoe. ¹³fe'e seku sia dodo' te mete ma ara rita hau huu ara' esa yang sofe no'a roo, de Yesus neu deka'e fo nae seu boa'na. te hu Ana losa te nda nita boa' esa'sa boe, aka'a roo nara sofe, te fai mbule-boa nara nda fe'e losa'sa. ¹⁴hu na'naa, Lamatua Yesus ola' mbali hau huu a nae, "afi' sudi atahori esa boe naa nita hoo mbule-boa'ma, te lao mia fai'ia hoo nda sudi muboa'sa losa-lolosa na neu." boema ana nanori nara rena. Yesus Lao Nisi' Ama Lamatualain Ume'Na¹⁵basama, ma ara losa Yerusalem. de Yesus nakando nisi' Ama Lamatualain ume'Na rala. neu te atahori tao dadi pasar, Ana oi hendi basa mana sia ume rala boema Ana timba hendi' mei-karosi'ra lenggu-babara mana maseo-mahasa mbui nduna'ra, ¹⁶basama Ana na'angge atahori fo nda bole rendi sa'sa nara tungga Ama Lamatualain ume'Na sa. ¹⁷basama, ma Ana nanori'se nae, "hei boe mihine' to nenesura' oi, 'Au ume Ngga ia ume hule-oo'e soa neu basa nusak'ra' ? te hu, hei tao mala'e dadi neu na'o'ra mamana na'abubue' nara." ¹⁸lele'na o malangga-malangga nggare'i'ra ro mana to'u too-lane rae fafo'ra boe rena de ara sangga-sangga dala' fo risa'E. te ara ramahia'E boe, te atahori nae' sia nara hii rena Eni nanori'Na. ¹⁹de, fai'a nae ma'ahatu', ma Yesus no ana nanori nara lao hela nusak Yerusalem naa.Mi'ena' Nemehere' Sia Ama Lamatualain Rala²⁰fe'e fefetu ana'na, ma ara tungga bali' mamana naa, de mete te rita hau huu ara mana meto' losa oka'na. ²¹ma Petrus nasameda de ana ola' mbali Yesus nae, "Meser, mete mita! te Hoo sumba' hau huu ara ia de ana meto losa oka'na ena!"²²de, Yesus na'ta mbali'se nae, "mi'ena' nemehere' sia Ama Lamatualain rala. ²³Au ufade neti nggi te mete ma hei mi'ena' nemehere' tebe-tebe neu'E, na mae hei denu lelete' ia mae, 'fee'ne boti' fo ana lali' nisi' tasi'a o ana lali', 'sadi'a afi hei rala nemehere mara rababanggi, hei musi mimihere tebe-tebe' neu Ama Lamatualain naa basa'e dadi ona' saa yang hei nau.²⁴hu na'naa, Au ufade neti nggi, saa yang hei hule oo'e neu'E, ama o mimihere mae hei simbo mala ena, naa mete te Ana fee neu hei ona' saa yang hei mo'e a. ²⁵boema, mete ma hei mae hule oo'e, naa ama afi' esa nambada' esa, naa fo Ama Lamatualain o fee ambon neu hei sala-singgo mara boe. ²⁶hu mete ma, hei esa fe'e nambada' esa, naa Ama Lamatualain mana sia nusa tetun inggu tetun'Na o nda fee ambon neu hei sala-singgomara'sa boe."Malangga Yahudi Natane Lamatua Yesus Koasa'Na²⁷basama, ma ara bali' risi' Yerusalem reu. de Yesus fe'e losa Ama Lamatualain ume'Na rala, ma malangga-malangga nggare'i'ra ro mana to'u too-lane raefafo'ra, ma atahori lasi Yahudi'ra rema randa ro'E. ²⁸de ara ratane mbali Yesus rae, "seka denu Nggo uma mumue' mia ia afi'sa, do seka fee koasa neu Nggi?"²⁹Yesus nahine' ara rae sangga dala' fo rae ra'atutuda'E de Ana na'ta mbali'se nae, "Au boe ae utane nggo netanes esa sie . hei mi'ta Au, dei fo Au u'ta hei Au hambu koasa mia se'ka'E. ³⁰se'ka denu Yohanes mana sarani'a, sarani atahori, Lamatualain do atahori? mi'ta Au dei!"³¹ara dudu'a neu-nema, de esa ola' mbali esa rae, "kalu hita ta'ta tae, 'lao' mia sorga,' naa ne'o Ana na'ta nae, 'naa saa de hei nda nau mimihere Yohanes mana sarani'a sa? ³²te hu, kalu hita ta'ta tae, 'Lao mia atahori denu' na mete te basa malangga'ra ramatau atahori nae' ramue de ara oi fee Yohanes mana sarani naa'o Ama Lamatualain a'te'Na esa boe. ³³hu na'naa, ara ra'ta Yesus rae, "hai nda mihine'sa."basama, Yesus o na'ta mbali'se nae, "ta'o naa, na Au boe nda ufade neu nggi, seka yang denu Au sa boe."

Chapter 12Ne'etata' Neu Atahori De'ulaka Mana Seba Osi Anggor

¹basana, ma Lamatua Yesus nanori'se nendi' dudui-dudui ne'etata' nae, " hambu atahori esa yang tao osi anggor. ana lutu-mba nala basa osi'a, basama ana ali ndola' fo na'anunumbu' anggor deke', boema ana nafefela mamana nenea' naru' esa, de basa naa, ma ana sela-nggari nala basa-basa'e, basa boema, ana seba neu atahori laen fo ara mete-se'u'e, dei fo mbule-boa'na nema fo ara babanggi. de ana lao nusak laen neu. ²losa fai etu-oru, ma tenu osi'a denu a'te'na esa neu nisi' mana tao osi fo ha'i eni babangi'na. ³te hu, mana tao osi'ra humu rala'e, de ara poko-paru'e, basama ara oi bali'e no lima rou'⁴basana, ma tenu osi'a denu selu' a'te'na esa neu fai, ona'o ara poko-paru langga'na, boema ara lea-nonore tungga dala' ata fo ramamae'. ⁵boema, ana denu selu' a'te'na laen reu selu' fai, hu ara mbau risa'e. ona-ona' naa nekendo'a, ruma reu naa ara poko-paru'se boema ruma reu naa ara hala risa'se. ⁶losa basa hendi' tenu osi'a a'te nara, ma ana denu ana mone susue'na neu, ana ola' nae, 'ara mete rita au ana mone susue ngga te ara simbo rala'e malole' boema ara fee hadat neu'e.' ⁷te hu, ara mete rita'e nema, ma esa ola' mbali esa rae, 'ia'ka mana simbo' waris, de ima fo ata hala tisa'e, te ana mate naa hita hambu basa sudi'a sa'sa nara."⁸basama, ara humu'e, de ara hala risa'e, basa naa, ma ara mbia'e osi anggor'a dea neu. ⁹tenu osi'a rena ara mbau risa ana'na, naa ana tao mana tao osi anggor'ra ta'o bee?, Au ufade neti nggi, te tenu osi'a nema, naa ana hala nisa basa mana tao osi anggor'ra, fo ana fee osi anggor'na neu atahori laen tao'e. ¹⁰te hei se'u mita do hoko' sia Ama Lamatualain susura'Na rala na'o ia:'fatu esa yang tukan ara nggari hendi'e ena'te ia naa, ana didi bali' neu fatu lalaka' ena. ¹¹ia naa Lamatualain tengga nala'e, fo na'e'endo'e fatu lalaka' naa, dehita tita'E susue-lalai'Na soa neu hita."Mazmur 118:22-23¹²te hu, basa naa, ara sangga-sangga dala' fo rae humu'E, hu ara fe'e ramahia atahori nae' te ara bubulu' oi Lamatua Yesus ola' dedea ne'etata' naa neu sira. de ara fela lao hela Yesus no ana nanori nara.Ne'etata' Neu Mana Bae Bea¹³basama, moko-moko' Yahudi'ra, denu atahori Farisi hira ro atahori Herodian'ra rema randa selu' ro Lamatua Yesus fo rae sangga dedea-o'ola mana tuda nara. ¹⁴rema boema ara ola' mbali Lamatua Yesus rae, "Meser, hai bubulu' tebe' Hoo nda de Hoo nda tao afi' neu atahori laen dedea-o'ola nara sa. hu, Hoo nda mete atahori rou dea'na sa te hu Hoo munori Ama Lamatualain dala ndo-tetu'Na. de hai mae mitane Nggo, tebe do hoko' hita musi bae bea nisi' mana parenda Roma?" ¹⁵musi hai bae bea do afi' fee hai bae? te hu, Lamatua Yesus bubulu' ara rae ra'atutuda'E, de Ana na'ta mbali'se nae, "ta'o be de hei mae mi'itutuda'au? mendi fee Au doi fula' esa nema fo Au mete soba'e dei."¹⁶boema, ara rendi' doi fula'a nema, ma Yesus ha'i nala'e de Ana natane mbali'se nae, "ia se'ka mata'na, no se'ka nara'na sia doi fula' ia ata?" boema ara ra'ta rae, "naa mana parenda Roma no manek'a nara'na." ¹⁷basama, Yesus nafade mbali'se nae, "ta'o naa, saa yang mana perenda ena'na, naa fee neu mana parenda, boema saa yang Lamatualain ena'Na, naa fee neu Lamatualain." Yesus ola' ta'o naa, ma ara nggenger. Atahori Saduki Natane Nae Na'atutuda' Yesus¹⁸boema, atahori Saduki'ra ola' oi nda hambu atahori mate naa, ana fela bali'sa, basama ara rema de ratane mbali Yesus rae, ¹⁹"Meser, Musa sura' hela fee hai tungga hadat'a nae, mete ma tou' esa mate hela sao'na, te hu nda ma'ena' ana'sa naa, tou'a odi'na esa musi sao nala bali' ina falu'a, naa fo ana bonggi hela fee a'a'na mana mate'a. ²⁰de mete ma, sira mone' hitu. fo a'a mone hulu'a sao, basama ana mate te nda fee hambu ana'sa, ²¹naa odi'na mone' ka rua'na sao nala bali' ina falu'a, basana ana mate fai te nda fe'e hambu ana'sa, naa odi' mone' ka telu'na fai sao nala bali' ina falu'a. ²²de, ta'o-ta'o naa nakandoo'a, losa odi' mone muri'a oo mate. basa naa boema, ina falu'a mate. ²³hai mae mitane neti Nggo, losa fai mate'en na, Ama Lamatualain nenema'Na, fo atahori mana mate'ra fela bali', naa ina'a dadi neu se'ka sao'na mia tou ka hitu' naa ra."²⁴basama Yesus na'ta nae, "hei mitane' mara ia'ra rangga papa' leli, te hei nda mihine' Ama Lamatualain susura'Na isi nara'sa boema hei o nda mihine' Ama Lamatualain koasa'sa boe. ²⁵hu naa, pas ara mate'ra mori bali' lao' mia mamates nema, naa esa nda sudi sao esa'sa, te hu ara sama ona' Ama Lamatualain A'te nara sia sorga. ²⁶soa' no, atahori mana mate'ra fo ara mori bali', hei mita nenesura' sia Musa susura'na do hoko', Ama Lamatualain ola-ola' no'e mia uru-hau ana'ra rala'a nae, 'Au ia, Abraham no Ishak boema Yakub se Ama Lamatualain' ²⁷Eni Ama Lamatualain nda mana mate'sa, te hu Ama Lamatualain mana mori'. hei ia'ra atahori mana rangga'ra!"²⁸Too-Lane' Ama Lamatualain No Too-Lane' Raefafo²⁸basama, atahori mana to'u too-lane raefafo esa nema de ana rena Yesus nareresi no atahori Saduki'ra. de ana rena Yesus na'ta'se melole', ma ana o natane mbali Yesus nae, "too-lane' beka yang nalena' basa too-lane'ra?" ²⁹ma Yesus na'ta nae, "too-lane ma'ahulu'ra, ta'o ia: 'rena', basa atahori Israel! Ama Lamatualain aka'a esa'a, nda hambu laen'sa. ³⁰de, sue'lai Ama Lamatualain no hoo rala teme ao'ma, boema no hoo ao samana'ma, boema no hoo dudu'a-a'afi'ma, boema no hoo bebe'i-bara ai'ma. ³¹boema, ka rua'na nae: 'sue-lai hoo torano' mara sama ona' hoo sue-lai hoo ao'ma.' nda hambu too-lane' esa lena'a lao mia ia'ra sa boe."³²basama, mana to'u too-lana raefafo'ra ola' selu' mbali Yesus rae, "mema', Meser. Hoo mufade'ma naa nda' Ama Lamatualain esa nda hambu laen'sa. ³³de, hita musi sue-lai'E no rala teme ao, boema no hita dudu'a-a'afi'na, boema no hita bebe'i-bara ai'na, boema hita o musi sue-lai tora'no tara ona'a hita sue-lai hita ao' nara boe, meme' naa lena' lao mia hita fee banda tunu-hohotu tara."³⁴Lamatua Yesus rena'e

na'ta na sofe' no'a dudu'a-a'afi' meulau', ma Ana ola' mbali'e nae, "Hoo ia nda mu'udodo' mo Ama Lamatualain nusak'Na sa." basa naa, ma nda sudi hambu atahori laen natane selu' Yesus fai. Kristus Naa Lamatualain³⁵lele' naa Yesus fe'e nanori atahori'ra mia Ama Lamatualain ume'Na rala, de Ana natane'se nae, "ta'o be de atahori mana to'u too-lane raefafo'ra rafade rae Kristus naa Daud ana'na?"³⁶fai ma'ahulu na Lamatualain Dula-dale Meumare'Na sia Daud susura'na nae, 'Ama Lamatualain nafade nneu au malangga ngga nae:endo' misi' Au boboa ona Ngga, dei'fo Au tao Hoo musumara ta'alok neu nggo.' Mazmur 110:1³⁷mia naa, ma Manek Daud'a o no'e Kristus nae 'Malangga'. de, ta'o be fo Kristus naa Eni ana'na?." Ana ola' naa, ma atahori mana rena'ra fe'edo rahine' de ara ramaho'o. Yesus Nafade Nae Besa-Besa Mbali Atahori Mana To'u Too-Lane Raefafo'ra³⁸lele' naa, Lamatua Yesus nanori rauinggu'ra nae, "ama besa-besa mbali atahori mana to'u Too-lane raefafo'ra, yang ara hika'a pake lafe naru' fo atahori fee hadat neu'se sia mamana-mamana ma'abubue',³⁹mete ma ara risi' ume huhule oo'e do hoko'na ara risi' mamana fefetas naa ara fee'se endo' risi' mamana e'endo mata' fo atahori mete rita'se.⁴⁰de besa-besa! te ara boe hika' peko-leleko' ina falu'ra, fo lea rala ume nara, boema ara rambari' hule oo'e naa doo'na sali naa fo oi atahori koa sira. atahori ona' nara mete te Lamatualain fee huku-doki menae'se." Lamatualain Mete-se'u Ina Falu Esa Doi Derma'na⁴¹basa naa, ma Yesus endo mbali mamana derma mata na de Ana memete rauinggu'ra rema mbeda' doi derma. atahori mamasu'i nae' rema mbeda' doi derma nae' nisi' peti rala.⁴²basa naa. ma ina falu esa nema mbeda' doi derma'na boe, ana mbeda' doi sen rua nisi' peti'a rala. doi' naa feli' na mbei ana'k.⁴³basama, Lamatua Yesus no'e nala ana nanori nara de Ana nafade mbali'se nae, "hei mete mata lolole', te ina falu ia fee doi derma'na aka'a sen rua, te hu derma'na monae' lena' basa atahori mana fee derma ia'ra.⁴⁴hu na'naa, basa atahori ia'ra fee derma nara lao' mia sira doi lena nara, te hu ina falu ia, fee nabasa eni doi nara, nda hela mbei fo eni tai neu'e sa boe."

Chapter 13 Lamatua Yesus Nafade Nae Neu Mate'ena Te Ama Lamatualain Ume Huhule Oo'e Na Sea Sarangganga

¹Yesus nae lao hela Ama Lamatualain Ume Huhule oo'e Na, ma ana nanori nara esa ola' mbali'E nae, "Meser, mete mita ume ia meulau na seli' boema ara dama rala ume'a fatu nara malole hie!"² de, Yesus na'ta mbali'e nae, "hoo mete aka'a ara ume ia ara rafefela'e meulau' makandedela'k too?, mete te neu mate'ena, te sea sarangganga hedi' basa'e nda hela fatu esa nato'u no fatu esa sa boe."Sususa-Sosona' Ma'ahulu'na Nema³basama, Yesus se lao lete' Zaitun ata' reu de ara endo' mbali Ama Lamatualain ume huhule oo'e Na, ma Petrus, no Yakobus, Yohanes, boema Andreas ratane mbali Yesus mesa'Ne rae, ⁴"mufade hai, fai hira' fo fai naa losa, boema fai mate'ena losa naa tatanda nara ona' saa?"⁵basama, Yesus na'ta mbali'se nae, "sadi'a hei matalolole, fo afi' sambe atahori fee dala' rangat neu hei. ⁶mete te atahori nae' rema rendi' Au nara Ngga, ara ola' rae, 'Au ia Eni.' fo ara fee dala rangat neu atahori nae'.⁷mete ma hei rena oi ara atahori ramusu' fo esa tati mbau esa, naa ama afi' mimitau. mema' basa nara dadi ta'o naa, te hu nda fe'e losa mate'ena sa. ⁸hu na'naa, mete te leo esa natati-nambau no leo laen, beoma nusak esa namusu' no nusak laen. raefafo'a nandes'i' sia be'be; atahori nggasi-ki ndoes'a sia be-be. basa nara fe'edo nae nameda feu'.⁹de, hei musi minea mata lolole ao mara. te hoko' naa ara humu rala hei fo ara tao hei misi' mamana ma'etu, boema ara poko-paru hei sia ume huhule oo'e rala basana ara fee hei misi' manek'a mata'na, fo hei mifade Au dala meulau Ngga neu'se. ¹⁰de, hei musi mi'i lolosa' Au hara-lii Ngga na'ahulu' neu basa nusak'ra sia raefafo' ia.¹¹boema, mete ma ara humu rendi hei misi' mamana ne'etu-neladi' o ama afi' mimitau mae heimi'ta ta'o bee?, te mae ara ratane hei dii-ona'o fo hei nda mi'ta mala'sa o, dei'fo Ama Lamatualain dula-dale'Na yang na'ta nala hei. ¹²mete ma, sia ume esa rala hambu atahori nemere' Au, mete te odi-a'a nara mesa'se sangga dala' fo tao risa'se, do ama do ina nara ramahere Au naa, ana nara tao risa'se. ¹³boema, hei mimihere' Au de mete te basa atahori ramanasa hei. te hu, atahori se'ka yang na'atata' losa mate'ena, naa ana hambu masoda' lao' mia Ama Lamatulain."Minea Matalolole' Afi' Losa Hei Mate'¹⁴Lamatua Yesus ola' fai nae, "mete ma, hei mete mita atahori de'ulaka'ra rema rae tati-mbau atahori nemehere'ra fo sira yang mana sia Yudea'ra rela risi' lete' ata' reu. ¹⁵ta'o na'naa pas hei se'ka fe'e sia ume mara sini'na ata' naa halai onda dei boema afi' halalai o'o-ba'u hei sa'sa mara sia ume rala. ¹⁶boema hei se'ka fe'e sia mole-osi mara afi' sudi bali' ha'i bua-lo'a mara sia ume.¹⁷mamates'a nala sira ina mairu'ra boema ina mana rasusu ana diki mana mbila', te sira nda bisa rela' halalai' rala'sa. ¹⁸ama hule-oo'e fo basa nara afi' dadi sia pas fai udan. ¹⁹te fai'naa, susu-sosona'a monae na seli',eni'a Ama Lamatualain na'adadi' raefafo'a losa fai ia, nda fe'e hambu rita sususa' sama ona' ia'ka, boema nda sudi hambu sususa' sama ona' ai'ka sia fai mana nema' ia'sa. ²⁰mete ma, Ama lamatualain nda na'a'e'eku fai' naa sa, naa mete te nda hambu atahori esa nasoda sa boe. te hu, atahori yang Ana tengga nala'ra, Ana na'a'e'eku fai sususa-sosona'nara.²¹mete ma fai naa losa, fo atahori rafade rae, 'ima', te Kristus sia ia!' do oko' naa ruma fai oi, 'lao' te Kristus sia naa!' ama afi' mimihere'.²²hu naa, mesias-mesias falus no Ama Lamatualain a'te falus'ra rema fo ara ratudu' mana dadi' mata-mata' rendi' nitu'a koasa'na fo ara fee atahori dala rangat' boema ara ratutuda' atahori mamahere'ra. ²³de ama musi minea matalolole'! Au ufade mema' hei eni'a mia ma'ahulu nara.²⁴hu, losa fai' naa, pas fai sususa-sosona' monae'a basa,'relo'a dadi ma'ahatu"boema fula'a o nda sudi manggarelo' sa ena.²⁵nduu'ra tuda leli lao' mia lalai'a nema,boema basa koasa-koasa mana sia lalai ata'ra ra'anggonnga'." Yesaya 13:10; 34:4Ama Lamatualain Ana'Na Nenema'Na²⁶"basa naa, dei fo basa atahori mete rita Ama Lamatualain Ana'Na nema sia lele'a ata' no koasa boema mandela masa'a monae'Na.²⁷basa' fo Ana denu Ama Lamatualain a'te nara mia sorga fo ara rema ra'abubue atahori yang Au tengga' ala'ra lao' mia raefafo'a suu'na losa lalai'a tongga'na. ²⁸Yesus ola' nakando nae, "ama minori lao' mia dudui ne'etata' neu hau huu ara: mete ma hau'a dana nara nure-nure fo roo mbetu nara dea reu, naa hei bubulu' mae na fai fandu'a losa ena. ²⁹hei o ona' na'ke boe, mete ma hei mita basa ia'ra dadi, naa hei bubulu' mae Ama Lamatualain Ana'Na deka nema ena. ³⁰Au ufade tetebes neti nggi, te titi'ti-nonosi' ia'ra ruma nda fe'e mate'sa losa fai' naa losa. ³¹mae lalai'a no raefafo' ia mopo o, te hu Au hara-lii Ngga ia nda basa sai-sai sa."Minea Matalolole' Te Fai Mamates'a Sangga'a Losa³²Yesus ola' nae, "nda hambu atahori esa bubulu'sa fai bee do lii hira, Au uma'sa, Ama Lamatualain A'te nara sia sorga boema Ana'Na boe nda bubulu'sa, aka'a Ama Lamatualain mesa'Ne bubulu'³³de hei musi minea mata lolole', te, hei nda bubulu' fai bee, fai naa losa. ³⁴ia'ia ona' atahori esa nae lao nisi' mamana dodo' neu. de ana lao hela uma'a, ma ana fee koasa neu a'te nara ranea ume'na boema ana babanggi fee'se esa-esa' no ue-tatao nara, de ana parenda mana manea lelesu'a fo ana nanea matalolole losa ana bali' nema. ³⁵hu na'naa, hei musi minea hatu-rerelelon, te hei nda bubulu'sa fain saa tenu ume'a nema, hei nda mita' mae ana nema bobo'bo' doo neo faa', doo fai banggi rua', doo fefetu ana', ³⁶afi' losa aiboi' ma ana bali' hambu nala hei mana sunggu'ru.³⁷Au ufade saa neu hei, naa Au boe ufade neu basa atahori ta'o naa boe, fo ara o 'ranea mata lolole' boe'

Chapter 14Malangga Agama Yahudi'ra Sangga Dala' Fo Risa Yesus

'lele' naa, hela' fai rua fo pas no fai paska no fefeta roti nda ma bibit'sa, ma malangga-malangga agama'ra ro atahori mana to'u too-lane raefafo'ra ra'abubue de ara sangga dala' tipu-dae fo ara humu Lamatua Yesus.²hu, ara fe'e ramahia oi, "hita afi' humu'E die sia fai malole'ra, te du'aka atahori ramue hita."Ina' Esa Mbo'a Mina Ma'ameni'a Neu Yesus Ei'Na³Yesus mia kambo' Betania , mia atahori esa nara'na Simon ma'ahulu naa, eni mamahedi' kusta, te Yesus fee'ne hai. fai naa, Yesus se fe'e raa mia Simon ume'na, ma ina' esa nema to'u boto fatu esa, isi'na mina narwastu yang ma'ameni' boema mafelit. basama ana mbo'a neu Yesus langga'Na.⁴te hu, atahori mana mia nara rita'e de ara ramanasa', esa ola'mbali esa rae, " saa de ana mbo'a ngga-nggari'a mina ma'ameni' beoma mafelit ta'o naa? ⁵ona' mina ma'ameni' naa eni seo'e dei na, feli'na losa dinar 300 lena' fo bisa fee neu atahoti hata'ta'ra." basama ara ramue ina'a.⁶te hu, Yesus nafade mbali'se nae, "hela'e neu. saa de hei mi'sususa' ina' ia? ana tao meulau' soa neu Au. ⁷te, hei mo atahori hata-ta' ia'ra mikindo'a, boema hei mae minda mo'se fai hira boe o bisa, fo hei mae tao meulau' neu'se sudi'a fai hira boe bisa. te hu nda doo'sa te Au nda sudi u'ubue o hei saa ena. ⁸ina' ia, nariu meme' Au, te Au masoda Ngga hela'a mbei ena. ana mbo'a mina ma'ameni' ia neu langga Ngga de ana o'ose neu basa ao Ngga. ⁹misineda matalolole, mete ma atahori dui-bengga Lamatualain hara-lii malole'Na losa bee, naa ara o dui-bengga ina' ia tatao malole'na boe, fo basa atahori rasaneda'e." Yudas Nala Hara' Nae Seo Lamatua Yesus¹⁰basama, Yesus ana nanori kasanahulu rua nara esa nara'na Yudas Iskariot, neu sangga malangga-malangga agama Yahudi'ra de seo Yesus neu'se. ¹¹ara rena rala ma, ramaho'o de ara helu neu Yudas oi rae fee'ne doi'. boema Yudas sangga dala' meulau' fo nae fee Yesus neu'se.Yesus Naa Fefeta Paskah No Ana Nanori Nara¹²fai kaesa' naa atahori Yahudi'ra fai malole nara. fai naa o ara tunu roti nda mana tao bibit'sa, boema ara mbau bibi lombo fo feta rendi' sia fai paskah, lele' naa Yesus ana nanori nara ratane mbali Yesus rae, "fai ia fai Paskah, de Hoo nau fee hai mi dode-nasu nana-nininu'ra sia bee?" ¹³basama Yesus denu ana nanori nara rua nae, "hei ru'anggi mi'misi' kota, hei mi te minda mo tou' esa nasa' nendi nggusi esa sofe no'a oe, de nanda no hei. ama tungga mo'e. ¹⁴fo hei misi' se'ka ume'na, naa mifade mbali tenu ume'a mae, 'Meser fuli nae: hoo mae fee mamana' sia bee fo Eni no ana nanori nara rae tao fefetas Paskah reu rala?"¹⁵dei fo, ana natudu kama loa' esa neu nggi, sia tada' ata' ka, kama naa nene siap basa ena. de hela'a hei mi fo sa'dia nanat ara. "¹⁶basa naa, ma ka rua'ra lao kota reu, de ara losa naa ma ara randa' ro atahori yang lu'a oe mia nggusi esa ona'a Lamatua Yesus nafade'Na boe, de ara tao tungga ona'a Yesus fufufli'Na, basama ara sa'dia hela nanat Paskah ra, dei de ara bali' reu rafade Yesus'se¹⁷relo'a tena boa, ma Lamatua Yesus no ana nanori ka sanahulu rua nara reu. ¹⁸basama, ara endo' ra'abubue de fe'e raa-rinu boema Yesus ola' nae, "Au ae ufade hei esa sie, mema' basa hita fe'e taa-tinu ta'abubue sie, te basa naa lao' mia hei ia'ra esa seo Au neu atahori laen fo ara tati-mbau Au. "¹⁹ara rena rala, ma basa'se rala nara mera', de esa ola' nae, 'nda au saa!' boema ruma rae, 'au hoko!' "²⁰de Yesus ola' mbali'se nae, "atahori mana seo Au a, ana sia hita dalada nara, de ana boro' roti'na manggo rala neu na'abue no Au. ²¹hu naa, Ama Lamatualain Ana'Na nae mate' a ian, ona' yang nenesura' basa ena, te hu atahori mana seo Ama Lamatualain Ana'Na, naa atahorimana tu'u buku'u!. malole' naa atahori ona' naa'ka nda mori sia raefafo ia sa."Lamatua Yesus Helu Nae Roti No Anggor Dadi Neseneda' Neu Eni²²basase fe'e raaa-rinu, ma Yesus ha'i nala roti Ana Hule o'e Ua'nale', basama Ana bibinggi rote'a de fee neu'se boema Ana ola' nae, "ha'i mala', fo ama mia, te roti ia, Au ao isi Ngga."²³basa naa, ma Ana ha'i nala saloki anggor'a, de Ana hule o'e ua'nale'. basama Ana loo saloki'a neu'se de basa ana nanori nara rinu.²⁴basama, Lamatua Yesus nafade mbali'se nae, "oe anggor ia, Au raa Ngga. raa nene'helu fufuli'basa ena, raa ia sai fo soi basa atahori'ra, de anggor ia dadi neu nesenedat neu Au. ²⁵Au ufade neti nggi, te Au nda sudi inu anggor o hei saa ena, losa fai'na nema dei fio Au inu anggor feu' sia Au Ama Tualai Ngga nusak'Na."²⁶basa boama, ara soda sosodat esa fo koa-kio Lamatalain. basama ara lao risi' lete' Zaitun reu. Lamatua Yesus Nafade Nae Mete Te Ana Nanori Nara Rela Hela Eni²⁷basama Yesus ola' mbali'se nae, "nene sura' basa ena sia Ama Lamatualain susura'Na rala oi, 'mete te basa hei mela hela Au',Ama Lamatualain oe Eni nisa hendi' mana tada,ma bibi lombo naa'ra rela sara ngga-ngga leli.' Zakharia 13:7²⁸te hu, mema' Au mate, te basa naa Au mori bali', fo Au lao u'uhulu' hei sia Galilea."²⁹hu Petrus ola' mbali Yesus nae, "mae au torano' nggara basa'se rela hela' Hoo, te hu au hoko'." "³⁰boema Yesus nafade mbali'e nae, "Au ufade tebe-tebe' neti nggo, te tetemba' ia, manu'ra nda fe'e ko'o-kee lao rua'sa, te hoo mufuni', mae hoo nda muhine' Au'sa, lao telu ena." ³¹te hu, Petrus nda no nanau'na'sa, de ana na'ta selu' fai nae, "hoko', mete ma Hoo mate naa, au o mate tungga Ngoo, te au nda nau lao hela Nggo'sa!" basama basa'se ola' ra'o naa boe.Lamatua Yesus Hule-oo'e Mia Osi Getsemani Rala³²basama, Yesus'se lao' losa mamana' esa nara'na Getsemani sia lete' Zaitun ata', ma Ana nafade mbali' ana nanori nara nae, "hei endo' mihani ia, te Au ae uu hule-o'e sia osi'a rala." ³³basama, Ana oi Eni nae'a namahia', de Ana no'e no Petrus, boema Yakobus, ma Yohanes fo ara ranea'E. ³⁴de, Ana nafade mbali telu'se nae, "Au rala Ngga mera'!, Au oa Ngga Nameda' ona' Au ae'a mate ena. mihani mi ia fo ama minea."³⁵basama, Ana lao na'a dodo' mbei, ma Ana

sende' lulangga'Na neu rae'a de Ana hule-oo'e neu Ama Lamatualain ³⁶nae, 'mete ma, Papa nau naa, afi' fee Au lemba doi-doso' ia losa mate, ha'i mala bali' sanggi ma'ei' ia lao' mia Au, hu, afi' tungga Au hihi-nanau Ngga, te hu, Papa Hoo hihi-nanau'Ma yang dadi."³⁷basama, Ana bali' nisi ana nanori ka telu nara, ma Ana hambu nala'se mana sunggu masambeta ena, de Ana fafae'se, ma Yesus natane mbali Petrus nae, "Simon, saa de hoo sunggu? saa de hoo bisa munea mo Au lii esa'sa boe doo? ³⁸hei musi minea boema ama hule-oo'e, naa fo ama afi' tuda sala' rala mi, dula-dale'a mema' malole' te hu ao sisi'mara nda be'i'sa." ³⁹basana, fai ma Ana Lao neu hule-oo'e selu' ona'a hule-oo'e ma'ahulu'Na boe.⁴⁰basama, Ana bali' nema fai, te ana nanori nara, mata nara rama bera', de Ana hamu nala'se mana sunggu'ru, de ara nda rita' rae ra'ta saa mbali Yesus boe.⁴¹basana, ma Yesus lao hela'se fai, de neu hule-oo'e lao ka telu'na, basama Ana bali' nema de nafade mabli'se nae, "hei fe'e mana sunggu'ru doo? dai ena, fai'na losa ena, mete mita, te Ama Lamatualain Ana'Na ara seo'E nisi' atahori de'ulaka'ra lima nara. ⁴²fela leon, fo ata lao, mete te, mana seo Au'a nema ena."Ara Humu Rala Lamatua Yesus⁴³basana hendi' naa, de Yesus fe'e ola-ola', aibo'i ma Yudas nema namalolo' no atahori nae', sira ruma to'u dombe tafa', boema ruma to'u au e'e'tu' ru, ara hambu parenda' lao' mia malangga-malangga agama'ra no mana to'u too-lane raefafo'ra boema atahori lasi-lasi Yahudi'ra fee'se rema humu Yesus. ⁴⁴Yudas nafade mema' neu atahori nae' nara nae, "mete ma, hita losa fo au idu se'ka, naa humu mala'E leo!, te atahori yang hei sangga'a naa Eni ena."⁴⁵ de, ara losa, ma Yudas nakando nisi' Yesus de ana ola' nae, "Meser!" boema, ana idu Yesus. ⁴⁶basama, atahori nae'ra mata reu de ara humu rala Yesus.⁴⁷hu, Yesus ana nanori nara esa lesu nala dombe tafa'na de ana tati neu malangga agama'ra esa ndiki-doo'na de etu' hendi'e. ⁴⁸boema Yesus ola' mbali atahori nae' mana rema humu Eni'ra nae, "ta'o bee de hei ima humu Au, mendi'a dombe tafa' no hau e'e'tu, ona' atahori de'ulaka'?" ⁴⁹tungga'a fai naa Au umulolo' o hei sia Ama Lamatualain ume'Na rala fo unori, naa hei nda humu Au sa. hu, basa ia'ra dadi ta'o ia, naa fo tungga' no mana sura' hela ena." ⁵⁰lele' naa Yesus ana nanori nara, basa'se rela hela'E mesa'ne. ⁵¹hela aka'a mone tena' esa tungga no Yesus, ana mboti ao'na nendi' teme e'etu' esa. de atahori'ra o rae humu'e boe, ⁵²te hu ara to'u rala aka'a eni teme'na, de ana nela no ao ma'ahola'na.Ara Ro Lamatua Yesus Nisi' Manek Yahudi⁵³basana, ma ara to'u rendi Yesus nisi' malangga monae'a no malangga agama'ra, basama ara ro'E nisi' atahori lasi-lasi Yahudi'ra boema mana to'u too-lane raefafo'ra yang mana ma'abubue're sia mamana esa. ⁵⁴de, Petrus tungga-tungga dea nara mi'a seku dodo', losa malangga monae'a ume'na, ma Petrus endo' na'abue no atahori mana dara ai'ra.⁵⁵sai ume'na rala, basa malangga agama'ra ra'abubue fo sangga dala' no sakasi fo rae fee sala' neu Yesus, naa fo sira hambu hukudoki risa'E. te hu ara nda hambu dala' sa'saa boe. ⁵⁶hu na'naa, ara ro'e rala sakasii falus nae' fo rae ra'atutuda' Yesus, te hu sira dedea o'ola nara, esa nda nandaa no esa'sa boe.⁵⁷basama, hambu atahori hira fela rambari de ara fee sakasii sakasii peko-leleko' rae, "hai rena Ana ola' nae, 'Au ae ndefa' hendi nggarei' yang atahori rafefela rendi' sira lima nara, te hu si'a fai telu te Au ufefela bali' ume nggarei feu' esa, yang Au nda tao endi' lima Ngga saa."⁵⁹hu, mae ara fee sakasii ta'o naa o, esa nda nandaa no esa sa'sa boe.⁶⁰basama, malangga monae Yahudi fela nambari' nisi' talada', de ana natane mbali Yesus nae, "saa de Hoo nda mu'ta atahori mana fee sakasii ia'ra sa?"⁶¹te hu, Ana nene nakandoo, Ana nda na'ta sa boe. basama malangga monae'a natane selu' fai nae, "tebe Hoo ia Mesias, Ama Lamatualain Ana mone'Na doo?"⁶²boema, Yesus na'ta nae, "tebe, Au ia Eni, mete te hei mita'E endo' sia Ama Lamataulain boboa ona'Na sofe' no'a koasa fo basana Ana onda nema no lele'a sia lalai ata'."⁶³rena Yesus ola' na'o naa, ma malangga monae'a sida hendi' badu naru'na de ana ola' nae, "ta'o bee de hita fe'e sangga sakasii fai?"⁶⁴hei rena oa' mara, Ana na'amumuti oi Eni Ama Lamatualain Ana'Na. de bas hei mae mi'etu' saa neu'E?"⁶⁵basama, sira atahori hira mia naa ara puras miru neu'E, de ara ola' rae, "mutudu Hoo koasa'ma leon!" boema ara parenda mana manea'ra de ara mba-mbasa'E. Petrus Nafani Oi Eni Nda Nahine' Yesus Sa⁶⁶Petrus fe'e endo mia malangga monae'a ume nembeleo'na, ma malangga monae'a a'te na ina esa nema. ⁶⁷de, mete nita Perus mana dara ai, ma ina'a mete namemeu Petrus de ana natane mbali'e nae, "au mete ita hoo mo Yesus, atahori lao' mia Nazaret naa boe too?"⁶⁸hu, Petrus nafani de ana ola' nae, "hoko' boema au nda uhine' hoo ia o'ola' sa'sa boe?" basama ana lao nisi' lelesu parapunggu'a mata'na, ma manu lai'a ko'o-kee.⁶⁹ina'a nanda selu' no Petrus fai de ina'a nafade mbali basa atahori mana mambari' mia nara nae, "atahori ia esa boe, Yesus atahori lao' mia Nazaret ana nanori nara esa."⁷⁰te hu, ana o nafani fai. nda doo'sa fai, ma atahori mana mambari'ra o ola' rae, "tebe hoo ia esa boe, basa hei atahori lao mia Galilea too?"⁷¹hu, Petrus ola' sumba ao'na nae, "au nda fe'e uhine ita atahori yang hei dui' naa sa!"⁷²basama, manu lai'a ko'o-kee selu lao ka rua na, boema Petrus nasameda Yesus o'ola'Na oi, "manu lai'a nda fe'e ko'o-kee lao rua sa, te hoo mufuni' mae hoo nda muhine' Au'sa lao telu ena." de, Petrus nasameda nala ma ana nggae ei-ei.

Chapter 15Lamatua Yesus Mia Pilatus Mata'Na

¹fe'e fefetu ana', ma malangga-malangga agama'ra ra'abue ro basa atahori lasi-lasi'ra, boema mana to'u too-lane raefafo'ra. de ara pa'a Yesus fo rendi'E nisi' hofernor Pilatus.²losa hofernor Pilatus ma ana natane mbali Yesus nae, "tebe Hoo ia Manek?" de, Ana na'ta nae, "hoo yang ola' ao'ma, ma'o naa."³basama, basa malangga agama'ra fua-dae basa sala'ra reu Yesus.⁴boema, hofernor Pilatus natane sulu'E fai neu nae, "saa de hoo nda nau mu'ta saa?, mita ena?, ara fua-dae basa sala'ra reu Nggo."⁵te hu, Yesus nda sudi nau na'ta sa ena, de hofernor Pilatus o ngngnger. Lamatua Yesus No Barabas⁶lele' naa, pas no atahori Yahudi'ra fai fefeta Paskah, de tungga too naa, hofernor Pilatus mbo'i hendi' atahori bui esa yang ana fee rauinggu'ra here. ⁷lele' naa, atahori bui esa nara'na Barabas, fai ma'ahulu'ra ara humu de ara'e bui rala neu, ana tao onar mbali mana parenda Roma boema ana nisa atahori. ⁸atahori nae' rema rameli mbali Pilatus fo ana mbo'i hendi atahori bui esa ona' ma'ahulu nara.⁹basama, pilatus naseselu no'se nae, "hei nau au mbo'i se'ka?, hei nau au mbo'i Yesus, atahori Yahudi'ra manek'na do hoko?" ¹⁰te pilatus bubulu'u oi malangga-malangga agama'ra rambeda' rala' ro'E de ara humu Yesus. ¹¹te hu, Malanga-malangga agama'ra dudunggu-mba'mbau rauinggu'ra, de ara ro'e mbali Pilatus fo ana mbo'i Barabas. ¹²basama, Pilatus natane selu' fai nae, "de, hei nanau mara, fee au tao'E ta'o bee, atahori yang hei mae fee'Ne manek soa neu atahori Yahudi'ra?"¹³boema, ara nggasi-ki rahere' rae, "mbaku misa'E nisi' hau nggangge' a ata!"¹⁴basama, hofernor Pilatus natane nae, "ta'o bee?, te Ana tao sala' saa?" au paresa' basa ena, te au nda hambu sala'Na sa. hu, ara nggasi-ki rahere' selu' fai rae, "mbaku misa'E nisi' hau nggangge' a ata!"¹⁵Pilatus aka'a nae fee atahori nae'ra rala nara ramaho'o, de ana mbo'i Barabas tungga sira hihi-nanau nara. basama ana parenda mana manea'ra fifilo Yesus, de fee'se rendi'E nisi' mbuku' Golgota neu.Ara Ra'a'e'ei' Yesus Boema Ara Fifilo'E¹⁶de, soldadu'ra ro Yesus nisi' ume manek'a, naa mamana' ne'etu-neladi', basama ara ro'e basa sira nono nara bubue' esa rakukumbu. ¹⁷de, ara fee Yesus pake badu naru' esa dula'na mbila-maranggeo', boema ara ha'i rala hau manggou'a dana'na de ara hano neu solo' de rasolo neu Yesus langga'Na. ¹⁸basama, basa'se fee hadat ne'emimina' neu Yesus rae, "soda mole', papa manek Yahudi!"¹⁹boema ara be'ute e'edik fee had'at neu Yesus, ma ara puras miru bali-bali' neu mata'Na. basama, ara hembra rasabali'E rendi' hau e'etu' neu langga'Na. ²⁰ara ra'a e'ei'E basama, ara olu hendi badu naru mbila maranggeo'a mia ao'Na, de ara fee'Ne pake Eni badu'Na, basama ara roo'E lao lete' Golgota neu fo ara mbaku'E sia hau nggangge'a losa Ana mate. Ara Mbaku Yesus Sia Hau Nggangge'²¹de, ara lao ma randa ro atahori esa mia dala' talada na, ana fe'e do nema mia Keirene, nara'na Simon, ana nara Aleksande no Rufus. de ara ra'asusu'e fee'ne lu'a nala hau nggangge'a. ²²boema, ara rendi Yesus losa mamana esa nara'na Golgota, yang ara rafade naa rae, "mamana langga rui". ²³basama. Yesus na'amada, ma Ana no'e oe, te ara fee'Ne ninu anggor ma'ei' mana sambor no bot', te hu Ana nda nau ninu'sa. ²⁴basa de, ara mbaku Yesus neu hau nggangge'a de rariri'e, boema ara ramoa' Yesus badu'Na.²⁵lele' naa, ara mbaku Yesus nisi' hau nggangge'a pas lii telu bobo'na. ²⁶basa naa. ma ara sura' neu papa' esa de ara mbaku nisi langga'Na ata' nae, "atahori ia, Yahudi'ra manek'Na." ²⁷boema ara o mbaku atahori na'o rua, esa nisi' Yesus boboa ona'Na boema esa nisi' Yesus boboa dii'Na. ²⁸no ta'o naa, tungga Lamatualain susura'Na nae, "ara tao'E ona' atahori de'ulaka'."²⁹de, basa atahori mana lao' tungga mamana' naa, mete rita Yesus mana mbaku sia hau nggangge'a ata naa ara kakaler langga nara boema ara ola' piru-fafare rae, "woe! Hoo mufade mae ndefa' hendi' ume nggare'i'a, fo Hoo mufefela bali'e si'a aka'a fai telu'a too? ³⁰soba' hai mae mita, Hoo onda lao' mia hau nggangge' naa!"³¹malangga-malangga agama'ra, ro mana to'u too-lane raefafo'ra o ra'a'e'ei' Yesus boe rae, "Ana nafefela bali' atahori mana mate'ra, te hu Ana nda tao nala saa, soa neu ao'Na sa boe! ³²hela fo Mesias, yang ara oi atahori Israel manek'Na, onda lao' mia hau nggangge'a ata fo hita mete tiro'E, naa fo hita tamahere." atahori ka rua' mana mbaku ra'abue ro Yesus sia hau nggangge'a ata' o, ara ra'a e'ei' Yesus boe.Lamatua Yesus Mate³³basama, ma'ahatu'a tatana nala basa mamana' naa, lao' mia lii nee' fefetu'na losa lii' sio. ³⁴de lii' sio. ma Yesus nameli nahere' nae, "Eloi, Eloi, lama sabatani," naa oi, "Ama Lamatualain Ngge, Ama Lamatualain Ngge, saa de Hoo hiru' musudea Au?"³⁵de, ara rena, ma atahori hira mana rambari' deka naa, ara ola' rae, "mete mita'E! te Ana randu Elia."³⁶basama, sira esa nela-nela' neu ha'i nala busa, de ana dombo nisi' anggor ma'ei'a rala, de ana mbau nisi' tete'a'sa tonggo'na, basama ana soro neu Yesus nudu'Na fee'Ne musi, ma ana ola' nae, "hela' neu fo hita tahati soba', se'ute, fafe'ma Elia nema na'onda'E lao mia hau nggangge'a."³⁷basama, Yesus nggasi hendi basa hara'Na, basa ma Ana lea hahae'Na. ³⁸lele' naa, ume nggaei'a, fe'e hambu teme monae'a babata nala Lamatualain kama'Na, te Yesus lea hahae'Na, ma teme monae'a, sii hendi'e lao' mia ata' losa rae³⁹sia naa boe, malangga soldadu esa nambari' mbali Yesus, de ana mete nita'E lea hahae' mate'e'Na, basama ana ola' nae, "tebe, atahori ia, Ama Lamatualain Ana mone'Na!"⁴⁰lele' naa boe, hambu ina' hira rambari' mi'a ra'adodo', ina' nara esa Maria Magdalena, boema Yakobus soru'a mama'na Maria, ma Yoses, no Salome. ⁴¹fe'e ma'ahulu naa Yesus mia mamana' Galilea, ina' nara yang tungga ro Yesus fo ara tao mata' neu'E. boema sia naa o hambu ina' bubue' esa, ara rema ramalolo' ro Yesus mia Yerusalem rema. Ara Ra'oi

Lamatua' Yesus⁴² relo'a nae tena, ma fai'naa o nanda no atahori Yahudi'ra fai huhule-oo'e nara boe, ⁴³basama atahori esa nara na Yusuf lao' mia Arimatea nema, eni o mana nggero-furi sia mamana ngenggero agama Yahudi'ra, boema eni atahori meulau, de eni o nahani Lamatualain nusak'Na nenema'na boe. ana neu nanda no hofernor Pilatus de no'e Yesus ao sisi'Na. ⁴⁴Pilatus rena oi Yesus mate, ma ana nggengger. basama ana no'e nala malangga soldadu'a de ana natane hehelu nae, 'tebe, Yesus mate ena do?'⁴⁵ de malangga soldadu'a nafade nala, ma Pilatus denu Yusuf neu na'onda' Yesus ao sisi'Na fo na'oi. ⁴⁶basade Yusuf neu na'onda' nala Yesus ao sisi'Na, ma ana mboti malolole nendi teme feu mafeli't. lele' naa o ara fe'e do paa' basa rates sia mbuku' fatu'. boema Yusuf o'o nendi Yesus ao sisi'Na, de tao rates rala neu, basama ara lolir fatu bebel monae' esa, de tatana neu rates'a. ⁴⁷lele' naa Maria Magdalena no Yoses mama'na rita Yesus rate'Na.

Chapter 16Ara Dui-Bengga Yesus Mori Bali'

¹atahori Yahudi'ra fai huhule-oo'e nara basa boe, ma Maria Mgdalena no Yakobus mama'na, ma Salome, reu hahasa' mina-ma'ameni', fo basa naa rae reu mbo'a neu Yesus ao sisi'Na tungga sira had'at nara. ²fai'na hari senin, fe'e fefetu ana', ma ara lao Yesus rate'Na reu. ³ara lao' rala dala'a talada'na, ma esa ola' mbali esa rae, "hita teu'na, se'ka yang fali' fatu monae' mana sia rate'sa bafa'na?" ⁴hu, ara losa naa, te rita fatu monae'a ara fali' hendi'e ena. ⁵de, ara rakando risi' rates rala reu, te Yesus ao sisi'Na nese ena, hu ara rita mone tena' esa endo' sia rates'a boboa ona'na, bua-lo'ana muti makahahadok', ma ara nggengger. ⁶boema, ana nafade mbali'se nae, "afi' mimitau, au bubulu' hei ima sangga Yesus mana mia Nazaret yang ara mbaku risa'E mia hau nggangge'a. te hu Ana fela bali', de Ana nda sia ia'sa, ima fo mete mita mamana'Na sie. ⁷lami, bali' ume'mi fo mifade Petrus no torano' nara, mae Yesus na'ahulu' de Ana nahani'se sia Galilea. defo hei minda mo'E sia naa, te fai mana lao' naa, Ana fuli hela hei ena." ⁸ara mete rita mamana'a rou, ma nggngger losa ara dere', boema ara dea reu, ma rela hela rates'a. te ara ramatau de nda rafade atahori esa'sa boe mia dala'a. [boema, ina' nara rendi hara' neu Petrus no torano' nara, ara rafade rae, 'Yesus mori bali' de Ana nese rates rala ena, de hai minda mo mone tena' esa ma ana nafade hai oi, 'Yesus mori bali' de Ana lao na'ahulu' fo nahani hita sia Galilea. basa naa, ma Yesus ao'n denu sira lao' mia rulu' nema fo nakando muri neu, fo na'alolosa' Ama Lamatualain hara-lii'Na yang nda nene'mopo'sa losa-lolosa na neu. Amin]Lamatua Yesus Natudu Ao'Na Neu Ana Nanori Nara⁹Lamatua Yesus fela bali' lao' mia mamates'a, ma Ana natudu' ao'Na na'ahulu' neu Maria Magdalena fo ma'ahulu na Yesus oi hendi' nitu hitu mia ao'na, Yesus natudu ao'Na hari senin fe'e fefetu ana'na. ¹⁰basama, Maria bali' neu nafade basa atahori mana tungga Yesus ara, fai'na te basa'se fe'e ra'abubue no rala sususa', ma luu nara tuda, ara rasaneda Yesus mamate'Na. ¹¹Maria nafade nae eni nita Yesus mori bali', te hu esa nda namahere' sa boe. ¹²basa hendi naa, ma Yesus tao ao'Na neu atahori fea, de Ana natudu neu sira atahori rua mia dala' taladana rae lao' risi' kambo' esa reu. ¹³basama, rua'se bali' de ara dui torano' nara, te hu ona' o basa'se nda nau ramahere'sa boe. Lamatua Yesus Natudu Ao'Na Neu Basa Ana Nanori Nara¹⁴basa boe, ma Yesus nanda no basa ana nanori ka sanahulu esa nara, lele' naa ara ngua-ngua de raa-rinu, ma Yesus nema natea'se, ma ara nggengger te fai mana lao' nara, sira nda nau ramahere' atahori nafade nara rae Lamatua Yesus mori bali' sa ena. ¹⁵basama, Ana parenda'se nae, "lami' rereo' basa raefafo' ia, fo ama dui-bengga neu basa atahori, Au dudui meulau' Ngga ia. ¹⁶mete ma, se'ka yang namahere' Au na sarani'e, te ana hambu masoda' losa lolosa'na neu, te hu se'ka nda nau namahere' Au sa, mete te ana hambu huku-doki losa lolosa'na neu. ¹⁷atahori mana nemehere' Au'ra tatanda nara ona' ia'ka: mete te ara oi dula-dale de'ulaka'ra rendi Au nara Ngga; Lamatualain fee'se dedea-o'ola' feu'; ¹⁸boema mae ara to'u mengge marasot' ara; do mae ara rinu raso'o ara nda mate'sa, ara nda hambu de'ulaka' sa; mete ma ara nggama lima nara risi' atahori mamahedi'ra langga nara, na atahori mamahedi'ra hai. "Lamatua Yesus Hene Lalai Ata Neu¹⁹Lamatua Yesus ola-ola' basa no ana nanori nara, boema Ama Lamatualain so'u'E lalai ata' neu fo Ana dadi Lamatualain lima ona'Na. ²⁰basama, Yesus ana nanori nara tungga parenda'a, de ara risi' nusak bee, naa ara dui-bengga Lamatualain hara-lii'Na, boema ara o hambu tatanda' ona'a Yesus nafade'Na.

Luke

Chapter 1Na'adudui'a Ma'ahuluna

¹Atahori nae' ra'ena dudu'at fo rae raduduru susura yang nene sura'ra soa no sa'ka yang mana dadi mia masa ma'ahulu'ra rema yang didi mia hita taladanara, ²ona'a sa'ka nenesura' yang ara dui neu hita lao' mia atahori-atahori yang mia ma'ahulu nara rema boema ara dadi sa'kasi no sira mata nara de ara ra'aolosa neu basa hita. ³hu nana au unori matalolole basa ai'ra lao' mia ma'ahuluna nema, de malolena au ae sura' esa-esa neti nggo, ama Teofilus yang mandela masa'a, ⁴naa fo hoo boe muhine ndotetu'na soa neu basa-basa'e sa'ka yang ara ranori neti nggi.Dudui't Soa No Yohanes Mana Sarani⁵lao' mia masa parenda Herodes, Mane' Yudea, atahori esa malangga nggarei narana Zakharia yang lao' mia Abia ma'abue nara. sao'na titinonosi'na lao' mia Harun, boema nara'na Elisabet. ⁶Zakharia no Elisabet nara atahori-atahori ndo'tetu sia Ama Lamatua mata'Na. sira masoda'nara nda hambu manggegeo'sa soa neu basa hadat no Lamatua parenda'Na. ⁷te hu, sira nda ma'ena anak'sa te Elisabet nda mana bonggi'sa boema ru'ase boeo a'ka lasi'rena⁸De losa faina hambu tugas, Zakharia hambu tugas dadi neu malangga nggarei sia Ama Lamatua'a mata'Na. ⁹menurut hadat dala nemehere'a, nore lot ma, ara here rala Zakharia fo ana nisi' Ama Lamatua ume'Na rala fo ana neu dede Ukupan ¹⁰pas ukupan ara dede, na basa rauinggu'ra huleo'e sia dea'e. ¹¹nggengger neu'a ma, malaikat Lamatua natudu aona neu Zakharia boema nambari nisi boboa ona panggung hotu'lalangge ma'ameni'ra. ¹²de nita malaikat na'ka, Zakharia dere no namatau naseli'.

¹³te hu, malaikat na'ka nafade neu'e, "afi nemetau, Zakhari, te hoo huhuleoo'e ma Ana rena ena. hoo saoma, Elisabet, akan bonggi ana mone' esa fenu hoo boema hoo munara'e neu Yohanes.¹⁴hoo mumuho'o naseli, boema atahori nae boe tungga nemeho'o soa neu ana'ka fai bobonggi'na. ¹⁵ana akan na'amoko sia Lamatua mata'Na boema ana nda ninu anggur'sa hoko'na ninu nininu' yang ma'alkohol lain'na. te, lao' mia mama'na ambun'na rala te ana sofe no'a Roh Kudus ena.¹⁶ana akan tao atahori Israel nae' bali' risi Lamatua, Ama lao' mia sira'e. ¹⁷defo ana lao' na'ahulu sia Lamatua mata'Na boema no Roh boema kuasa Elia, fo ana tao ama-ama'ra rala'na bali'i risi sira ana nara'. boema ana boe'o basana ana tao atahori-atahori yang nda mana rena'a rasa fo dudu'a nara bali'i risi'i dudu'aafi atahori-atahori ndotetu'ra. hu nana, ana linu afi nala rauinggu yang ara hela soa neu Lamatua."¹⁸Zakharia nafade mbali malaikat na'ka nae, "ta'obe fo au hambu bubulu'u soa no tataos ia'ka? hu nana, au ia umulasi ena boema au sao ngga boe ana nama lasi ena boe."¹⁹de Malaikat naa na'ta mbali'e nae, "Au ia malaikat Gabriel, malaikat yang mana numberi sia Ama Lamatua Ise mata'Na. Ana denu au uma ufade neti nggo boema endi hara meulau ia'ka neti nggo. ²⁰te hu, sia li ia rena mala'e! hoo akan dadi neu nggoa' boema nda bisa ola-olah mala'sa losa fai beka hoo sao'ma bonggi nala karna hoo nda nau mumuhere sa'ka yang au ola-olah ngga iara, losa fai'na nema"²¹sementara na, rauinggu'a nahani Zakharia. sira ratatane sa'ka de Zakharia ana sia Ama Lamatua Ise'a umen Na rala dona' seli. ²²waktu ana dea'neu, Zakharia nda bisa ola-ola nala no sira'sa. de sira boe rahine kalo Zakharia hambu nita sa'ka yang sia Ama Lamatua Ise'a umen'Na rala hu na ana dudu'lalae neu sira, te hu nda ola-ola nala'sa. ²³de waktu ana nabasa hendi eni tatao nemehere'na, ma Zakharia bali' ume na neu. ²⁴seli hendi dadadi na'ka, Elisabet nairu boema losa fula lima ana na'afuni aona. ana nafade, ²⁵ia'ka yang Lamatua tao soa neu au. Ana mete'se'u au boema Ana lap nameu au mamae ngga lao' mia atahori nae' talada'nara."Nefade's Tentang Lamatua Yesus Kristus²⁶pas Elisabet nairu de teina fula ne, ma Ama Lamatua Ise'a denu malaikat Gabriel neu nisi'i nusak esa sia Galilea, mama'a naa narana Nazaret. ²⁷Denu'e neu nanda no ina fetu esa yang bertunangan no tou ana esa narana Yusuf, titinonosi'na lao mia Daud nema boe. ana fetu' naa narana Maria. ²⁸de, malaikat na'ka nema se'u Maria boema ana nafade'e nae, "soda mole' neu hoo yang ma ua'nale malole! Lamatua susue'Na soa neu nggo."²⁹Maria rena nala dedea o'ola' na'ka, boema ana nggenger. de ana natatane sia rala ana'na nae hara' saa ia soa neu au.³⁰Malaikat na'ka nafade neu'e, "afi nemetau, Maria, hu na Ama Lamatua Ise fe susuelai'Na soa neu nggo. ³¹rena mala, basa na hoo muiru boema bonggi ana tou ana'esa, boema basa na hoo munara neu'E Yesus. ³²Ana akan na'amoko boema ara duibengga'E oi Ama Lamatua Ise Ate anan'Na mana sia Nusa tetun inggu temen. Ama Lamatua Ise basa'na fe singga sana Daud neu'E, tititnonsi'Na.³³Ana akan parenda neu Yakub titinonosi'na losa lolosan'na boema nusak Na boe losalolosan'na³⁴de, Maria nafade neu malaikat na'ka, "te ta'obe de ia bisa dadi fo au nda fe'e masao'sana?" ³⁵malaikat na'ka na'ta boema ana nafade neu'e, "Roh Kudus'a faina nema neu nggo boema no Kuasa Lamatua Ise mana sia nusa tetu ingguteme'na Ana nanae'nggo. hu nan'na, ana yang hoo bonggi'a na'ka Kudus boema ana yang ara duibengga'E oi Ama Lamatua Ise Ate anan'Na³⁶boema, fo bubulu' hoo torano'ma Elisabet, ana nairu boe sia fai lasi'na. ana yang ma'ahulu'na oi fene manatedi', sia li'ia ana nairu fula nee ena. ³⁷hu na, sa'ka mesan'oo nda mustahil soa neu Ama Lamatua Ise." ³⁸boema, Maria ola' nae, "tetebe, au ia Lamatua a'te Na. dadi leon neu au ona' sa'ka yang hoo mufade'ma." basa'ma, malaikat'a lao' hela'e.Maria Neu Se'u Elisabet³⁹sia fai-fai na'ka, Maria naole' fo ana lao' neu sia mamana mbuku lete', mamana esa sia nusak Yuhuda. ⁴⁰ana nisi Zakharia umen'na rala de ana to'u lima no Elisabet. ⁴¹fai'na Elisabet rena Maria hara'na, boema ana'ka yang mana sia ambu'na rala tetek de Elisabet sofe no'a Roh Kudus.⁴²basa'ma Elisabet nahara no hara monae', "dula dale malole' soa neu hoo sia basa ina'ra talada'nara, boema dula dale malole' soa neu hoo iru'ma. ⁴³au ia se'ka de Ama Lamtua'a mama'Na nema se'u au? ⁴⁴tebe, te au rena hoo hara'ma losa au ndiki'ngga, boema ana'ka mana sia au ambu ngga tetek karna namaho'o. ⁴⁵nemeho'ot soa neu eni yang namahere bahwa sa'ka yang Lamatua nafade neu'e akan digenapi"Koa Kia Maria Soa Neu Ama Lamatua ise⁴⁶boema, Maria ola'nae "ao samana'ngga koa kia soa neu Ama Lamatua Ise,⁴⁷no au Roh ngga nemeho'o sia Ama Lamatua Ise, mana soi fefa neu au.⁴⁸hu na, Ama Lamatua Ise hitureke a'te Na yang mana hata'ta ia.rena mala, lao' mia li'ia boema nakando'na neu, basa atahori'ra akan dui'bengga au nemeho'o ngga. ⁴⁹karna ana yang sofe no'a kuasa Ana tao basa hal yang monae' ia neu au, boema kuduslah nara'Na.⁵⁰Ua'nale' ao mia Lamatua nema fe nisi' titinonosi'a, fe neu atahori-atahori yang mana namatau Lamatua. ⁵¹Ana natudu kuasa'Na nendi' lima'Na.Ana fe sarangga atahori-atahori yang mana koao'ra sia dudu'a a'afi'nara⁵²Ana na'onda hendi mana parenda'ra lao' mia singga sana'nara,boema Ana so'u atahori-atahori ndo'tetu'ra.⁵³Ana fe betas neu atahori yang mana ndoe soa neu meulau'a,te hu Ana use atahori mamasu'i ra lao' ro lima rou'⁵⁴Ama Lamatua Ise fe bantuan neu Israel, ate ana'Na, hu na nasaneda Sususe lalai'Na. ⁵⁵ona' be'ka yang Ana nafade neti hita atahori ma'ahulu nara ena,fe neu Abraham boema titinonosi'na losa lolosana⁵⁶boema, Maria leo sama-sama no Elisabet nda sala'sa na fula telu, boema ana bali' ume'na neu.Yohanes Pembabtis Fai Bobonggi'na⁵⁷fai'na losa soa neu Elisabet bonggi boema ana bonggi nala ana mone'ana esa. ⁵⁸basa ume titia'ra boema bobonggi dadi'sela'ra rena Ama Lamatua natudu susuelalai'Na monae'na seli soa neu Elisabet, boema basa'se tungga ramaho'o ro'e.⁵⁹losa fai ka falu'na, sira rema

fo edi'fu ana'ka. boema ara babe ana'ka nara'na neu Zakharia sama ona' papa'na nara'na boe.⁶⁰te hu, ina'na nafade, "hoko', ana'ka nanara'e neu Yohanes."⁶¹basa atahori mana sia na'ra rafade neu Elisabet, "nda hambu esa'sa boe sia hoo bobonggi'ma nara'na ona na'ka."⁶²basama, ara denu Zakharia rendi'i sen fo ana natane neu Elisabet, fo ana nae nanara ana'na neu sa.⁶³de Zakharia no'e nala papa' esa fo ana sura' nendi'e, basama ana sura'a ana'ka nara'na neu papa'a ata oi, "Yohanes." de basa atahori mana sia nara nggengger.⁶⁴basa hendi na boema, Zakharia bafa'na no ma'na tabuka oan. ana o'ola nala de ana ola-ola boema ana koa kia neu Ama Lamatua Ise.⁶⁵basa ume titia'ra dadi reu ramatau boema dadadi ia'ka ara dui'bengga'e sia basa desa mbuku lete Yudea.⁶⁶boema, basa atahori yang rena dadadi ia'ka ratatane sia sira rala'nara rala, "fai mana nema na ana'ka dadi sa?" hu na, Lamatua lima'Na nanea'e.Zakharia Koa Kia Neu Ama Lamatua Ise⁶⁷Zakhria, Yohanes ama'na, boe sosofe no'a Roh Kudus boema ramal, ana nae,⁶⁸"koa kia Hoo Lamatua, Ama Lamatua Ise Israelhu na Ana nanea boema Ana soi tefa nala rauinggu'a⁶⁹Ana nafefela nala soi'masoda'a soa neu hitalao' mia Daud titinonosi'na. ate ana'Na,⁷⁰ona'a yang Eni harali'Na lao' mia nabi-nabi'ra bafa'nara yang kudus lao mia ma'ahulu'n nema⁷¹fo Ana soi nala hita masodana'ra lao' mia hita musuh-musuh nara,boema lao mia basa atahori yang mana mamayasa hita'ra.⁷²Ana tao'na fo netudu susuelali'Na neti hita atahori ma'ahulu nara,boema hu na Ana nasameda neu Eni fufuli'Na yang kudus,⁷³yaitu sumba yang Ana ola' neu hita atahori ma'ahuluna, Abraham,⁷⁴hu na Ana mbo'i hendi hita ena lao' mia hita musuh-musuh narafo hita ue soa neu'E no afi tama'tatau,⁷⁵sia tetu'ndos no meumare'a rala sia Lamatua mata'Na, selama hita masoda'na.boema hoo, ana'ngga, basa'na ara dui bengga'e rae nabi Ama lamatua Ise sia nusa tetun inggu temen, hu na basa'na hoo lao' mu'uhulu Lamatua, fo o'oti dala soa neu'E.⁷⁷fo fe nahinet soa neu momori masoda neti rau'inggu'Nanendi'i soi tefa nala'se lao mia sala'singgo nara.⁷⁸hu na, ua'nale no susuelalai lao' mia hita Ama Lamatua Ise'na, relo'a fe manggarelo'na neu hita lao' mia ata'nema⁷⁹fo fe manggarelo' neti sira yang leo sia ma'ahatu'a ralaboema yang mana si'a mamates'a bife'na,fo fe manggarelo'a neu dala'nara risi soda mole'.⁸⁰de, ana'ka na'amoko tamba monae', boema sofe noa bebe'i bara'ai'a sia roh rala. ana leo sia momo monae'a losa fa'na nema fo natudu aona neu bangsa Israel.

Chapter 2 Sensus Boema Lamatua Yesus Kristus Fai Bobonggi'Na

¹'mia fai' na'ka, Kaisar Agustus fe parenda'a neti basa rauinggu'ra sia raefafo'a fo basa'se tungga'a sensus. ²'ia'ka sensus neu rauinggu ma'ahulu-ma'ahulu'na fai'na Kirenus dadi Gubernur sia Siria. ³de, basa atahori'ra bali' risi' nusak ndae'huni nara fo ara daftar nara'nara aon⁴Yusuf boe lao' hela Nazaret, nusak sia Galilea, boema neu nisi Yudea, nisi nusak Daud yang ro'ena rae Betlehem, hu na'na ana titinonosi'na lao' mia Daud nema, ⁵fo ara daftar'e sama-sama no Maria, tunangan'na yang fe'e mana mairu'a⁶fai'na Yusuf no Maria losa Betlehem, boema losa fai'na Maria nae bonggi boe. ⁷de Maria bonggi nala anak tou ana' yang ma'ahulu'. de ana mboti Anak'ka nendi' side manggenggeo' boema ana nasusunggu'E nisi ha'oa rala karna nda hambu kama rou' soa neu'se leo'sa. Mana Tada'ra Rita Lamatua Yesus Bonggi'E⁸sia mamana yang na'ka boeo', atahori mana tada'ra leo sia mamana momo'na fo ara rane'a bibi lombo nara sia fai tetemba'. ⁹nggengger ma, malaikat Lamatua nambari' nisi sira mata'nara boema mandela masa'a Lamatua manggarelo'Na sosofe sia basa faa'na de basa'se ramatau raseli'. ¹⁰te hu, malaikat na'ka nafade mbali'se oi, "afi mimitau hu na ama rena, Au ufade neti hei'e dudi meulau soa neu nemeho'ot monae'na seli soa neti basa nusak'ra. ¹¹sia fai'ia, ara bonggi fe hei atahori esa mana soi tefa soa neu hei masodamara, na'na Lamatua Kristus, sia kota Daud. ¹²'ia'ka tatanda' soa neti hei: defo hei mita anak mana bonggi feu esa yang ara mboti'E rendi side manggenggeo boema ara ra'asusunggu'E sia ha'oa rala. ¹³nggengger'ma, ara mete rita malaikat na'ka sama-sama no tentara'ra naen'na seli lao' mia lalai'a nema ara koa kia Ama Lamatua Ise boema rafade rae, "mandela masa'a soa neu Ama Lamatua Ise mana sia nusa tetun inggu tetun boema soda mole' sia raefafo, sia atahori-atahori yang mana tungga Lamatua hihinanau'Na taladanara. ¹⁵seli hendi na ma malaikat'ra lao' hela mana tadara boema ara lao bali' surga, mana tada'ra esa ola' mbali laena'ra nae, "ima fo ata lao' Betlehem teu fo ata mete sa'ka yang hita titara ia'ra, yang Lamatua nafede neu hita. ¹⁶boema, sira lao' lai-lai reu de ara randa ro Maria no Yusuf, boema anak mana bonggi feu yang ara ra'asusunggu'E sia ha'oa rala. ¹⁷pas mana tada'ra mete rita'E, ma ara dui oi sira rena hara'a nema nafade neu sira soa neu Lamatua bobonggi'Na. ¹⁸boema, basa atahori yang mana mia nara rena ma ara nggenger soa neu mana tada'ra dudui nara. ¹⁹te hu, Maria mbembeda duduit naa de ana du'a-du'a e sia rala ana'na rala. ²⁰basama, mana tada'ra lao bali'i reu se'u sira bibi lombo nara no rala nara ramaho'o de ara koa kia neu Ama Lamatua Ise soa neu sa'ka yang sira mete rita no sira rena'a ona'a hara yang sira rena'a. ²¹boema. losa fai ka falu'na fo ara edi fu ana'ka, ara ranara neu'E Yesus, ona' nara' yang malaikat nafade'a ma'ahuluna yang ana'ka fe'e mia ambu'a rala. Yesus Rendi'e Nisi Lamatua Ume'Na²²losa fai-fai baptisan sama ona' hukum Musa basama, Maria no Yusuf rendi bali' Yesus nisi Yerusalem fo fee Yesus neu Lamatua, ²³ona' yang mana sura' sia hukum Lamatua, "basa ana'ka tou ma'ahulu harus ara kuduskan soa neu Lamatua boema fo fee persembahan ona'a sa'ka yang nenenafade sia Lamatua hukum'Na, nana lunda lilo'a pasang esa hoko'na mbui lunda rua."Simeon No Hana Rita Yesus²⁵tou esa narana Simeon yang leo' sia Yerusalem. tou na'ka atahori ndo'tetu boema meumare' yang ana nahati penghiburan lao' mia Ama Lamatua Ise soa neu Israel, boema Roh Kudus'a nanea'e. ²⁶Roh Kudus nafade neu'e bahwa ana nda fe'e bisa mate'sa kalo ana nda fe'e nita Kristus yang sofe no'a kuasa Lamatua²⁷boema, Simeon nema nisi Ama Lamatua Ise ume'Na no nelalao lao' mia Roh Kusus, fai'na Yusuf no Maria rendi Yesus nisi Ama Lamatua ume'Na fo tao ona' sa'ka yang sia hukum taurat rala. ²⁸basama, Simeon o'o nala an'ka boema ana koa kia Ama Lamatua, ana nae, ²⁹sia li'ia, ya Lamatua kirana Hoofe isin neu Hoo ate dedenu'Ma ia'ka lao' no nemeho'ot, ona'a Hoo harali'Ma. ³⁰hu na au mata ngga nita masoda'a sia Nggo, ³¹yang Hoo tao hela sia basa nusak ra matanara; ³²na'na' manggarelo'a ana mbila neu basa nusak-nusak'ra yang nda mana rahine Lamatua,boema yang dadi neu mandela masa'a soa neu rauinggu'Ma Israel. ³³Yusuf no an'ka ina'na nggengger no'a Simeon o'ola'na soa neu ana'ka. ³⁴basama, Simeon huleoo'e fe'se no ana nafade neu Maria, Yesus ina'Na, oi "rena, ana'ka ia nenenafade mema' fo Ana nafoi' boema Ana nafefela atahiri nae' sia Israel, boema no'a dadi neu tatanda' soa neu basa atahori nae'. ³⁵(no, dombe tafa' esa akan mbau neu hoo ao samana'ma) fo atahori nae' ara ratudu' rala'nara³⁶sia na boe hambu nabiah esa narana Hana, Fanuel ana'na lao' mia suku Asyer. Ana lasi'i nae ena . Ana sao nala'ma, boema ana leo no'a sao'na to hitu ena, ³⁷de basama sao'na mate hela'e to 84 ena. ana nda fe'e lao' nita hela Ama Lamatua Isa umen'sa, te hu ana nggarei rerelo' no tetemba' boema ana nda na'ninu'sa no ana huleoo'e. ³⁸sia fai na'ka, Hana nema boema ana no'e makasih nae'na seli neu Ama Lamatua Ise de ana dui tentang Yesus neu basa atahori yang mana nahati' mana soi tefa soa neu Yerusalem.Yusuf No Maria bali' Risi Nazaret³⁹basama hendi Yusuf no Maria tao sa'ka yang ona'a Lamatua Hukum Na, ara lao' bali' Galilea, risi sira nusak ndae huni nara, Nazaret. ⁴⁰ana'ka na'amoko tamba monae', sofe no'a bebe'i bara'ai no mahine'Na seli, boema Ama Lamatua fe'se berkat. Yesus Sia Ama Lama Tua Ise Umen'Na⁴¹tungga'a to esa na, Yesus ina ama nara lao' Yerusalem reu tao fai Paskha. ⁴²pas Yesus to sanahulu rua, ma basa'se lao na'reu ona'a sia fai-fai monae na'ka. ⁴³basama hendi fai monae na'ka, sira bali', te hu, Yesus fe'e leo' nakando sia Yerusalem te Ana nda nafade ina ama'nara sa. ⁴⁴hu na Yesus ina ama nara rae ne'o Ana lao' sia

atahori nae' taladanara, de ara lao' rakando losa fai esa teme ao. de basama, ina ama nara mulai sangga'E sia basa torano'nara boema atahori-atahori yang sira rahine'ra.⁴⁵ losa ara nda rita Yesus, ma ara lao' bali' Yerusalem reu fo ara sangga Yesus.⁴⁶ losa fai telu, ma ara rita Yesus mia Ama Lamatua Ise 'a ume'Na, Ana endo sia meser-meser agama'ra talada nara, de Ana rena o'ola nara boema Ana fe natanes neu'se.⁴⁷ basa athori mana sia nara' rena'E ma ara nggengger no'a mahine'Na boema nata'nara.⁴⁸ pas ina'Na no ama'Na nara sangga rita'E, ma ara nggengger boe. boema, ina'Na natane neu'E nae, "Ama'e, sa de Hoo tao ona' ia'ka neu hai'e? ama'Ma no au sangga Hoo de hai du'a-du'a Nggo."⁴⁹ ma Yesus na'ta neu'se nae "saa de hei sangga Au? hei nda bubulu'sa te Au uma sia Au Ama ngga ume'Na?"⁵⁰ te hu, basa mana sia nara nda rahine'e sa'ka yang Ana olah-olah naa neti'se sa boe.⁵¹ boema, Yesus lao' bali' no'se Nazaret reu no Ana tungga'se. te hu, ina'Na dudu'a dedea-o'olat na'ka sia rala ana'na,⁵² Yesus tamba fai Ana tamba na'amoko boema Ana tamba mahine no rala ma'asufu'. Ama Lamatua Ise no atahori'ra tamba hi'a ro'E

Chapter 3Yohanes Pembabtis Ues'na

¹to'ka sanahulu lima mia Kaisar Tiberius parenda'na,fai'na Pontius Pilatus dadi Gubernur mia Yudea, Herodes dadi mane' mia Galilea; Felipus torano'na Herodes dadi mane' mia mamana' Iturea boema Trakhonitis; no Lisania dadi mane' mia Abilene, ²Hanas no Kayafas dadi malangga imam agung, Ama Lamatua Ise harali'Na nema neu Yohanes, Zakharia ana'na, yang leo si'a moloa'a.³de, Yohanes lao' nisi'i basa mamana' sia deka no Yordan boema ana ola-ola soa neu baptisan pertobatan fo fe ambon neu sala'singgo'na,⁴ona'a nenesura' sia Kitab Nabi Yesaya: "ia'ka hara' lao' mia atahori yang mana ola-ola sia mo'loa'a,o'oti hela dala soa neu Lamatua, tao hela dala ndo'tetu soa neu'E⁵be'ka yang doke na mbori'e,boema be'ka mbuku lete na ali netetu'e.dala yang mapepenggo na tao netetu'e,boema be'ka dala yang nda rata sa na nando'e.⁶boema, basa atahori'ra rita momori masoda' lao' mia Lamatua" Yesaya 40:3-5⁷boema, Yohanes nafade neu basa atahori nae' yang mana rema'ra fo ana sarani, ana oi "Hai, hei titinonosi' mia mengge meo'ra! seka yang fe nesenedat neti hei fo hei mela lao' mia Lamatua nasa'Na yang mana nema'ia?⁸hu na'na, mitudu hei tataonono'i yang meulau mara. afi' mufade neu aoma, ' Abraham na'na hai bei'ba'i ma' au ufade neti nggo, tebe-tebe'na lao' mia fatu-fatu ia'ka Ama Lamatua Ise'a bisa nafefela anak-anak soa neu Abraham!⁹lelenan'na, lao' mia li'ia ara tao ta'a sia hau'a oka'na ena, hau be'ka yang nda mana naboa melole'sa na hunnga hendi'e boema honda hendi'e nisi ai rala."¹⁰atahori-atahori ratane neu Yohanes, "kalo ta'ona na, sa'ka yang bisa hai tao?"¹¹Ana na'ta, "atahori be'ka yang na'ena' badu rua, ana harus bangga no atahori yang nda ma'ena'sa. boema, be'ka yang na'ena nanat, ana tao hal yang sama ona' na'ka boe."¹²atahori mana kumbu pajak ruma rema boe fo ara sarani'se. ara ratane neu Yohanes, " meser, sa'ka yang harus hai tao?"¹³Yohanes nafade'se , "afi mo'e bea nalena'a lao' mia sa'ka yang nenena'etu soa neti hei."¹⁴serdadu ruma ratane neti'e, "ta'obe no hai? sa'ka yang harus hai tao?" Yohanes na'ta neti'se, "afi mo'e doi lao' mia se'ka boe no paksa hoko'na no tudu e'edik. na'adadi oama no hoo nggadi'ma."¹⁵faina basa atahori'ra rae'a doo'be fo Mesias nema, basa sira ratatane sia rala'nara rala soa neu Yohanes, ia'ka Kristus do hoko. ¹⁶Yohanes na'ta'se boema ana ola' nae, "Au mana fe sarani' neti hei no oe. te hu atahori esa mano kuasa lena' lao' mia au'e akan nema. fo aka'a buka sendal'Na tali'na boeo au nda layak'sa. Ana akan sarani hei nendi' Roh Kudus boema no ai.¹⁷lala'oa ana sia lima'Na ena fo nameu hendi lantai pengirikan boema fo ana kumbu gandum yang malole nisi soka'Na rala. te hu, Ana hotu'lalange laka'ra risi ai'a rala yang nda akan mate nita'sana."¹⁸no nesenedat nae' yang laen, Yohanes nanori Injil neu atahori nae. Yohanes Mana Fe Sarani Sia Bui Rala¹⁹te hu, na Yohanes ai Herodes, mane' nusak, soa neu hal yang ana tao neu Herodes, Herodes torano' na sao'na, boema karna basa hal yang nda malole'sa yang ana tao nala'ena, ²⁰de Herodes ana tamba ia'ka soa neu basa'e no tao Yohanes nisi bui'a rala. ²¹de basa atahori'ra sarani'se, Yesus boe ara sarani'E. boema, Ana huleoo'e ma, lalai'a ana tabuka, ²²no Roh Kudus onda nisi'E ona'a mbui lunda. boema, hara esa nema lao' mia lalai'a ata de Ana nafade nae,"Hoo'ia Au Ana'ngga yang Au suelai'. soa neu-Nggo Au fe nemeher' neu Hoo." Yesus Titinonosi'Na²³losa faina Yesus mulai no uehosa'Na, nda sala'sana Ana to telu nulu. atahori-atahori ola-ola oi Yesus na Yusuf ana'na.Yusuf na Eli ana'na. ²⁴Eli na Matat ana'naMatat na Lewi ana'naLewi na Malkhi ana'naMalkhi na Yanai ana'naYanai na Yusuf ana'na²⁵Yusuf na Matica ana'naMatica na Amos ana'naAmos na Nahum ana'naNahum na Hesli ana'naHesli na Nagai ana'na²⁶Nagai na Maat ana'naMaat na Matica ana'naMatica na Simeai ana'naSimeai na Yosekh ana'aYosekh na Yoda ana'na²⁷Yoda na Yohanan ana'naYohanan na Resa ana'naResa na Zerubabel ana'naZerubabel na Seatiel ana'naSeatiel na Neri ana'na²⁸Neri na Malkhi ana'naMalki na Adi ana'na.Adia na Kosam ana'na.Kosam na Elmada ana'na.Elmada na Er ana'na.²⁹Er na Yesua ana'na.Yesua na Eliezer ana'na.Eliezer na Yorim ana'na.Yorim na Matat ana'na.Matat na Lewi ana'na³⁰Lewi na Simeon ana'na.Simeon na Yehuda ana'na.Yehuda na Yusuf ana'na.Yusuf na Yonam ana'na.Yonam na Elyakim ana'na³¹Elyakim na Melea ana'na.Melea na Mina ana'na.Mina na Matata ana'na.Matata na Natan ana'na.Natan na Daud ana'na.³²Daud na Isai ana'na.Isai na Obed ana'na.Obed na Boas ana'na.Boas na Salmon ana'na.Salmon na Nahason ana'na.³³Nahason na Aminadab ana'na.Aminadab Admin ana'na.Admin na Arni ana'na.Arni na Hezron ana'na.Hezron na Peres ana'na.Peres na Yehuda ana'na.³⁴Yehuda na Yakub ana'na.Yakub na Ishak ana'na.Ishak na Abraham ana'na.Abraham na Terah ana'na.Terah na Nahor ana'na.³⁵Nahor na Serug ana'na.Serug na Rehu ana'na.Rehu na Peleg ana'na.Peleg na Eber ana'na.Eber na Salmon ana'na.³⁶Samon na Kenan ana'na.Kenan na Arpaksad ana'na.Arpaksad na Sem ana'na.Sem na Nuh ana'na.Nuh na Lamekh ana'na.³⁷Lamekh na Metusalak ana'na.Metusalak na Henokh ana'na.Henokh na Yared ana'na.Yared na Mahalaleel ana'na.Mahalaleel na Kenan ana'na.³⁸Kenan na Enos ana'na.Enos na Set ana'na.Set na Adam ana'na.Adam na'na Ama Lamatua Ise ana'Na.

Chapter 4Yesus Hambu Sobaan

¹Yesus, bali' lao' mia Yordan nema yang sosofo no'a Roh Kudus. basa'ma, Roh Kudus nendi'E nisi mo'loa'a ²losa fai ha'nulu fo niti'a soba'E. sia fai-fai na'ka Ana nda na ninu sa'saboe. losa fai nate'ena ma Ana ndoe. ³boema. nitu'a nafade neu'E, "kalo Hoo Ama Lamatua Ise'a Ana'Na, na denu fatu'ra iara didi neu roti." ⁴Yesus na'ta neu'e, "nene'sura' oi'atahori nda a'ka mori lao' mia roti nema'sa." Ulangan 8:3⁵basama, nitu'a nendi Yesus nisi mamana' esa nanaru na seli de ana natudu basa nusak-nusak'ra mana sia raefafo'a isi nara neu Yesus. ⁶de, nitu'a nafade mbali Yesus nae, "au ae fee kuasa neu Nggo boema fee mandela masa'a soa basa mamana ia'ra neti nggo, te basa faa'iara au enangga'ra. de, au sudi'a ae fee neu se'ka yang au hi'e. ⁷hu nana, Hoo nau koa kia au na basa ia'ra dadi neu Hoo ena heheli mara." ⁸boema, Yesus na'ta oi, "nene'sura' oi,'hoo harus koa kia neu hoo Ama Lamatua Ise'ma,no a'ka'a soa neu'E hoo harus koa kia."ulangan 6:13⁹basama, nitu'a no Yesus nisi Yerusalem boema ana natetende Yesus nakando nisi Ama Lamatua ume'Na ata'a. nitu'a ola' mbali Yesus oi, "kalo Hoo Ama Lamatua Ise'a Ana'Na, na boke lao' mia ia'nema fo rae'Mu, ¹⁰karna nenesura' oi,'soa neu Nggo, Ama Lamatua Ise'a parenda malaikat-malaikat' Nara fo rane'a Hoo.'Mazmur 91:11¹¹boema, 'no sira lima'nara, ara akan haso rala Hoofo Hoo ei'Ma nda na'atunu dai fatua'sa." Mazmur 91:12¹²Yesus na'ta neu nitu'a oi' "nene'sura',afi soba' hoo Ama Lamatua Ise'ma."ulangan 6:16¹³nitu'a soba nala Yesus, boema ana nela hela Yesus no ana nahani sia mamana yang laen fai.Yesus Tao Ues Ma'ahulu'Na Mia Galilea

¹⁵boema Ana mulai nanori mia Sinagoge de basa atahori'ra koa kio neu'E. Atahori'ra Nda Simbo Yesus Mia Nusak Ndae Huni'Na¹⁶basama Yesus lao' Nazaret neu, nusak yang Yesus na'amoko mia na. ona'a biasana, Yesus neu sia sinagoge tungga-tungga fai sabbat boema Ana nambari fo Ana baca. ¹⁷de ara lo fee susura nabi Yesaya neu Yesus, de Ana buka susura meumare naa ma Ana nanda no babanggi esa nae,¹⁸dula dale Ama Lamatua sia Au rala,hu nana Ana urapi Au fo ufade duduit meulau ia neu atahori mana hata'ta'ra. Ana denu Au fo ufade oi mbo'i hendi atahori mana sia tahanan'ara,boema fe atahori poke'ra rita bali',fo mbo'i hendi atahori-atahori yang mana tertindas ara,¹⁹boema fo dui benga mae Lamatua susuelalai'Na nema ena sia to-to mana nema ia'ra." Yesaya 61:1-2²⁰Lamatua Yesus tatana bali' kitab boema Ana fe bali' neu koster, boema Ana endo'. basa atahori mana sia na'ra heran mete rita'E. ²¹boema, Lamatua Yesus mulai ola-ola' no'se, "fai ia, pas no sa'ka yang nene sura' sia kitab meumare'ia rala ona' sa'ka yang hei rena." ²²boema, basa atahori'ra ra'ahei reu'E te hu ara heran-heran no sa'ka yang Ana dedea o'olan'Na lao mia bafa'Na nema. ara rafade oi, "nda sala'sana ia Yusuf ana'na to?"²³basama, Lamatua Yesus nafade neu'se oi, "ne'oke hei ola-ola dedeat kiasan soa neu Au, 'Tabib, mu'uhahai aoma aon! hai rena soa neu sa'ka yang Hoo tao mia Kapernaum, de tao ona' na'ka boe sia ia, sia Hoo Nusak fua funi'Ma."

²⁴basama Ana nafade oi, sebenarna nda hambu nabi esa sa boe yang ara simbo'e sia nusak fua funi'na oan²⁵sia ndo tetu'a rala, Au ufade neti hei, ina falu nae sia Israel mia masa Elia, pas fai'na lalai'a na'ateme losa to telu boema fula nee, fai ndoes monae neu basa nusak 'ra. ²⁶te hu, nda denu Elia nisi'i basa atahori se'ka sa boe te hu denu'e neu nisi ina falu esa mana leo sia Sarfat, sia mamana narana Sidon. ²⁷boema, atahori nae' ramahedi Kusta sia Israel mia masa nabi Elia, te hu nda hambu atahori esa sa boe yang ana hai, aka'a Naaman, atahori mana mia Siria nema."²⁸ara rena rala hal na'ka boema, basa atahori yang mana sia sinagoge ra basa'se ramanasa. ²⁹de, basa'se fela rambari de ara nore Lamatua Yesus nisi nusak dea neu, boema ara rendi'E nisi lelete'a ata sia mamana nusak yang ara tao'e fo ara honda'E lao mia ata nema. ³⁰te hu, Yesus birus hendi'se de Ana lao' tungga talada'nara de lao hela basa'se. Yesus Oi Hendi Nitu'a Lao Mia Ana Tou Esa³¹Lamatua Yesus lao nisi Kapernaum, nusak esa sia mamana Galilea, boema Ana nanori atahori nae pas fai Sabbat. ³²basa atahori'ra akui soa neu nanaori'Na karna dedea o'ola Na sosofo no'a Kuasa.³³sia sinagoge, ana tou esa, roh nitu yang sofe no'a manggenggeo'a maso nisi aon'na rala, ana ki nggasi hendi basa hara'na, ³⁴"hela hai mesa'ma! Hoo urusan sa'ka mo hai, hai Yesus, atahori lao' mia Nazaret nema? sa de Hoo uma mumate hendi hai? au uhine Hoo seka, yang Kudus lao' mia Ama Lamatua Ise!"³⁵te hu, Yesus bua' roh nitu na'ka, Ana oi, "ne'ne! dea mu lao mia atahori ia!" basama nitu'a rupa hendi ana'ka neu rae'a, mia basa atahori'ra mata'nara, ana nela dea neu lao mia ana'ka aona no nda tao ana'ka ta'o be-be sa boe. ³⁶basa atahori mana sia nara akui boema ara heran de esa ola no esa oi, " dedea o'ola sa'ka ia? karna no wibawa boema kuasa, Ana parenda roh-roh manggenggeo'a ara dea reu." ³⁷boema, duduit soa neu Yesus tersiar neu basa mamana'ra sia basa nusak na'ra. Petrus Mama Mantu'na No Atahori Nae Hai³⁸basama, Yesus lao hela ume nggarei'a de lao nisi Simon ume'na. pas no, Simon mama mantu'na namahedi mafao matobi, hu na ara ro'e Lamatua Yesus fo Ana tao'e fene hai. ³⁹boema, Lamatua Yesus fela nemberi deka no Simon mama mantu'na boema Ana nangge'nge hedis'a, boema hedis'a mopo de ana hai. li na boe, de Simon mama mantu'na fela de ana layani'se.⁴⁰losa relo'a mopo, basa atahori'ra rendi torano' bobonggi'nara yang mana mamahedi'ra lala'ena rema risi Yesus. de basama Lamatua Yesus tao lima'Na nisi'se esa-esa de basa'se hai. ⁴¹nitit-nitu ra boe rela dea reu lao mia atahori'ra rala boema ara nggasi ki rae, "Hoo ia Ama Lamatua Ise'a Ana'Na!" te hu, Lamatua

Yesus bua'se, Ana nda fe'se rahara karna sira bubulu Ana adalah Kristus. Yesus Hotba Sia Nusak-Nusak Laen'ara⁴² fefetu ana'na Lamatua Yesus lao' nisi mamana esa yang sunyi fo Ana mesa'ne. ma atahori nae sangga'E, de losa ara rita'E, ara ai'E fo Ana afi lao' hela sira. ⁴³te hu, Ana nafade neu'se nae, " Au harus u'ulolosa Injil Kerajaan Ama Lamatua Ise neu basa nusak-nusak laen ara boe karna ia dea Ara denu Au uma." ⁴⁴boema, Lamatua Yesus hotba mia sinagoge-sinagoge sia Yudea.

Chapter 5No'no'e Fo Dadi Neu Mana Dolu Dala Atahori

¹mia fai esa, atahori nae rakarumbu rala Lamatua Yesus fo ara rena Lamatua harali'Na. fai na, Lamatua Yesuis nambari' nisi dano Genesaret bife'na, ²boema Ana mete ofa rua yang mana sandar sia dano na bife'na, te hu atahori nara basa'se lao' hela ofa'ra de ara reu sasafe'lolou pu'at nara. ³Lamatua Yesus hene neu ofa esa ata, na'ka Simon ofa'na, de denu Simon timba ofa'na dano rala neu na'adodo no retan'a. boema, Lamatua Yesus endo no Ana nanori atahori nae lao' mia ofa'a ata. ⁴Ana o'ola basama, Lamatua Yesus nafade neu Simon oi, "lao' nakando nisi oe'a roman'na neu fo nggari hoo pu'atma fo pu'a uu'ra." ⁵Simon nata na, "Meser, hai tao ues ia mae mate eni tetemba'na fe'e iana, te hu nda hambu sasa'saboe! te hu, karna Hoo yang denu, de au nggari pu'ata ona' yang Hoo nanau'Ma." ⁶boema, de ara tao tungga, ma ara rala u'u naena seli de sira pu'at nara sofe lena de pu'ata nae sika hendi'e. ⁷boema, ara sein torano' baba'u nara mana sia ofa'a laen'ara fo ara rema bantu rala'se. basama, basa torano' baba'u nara basa'se rema de ara ra'aisi u'ura risi' ofa'a ra ru'ase rala'a losa basa'se sofe no'a u'u losa ofa'ra hela'a mbeis'na molo hendi'se. ⁸faina Simon Petrus mete nita hal ia'ka, ma ana sende lunggu langga'na nisi Lamatua Yesus mata'Na boema ana ola' nae, "lamu lao hela au, Lamatua, hu na au ia atahori yang sosofe no'a sala'singgo!" ⁹Petrus ola' ta'ona hu eni no basa atahori yang mana no'e heran soa neu u'u nae yang ara rala'ra. ¹⁰sama ona'a Yakobus no Yohanes, Zebedeus ana'nara yang Simon torano'nara. Lamatua Yesus nafade neu Simon oi, "afi mumutau. sia li'ia, hoo dadimu mana pu'a atahori." ¹¹basama ara nore ofa-ofa'nara risi rae'a ata'a, boema ara lao' hela basa nara de ara lao tungga Lamatua Yesus. Atahori Yang Mamahedi Kusta Ana Hai¹²fai esa, Lamatua Yesus mia nusak esa. sia nusak na'ka, sia naa atahori esa aona sososfe no'a kusta. fai'na atahori na nita Yesus, ana sende lunggu langga'na losa mata'na dai rae'a boema ana hule neu'E, "Lamatua, kalo Hoo nau, na Hoo tao au hai." ¹³boema, Yesus lo lima'Na de nggama neu atahori na'ka. Ana ola nae, "Au nau, dadi hoo hai." li'na boe, hedi kusta'na mopo hendi basa'se¹⁴te hu, Lamatua Yesus parenda atahori na'ka fo afi nafade neu esa boe de Ana ola nae, "lamu fo mutudu aoma nisi imam. fee korban soa neu hoo hahai'ma ona'a sa'ka yang musa parenda'na fo dadi bukti soa neu'se¹⁵basa atahori'ra dui bengga tentang Lamatua Yesus nara'Na de atahori'ra nae rema ra'abubue fo rena nanori'Na boema fo ara hai lao' mia sira hedi'raus nara. ¹⁶te hu, Yesus lao-lao esa na Ana loa hela'se nisi mamana ma'afuni fo Ana hule oo'e. Atahori Nda Mana Lao' Nala'sa Ana Hai¹⁷mia fai esa, faiu'na Lamatua Yesus pas Ana nanori, atahori-atahori farisi no ahli-ahli Taurat yang ara rema lao' mia basa nusak'ra sia mamana Galilea, Yudea, no nusak Yerusalem boe endo sia na. boema, Kuasa Ama Lamatua Ise no Yesus de Ana tao nahai'i atahori nae¹⁸boema, ara mete rita atahori ruma lemba rendi atahori esa yang nda mana lao' nala'sa sia mamana susunggu'na, de ara usaha rendi'e rala neu tao'e nisi Lamatua Yesus mata'Na. ¹⁹te hu, karna atahori mana ma'abubue'ra talalu nae de ara nda hambu dala' fo rendi'e rala neu sa, ma ara hene risi ume'a mbuni'na, de ara ra'onda atahori yang nda mana lao' nala'asa no mamana susunggu'na tungga'a ata nisi'i atahori'ra talada nara sia Lamatua Yesus mata'Na²⁰de mete nita sira nemehere nara, Yesus ola' nae, "hai torano nggeru, Au fe ambon neu hoo sala singgo ma." ²¹ahli-ahli taurat no atahori-atahori farisi'ra rata-tane oi, "ia atahori se'ka de ana mamasi rarai Ama Lamatua nara'Na? se'ka yang bisa fee ambon neu sala singgo'ra selain Ama Lamatua Ise?" ²²Lamataua Yesus nahine sira dudu'a nara, de Ana natane'se oi, "sa'de hei mitane ona' na'ka sia hei rala'mara rala? ²³beka yang lebih gampang, nafade oi 'fe ambon neu hoo sala'singgo'ma' do 'fela fo lao' leo'? ²⁴te hu, na fo hoo bubulu bahwa Lamatua Ana'na berkuasa sia raefafo fo Ana fe ambon neu sala'singgo'ra," Lamatua Yesus nafade neu atahori yang nda mana lao' nala'asa, "Au ufade neti'nggo: fela, o'o mendi mamana susunggu'ma fo bali' leon." ²⁵li'na boe, atahori na'ka fela nambari mia basa atahori'ra mata'nara boema ana ha'i nala mamana susunggu'na, de ana lao' bali' no ana koa kia Ama Lamatua Ise'a nara'Na. ²⁶basa atahori'ra heran de basa'se koa kia Ama Lamatua. no sosofe no'a ara ramatau Ama Lamatua kuasa'Na, ara ola-ola oi, "fai ia hai mete mita dada'di yang monae'na seli!" Lewi Tungga Yesus²⁷basa naa'ma, Yesus dea neu boema Ana nita atahori esa mana tagi bea nara'na Lewi ana endo' sia mamana tagi bea. Yesus nafade neu'e oi, "Tungga Au." ²⁸boema Lewi nambari, ana lao hela basa-basa'e, de ana tungga Yesus²⁹basama, ana tao fefeta monae fe Yesus sia ume'na. atahori mana tagi bea nae' no atahori-atahori laena'ra yang ra ra'abubue ro'se. ³⁰te hu, atahori-atahori Farisi no ahli-ahli Taurat ara ra'a u'utu neu Yesus ana nenori nara, "saa'de hei mia minu moo mana tagi bea'ra no atahori-atahori yang sosofe no'a sala'singgo'ra?" ³¹Yesus nata' no Ana ola' neu'se oi, "atahori-atahori sehat'ta nda butuh mantri'sa, te hu atahori-atahori yang hedi'raus sara. ³²Au nda uma fo o'e atahori mana ndo'tetu'ra 'sa, te hu fo o'e atahori-atahori mana sosofe no'a sala'singgo'ra fo ara bertobat."Atahori Farisi Na'asasama' Yohanes Ana Nenori'na No Yesus³³ara rafade neu Yesus, "Yohanes Pembabtis ana nanori nara biasa nda raa rinu'sa no ara hule oo'e, boema atahori Fasiri ra ana nanori nara boe. te hu, Hoo ana nanori mara raa rinu rakando'a." ³⁴Yesus nafade neu'se oi, "hambu do hoko hei denu mana roo sao tou'a fo ara afi raa rinu waktu sao tou'a fe'e na'abubue no'se? ³⁵te hu, fai-fai mana nema'ra ia'ra, waktu sao tou'a ara ha'i rendi'e lao' mia'se, deu fo sia fai-fai na'ka fo ara nda raa rinu'sa." ³⁶Yesus boe dui

duduit ia neu'se, "nda hambu atahori esa'sa boe yang sii nala side esa lao' mia bua feu' na fo ana soo seu neu bua mbara'nara. hu na ona'a ia, atahori na'ka nalutu bua feu'a, boema side feu' yang ana soo seu nendi'a nda pas'sa no bua mbara'a sa.³⁷ hu na, nda hambu atahori esa sa boe yang mbo'a anggur feu nisi mamana rou' mbara. anggur feu na ana nasi' hendi mamana rou mbara'a de anggur'a mbo'a hendi'e neu rae'a boema mamana rou'a boe nambalutu. ³⁸anggur yang feu'a harus mbeda neu mamana rou'a yang feu. ³⁹nda hambu atahori esa sa boe yang ana ninu nala anggur mbara'a, na ana nau ninu anggur feu hu na ana oi, 'anggur mbara'a lada lena."

Chapter 6Lamatua Soa Neu Fai Sabat

¹fai esa, mia fai sabat, Lamatua Yesus lao' tungga mole' gandum esa. mia fai na'ka, ana nanori nara etu rala gandum mbule esa rua, de ara o'oto rendi lima nara, de ara raa. ²atahori farisi'ra ratane, "sa'de hei tao sa'ka yang nda bole tao sia fai sabat'sa?"³Yesus na'ta neu'se no Ana nafade'se oi, "hei baca mita'sa do hoko sa'ka yang Daud tao fai'na no atahori nara yang basa'se ndoe, ⁴de ana lao' Ama Lamatua umen'Na rala neu, ana ha'i roti persembahan, ana naa roti'a, boema ana babanggi neu atahori nara yang mana roo'e, yang nda boleh atahori raa'sa, kecuali aka'a para imam'ra?" ⁵boema Yesus nafade neu atahori-atahori farisi na'ra oi, "Lamatua Ise Ana'Na naa Lamatua soa neu fai sabat."Yesus Fe Atahori Hai Sia Fai Sabat⁶sia fai sabat ma'abuika, Lamatua Yesus lao' nisi sinagoge fo Ana nanori atahori. sia mamana na'ka atahori esa lima ona'na mates. ⁷ahli-ahli Taurat no atahori-atahori farisi ra mete matalolole Yesus fo ara mete Yesus nahai' atahori sia fai sabat do hoko, na fo ara hambu alasan tudu'E. ⁸te hu, Yesus nahine sa'ka yang ara dudu'a sia rala nara rala. Ana nafade neu atahori yang lima mates na'ka oi, "fela boema mumburi mu talada'." de atahori na fela de ana nambari nisi na.⁹Lamatua Yesus nafade neu'se oi, "Au utaneu neu basa hei, sa'ka yang ara fe isin fo bisa tao sia fai sabat: tatao malole do tatao de'ulaka? fe masoda neu ao samana'a do misa hendi'se?" ¹⁰basama Ana mete basa boboa'Na, basa'se, Lamatua Yesus nafade neu atahori yang lima mates'sa, "loo hoo lima'ma nema" basama, atahori na'ka loo lima'na neu Yesus boema lima'na hai. ¹¹te hu, atahori-atahori farisi no ahli-ahli Taurat ara ramanasa raseli de ara ba'akor esa no esa fo ara rae tao Lamatua Yesus. Hehere' Rasul Kasana Hulu Rua'ra¹²sia fai-fai na'ka, Lamatua Yesus hene neu lete' ata fo hule oo'e, boema Ana hule oo'e neu Ama Lamatua Ise'a lao' mia tetemba'na losa nameu aona, ¹³fefetu anana, Ana no'e ana nanori' nara de Ana here nala atahori sanahulu rua, atahori-atahori nara nanara neu Rasul¹⁴Simon yang ara rae nara'na "Petrus", Andreas, Petrus torano'na,Yakobus,Yohanes,Filipus,Bartolomeus, ¹⁵Matius,Tomas,Alfeus ana'na Yakobus,Simon yang ara rae atahori Zelot,¹⁶Yakobus ana'na Yudas,boemaYudas Iskariot yang mana seo LamatuaLamatua Yesus Nanori'Na¹⁷basama Yesus no Rasul nara rema, Ana nambari neu mamana yang tetu'a. boema, basa ana nanori nara bubue esa ro atahori nae' lao' mia basa mamana Yudea, Yerusalem, boema lao' mia mamana tasi su'a kota Tirus no Sidon rema risi'E ¹⁸basa sira rema fo rena Yesus nanori'Na boema hambu hai lao' mia basa sira hedi'raus nara. boema, atahori-atahori yang roh-roh de'ulaka'a nala rala nara, ara rela hela'se. ¹⁹basa atahori'ra usaha fo hambu nggama dai Yesus hu na Kuasa yang ana dea neu lao' mia Yesus rala nema fee se hai.²⁰Lamatua yesus mete mbali ana nanori nara de Ana nafades'se oi,"neneberkati hei yang hata'ta hu na hei ena'ma Ama Lamatua Ise Kerajaan'Na.²¹neneberkati hei yang sai fai'ia ndoehu na hei akan mi'ibeta.neneberkati hei yang sia fai'ia nggaehu na hei akan mali²²neneberkati hei yang atahori'ra ramanasa,ra'adodo roo'nggi'mamasi'rarai nggi,boema ara ra'amumuti nggi karna Lamatua nara'Na.²³mimiho'o sia fai be'ka ara tao neti nggi, boema ama tetek' mimiho'o soa neu 'se te karna hei hahambu'ma monaena seli sia Surga;hu na, sira ina ama ma'ahulu nara tao Nabi'ra ona'a na'ka boe²⁴te hu, sususa'a nema neu hei yang mana hambu dai'hu na hei hambu mala mamaori'a malole'na.²⁵sususa'a nema neu hei yang saia fai'ia mi'ibetahu na hei akan ndoe.sususa'a nema neu hei yang sia fai'ia malihu na hei akan nggasi ma nggae.²⁶sususa'a nema neu hei yang sai fai'ia atahori dui bengga hei nara malole' marahu na, sira ama ina ma'ahulu nara o'ola soa neu nabi-nabi falus ara ta'o na boe."Suelai Hoo Musuh'ma²⁷te hu, Au ufade neti hei yang mana rena neu Au.ama suelai hei musuh'ma boema ama tao malolole neu atahori yang mana mamana'sa hei'ra.²⁸ama fee berkat neu atahori yang mana sumba'so hei'ra boema ama hule oo'e fee atahori yang mana poko'paru hei'ra.²⁹soa neu atahori yang mana mbasa hei nasu'ma, ama fee selu nasu'ma seri boe.boema, soa neu sa'ka boe yang rau nala hei juba'ma, na afi ai'e fo ana rau nala no hoo badu'ma boe.³⁰fee'neu se'ka boe yang no'e neu hoo, boema kalu se'ka yang ha'i nala hoo saa'ma, na afi' hoo mo'e bali'e lao' mia'e.³¹tao malole' neu atahori laen ona'a hoo nau atahori tao malole' neu nggo.³²kalu hoo aka'a suelai atahori yang mana suelai hoo, kokoa' sa'ka yang ara fee neti nggo?hu na, atahori de'ulaka'ra boeo' suelai atahori-atahori yang mana suelai'se.³³de kalo hoo aka'a tao malolole moo'a atahori yang mana tao malole' ro hoo,pas do hoko' hoo hambu kokoa'? hu na, atahori mana de'ulaka'ra boeo tao hal ona' na'ka boe.³⁴de kalo hoo fee atahori laen'ra pinjam hoo saa'ma boema hoo mumuhena foo ara fee bali' no imbalan, na kokoa' sa'ka yang ara fee neti nggo?hu na, atahori mana de'ulaka'ra boeo fee pinjaman neu atahori mana de'ulaka laen fo ara hambu bali'i ona'a yang ara fe'a.³⁵te hu, suelai hoo musuh'ma no tao malolole neu'e, fee atahori laen pinjaman te afi mumuhena hambu imbalan mia'e. ona' na'ka, hoo akan hambu upah monae boema hoo akan dadi ana-anak yang mahatinggi,hu na Ama Lamatua Ise malole neu atahori-atahori yang nda mana mahine hadat'sa boema atahori de'ulaka.³⁶hu na, malole' na hei mi'ena susue', sama ona'a Ama Lamatua yang boe sosofo' no'a susuelalai."Afi Main Hakim Ao'ma Neu Atahori Laen³⁷"afi ha'i hakim aoma fo ara nda hakimi hoo'sa. afi hukudoki atahori fo ara nda hukudoki hoo'sa, fee ambon neu atahori fo ara fee hoo ambon boe.³⁸fee fo ara boe'o fee hoo: sa'ka yang hoo uku mendi' yang maeulau, yang hoo hambu, yang nenededeni' nasofe'e, na'ka yang

ara mbo'a neti hoo ivama. te hu no sa'ka yang hoo uku sudi mendi', hal na'ka boe yang ara huku sudi fee neu bali' hoo³⁹ Lamatua Yesus dui fee neu'se perumpamaan ia'ka oi, "hambu do hoko athori poke ana nelalao atahori poke? ona be boeo ru'ase akan toda kolo' rala reu. ⁴⁰ana nenori esa nda akan lena mia meser'na sa. te hu, seka mesan yang hambu nenelatih ana sama ona'a meser'na boe. ⁴¹saa'de hoo mete mita manggarau'a sia hoo torano'ma, te hu hoo nda bubulu hau balok'a sia hoo mata'ma aona'sa? ⁴²ta'o be de hoo mufade neu hoo torano'ma mae, 'torano' uma foo au nggue hendi manggarau'a sia hoo mata'ma', te hu hoo aoma aon nda mete mita hau balok'a sia hoo mata'ma? woe atahori mana leleko! ha'i hendi hau balok'a sia hoo mata'ma aona dei. basa'na fo, hoo hambu mete mita no manggarelo' de fo hoo hambu nggue hendi nggeo'a sia hoo torano'ma." Hau Hu Malole' Ana Naboa Boa Malole'⁴³hau hu yang malole' ana nda naboa boa de'ulaka'sa, boema hau hu yang de'ulaka nda naboa boa malole'sa. ⁴⁴basa hau hu ra hita tahine'se lao mia boa' nara. atahori nda kumbu boa ara' lao' mia nggaut'a rala'sa, do hoko'na etu anggur lao' mia makateme'a rala. ⁴⁵atahori yang malole' ana tao saa mesan'o ana tao nendi rala temeo te hu atahori yang de'ulaka'a ana ato saa mesan'o ana toa nendi rala de'ulaka'na. sa'ka yang dea neu lao' mia atahori'a bafa'na, na'ka boe lao' mia rala'na rala." Fanderen Macam Rua⁴⁶saa de hoo mo'e Au, 'Lamatua, Lamatua,' te hu nda tao tungga ona' sa'ka yang Au unori'ngga'sa? ⁴⁷Au ae utudu neti hoo, ona'a sa'ka yang atahori nema neu Au'e, ana rena boema ana tao ona'a sa'ka yang Au nenori ngga. ⁴⁸ana ona'a atahori rafefela ume esa, ayang ana ali losa roma'a fo ana ato fanderena sia fatu'a ata. de faina loe'a nema, oe'a poko ume'na, te hu ume'a nda nambalulutu'sa hu na uma'a ara tao'e sia fatu mahere'a ata. ⁴⁹te hu atahori yang rena Au nenori ngga te nda tao tungga'sa, ana ona' atahori yang nefefela ume'na neu rae'a ata te nda maena fanderen sa. de faina loe monae'a nema, ume'na foi hendi'e boema ana nambalulutu."

Chapter 7Lamatua Yesus Fee Nehai Perwira Dedenu'na

¹faina Lamatua Yesus nabasa hendi basa dudui'Na mia atahori nae mata na, ma Ana lao' Kapernaum rala neu.²sia na, atahori esa Perwira Romawi yang naena athe yang ana sue. athe na'ka ana namahedi na'a mate. ³faina perwira na'ka rena Yesus nara'Na, ma ana denu atahori lasi-lasi Yahudi ruma reu randah ro Lamatua Yesus fo ara ro'e Ana nema namodo eni athe'na fo ana hai lao' mia hedi'na." ⁴de atahori lasi na'ra rema randa ro Yesus, boema ara ro'e tebe-tebe neu Yesus. ara rafade oi, " atahori ia'ka pantas Hoo tolong'e, ⁵karna atahori ia ana sue hita nusak'na boema ana yang nafefela sinagoge soa neu hita." ⁶Lamatua Yesus neu sama-sama noo'se. faina Ana losa deka no Perwira ume'na, ma Perwira denu nono'na ruma rema rafade neu Yesus oi, " Lamatua, afi'i sudi mu'ubebengge ao'Ma soa neu au te au nda pantas simbo Hoo sai au ume ngga. ⁷hu na, au ao ngga oan rasa nda pantas uma neu Nggo. te hu, aka'a Hoo ola' dedeat deke esa, fo au athe ngga ana hai. ⁸te, au ia athe lao' mia atahori boe hu maena' Prajurit-prajurit. de kalo au denu prajurit esa ae, 'lao', ana boe lao. boema kalo au denu prajurit alen esa ae, 'uma' ana boe nema. boema, kalo au denu athe ngga ae, 'tao ia,' athe ngga boe akan tao na." ⁹de Lamatua Yesus rena nala hal naa ma, Ana ona'a nggengger soa neu Perwira Romawi na. ma Ana heo' mbali atahori nae mana tungga dea'Na, Ana nafade'se oi, "Au ufade neti nggi, Au nda fe'e hambu nemehere' monae ona'a ia'ka sia Israel'sa." ¹⁰losa atahori yang nenedenu ra losa bali' Perwira ume'na, de ara reu te Perwira athe'na hai ena.Janda esa Ana'na Fela Bali' Lao Mia Mamates¹¹fefetu na ma, Lamatua Yesus lao nusak esa nara'na Nain, Ana neu no ana nanori nara boema atahori nae' ma'abubue yang mana tungga ro'E. ¹²losa deka no lelesu leo Nusak ma ara randa ro atahori'ra o'o mamates ana mone' esa dea neu. mana mate naa ina falu esa ana mone ise'na. de, atahori nae' sia nusak na'ka lao' sama-sama ro ina falu'a. ¹³de Lamatua nita ina falu'a boema, Lamatua rala'Na namasue ina falu'a de Ana nafade neu'e oi, "afi' nggae."¹⁴basama, Ana neu deka'e de Ana nggama neu kopa'a. atahori-atahori yang mana lu'a kopa'a ara rambari. boema, Lamatua Yesus ola' oi, "hai mone tena, Au ufade neu nggo, fela!"¹⁵basama, atahori yang fa'ra mana mate'a endo boema ana ola-ola. de, Lamatua Yesus denu bali'e neu se'u mama'na¹⁶basa atahori yang mana sia nara basa'se ramatau raseli' de basa'se koa kia Lamatua nara'Na boema ara ola-ola rae "Nabi monae esa nema sia basa hita talada nara!" boema "Ama Lamatua Ise melawat rauinggu'Na." ¹⁷de, basa'e dui benggga neu basa nusak ra sia Yudea boema basa mamana laen yang mana deka no'se.Yohanes Pembaptis Denu Ana Nanori'na Neu Se'u Yesus¹⁸Yohanes ana nanori nara rafade neu Yohanes basa hal na'ra. ¹⁹boema, Yohanes no'e ana nanori nara rua de ana denu'se reu randa ro Lamatua fo ara ratane rae, "Hoo ia yang mana nema ia ena do?, doo hai fe'e mihani yang mana nema laen'a fai?"²⁰ara rema losa Lamatua Yesus ma, ara ratane rae, "Yohanes Pembaptis denu hai ima mitane neu Nggo, ' Hoo yang akan mana nema'a naa ena do?, doo hai fe'e mihani mana nema'a laen fai?"²¹pada saat na, Yesus fee atahori nae hai lao mia hedi raus nae, wabah, no roh-roh de'ulaka. Ana boe fee atahori poke' nae rita bali'. ²²Lamatua Yesus nata neu atahori karua na'ra oi, "ama mi fo dui Yohanes soa neu saa'ka yang hei mita boema saa'ka yang hei rena: athori poke ana nita bali', atahori nda mana lao nala'a sa ana lao bali', atahori yang mana mamahedi kusta ana hai, atahori mbake ana rena bali', atahori mates ana fela bali', boema sao neu atahori-atahori hata'ta hambu dudui maelau. ²³hu na, nemehoo'ot soa neu atahori yang nda mana ma'atunu lao mia Au'sa²⁴basama Yohanes atahori dedenu nara lao, ma Yesus nafade neu atahori nae mana sia na'ra soa Yohanes oi, "tao sa hei lao mi mete mo loa monae'a? mi mete fulu yang anin'na fu'e? ²⁵te hu, sa'ka yang hei mi mete mita? atahori yang pake bua'lo'as meulau'a? mete mita, atahori yang pake bua'lo'as meulau no momori'na sosofe no'a hata eto sia Istana-istana manek. ²⁶de, sa'ka yang hei mi mita? Nabi esa? ya, Au ufade neti nggi, lena' hendi lao mia Nabi esa."²⁷Eni na atahori'a, yang soa neu'e nene sura:'ama rena! Au denu Au dedenu nggara ra'ahulu hoo.Ana yang akan o'oti hela dala fee neu Nggo.' Maleakhi 3:1 ²⁸ Au ufade neti hei, sia basa atahori yang pernah bonggi'e lao mia mama'na nema, nda hambu esa monaena lena' lao mia Yohanes. te hu, yang paling anak sia kerajaan Ama Lamatua, monaena lena' mia'e²⁹de atahori nae' no mana kumbu bea'ra rena hal na'ka, basa sira akui titimba-tatais Ama Lamatua karna basa sira hambu baptis lao' mia Yohanes Pembaptis. ³⁰te hu, atahori Farisi no Ahli-ahli taurat nda simbo Ama Lamatua rencana'Na soa neu sira karna ara nda fe'e hambu bapti lao' mia Yohanes'sa. ³¹"no sa'ka Au fee perumpamaan soa neu atahori-atahori yang mori sia masa ia'ka? ona' sa'ka atahori na'ra?"³²sira nara ona'a ana-ana mana nggua-nggua sia pasar, yang ola-ola esa no esa, 'hai fuu seruling fee hei, te hu hei nda lendo'sa, hai soda lagu sususa, te hei boe nda nggae'sa."³³hu na, faina Yohanes Pembaptis nema de ana nda naa roti do ninu anggur, ma hei ola mae, 'ana nitu'a masok rala'na.' ³⁴te hu, faina Lamatua ana'Na nema de Ana naa no ninu, ma hei ola mae, ' mete mita! Ana atahori raku'tao no mana mafu! Ana boe kumbu no mana tagi bea boema atahori-atahori yang mana de'ulaka'ra!' ³⁵te hu, duduat naru malole'a sia ana-ana Nara." Ina De'ulaka Esa Ana Urapi Yesus³⁶fai esa ma, atahori esa lao mia turunan Farisi yang undang Yesus fo ana naa no'E. Yesus neu nisi atahori Farisi' a ume'na de Ana naa no'e. ³⁷sia nusak na, ina esa sofe no'a tatao de'ulaka. ana nahine oi Yesus nema naa sia atahori Farisi'a ume'na, ma ana boe

hasa boto pualam esa yang isi'na sofe no'a mina ma'ameni'.³⁸boema, ana nambari neu Yesus dea'Na, deka no ei'Na, ana nggae de ana basuh yesus ei'Na nendi' lu oe'na boema ana seka nendi'i langga fulu'na. basama, ana idu yesus ei'Na no ana urapi nendi mina ma'ameni'.³⁹Boema atahori farisi yang mana no,e Yesus mete nita hal na'ka, ma ana ola sia rala'na oi, "kalo atahori ia nabi, ne'oko Ana bubuluh ina yang mana nggama'E ia se'ka hu na ina ia tao nono'i na sofe no'a de'ulaka."⁴⁰Yesus rena de Ana nafade nae, "Simon, Au ae ufade hei sah esa sie. "Simon nata, "mufade leo, Meser."⁴¹Yesus nafade oi, "hambu atahori rua yang rahuta neu mana fee pinjaman, esa nahuta 500 dinar boema esa nahuta 50 dinar. ⁴²de basa rua'se nda bae rala huta nara'sa, de mana fee pinjaman'a ana fee ru'as se bebas mia huta nara. sia li ia, ru'ase se'ka yang sue mana fee pinjaman'a nalena?"⁴³Simon nata nae, "au dudu'a ngga na, au ae atahori yang mana nahuta nalena'a. "Yesus nafade neu'e oi, "hoo dudu'ama na nanda."⁴⁴basama Ana heo mbali ina'a, de Yesus ola neu Simon oi, "hoo mete mita ina boe? waktu Au eti mia hoo ume ma, hoo nda fee Au oe'sa fo safe Au ei nggga'sa, te hu ana safe Au ei ngga nendi'i lu oe'na boema ana seka Au ei ngga nendi langga fulu'na. ⁴⁵hoo nda idu Au sa, te hu ana idu sasafa Au ei ngga nakando'a eni mia Au uma⁴⁶hoo nda urapi Au langga ngga mendi mina'sa, te hu ana tao mina ma'ameni'a neu Au ei ngga. ⁴⁷hu na, Au ufade neti nggo, tatao nono'i de'ulaka nara Au fene ambon ena, karna ana natudu susue lalai monae'na, atahori yang hambu ambon aka'a mbei'a ana fee susue'a mbei'a boe."⁴⁸boema Yesus nafade neu ina'a oi, "Au fee ambon neu hoo salah singgo mara ena."⁴⁹atahori-atahori yang mana na ro Yesus ara ratatane sia rala nara oi, "atahori ia se'ka de Ana fee ambon neu ina de'ulaka ia?"⁵⁰Yesus nafade neu ina' oi, "hoo mumuhere'ma ana fee masoda' neu hoo, bali' mo soda mole'."

Chapter 8Ina Aana'ra Yang Mana tolong Yesus

¹mia fai fefetu'na, Yesus lao' keliling nisi nusak-nusak'ra boema no desa-desa'ra fo Ana dui boema Ana na'alolosa Ama Lamatua harali'Na. Ana lao no rasul ka sanahulu rua'ra, ²boema Ana no ina'ra yang Yesus oi nitu'a lao mia aonara rala boema ara hai lao mia basa hedi rausa ara. termasuk no Maria, yang ara oi Magdaena, yang Yesus oi nitu de'ulaka hitu lao mia aona rala. ³boema Khuza Herodes bendahara'na sao'na Yohana, Susana, boema fe'e hela ina nae yang ara pake sira hata eto nara aon fo ara dukung neu yesus. Perumpamaan Soa Neu Mana Sela Nggari⁴de atahori nae' kumbu boema atahori-atahori ra lao mia basa nusa'ra rema randa ro Yesus, Ana nafade neu'se nendi perumpamaan esa io: ⁵"atahori tani esa ana sela nggari. faina ana sela nggari, fini'ra ruma nggodi sia dala'a bife'na de ara heta-heta'e, boema faa mbui'ra raa hendi'se. ⁶ma ruma nggodi risi fatu'ra ata'a, de faina fini'a mulai muri te hu ana meto karna ana nda hambu oe'sa. ⁷fini ruma nggodi risi nggaut ma'ateme'a talada nara boema ana mori namololo' no nggaut de nggaut'a hapi nala'e. ⁸hela'a fini ruma nggodi risi rae yang mana gembur boema ana mori subur de hambu hasil naena natun esa lao rua."Ana dui basa perumpamaan na boema Ana ola nae, "atahori yang na'ena ndiki na ana rena, fo ana rena nala malolole!"⁹basa na'ma, Yesus ana nenori nara ratane neu'E soa neu perumpamaan na'ka arti'na. ¹⁰Ana nafade oi, "soa neti hei Au ufade Kerajaan Ama Lamatua rahasia'Na, te hu soa neu atahori laen Au ufade endi'i perumpamaan na fo, mae ana mete tete, ana nda nita'sa, boema mae ana rena, te hua ana nda nahine'sa." Yesaya 6:9 Yesus Dui Namemeu Perumpamaan Fini'a¹¹perumpamaan'a arti'na ona ia'ka: "fini naa sama no Lamatua harali'Na. ¹²fini yang nggodi risi dala'a bife'na ona'a atahori yang mana rena Lamatua harali'Na. basama, nitu'a nema boema ana ha'i nala Lamatua harali'Na lao mia rala nara fo ara nda ramahere fo ara nda rasoda'sa. ¹³fini yang mana nggodi risi rae fafatu na ona'a atahori yang mana rena rala Lamatua harali'Na no ana simbo nala no nemeho'o, te hu ana nda na'oka sa. ara ramahere aka'a ma'ahulu'na, te hu sususa'a nema'na, ara lao hela sira nemehere nara. ¹⁴fini yang mana nggodi risi nggaut ma'ateme'a na ona'a atahori yang mana rena Lamatua harali'Na, te hu pas no ana mori, te hu dudu'na natimba no rasa khawatir'a, hata eto'a, boema momori'a meulau'na de ara nda hambu raboa losa ramalatu'sa. ¹⁵te hu fini yang mana nggodi risi rae mana gembur naa ona'a atahori yang mana rena Lamatua harali'Na boema ana mbeda neu rala ana'na meulalau, boema ana naboa sia ketekunan'na." Netudu Hoo Mandela'ma¹⁶nda hambu atahori esa'sa boe yang ana nambila nala lambu'a, basana ana tatana'e nendi kandi do okona ana mbeda'e neu koi'a raena. te hu, ana mbeda lambu'a neu mamana'na sia ata'a fo atahori'ra yang mana sia ume rala'ra rita manggarelo'o. ¹⁷hu na, nda hambu esasa boe yang nda nenenta'sa, boema nda hambu nefeni esa'sa yang nda nenenafade'sa te hu basa'e rendi'se nisi manggarelo'na. ¹⁸hu na, mete malolole ona be hoo rerena'ma karna seka yang naena na ana hambu nae lena' fai. te hu seka yang nda naena'sa na ara ha'i rala aona, no'a basa sa'sanara."Tetebe'se Lamatua Yesus Bobonggi Nara¹⁹boema, Yesus ina'Na no bobonggi nara rema randa ro'E, te hu ara nda bisa deka ro'E sa karna atahori nae rakarumbu rala'E. ²⁰de, ara rafade neu'E oi, "Hoo ina'Ma no bobonggi mara rambari sia dea', ara rae randa ro Nggo."²¹te hu, Yesus nata neu'se oi, "Au mama ngga no Au bobonggi nggara adalah sira yang mana rena nala Ama Lamatua Harali'Na boema ana tao."Lamatua Yesus Na'ahahae'e Anin Maka'hu'a²²fai esama, Lamatua Yesus hene neu ofa'a rala no basa ana nanori nara boema Ana ola mbalise oi, "ima fo ata lao dano seri' teu." de, basase lao risi seri reu.²³te hu, ara lao rala taladama, Lamatua Yesus sunggu. de, anin maka'hu'a mulai fuu nema dano'a boema oe'a liu nala basa ofa'a rala de ara nda tao rala sasa'sa boe. ²⁴basama, ana nanori nara rema rafefela Yesus de ara rafade oi, "Meser! Meser! hita mate teu'a ian!" boema, Yesus fela de Ana bua anin maka'hu'a no ree' monae'ra yang mana poko ofa'a. de anin maka'hua ana hahae no dano'a boe tenang. ²⁵de, Ana ola' mbali'se oi, "hei mimihere mara sia be?"basa'se ramatau boema ara nggengger de ara ola' esa no esa oi, "atahori ia se'ka? de Ana bisa parenda anin no oe'a, boema ara rena parenda'Na."Atahori Gerasa Esa Ara Mbo'ie Lao Mia Roh De'ulaka'a. ²⁶de Yesus no ana nanori nara losa mamana atahori Gerasa, sia Galilea seri'na. ²⁷pas Lamatua Yesus onda lao mia ofa'a, ma Ana nanda noo tou esa lao mia nusak na yang sofe no'a roh-roh de'ulaka. atahori'na nda sudi pake bualo'as doo ena boema ana nda leo sia ume'sa, ana leo sia rates ara. ²⁸atahori naa mete nita Yesus, ma ana nggasi boema ana sende lulangga'na nisi Yesus mata'Na. ana nggasi hendi basa hara'na oi, "Hoo urusan sa mo au, woe Yesus, Ama Lamatua mana sia dema-dema Ana'Na? au o'e neti Nggo fo afi siksa au!" ²⁹hal na'ka dadi karna Yesus parenda roh de'ulaka'a dea neu lao mia atahori'na. nitu'a ana biasa nonore lelea atahori na'ka de aara tao rante neu limana boema ara ranea'e te hu ana na'etu hendi rante'a boema nitu'a nendi'e nisi mamana ma'ahatu'a. ³⁰basama, Yesus natane neu atahori naa oi, "hoo narama se'ka?" ana nata oi, "Legion" karna nitu nae yang sia oana rala. ³¹nitu-nitu nara hule neu Yesus fo afi parenda sira risi'i runggi rengge mamates'a rala. ³²sia mamana na'ka, fafi bubue esa yang ara sangga nanat sia lete'a ata. de nitu-nitu'ra hule neu Yesus fo mbo'ise risi fafi mana ma'abubuera nara, de Yesus fee se ijin reu. ³³de, nitu-nitu ra rela dea reu lao mia atahori'a ma ara rela reu risi fafi'ra boema fafi'ra basa'se rela reu risi runggi rengge'ra ata boema

ara rela risi dano'a de ara tena rala reu.³⁴ de mana tada fafi'ra mete rita ma, basase rela boema ara reu dui sia nusak no basa kambo'ra mana sia deka nara.³⁵ de, atahori nae' rema fo mete rita sa'ka yang mana dadi sia na. ara rema randa ro Yesus boema ara mete rita atahori yang ara mbo'ie lao mia nitu'ra ana fe'e endo deka no Lamatua Yesus ei'Na, ana pake bualo'as ena, boema ana na'ena dudu'afi meulalu ena. hal na'ka tao basa'se ramatau.³⁶ atahori yang mana mete nita hal na'ka ara reu dui neu atahori laen oi atahori mulu yang nitu'a masok rala'na ana hai ena.³⁷ boema, basa atahori yang mana leo sia mana deka no mamana Gerasa ro'e fo Yesus lao hela mamana, te sira ramatau raseli'i.hu na, Lamatua Yesus hene bali'i ofa'a ata neu de ara lao hela Galilea.³⁸ te hu, atahori yang ara mbo'ie lao mia nitu'a hule neu Lamatua Yesus fo eni boe tunggu sama-sama no Yesus. hu, Lamatua Yesus denu'e lao, Ana nafade oi,³⁹ bali'i hoo umema boema mufade hal monae ia'ka yang Ama Lamatua tao neti nggo."atahori naa lao nisi basa nusak-nusak ra de ana dui bangga sa'ka yang Lamatua Yesus tao soa neu eni'e. Yairus Ana'na Fela Bali' Lao Mia Mamates Boema Ina' Esa Hai Lao Mia Hedi'na⁴⁰ de Lamatua Yesus bali'i losa Galilea, te atahori nae rema soru'E karna basa'se rahani ena.⁴¹ sia na atahori esa nara'na Yairus yang ana nema nanda no Yesus, atahori na malangga sia sinagoge. ana sende lunggulan'na de ana sembah neu Yesus ei'Na, Yairus hule neu Yesus fo Ana nema sia eni ume'na⁴² karna ana na'ena ana ina ise' esa yang ana to sanahulu rua, de ana'na na nae'a mate. boema Yesus lao na neu enan te atahori nae'e rakasesetik sia boboa di ona'Na.⁴³ sia na hambu ina esa namahedi raa loos nae' to sanahulu rua ena, boema nda hambu esa'sa boe yang bisa fene hai'sa.⁴⁴ ina na lao neu deka Yesus lao mia dea'Na de ana nggama Yesus badu tonggo'Na, boema hedi raa loos'na hai.⁴⁵ boema, Yesus natane nae, "se'ka yang nggama Au?"karna basa atahori'ra rafani, Petrus nafade oi, "Meser, atahori nae' kumbu sia basa Hoo boboa di ona'Ma boema ara rakasesetik ro Nggo!"⁴⁶ te hu, Yesus ola' nae, "atahori esa ana nggama Au hu na Au rasa kuasa dea neu lao mia Au ao Ngga."⁴⁷ de ina'a mete nita bahwa ana nda bisa nafani aona'sa, ma ana nema natudu aona neu Yesus te aona foti namatau de ana sendelunggu langga'na nisi Yesus mata'Na. sai basa atahori'ra mata nara, ana dui oi saa de eni nggama Yesus, boema eni hai neu ena.⁴⁸ basama, Yesus ola mbali'e, "ana Ngge, hoo mumuhere'ma fee hoo hai. lamu mo soda mole."⁴⁹ Yesus fe'e ola-ola, ma atahori esa nema lao mia malanhgga sinagoge ume'na de nafade neu Yairus oi, "ana fetoma ana mate ena. afi'i sudi mo Meser nema."⁵⁰ te hu, Yesus rena nala hara na ma Yesus nafade neu Yairus oi, "afi mumutau. mumuhere te hoo ana'ma masoda."⁵¹ de Yesus losa Yairus ume'na, ma Ana nda fee esa masok no'E ume rala neu'sa boe aka'a Petrus, Yohanes, boema ana'ka ama'na no ina'na.⁵² basa atahori'ra nggae makarereuk sia dea, te hu Yesus ola mbalki'se oi, "afi'i nggae, ana nda mate'sa te hu ana sunggu."⁵³ atahori mana sia nara mali mbali'E karna basa'se bubulu ana ina'a mate ena.⁵⁴ te hu, Yesus to'u nala ana ina'a lima'na de Ana no'e oi, "fela leo, ina!"⁵⁵ de, ana'ka roh'na bali neu aona boema ana fela de nambari. boema Yesus parenda mana sia nara fo fee ana'ka na nanat.⁵⁶ ana'ka ina ama'nara nggengger, te hu Yesus ai'se fo ara afi dui neu esa boe soa neu sa'ka yang ana dadi fai ia.

Chapter 9 Yesus Denu Rasul Nara

¹basama, Yesus no'e ana nanori nara yang ka sanahulu rua'ra de fee se kuasa no otoritas soa neu roh-roh de'ulaka'ra, boema fee nahai basa hedi raus'ra. ²Ana denu'se reu ra'alolosa Ama Lamatua Kerajaan'Na no mandela masa'a'Na. ³Ana ola' mbali'se oi, "afi mendi sasa boe sia hei dalama, afi mendi teteas, tondos, roti, doi, do oko'na badu esa rua. ⁴hei misi ume be'ka boe, ama leo sia naa losa hei lao hela mamana' na'ka. ⁵soa neu sira yang nda nau simbo hei'sa, ama lao hela nusa'na boema ama sapu'sah hendi afu mana sia hei ei'mara fo na dadi neu tatanda soa neu sira." ⁶basama rasul'ra lao de ara lao rereo risi basa desa-desa'ra ro ara ra'alolosa Ama Lamatua harali'Na boema ara ra'hai atahori-atahori'ra lao mia basa hedi raus nara. Herodes Bingun Soa No Yesus ⁷Herodes, manek sia mamana naa, rena soa no basa hal yang mana dadi'ra de ana bingun naseli' hu na atahori ruma rafade oi Yohanes Pembaptis'a ana fela bali lao mia mamates'a , ⁸boema atahori ruma rafade oi Elia yang natudu bali aon'na nema, boema ruma rafade fai oi nabi esa yang mori nita mia masah ma'ahulu'a ana fela bali'. ⁹Herodes nafade oi, "au edi u'etu hendi Yohanes langga'na. de, atahori ia se'ka yang hei dui'a ia?" de, Herodes oi ana nau fo nanda no Yesus. Nanat Fee Neu Atahori Rifon Natu Lima ¹⁰de Yesus ate ana'nara bali', ma ara dui neu Yesus soa neu basa sa'ka yang sira tao boema Ana no'e se risi mamana yang a'ka sira nusak na nara'na Betsaida. ¹¹te hu, atahori nae' rahine hal na de basa'se tungga'se. de, Yesus soru'se, de Ana ola-olah no'se soa neu kerajaan Ama Lamatua boema ara boe nau hambu haii lao mia sira hedi raus nara. ¹²losa faina nae ma'ahatu, ma Yesus ana nanori ka sanahulu rua nara rema randa ro'E de rafade neu'E oi, "denu atahori-atahori iara lao risi kambo-kambo no desa-desa'ra deka iara fo ara sangga mamana susunggu no nanat karna hita sia mamana rou'u." ¹³te hu, Yesus nafade mbali'se oi, "hei yang fee'se raa rinu." Ana nanari nara rata mbali'E oi, "hai a'ka mi'ena roti lima beoma u'u boa rua'a, a'kana hai mi hasa nanat fee neu basa nae' atahori iara ." ¹⁴basa atahori'ra nda salah'sana a'ka'a tou'ra rifon lima. Yesus nafade neu ana nanori nara oi, " denu basa'se endo' kumbu-kumbu risi mamana nara, fee'se kumbu lima nulu na neu kumbu esa. ¹⁵de, ara tao ona'a sa'ka yang Yesus parenda'Na boema denu basa atahori'ra endo'. ¹⁶de, Yesus ha'i nala roti kalima'ra no u'u karua'ra, Ana mete lalai ata neu, Ana fee berkat neu nanat ara, Ana bibinggi'se, boema Ana fee neu ana nanori nara fo ara banggi-banggi nanat'ra feneu basa atahori mana sia na'ra. ¹⁷de, basa'se raa rinu losa ra'abebeta. basama, ara kumbu bali' roti-roti tonggo yang ara raa hela'ra de ara kumbu rala basa'se sofe boa sanahulu rua. Petrus Akaui Yesus Naa Kristus ¹⁸fai esa, Yesus hule oo'e mesane, Ana nanori nara sia na ro'E boe. boema, Ana natane neu'se oi, "atahori nae oi fee Au ia se'ka?" ¹⁹ara rata oi, "Yohanes Pembaptis, yang laen rafade oi Elia, boema yang alen fai rafade oi Hoo ia nabi esa yang ana mori mia masa ma'ahulu'ra rema yang ana fela bali nema." ²⁰basama, Yesus natane neu'se oi, "te hu, menurut hei na Au ia se'ka?" Petrus nata nae, "Hoo ia Kristus lao mia Ama Lamatua." ²¹te hu, Yesus fee nesenedat matalolole neu'se boema parenda'se fo afi nafade hal ia'ka neu esa boe. Yesus Nafade Fai Mamate'Na ²²basama Yesus nafade oi, "Ana mone'a harus hambu sususa sosona'a sao hal nae' boema atahori lasi'ra tolak'E, malangga imam-imam, no ahli-ahli taurat, de ara hala mbau'E boema Ana fela bali' mia mamates'sa sia fai ka teluna." ²³Yesus ola-olah no basa'se oi, "te atahori esa nae tungga Au, ana harus nda nahine aona aon'sa, boema ana lu'a salib tungga-tungga fai, boema ana tungga Au. ²⁴hu na, se'ka boe yang nae soi nala ao samana'na, ana boe akan namopo ao samana'na. te hu, se'ka yang ao samana'na mopo karna Au, ana boe hambu masoda'a. ²⁵hambu untung sa'ka kalo ana hambu basa raefafo'a isi'na, te huana mate do hoko'na ao samana'na mopo?" ²⁶basa atahori yang yang ana maekarna Au no Au dedea o'olanggara, Ana mone'a boe akan mae akui atahori naa pas faina Ana nema sia Mandela masa'a'Na boema sia Ama Lamatua Ise'a mandela masa'a'Na, no basa para malaikat kudus. ²⁷Au ufade tetebe neti nggi, hambu hei mana mambari sia ia hei atahori ruma akan mate te hei nda fe'e mete mita kerajaan Ama Lamatua'sa." Yesus No Musa Ma Elia ²⁸nda salah'sa na, fai 8 Yesus nanori nafade basa naama, Ana no'e Petrus, yohanes, boema Yakobus hene lete' ata reu fo huleo'e. ²⁹pas Yesus huleo'e ma, mata'Na no ao'Na ruba de bua-ba'u nara dadi reu rakandedelak. ³⁰basama, ara rita atahori rua ola-olah ro Yesus. atahori ka rua'ra nara Musa no Elia, ³¹yang ara ratudu aon nara sia mandela masa'a a rala boema ara ola-olah tentang Yesus mamate'Na yang mana nema ia sia Yerusalem. ³²fai'na, Petrus no nono'nara basa'se nduar raseli, te hu pas ara tebe-tebe nggenger ma, ara mete rita Yesus mandela masa'a boema atahori ka rua'ra yang mana mambari ro'E. ³³pas Musa no Elia rae lao hela Yesus ma, Petrus nafade oi, "Meser, ta'o be na hita leo tahani ia. hai akan tao lala' telu neu ia, esa fe neu Nggo, esa fe neu Musa, boema esa fe neu Elia. " te hu, Petrus nda nahine sa'ka yang eni dedea o'olah nara nara'sa boe. ³⁴pas Petrus fe'e ola-olah hal naa ma, lele'a nema de ana tatana nala basa'se de Petrus, Yohanes, boema Yakobus dadi reu ramatau pas lele'a tatana nala'se. ³⁵basama, ara rena hara' esa lao mia lele'a ata nema oi, "Ia'ka Au Ana Ngga, Ana yang Au here, ama rena'E" ³⁶ara rena basa hara' naa, ma ara rita a'ka Yesus mesa'Ne. ara rafani boema ara nda rafade esa'sa boe soa neu sa'ka yang ara mete rita'ra nara. Ana Mone' Esa Yang Ara Mbo'ie Lao Mia Roh De'ulaka'a ³⁷fefetu nama, pas ara onda lao mia lete'e rema, ma atahori nae'e rema risi Yesus. ³⁸atahori esa lao

mia sira ana nggasi oi, "Meser, au hule neu Nggo, uma se'u mita au ana'ngga te ia au ana'ngga aka'a iseka'a.³⁹ mete mita'e, te roh de'ulaka'a pa'a nala'e, boema nggengger-nggengger na ana nggasi'ki. roh naa boe ana rupa mbebesi'e de bafana nafufure, roh naa boe'o aka'a na'asususa'e boema ana nda nau nela hela'esa.⁴⁰ au o'e neu Hoo ana nanori mara fo ara use hendi'e, te hu ara nda bisa oi'esa."⁴¹ Yesus nata nae, "woe, hei titinonosi yang nda mana mamahere'esa boema mana sia dala masarangga'a! losa fai hira Au leo uhani oo hei? mendi ana'ka ia nema."⁴² pas ana'ka deka no Yesus, ma roh de'ulaka'a ana rupa hendi ana'ka neu rae'a boema ana rurupa mbebesi'i e. te hu, Yesus boa roh de'ulaka'a na, ma Ana fee ne'ehahai ana mone'a, de Ana fee bali'e neu se'u ama'na. Yesus Nafade Fai Mamate'Na⁴³ basa atahori'ra koa'E soa neu kuasa Ama Lamatua, te hu pas ara fe'e heran-heran soa neu sa'ka basa hal yang Yesus tao, Ana olah mbali ana nanori nara oi,⁴⁴ "ama rena mala dedeat'ra iara malolole: Ana mone'a akan ara feneu atahori mana de'ulaka'ra."⁴⁵ te hu, ana nanori nara nda bubulu'sa sa'ka yang Ana ola-olah, boema hal na'ka ne'efuni'i soa neu'se de ara nda rahine'sa, hu, ara ramatau ratane neu Yesus soa neu arti dedea o'olah na'ka. Se'ka Yang Ma'ahulu'u?⁴⁶ fai esa, Yesus ana nanori nara rareresi esa no esa oi basa sira na se'ka yang mana ma'ahulu'u.⁴⁷ te hu, Yesus nahine sa'ka yang sia sira dudu'anara, de Ana no'e ana diki esa de Ana fene namabri neu boboa'Na.⁴⁸ Boema, Ana nafade neu ana nanori nara oi, "se'ka yang ana simbo nala ana'ka ia'ka nendi'i Au nara Ngga, ana simbo nala Au. boema, se'ka boe yang simbo Au, ana boe simbo yang mana denu Au. hu na, yang mana tuda loloe sia hei talada mara, na yang mana ma'ahulu'u." Pihak Yang Sama⁴⁹ Yohanes nata'E boema olah oi, " Meser, hai mita atahori esa oi roh de'ulaka'a nendi'i Hoo narama de hai mae fene hahae karna ana nda masok sia hita ne'ebubuenta'sa."⁵⁰ te hu, Yesus nafade neu'e oi, "afi'i fene hahae karna se'ka boe yang nda nareresi no hoo'sa na, ana boe no hoo." Ara Nda Simbo'o Yesus Sia Samaria'sa⁵¹ pas losa faina deka no Yesus ara rae so'u'E ma, Ana fee rala'Na manggate fo Ana lao Yerusalem neu.⁵² Ana denu atahori dedenu' ruma reu ra'ahulu'E. de, atahori dedenu nara lao ra'ahulu'E boema ara lao risi'i desa esa sia mamana'a narana Samaria fo ara siap basa-basa'e soa neu Yesus.⁵³ te hu, atahori-atahori yang mana sia mamana naa nda nau simbo Yesus karna Ana nae lao nisi'i nusak Yerusalem neu.⁵⁴ pas Yesus ana nanori nara, Yakobus no Yohanes rita hal ia, ma ara rafade oi, "Lamatua, Hoo nau na hai parenda ai'a onda lao mia lalai ata nema fo ana naa nakade' hendi basa'se?"⁵⁵ te hu, Yesus heo' dea neu de Ana bua'se.⁵⁶ de, Yesus no ana nanori nara lao risi desa laen ara. Baba'a Soa Neu Mana Tungga Yesus⁵⁷ pas ara fe'e sia dala'a, ma atahori esa nafade mbali Yesus oi, "au ae tungga Hoo sudi'a Hoo mae be'mu."⁵⁸ de Yesus olah mbali'e oi, "rubah na'ena soka'a fo ana leo boema mbui-mbui'ra yang mana sia lalai'a boe na'ena nduna. te hu, Ana mone'a nda na'ena mamana soa neu'E fo Ana sunggu'sa."⁵⁹ Yesus nafade mbali atahori esa fai oi "tungga Au!" te hu, ana nata nae, "Lamatua, fee au isin fo au u u'oi ala au ama ngga dei."⁶⁰ te hu, Yesus nafade mbali'e oi, "hela atahori mana mate'ra ra'oi sira yang mana mate'a, te hu hoo harus lao mu mu'ululusa'a Ama Lamatua Kerajaan'Na."⁶¹ boema, atahori esa fai olah oi, "au ae tungga Hoo, Lamatua, te hu fee au isin fo au u utea ala au ina ama nggara no odi a'a nggara dei."⁶² Yesus nafade neu'e oi, "nda hambu atahori esa'sa boe yang ana tao nala lima'na neu ta'a na ana fe'e heo' bali dea'a neu fai, Yang pantas soa neu Ama Lamatua'a kerajaan'Na."

Chapter 10 Yesus Denu Atahori Hitu Nuluh Yang mana Tungga Ro'E

¹basama, Yesus dudu atahori hitu nuluh laen ara yang mana tungga ro'E, boema ANa denu'se sira rua-rua'a fo ara lao ra'ahulu risi'i basa nusak-nusak'ra no mamana-mamana yang Ana nae tuli'ra. ²Ana olah' no'se oi, "etu-oru'a nae'na selih, te hu ue osana aka'a mbei'a. hu nana, hule neu lamatua yang mana ma'ena etu-oru nae'a fo ana denu atahori'ra yang mana atao ue osa'ra fo ara kumbu etu-oru nara." ³"lami! Au denu hei ona'a bibi lombo ana'a nisi'i serigala'ra talada nara. ⁴afi'i mendi saku doi'a, tondos, hokona sandal. boema, afi'i mitea esa boe sia dala talada'a. ⁵ama misi'i ume be'ka mesan oo, ama loo hara'a na'ahulu mae, 'soada mole' soa neu ume ia.' ⁶kalo atahori yang mana sia nara suelai meulau'u na, soda mole yang mana sia hei'e ana nahani no'se, te hu, kalo oko'o na, soda mole' yang mana sia hei'e bali' neti nggi. ⁷ama leo mi ume naa. ama mia no minu sa'ka yang ara fee neu hei, karna atahori esa tao ues na ana hambu babae'na. afi'i ama pindah-pindah lao mia ume esa misi'i ume laen. ⁸setiap ama misi nusak esa rala boema atahori-atahori yang mana sia na'ra simbo hei, na ama mia nanat yang ara so'u o'o fee hei. ⁹ama fee nahai atahori yang mamahedi'ri yang mana leo sia nara, boema ama mifade'se mae, "kerajaan Ama Lamatua'a deka no hei ena." ¹⁰te hu, kalo hei misi'i desa esa boema atahori-atahori mana sia nara nda simbo'o hei'sa. naa ama lao misi'i dala-dala mana sia nusak na fo ama olah'a mae, ¹¹afu'a yang mana tai sia sia hai ei mara boe'o hai sapu sah hendi'se sia heimata mara. te hu, ama misineda iaia: kerajaan Ama Lamatua'a deka ena.' ¹²Au ufade neti nggi: fai' na'ka, huku doki'i mana mia Sodom'e naa nda monae'na ona'a yang sia nusak na'sa." Nesenedat Soa Neu Yang Mana Tolak Yesus ¹³"celaka neu hoo, Khorazim! celaka neu hoo, Betsaida! ona'a be kalo Au tao mukjizat-mukjizat yang sama ona'a mia Tirus no Sidon, naa ne'okon ara toba'ta eni'a doo ena noa ara endo boema ara pake side sususa'a no side mala'afu'u. ¹⁴te hu, losa fai na'etuna, huku doki'i mana mia Tirus no Sidon fe'e malole lao mia hoo huku doki'i ma. ¹⁵boema hoo, Kapernaum, ne'oko hoo mae ara so'u hoo surga'mu? hoko'o, ara honda hoo misi'i raefafao mamate'sa rala neu! ¹⁶se'ka boe yang ana rena hoo, ana boe rena Au. te hu se'ka yang ana tolak hoo, ana boe tolak Au. boema, se'ka yang ana tolak Au, ana boe tolak Eni yang mana denu Au."Nitu-Nitu'ra Be'ute Ro Mana Tungga Yesus ¹⁷basama mana tungga Yesus ka hitu nulu'ra bali'i ro ramaho'o de ara rafade oi, "Lamatua, nitu-nitu'ra boe be'ute neu hai sia Hoo nara'Ma rala." ¹⁸Yesus olah mabli'se oi, "Au ita Nitu'a toda lao mia lalai'a ta ona'a kilat. ¹⁹ama bubulu na Au fee hei kuasa fo hei tatabu mengge no lilia'a, boema kuasa sia basa bebe'i bara'ai' musuh'ra. nda hambu esa'sa boe yang ana na'asususa hoo. ²⁰te hu, afi'i hoo mumuho'o karna roh-roh nara be'ute mbali nggo, te hu mumuho'o karna hoo nara'ma nenesura'a sia surga."Yesus Huleoo'e Neu Ama'Na ²¹fai na, Yesus namaho'o sia Roh Kudus'sa rala boema Ana olah nae, "Au o'e makasih neu Hoo Ama, Lamatua soa neu lalai'a no raefafo'a, hu na Hoo funi hal-hal ia'ra lao mia atahori yang mahine'ra. te hu, Hoo mutudu neu ana diki'i fe'e mana mbila'ra. ya Ama, hu na yang pas no Hoo rala'Ma. ²²Au Ama Ngga fee basa-basa'e neu Au, boema nda hambu atahori esa boe yang nahine'e Ana'Na a'ka Ama'Na. boema, nda hambu atahori esa'sa boe yang nahine Ama'Na, a'ka'a Ana'Na boema no atahori-atahori yang Ana'Na nae fo nafade'se." ²³basama, Yesus heo' mbali ana nanori nara boema Ana ola-olah a'ka'a no'se oi, "mimiho'o soa neu sa'ka yang hei mete mita, ²⁴hu na Au ufade neti nggi: nabi nae'e boema manek nae'e yang ara rae mete rita sa'ka yang hei mita fai ia, te hu sira nda hambu rita'sa. boema ara rae rena hal-hal yang hei rena sai fai ia, te hu sira nda hambu rena'sa."Atahori Samaria Yang Na'ena Rala Sususe'e ²⁵basama, atahori Ahli hukum Taurat esa nambari fo nae soba Yesus, ana olah nae, " Meser, sa'ka yang au tao na fo au hambu masoda'a losalolosana?" ²⁶Yesus nata nae, " sa'ka yang nene sura'a sia Hukum Taurat rala? sa'ka yang baca sia ralana?" ²⁷atahori naa nata nae, "suelai Lamatua, Ama Lamatua Ise, no basa hoo rala teme aoma, no basa hoo ao samanama, no basa hoo bebe'i bara'aima, boema no basa hoo dudu'a aafima. boema, suelai hoo torano'ma ona'a hoo suelai hoo aoma oan." ²⁸Yesus nafade mbali'e oi, "hoo muta'ma naa tebe. tao ona'a na'ka boe, fo hoo musoda." ²⁹te hu, atahori naa nanauna nae fee aona batu, de ana olah mbali Yesus oi, "boema, se'ka yang au torano ngga?" ³⁰Yesus nata naa oi, "atahori esa onda lao mia Yerusalem nema nae neu sai Yerikho, ana nanda no perampok ara de ara ha'i rala bsa bua ba'u nara no ara popoko paparu'e, basama ara lao hela'e le'a-le'a sia rae hela'a mamates ena. ³¹de, imam esa lao tungga dala na'ka boe. de pas ana mete nita atahori na, ma ana lao hela'e neu ena ana lao tungga dala laen. ³²boema atahori Lewi esa boe'o ona'a na'ka boe, pas ana nema nisi mamana na'ka ma ana mete nita, ana lao tungga dala boboa laen. ³³te hu, atahori Samaria esa yang ana lao tungga dala naa. de, pas ana mete nita atahori naa, ma rala'na toda. ³⁴boema, atahori samaria na'ka ana neu deka'e, de ana tatana bisu nara. ana tura hahari nendi'i mina no anggur, boema ana na'afufua'e neu keledai'na ata'a de ana nendi'e nisi'i mamana leleo esa, de ana namodo bisu nara. ³⁵fefetuna, ma atahori samaria ha'i doi'i dinar rua de ana fe neu mana nanea mamana leleo'a no ana nafade'se oi, 'ama mimodo atahori ai bisu nara. boema, hei mibasa'a hei doi'mara ba'u sa urus neu'e, na defo au bili'i uma fo au fee nggati bali'se." ³⁶boema, Yesus nafade oi, "menurut hoo, atahori ka telu nara se'ka yang dadi torano' neu atahori yang perampok ara rampok'e?" ³⁷ahli Taurat'a nata nae, "atahori Samaria yang

mana natudu susuelalai'a" boema, Yesus oi, "lamu, fo tao ona'a na'ka boe." Maria No Marta³⁸ pas Yesus no ana nanori nara sia dala'a taladana, ma Yesus nisi'i desa esa rala boema ina esa nara'na Marta simbo nala Yesus mia ume'na. ³⁹Marta na'ena'a odi'i esa nara na Maria yang ana endo deka no Yesus ei'Na de ana rena Yesus nanori'Na. ⁴⁰te hu, Marta talalu sibuk tao nanat sia dapu'a fee neu Yesus no ana nanori nara. Marta neu deka no Yesus de ana nafade oi, "Lamatua, Hoo nda mita au sa do? te au odi ngga hela au mesa nggo urus sia dapu'a rala oanggo. denu'e fo ana bantu au dei!"⁴¹te hu, Lamatua nata'e oi, "Marta, Marta, hoo khawatir boema hoo tao mu'usususa aoma mendi'i hal-hal nae'. ⁴²aka'a hal esa yang penting. Maria ana here nala sa'ka yang meulau'a ena, boema esa nda bisa ha'i nala na lao mia'esa boe."

Chapter 11Nenori Nefade Soa Neu Huleoo'e

¹neu fai esa rala, ma Yesus Hule oo'e mia mamana esa, pas Ana Huleoo'e basa, Ana nanari nara esa natane neu'E, "Lamatua, Munori mifade hai Huleoo'e ona'a Yohanes nanori nafade ana nanori nara." ²basama Yesus nafade mbali'se oi, "pas hei huleoo'e, huleoo'e ona'a ia'ka: 'Ama, Nara' Ma ma'afo meni. dula dale' Ma ana onda. ³fee hai hahambu dadai' nana nininu sia fai'ia rala, ⁴boema fee ambon neu hai salah singgo' marahu naa hai boe fee ambon neu atahori yang mana tao salah neu hai beo. boema, afi fee hai tuda mi'iloli misi'i salah singgo rala." Huleoo'e, Sangga, Boeme Mo'e Neu'E ⁵basama Yesus nafade neu'se oi, "kalo lao mia hei'e esa mi'ena odi a'a torano' esa boema hei misi nono'ma ume'na naa sia fai tetemba' no hei mifade neu'e mae, 'torano', au o'e pinjam fee au roti telu, ⁶karna au torano ngga esa lao-lao de ana tuli sia au ume ngga tetemba ia, te hu au nda uena sasa sia ume'sa boe, fee neu'e naa ninu. ⁷ne'oke hoo nono'ma nata neu hoo lao mia ume'na rala oi, 'afi ganggu au! te lelesu'a mana nggoe ena boema au oo umbu ana nggara mana sunggu ena. de au nda bisa fela fo fee hoo sasasa boe. ⁸au ae ufade neti nggo mae hoo nono'ma nda nau fela sa boema ana nda nau fee hoo sasasa boe karna mae hei mo odi a'ao, te hu karna hoo mo'e tata, pasti ana akan fela boema ana fee sa'ka yang hoo mo'e a. ⁹dadi, Au ufade neu hoo mo'e, maka hoo hambu. sangga, maka hoo akan mita'e. hoo mo'e, maka lelesu'a akan ara buka soa neu hoo. ¹⁰see huleoo'e maka ana akan hambu. se'ka yang tungga sangga maka ana hambu. beoma se'ka mesan ana no'e maka lelesu'a akan buka soa neu'e ¹¹nda hambu ama esa'sa yang ana'na no'e u'u ma ana fee ana'na mengge'sa ¹²hoko na ana fene ura'sa kalo ana'na no'e manutelo'o ¹³kalo hoo yang de'ulaka'a muhine fee meulau soa neu hoo umbu ana'mara, apalagi Ama Lamatua mana sia nusa surga. Ana kan fee dula dal'e soa neu atahori-atahori yang ro'e rata neu'E." Yesus Pake Dula Dale Mia Amak Lamatua Lain ¹⁴fai esa, Lamatua Yesus Ana use nitu'a mia tou esa yang nda mana na'ena dedea o'olah'sa. basa hendi nitu'a nela, atahori yang nda ma'ena dedea o'olah'sa ana bisa o'olah boema atahori nae'e nggenger. ¹⁵te hgu, sira atahori ba'ube rafade oi, "Ana mbu nitu nendi'i duladale Beelzebul, malangga nitu. ¹⁶sira ba'ube laen ara rae soba Yesus, de ara ro'e Yesus natudu sa'ka yang dadi neu tanda lao mia surga. ¹⁷te hu, Yesus bubulu sa'ka yang sia sira dudu'a nara de Ana nafade neu'se oi, "seabe nusak esa nambalutu e'eto boema ara ramusuh maka ara rambalutu e'eto. boema, odi a'a umu ana nara ramusuh de ara saranggangga leli. ¹⁸dadi, kalo nitu'a boe nambalulutu e'eto boema ana namusuh ao, mia be'nema nusak naa hambu tetu'? Au a'ona karna hei mae Au pake duladale Beelzebul foo Au use neu nita'ra. ¹⁹kalo Au use nita'ra endi'i duladale Beelzebul, no duladale be'ka hoo umbu ana'mara ara use nitu'ra? no naa, sira akan dadi reu mana ma'etu neu nggo. ²⁰te hu, kalo Au pake dula dale Lamatua fo use neu nitu, duladale Lamatua'a nema soa neu hoo. ²¹kalo atahori yang mana madere bara'ai boema naena sisiro ma ana nanea ume mane'a, hahambu dadai'na teme're. ²²te hu, kalo hambu atahori yang ma'adere lena' no eni'e fo ana musu'e boema ana nakala'e, maka atahori mana lebi ma'ade'a ha'i nala sisiro'na yang selama ia ana namahena neu'e boema ana nababanggi hendi sa'ka yang ha'i nala'ra. ²³kalo se'ka nda no Au'sa, ana namusuh no Au. boema se'ka nda na'abue no Au'sa, na ana saranggangga leli. "Dula Dale De'ulaka'a Bali Nema ²⁴"kalo dula dale de'ulaka'a dea neu lao mia atahori esa aona, dula dale na'ka akan lao keliling tungga mamana-mamana yang mada'a fo ana sangga mamana susunggut, te hu ana nda nita'sa. hu na, ana olah nae, 'au ae bali isi'i ume yang au lao hela'a. ²⁵pas ana bali'i, ana nita ume'a nenesapu nggai meu'u boema neneatur rapi ena. ²⁶basama, dula dale de'ulaka'a na neu no'e nono nara hitu yang lebih de'ulaka'ra lena' mia'e rema lao ro'e sia ume'ade atahori'a ana tamba namabalutu lena'a hendi lao mia ma'ahuluna. "Atahori-Atahori Yang Mana Bahagia'ra ²⁷pas Yesus ola-olah ia'ia, ma ina esa nggasi lao mia atahori nae'ra talada nara oi, "diberkatilah tei'i yang mana bonggi Hoo boema susu' yang mana na'susu Nggo. ²⁸te hu, Yesus nafade mbali'e oi, yang mana bahagia'ra atahori yang mana rena nala Ama Lamatua'a harali'Na basana ana tao tungga'e. "Yunus Tanda'na ²⁹pas atahori-atahori'ra rakukumbu tamba ramanae, ma Yesus olah oi, "titi'nonosi iara, titi'nonosi yang de'ulaka; ara ro'e tanda esa, te hu nda akan fee'se tanda esa sa boe, aka'a Yunus tanda'na fee neu se. ³⁰ona'a Yunus yang ana dadi neu tanda soa neu atahori-atahori yang mana sia Ninewi'ra, ona'a Lamatua'a Ana mone'Na yang Ana dadi neu tanda soa neu titi'nonosi iara. ³¹"fai mate'ena nema, te ina mane'a lao mia ona nema no basa-basa atahori titi'nonosi iara boema ana akan fee huku doki neu'se karna ana nema lao mia raefafao'a tonggo'na fo nae rena Salomo mahine'na, te hu sia ia hambu atahori esa lena' hendi lao mia Salomo'e. ³²sia fai kiamat, atahori-atahori Ninewi'ra ara fela bali'i roo titi'nonosi iara boema ara huku doki'se, karna atahori-atahori Ninewi'ra ara tobat lao mia Yunus neu na'alolosa Lamatua harali'Na neu'se, te hu sia hambu atahori esa lena' lao mia Yunus'e. "Mata'a Na Lambu Soa Neu Oa'a ³³"nda hambu atahori esa'sa boe yanga ana dede nala lambu, na ana mbeda neu mamana ma'afuni'i ho'ko na ana tao neu kap'a raena. te hu, ara mbeda'e neu lambu'a mamana'na fo basa atahori yang ara ume rala rema reita manggarelo'. ³⁴mata naa lambu soa neu hoo aoma, de kalo hoo matama meulau, na basa hoo aoma sofe no'a manggarelo'. te hu, kalo hoo matama de'ulaka na basa hoo aoma sofe'e no'a ma'ahatu'a. ³⁵hu na, mata lolole fo manggarelo'a mana sia hoo aoma nda

dadi neu ma'ahatu'sa. ³⁶kalo hoo aoma sofe no'a manggarelo' na nda hambu ma'ahatu sia rala'sa, aoma basa'se sofe no'a manggarelo' ona'a lambu'a mbila'na manggarelo' neu esa.Yesus Ana Ai Atahori Farisi No Ahli Taurat³⁷Yesus olah-olah basama, atahori Farisi esa no'e fo ara reu ra. de Ana neu, boema ara ra rinu. ³⁸te hu, atahori Farisi'a nggenger pas ana mete nita Yesus nda safe lima'Na sa te Ana na neu ena.

⁴⁰woe atahori-atahori nggoa! Ana yang mana tao sia dea'a Ana tao mana sia ralana boe ⁴¹hu na, banggi hendi sa'ka yang hoo ena mara fe neu ina falu ana mat. no na, hoo akan meu-meu⁴²te hu, tu'u buku neu hoo, atahori-atahori Farisi! hu na, hoo fee hoo perpuluhanma soa neu etu oru selasih m,inggu, boema basa hoo osimara, te hu hoo nda adil mo Lamatua'a susue lalai'Na. sebenarna, hoo tao basa hal nara te nda lili'i hal-hal laen'sa. ⁴³tu'u buku neu hoo, atahori-atahori Farisi karna hi'aka endo misi mamana meulau sia sinagoge boema hi'aka simbo hormat sia pasar. ⁴⁴tu'u buku neu hoo karna hoo ona'a rates yang nda matatanda'sa, de atahori'ra heheta'e te ara nda rahine'esa. ⁴⁵basama, atahori ahli taurat esa olah mbali Yesus oi, " Meser, pas Hoo mufade hal-hal iara, Hoo boe mamasi rarai hai." ⁴⁶hu, Yesus nata neu'e oi, hai ahli-ahli taurat! hu na, hoo tao beban mamabera' fo atahori laen ra lemba'e. te hu hoo aoma nda nau nggama beban monae'a mendi hoo lima u'uma esa'sa boe. ⁴⁷hoo mana tu'ubuku, karna hoo tao rates fee neu nabi-nabi'ra yang hoo ina ama bei ba'i mara hala'ra. ⁴⁸ona na'ka boeo' hoo mufade neu basa atahori mae hoo akiu hoo ina ama bei ba'i mara tatao nara; sira yang hala mbau nabi-nabi ra, te hu hoo yang tao rate dae nara. ⁴⁹hu na'na, Ama Lamatua dudu'aNa Ana oi, 'Au ae denu nabi-nabi no rasul-rasul fee neu'se, te hu sira ruma lao mia atahori-atahori yang Au denu'se reu te ara akan hala mbau'se boema ara siksa'se, ⁵⁰fo bsa nabi'ra raa nara, yang ara randali lao mia ara ra'adadadi raefafo'a nema, raa'a sangga sia titi'nonosi aira, ⁵¹lao mia Habel'a raa'na losa Zakharia raa'na, yang ara hala mbau'e mia mimber'a ata' boema mia Lamatua ume'Na. ya, Au ufade neti nggi ae titi'nonosi iara yang ara tanggung. ⁵²hoo mana tu'ubuku, hai ahli-ahli taurat! hu na hoo yang mana ha'i nggoe mahine'a, te hu hoo aoma nda nau rala neu'sa boema hoo baba' atahori yang rae rala reu. ⁵³basama Yesus lao hela mamana naa, ma ahli-ahli taurat no atahori-atahori Farisi'ra ara musuh'E boema ara tao netanes sudi'a be'ka mesan'e. ⁵⁴ara ra'abubue fo ara sangga Yesus dedea o'olah mana salah Nara

Chapter 12 Mana Munafik'i Yang Malangga'na Yahudi

¹sementara naa, pas atahori rifon esa ara kumbu no ara rahe'heta'a, ma Yesus ola-olah'a neu ana mana tunggu nara, "ama mata lolole mo ragi atahori-atahori Farisi'ra, nara munafik."²hu na, basa'e yang mana tatana'a ara buka'e boema basa' yang mana funi'i ara ratudu'e. ³hu na, sa'ka yang hoo ola-olah sia ma'ahatu'a rala nenerena sia manggarelo'a rala boema yang hoo utu-utu' sia kama rala nene nafade sia ume'a sini'ra. Namatau Neu Ama Lamatua⁴Au ufade neti nggo, hai torano nggeru, afi'i mimitau neu atahorio-atahori yang mana tatimbau ao'a, te hu basa na'na ana nda tao nala sa'sa boe. ⁵hu na, Au fee nesenedat neti hei soa neu se'lka yang harus hei mimitau; mimitau neu Eni, yang Ana hala nala oa'a, boe Ana na'ena kuasa honda hei misi'i Neraka. ya, Eni yang harus hei mimitau.⁶saa'de mbui randak'a 5 ara seo'se aka'a keping 2 ? te hu, mbui-mbui'i nara nda hambu esa'sa boe yang ara lili' sia Ama Lamatua'a mata'Na. ⁷boema, hoo langga fulu mara nene hitu reke. afi'i mimitau, hei feli mara ralena' lao mia mbui randak'a." Fee Neseneda Neu Yang Mana Nafani Yesus⁸"Au ufade neti nggi, se'ka yang nahine Au sia atahori'ra mata nara, naa eni boe Lamatua'a Ana'Na nahine sia Malaikat-malaikat'ra mata nara. ⁹te hu, se'ka yang ana nafani Au sia atahori'ra mata nara eni boe Au ufuni'e sia Malaikat-malaikat ara mata nara. ¹⁰boema, se'ka yang nafade saa yang nda ona'a Lamatua'a Ana'Na ana hambu ambon, te hu se'ka boe yang mamasi Dula dale meulau'a nda nene ambon'sa.¹¹pas ara rendi'se risi sinagoge no malangga boema man'no kuasa ra mata nara, afi'i mumutau soa no ta'obe hoo bela aoma do sa'ka yang hoo mae olah, ¹²hu faina dula dale meulau'a ana yang akan nanori hoo mufade sa'ka yang hoo mae o'olah." Na'asasama'a Atahori Yang Ma'hata Heto' Esa¹³atahori esa lao mia atahori nae'a talada nara olah mbali Yesus oi, "Meser, denu au bobonggi ngga banggi warisan no au."¹⁴te hu, Yesus nafade neu' oi, "torano'e, se'ka yang so'u Au dadi u' mana ne'etu soa neu hei runggi?"¹⁵basama, Yesus ola-olah mbali'se oi, "ama minea' boema ama matalolole soa neu raku tao'a saa mesan karna atahori momorina nda aka'a lao mia ma'ena hata heto'a nema'sa."¹⁶de, Yesus na'asasama dudu'it esa neu basa'se oi, "atahori esa na'ena hata heto'a naena seli ana rae'na bidang esa no ana hambu etu oru nae'na seli. ¹⁷de, ana dudua sia rala'na rala oi, ' sa'ka yang au ae tao fai karna au nda u'ena'a mamana soa neu mbeda'a au nana nggara ena?' ¹⁸boema, ana olah nae, 'ia'ia yang au ea tao. au ae bongkar soka-soka ara fo tao yang monae lena neu ia, fo au mbeda'a basa gandum no au sasa'nggara. ¹⁹boema, au olah mbali au ao samana ngga ae, 'samana 'ee, hoo mu'ena' basa-basa'e yang nene mbeda'a soa neu toma'to; sunggu'u fela fo mua'minu boema bersenang-senanglah!"²⁰hu, Ama Lamatua nafade mbali atahori naa oi, ' hai, atahori nggoa'! tetemba ia boe, hoo ao samana'ma Au hai ala'e. de, se'ka yang akan hambu hoo sasa mara yang hoo mbeda nara?' ²¹ona'a na'ka boe soa neu se'ka yang mbeda hata heto'a soa neu aona, te hu nda na'ena hata heto sia Ama Lamatua'a mata'Na." Afi'i Dudu'ama Nasararangga²²Yesus nafade neu ana nanori nara oi, "hu na, Au ufade neti nggi, afi'i dudu'a mara nasararangga soa neu hei masoda mara, soa neu sa'ka yang hei mia. do, nasararangga soa no hei aomara, soa neu sa'ka yang hei pake. ²³hu, masoda'a lena'a mia na'nat boema ao'a lena' mia bua lo'as.²⁴mete mita mbui kaa. ara nda sela'nggari'sa do ara nda etu oru'sa, sira boe nda ra'ena'a mamana mbebeda do soka'sa, te hu Ama Lamatua fee'se nanat. hei lena' lao mia mbui kaa na'ra. ²⁵se'ka yang sia hei taladamara yang no dudu'a masararangga na ana tamba to'na senti esa neu masoda'na?²⁶kalo hei nda tao hal-hal ana'kara iara'sa, ta'o be de hei dudu'amara nasararangga soa hal-hal laen'ra?²⁷mete besa-besa buna bakung, ona'a be sira mori. buna-buna nara nda tao ue'osa'sa do so'seu'sa, te hu Au ufade neti nggi, mae Salomo no mandela masa'ana boema bua loa'na nda malole'na sama ona'a lao mia buna' nara'sa.²⁸kalo Ama Lamatua papake u'ru hau ana' sia moo'a, yang ana mori sia fai ia boema fetu'na ara nggari'e nisi ai'a, ta'o be de Ana nda papake hei aomara lena' lao mia u'ru hau ana'sa? woe, hoo yang nda mana mamahere'sa!"²⁹de, afi hoo sangga sa'ka yang hoo mua do sa'ka yang hoo minu, boema afi'i milolo'e ao'ma. ³⁰hu, bangsa-bangsa sia raefafo'a ana sangga basa nara, te hu hoo Ama'ma nahine sa'ka yang hoo nau. ³¹te hu, sangga mu'uhulu Ama Lamatua kerajaan Na, fo basa-basa'e ara fee neti nggo."Mukukumbu Hata Eto Sia Surga³²"afi namatau, mae hei aka'a mbei'a, karna Ama Lamatua Ana fee neti hei kerajan Na. ³³seo hendi basa hei enama fo fe neu ina falu ana mat ara. tao mamana mbebeda doi yang nda mambalutu'sa, na hata heto sia surga yang nda mana mopo'sa, no na'o a nda ha'i nala'sa do ana nambalutu karna rurutu'a. ³⁴hu, mamana hata hetoma sia be na hoo ralama boe sia na." Athe Yang Mana Rena'a Ana Tao Eni Tatao'na³⁵"hengge hoo leleboma nakando no hoo lambuma mbila nakando'a. ³⁶dadi ona' athe yang ana nahani lamatua'na bali' lao mia mamana fefetas fo ana soi fene lelesu, pas lamatua'na bali' boema ana denggu lelesu'a.³⁷uanale' soa neu athe-athe, yang lamatua nara hambu rala'se fe'e rahani, pas ana nema. Au ufade neti nggi, tetebe, ana hengge leleboma fo ana tao ues boema ana no'e athe nara fo ara endo' raa. Ana nema fo Ana so'u o'o fee'se. ³⁸kalo lamatua' na nema sia tetemba nae'a do nema sia deka manggarelo boema ana hambu nala'se tao ona' na'ke, na uanale' soa neu'se!. ³⁹hu ama bubulu, kalo tenu ume esa nahine li hira na na'oa nema sia eni ume'na, na ana nda fee na'oa namana'o sia eni ume'nasa. ⁴⁰hu na'na, hoo boeo' meda-meda'a mukundo karna Lamatua Ana Na nenema'Na esa

nda bubulu'sa boe."⁴¹basama, Petrus natane neu E oi, "Meser, Hoo dui na'asasama ia'ka neu aka'a hai do dui neu basa atahori'ra boe?"⁴²Lamatua nata oi, "se'ka yang malangga pelayan yang mana rena'a boema ana rala teme ao no lamatuana namahere fo ana nanea athe-athe yang laen ara, fo ana fee se raa rinu tungga-tungga pas no li' nana nara?"⁴³uanale' soa neu athe na, yang pas lamatua'na nema, ana hambu'e tao eni eu'na. ⁴⁴Au ufade neti nggo, no tetebe, lamatua na ana here fene nanea basa sa'sa nara. ⁴⁵te hu, kalo athe'na olah sia tei na rala oi, 'au lamatua ngga nda nema la'efai sa,' de ana popoko paparu athe tou' no athe ina' laen ara, basana ana naa ninu losa ana mafu, ⁴⁶pas lamatua na nema te athe'a nda bubulu'sa, de lamatua'na nema hambu nala'e. na lamatua'na hala nisa'e boema ana nggari'e no atahori-atahori yang nda mana rena'ra sa. ⁴⁷athe esa yang ana nahine lamatua'na hihi nanau'na, te hu ana nda meda-meda'sa do ana tao ona lamatua'na hihi nanu'na de hambu popoko paparu nae ⁴⁸hu, athe yang ana nda nahine sa'ka yang lamatua'na hihi nanau'na boema ana tao hal-hal yang ana hambu popoko paparu, hu ana hambu popoko aka'a mbei'a. se'ka yang ara fene nae, ara ro'e nae lao mia'e. boema sira yang ara ramahere nae neu'e ara ro'e nae lena lao mia'e boe. Yesus Tao Nababanggi⁴⁹ Au uma fo onda ai'a neu raefafo'a, no Au ae'ado be fo ai'a mbila!⁵⁰te hu, Au ae sarani, boema Au rasa rala ngga nambeta losa hal na ana dadi. ⁵¹ne'oke hoo mae Au uma endi dame soa neu raefafo'a? hoko'o, Au ufade neti nggo, Au endi sarangga-ngga'a!⁵²sia li' ia, atahori lima sia ume esa rala ara rababanggi. atahori telu ara ramusuh ro atahori rua boema atahori rua ramusuh ro atahori telu. ⁵³sira rababanggi; ama'na namusuh no ana tou nara, boema ana tou nara ara ramusuh ro ama'na. ina'na namusuh no ana ina nara, boema ana ina nara ramusuh ro ina'na. ina arina namusuh no ana mantu ina'na, boema ana mantu ina'na namusuh no ina arina."Na'anda-Nda' Zaman⁵⁴de, Yesus ol-olah mbali atahori nae'ra oi, "pas hei mita lele'a ana nakukumbu sia muri nema, hei mifade mae, 'udan'na nae onda,' boema udan'a onda tetebe. ⁵⁵pas hei rasa anin'a fuu lao mia ona nema, na hei mifade mae, 'fai ia relo'a natobina seli, ' boema ana dadi tetebe ona na'ka boe. ⁵⁶hei atahori mana e'edik'i! hei bisa ma'malaka lani'a no raefafo'a, te hu ta'obe de hei nda bisa na'andada zaman ia'ka sa?"⁵⁷saa de hoo nda bisa mu'etu' aoma'sa, soa neu sa'ka yang tetebe'se? ⁵⁸pas hei lao mo musuh mara fo mi minda mo mana parenda'ra, na usaha fo ama ola-olah hendi'i mo hei mana matofa mara sia dala'a talada nara fo afi'i losa nisi mana na'etu'ra boema mana na'etu'ra fee hei misi'i mana manea'ra, boema mana manea'ra tao hei misi bui'a rala. ⁵⁹Au ufade neti nggo hoo nda deamu lao mia na'sa losa hoo bae basa hoo hutamara."

Chapter 13Nono'e Fo Nemodo

¹sia na, atahori ruma rafede Yesus oi Pilatus sambor atahori -atahori Galilea'ra raa nara ro sira aai masu lalai'a.

²Yesus nata neu'se oi, "de hei mae ne'o atahori-atahori Galilea iara mana de'ulaka lena' lao mia atahori-atahori Galilea laen ara karna ara hambu sususa sosona' ia'ka? ³Au ufade neti nggi, ho'ko'. te hu, kalo hei aka'a ue salah' nakano'a na basa hei boeo' mate.⁴do soa neu atahori ka sanahulu falu mana mate'ra, pas menara mana sia deka no dano Siloam tudah de ana tendes nala'se, ne'oko hei mae atahori de'ulaka nara lena' lao mia basa atahori yang mana leo sia Yerusalem? ⁵Au ufade neti nggi, hoko'. te hu, kalo hei aka'a ue de'ulaka'a nekendo' na basa hei boeo' mate!"Hau'hu Yang Nda Naboa'sa⁶Yesus Na'asasama dududit esa boe nae: "atahori esa na'ena hau ara hu esa yang ana sela sia eni osi anggur'na. te hu, ana nema nae etu boana te ana boa nese.⁷de, ana nafade mbali mana tao osi'a oi, 'to telu ena au uma ae etu hau ara ia boana, te hu au nda fe'e hambu ita boa esa'sa boe.de hungga hendi hau ia hu'na! sa de hela'e fo nasofe'a rae'a?⁸te hu, mana tao osi na'ta nae, 'lamatua, ao hule fo hela hau hu ia to esa fai fo ana naboa. hela'e fo au ali rae nama sia boboa nara fo au mbori neu'e boema au fee pupuk neu'e, ⁹ne'oke hau'a naboa to mana nema ia. kalo nda naboa sa fo, lamatua hungga hendi'eYesus Nahai' Pas Mia Fai Sabat¹⁰fai esa, Yesus nanori mia sinagoge esa pas no fai sabat. ¹¹mia naa ina' esa ana kerasukan dula dale de'ulaka'a de tao'e namahedi to sanahulu falu ena. ina'a ruku tele de ana nda nambari tetu' nalasa.¹²pas Yesus mete nita'e, ma Ana no'e ina'a de Ana olah' nae, "ina'e, hoo hai ena lao' mia hoo hedi'ma"¹³basama, Yesus tao lima'Na neu ina'a ata boema ina'a hai mia li na boe, ana nambari tetu' de ana koa kio neu Ama Lamatua. ¹⁴te hu, malangga sinagoge'a namanasa karna Yesus nahai atahori sia pas fai sabat. de ana ola' mbali atahori nae'ra oi, "sia fai nee atahori tao ue osa' hu na. atahori rema fo fee'se hai sia fai-fai nara, te nda sia pas fai sabat'sa.¹⁵hu, Lamatua na'ta'se nae, "hei atahori mana puta pio'mara! ta'obe de basa hei mbo'i hei sapi do hei keledai mana pa'a mara lao mia kandang'a rala boema ama mbo'se dea reu rinu oe sia fai sabat? ¹⁶hu na, ina' ia tititi'nonosi'na lao mia Abraham nema boe yang nitu'a pa'ae eni to sanahulu falu ena, de ana na'ena hak soa neu mbo'ie lao mia papa'a nara sia fai sabat boe?"¹⁷pas Yesus nafade ona'na, ma basa'se mae boema basa atahori nae mana sai nara ramaho'o soa neu Lamatua tatao ajaib nara.Lamatua Na'asasama Duduit Sesawi deke' No Ragi'a¹⁸basama, Yesus nafade nae, "ona'a be'ke Ama Lamatua Nusak'Na? no sa'ka Au u'usasama' no'e?¹⁹Ama Lamatua nusak'Na ona'a sesawi deke' yang atahori'ra ha'ie fo ara sela sia sira osi nara; deke'na mori dadi neu hau hu, boema mbui-mbui'ra reu randuna risi'i dana nara."²⁰boema Ana olah fai oi, "endi'i sa fai Au u'usasama Ama Lamatua'a nusak'Na? ²¹Ama Lamatua nusak'Na ona'a raga yang ina'ra ha'i rala'e boema ara sambor'e nisi'i tarigu mok 3 rala losa basa adonan'a namanae." Aka'a Mbei'a Yang Hambu Masoda'a²²Yesus masok kalua kota-kota no desa-desa ra, fo Ana nanori boema Ana lao nakando nisi'i Yerusalem neu. ²³de atahori esa natane mbali'E oi, "Lamatua, ta'obe de oi aka'a atahori mbei'a yang hambu masoda'?" de Yesus nafade neu basa'se oi, ²⁴"basae rakasesetik rala reu tungga lelesu'a yang makabia; hu na Au ufade neti nggo, atahori nae rasu' rala reu, te hu ara nda bisa'sa.²⁵kalu tenu ume'a nambari boema ana ena hendi ume'a lelesu'na, hu hoo mimbiri' sia dea'e fo hoo toki lelesu'a fo hoo randu mae, 'Lamatua, buka fee au lelesu'a, te hu Ana na'ta lao mia rala nema oi, 'Au nda uhine hoo'sa, boema hoo lao mia be uma'." ²⁶de hoo mu'ta mae, 'hai mia minu mita mo Hoo. boema Hoo munori mita tungga hai dala mara.' ²⁷hu, Ana na'ta neti nggo oi, 'Au nda uhine hoo'sa boema Au nda bubulu' hoo lao mia be uma'sa. dinggo' hela Au mata Ngga, basa hei mana tao de'ulaka'ra!²⁸fo hoo nggae losa nisi mara bengge titimi pas hoo mete mita Abraham, Ishak, no Yakub, boema basa nabi ra sia Ama Lamatua'a nusak'Na rala te hu ara honda hoo dea'mu. ²⁹basama, atahori-atahori'ra lao mia rulu no muri rema, boema lao mia dii no ona rema. ara rema fo raa rinu sia Ama Lamatua nusak'Na rala. ³⁰tetebes, te atahori-atahori yang ma'abuik'ka ana dadi neu ma'ahulu' boema atahori-atahori yang ma'ahulu'a dadi neu ma'abuik'ki." Yesus Lao Yerusalem Neu³¹fai esa, ma atahori Farisi ruma rema randa ro Yesus de ara denu'E oi, "lamu, lao hela mamana ia te Herodes nae hala nisa Nggo."³²Yesus na'ta mbali'se oi, "lamu fo mufade neu rubah na mae, 'fai ia no fetun na, Au ae usee dula dale-dula dale de'ulaka'ra boema u'uhahai atahori, no fai ka teluna, na Au ubasa'a Au ue tatao nggara."³³te hu, Au ae tao ukundo Au ue ngga sia fai ia, fetun no fini esa'a. hu na nda hambu nabi esa'sa yang ana mate sia Yerusalem dea'sa. ³⁴Yerusalem, Yerusalem! hoo hala misa nabi'ra boema poko paru' atahori yang ara denu'e neti neu nggo! lao hetar Au ae ukukumbu hoo ana mara, ona'a manu ine'a na'abubue ana nara sia lida na rala. te hu, hoo nda nau sa. ³⁵Sia li ia hoo ume ma na rou'e boema dadi neu rama nene. Au ufade neti nggo, hoo nda akan mete mita Au sa losa faina hoo mufadema'e, 'ua nale'e soa neu yang mana nema'a sia Lamatua rala!"

Chapter 14Ne'ehahai Sia Pas No Fai Sabat

¹mia fai sabat esa ma, Yesus lao nisi malangga Farisi esa ume'na fo Ana naa roti boema basa'se mete bebesa Yesus sa'ka yang Ana nae tao. ²fai'na, pas atahori esa namahedi busung oe mia mata'Na. ³de Yesus nafade mbali atahori-atahori Farisi no ahli-ahli Taurat ra oi, "bisa do hoko'o tao nahai'i atahori sia fai sabat?"⁴te hu, esa nda na'ta E'sa boe. basama, Yesus to'u nala atahori mamahedi'a boema Ana na'ahahai'e, de denu'e lao hela mamana na. ⁵basama Yesus nafade mbali'se oi, "hei se'ka yang kalu hei ana mara do sapi mone'ma nggodi nisi'i oe'a rala sia pas fai sabat na, ana nda nore hendi'e dea neu sa?"⁶te, esa nda nambarani na'ta neu'E oi sasa boe. Mamana Ma'hadat⁷basama, Yesus na'asasama'a duduit esa neu basa tamu nene no'e ra pas Ana mete nita mamana-mamana e'endo yang ma'hadat ara sia deka ro'a mei nanat ara, de Ana nafade mbali'se oi, ⁸"kalu hoo nene no'e sia mamana fefeta ninika esa, na afi'i hoo endo misi'i mamana ma'hadat ara karna ne'oke tenu fefeta'sa no'e atahori yang manara'a lena no hoo'e." boema, tenu ume'a nema neu nggo fo ana nafade nggo oi, 'fela fo fee mamana e'endo ia neu atahori ia'ka!' boema, hoo boe fela hela mamana e'endo na fo hoo sangga mamana e'endo sia seku dea'a te hoo mae ena. ¹⁰hu na, kalu hoo nene no'e, na endo misi'i mamana seku dea neu fo pas tenu tatao'sa nema na, ana nafade mbali nggo oi, 'torano, uma fo endo misi'i mamana e'endo yang ma'hadat.' at'o na fo, hoo hambu hadat sia basa atahori-atahori yang nene no'e ra mata nara. ¹¹hu na, basa atahori ra yang mana so'u ao nara hambu mamaet, te hu, se'ka yang neloloe aona na hambu nebebenggat soa neu aona. "Ro'e Fo Ara Raa Te Basana Ara Ro'e Bali'ie Fene Naa"¹²de, Yesus nafade mbali atahori yang ana no'E fo fene naa oi, "kalu hoo tao nana nininu sia rerelo do tetemba, na afi'i mo'e dedena baba'uma, torano'ma, bobonggi mara, do ume titia mara yang ma ena hata eto'ra karna ara boe ro'e bali'i hoo fo hoo mu mua minu bali'i sia ume nara. ¹³te hu, kalu hoo tao fefetas, na mo'e aka'a atahori-atahori hata taa'ra, atahori-atahori keko'ra, atahori-atahori mamalu'u ra, no atahori-atahori poke'ra. ¹⁴fo, hoo hambu ua ma nale'a karna athori-atahori ona'a iakara nda balas rala'sa; hoo hambu balasan sia pas fai tahori-atahori ndo'tetu'ra fefela nara. "Dududit Ne'esasama'a Soa Neu Nono'e Fo Raa Rinu"¹⁵pas atahori esa yang mana naa ro'E rena Ana ola-olah iaia, ma ana olah io, "uanale' soa neu atahori yang mana raa roti sia Ama Lamatua nusa'Na rala." ¹⁶te hu, Yesus nafade neu'e oi, "atahori esa tao fefetas sia fai tetemba fo ana no'e atahori nae rema raa rinu, ¹⁷de pas no fai'na fo ara rae raa rinu, ma atahori na denu a'te na neu nafade basa atahori yang eni no'era fo ara rema raa rinu de a'tea neu nafade'se oi, 'ima leo, te basa'e nene siap ena. ¹⁸hu, basa tamu yang ana no'era tao alasan-alasan. ruma rafade rae, 'au fe'edo hasa ala molek esa feu' de au ae use'ue ita'e dei, de au hule fo fee ma'af neu au.' ¹⁹laen ara rafade rae, 'au fe'e do hasa ala sapi mone esa no ine esa de au boe ae u parisake'se dei. au hule fo fee ma'af neu au.' ²⁰boema yang laen ara fai rafade rae, 'au fe'e do sao ia de au nda bisa uma'sa. ²¹boema, a'tea bali'i nema nafade neu lamatua'na. ma lamatua'na namanasa, de ana denu a'tena oi, 'lao lai'! lamu misi'i dala-dala'ra boema misi'i basa gang sia kota ia rala. mo'e mendi basa atahori hata'ta ra, atahori-atahori mamalu'ura, atahori-atahori doka saki'ra, boema atahorio-atahori poke'ra.' ²²basama, a'tea nema nafade bali'i nae, 'lamatua, au tao basa ena ona'a sa'ka yang lamatua parenda neu au, te hu fe'e hela mamana rou. ²³ma lamatua'na nafade mbali'e oi, 'lamu misi'i bali'i dala-dala'ra boema gang ara fo mo basa atahori-atahori mana sia nara rema rasofe au ume ngga. ²⁴Au ufade neti nggi, nda hambu atahori esa'sa boe yang lao mia sirae yang Au o'e ma'ahulu'ra hambu raa rinu sa'ka yang Au ae fee neu'sesa.'"Soa Neu Tungga Lamatua Yesus"²⁵atahori nae' lao ramalolo' ro Yesus. basama Yesus heo' mbali'se de Ana olah nae, ²⁶"kalu atahori esa nema nisi Au te hu ana nda namanasa ama'na no ina'na, sao'na boema no ana nara, odi a'a tou nara no odi a'a ina nara, boema no aona sa, na ana nda bisa dadi neu Au ana nanori Ngga'sa. ²⁷se'ka mesan yang nda nau lemba salib boema ana tungga Au sa, na ana nda bisa dadi neu Au ana nanori ngga sa. ²⁸se'ka yang sia hei talada mara yang nau tao na'ariri'i menara esa, te hu nda endo fo ana hitu reke rurunggi'a na fo ana doina dai do hoko'o?"²⁹de kalu nda ona'a na'ka sa na, pas ana tao fanderen'a boema ana nda tao nabasae sa'na, basa atahori ra mete rita'e fo ara ramamae. ³⁰atahori-atahori ra ola-olah oi, 'atahori ia mulai tao banguna'a, te hu ana nda tao nala nabasa'e sa. ³¹do, manek be'ka yang ana nae neu namusu no manek laen te hu ana nda endo na'ahulu fo ana tao titimba tatais fo ana nendi tentara'na 10.000 na bisa do hoko'o ana lawan musuh nara 20.000? ³²de kalu ana rasa nda bisa nakala'a manek laen na, ana denu atahori dedenu nara reu fo ara ratane syarat-syarat dame pas musuh nara fe'e seku sia dodo'o. ³³ona'a na'ke boe basa hei nda hambu esa sa boe yang sia hei talada mara yang nae dadi neu Au ana nanori Ngga te ana nda nau fee basa-basa sa'ka yang dadi neu eni ena'na sa. "Masi' Yang Mana Noe Ena Na Nda Sudi Pake'sana"³⁴masi' na malole, te hu kalu masi'a ana dadi neu oe fo ana nda masi sana, na tao'e ta'o be fo ana masi bali'? ³⁵masi' na nda sudi pake sa ena mae neu mole'a do pupuk de aka'a atahori ra nggari hendi'e. de se'ka yang ma ndiki'i na hela fo ana rena nala!"

Chapter 15Dududi Na'asasama' Bibi Lombo Mana Mopo'

¹basa mana tagi bea boema atahori mana tatao de'ulaka'ra rema deka risi'i Yesus fo ara rena nanori'Na. ²basama atahori-atahori Farisi no ahli-ahli taurat ara ra'amumuti rae, "atahori ia Ana simbo atahori-atahori yang sofe' no'a salah singgo'ra boema Ana naa ninu no'se." ³basama Yesus dui na'asasama ia neu'se, Ana olah nae, ⁴"hei se'ka yang kalu ana na'ena bibi lombo 100, boema kalu bibi lombo esa mipo, na ana nda lao hela ka 99 sia mo'a loana'sa fo ana neu sangga bibi lombo ka esa'asa losa ana nita' bali'esa?" ⁵boema pas ana nita'e na ana o'o bibi lombo'a neu aru'na fo nendi bali'e nisi ina'na no ana namaho'o. ⁶ana bali losa ume, na neu se'u torano nara boema ume titia nara fo ana nafade mbali'se oi, 'ama mimiho'o mo au karna au ita bali'i au bibi lombo ngga yang mana mopo'a ena. ⁷Au ufade neti nggi, ona'a na'ke boe Ama Lamatua no basa mana sia surga ra boe ramaho'o soa neu atahori esa yang mana sofe' no'a de'ulaka'a yang ana tobat lena'a hendi lao mia atahori ka 99 yang ndo tetu'ra. Dudui Na'asasama Doi Perak Yang Mana Mopo' ⁸do ina'a be'ka yang na'ena doi perak keping sanahulu, kalu ana namopo hendi keping esa na, ana nda nambila'a lambu'asa boema ana sapu ume'na, fo ana sangga doi keping na no mata lolole losa ana nita bali'esa? ⁹de kalu ana nita bali' doi'a na, ana no'e basa torano nara no ume titia nara fo ana dui'se nae, 'basa nggi mimiho'o mo au te au ita bali'i au doi keping ngga esa yang mana mopo'a ena.' ¹⁰Au ufade neti nggi, sama ona'a nake boe, Ama Lamatua malaikat nara basa'se ramaho'o soa neu atahori esa yang mana sofe' no'a salah singgo'a ana bertobat."Na'asasama Ana Mone' Rua ana muri'a lao hela ama'na ¹¹basama Yesus dui oi, "atahori esa ana na'ena ana mone' rua. ¹²ana mone muri'na nafade mbali ama'na nae, 'papah'e, banggi fee au papah hata eto'na yang dadi neu au hak nggara.' de ama'na banggi hata heto nara fee neu ru'ase. ¹³basa hendi'i na ma, ana mone muri'a kumbu nala basa ata heto nara, de ana lao nusak dodo'neu boema ana feta dote nabasa' hendi hata heto nara sia atahori nusak nara. ¹⁴de basa hendi ata heto nara, pas no ndoe mara'a boeo sia nusak na, de ana nda sudi na'ena sasasana boe. ¹⁵de, ana neu sangga ues sia atahori esa mana sia nusak na, boema ara denu'e neu hani hao fafi'ra yang mana sia atahori na hosina. ¹⁶ana ndoe nda bolesana te esa nda fene naa ninu sasasaboe ma ana naa nose'a yang fafi'ra nana nara. ana mone muri'a bali' nisi ama'na ¹⁷pas ana mone muri'a nggenger, ma ana dudu'a sia rala'na nae, 'au ama ngga a'te nara sia au ume nggara sofe'e no'a nana nininu, te hu au sia ia ae'a mate o ndoes'a. ¹⁸au fela fo au lao bali'i isi'i au ama ngga. losa na na au ufade neu'e ae: papah'e, au tao salah soa neu surga boema sia hoo matama. ¹⁹au nda sudi pantas dadi neu hoo anamasa, de tao au u dadi neu hoo a'tama. ²⁰de, ana fela fo ana lao bali'i nisi'i amana. te hu, pas ana mone muri'a fe'e seku sia dodo, te amana mete nita'e ma amana kasian'e, amana nela' neu soru'e de holu nala'e boema amana idu'e. ²¹basama, ana mone muri'a olah mbali amana nae, 'papah'e, au tao salah soa neu surga boema sia hoo matama boe. au nda sudi pantas dadi neu hoo anama'sa. ²²hu, amana nafade neu a'te nara nae, 'laolai! mendi badu yang paling meulau'u fo fee neu au ana ngga pake. fee ne pake ndeli neu lima u'una boema fee ne pake sendal. ²³pa'a mala sapi yang mambaruna' esa ama tati'e. boema ima fo ata taa tinu tamaho'o neu'e, ²⁴karna ana mone muri ia ana mate ena, te hu sia fai ia ana fela bali'! ana mopo, te hu sia fai ia au ita bali'e! de basa'se ra'amina'a ramaho'o." Ana Mone Ulu'a Namanasa Ama'na ²⁵fai na, ana mone ulu'a ana sia osi, de pas ana losa deka no umena, ma ana rena hara li'i tep boema ara lendo foti sia umena. ²⁶de, ana no'e a'te esa lao mia ume rala nema boema ana natane nae ara feta dote sa sia ume rala? ²⁷a'tea na'ta neu'e nae, 'odima bali'i nema, de amama tati sapi mambaruna' esa karna ana oi odima ana bali'i no soda'a. ²⁸hu, ana mone ulu'a namanasa de ana nda nau ume rala neusa, de amana dea neu kokoe fene rala neu. ²⁹te hu, ana mone ulu'a nafade mbali amana nae, 'too no too au o hoo tao ue osa'a fee hoo boema au nda fe'e ureresi ita o hoo'sa, te hu hoo nda fe'e fee mita au bibi ana'esasa boe fo au tao fefetas o au torano nggara'sa. ³⁰hu, pas hoo anama bali'i nema lao mia nusak dodo'a boema ana nabasa hendi basa hata heto'a no ina mana hohongge'ra, te hu papah fe'e tati sapi mambaruna esa fee neu'e. ³¹ma, amana na'ta mbali neu'e oi, 'ama'e, hoo mo au fe'e iane, de sa'ka yang au ena ngga basa nara hoo enama boe. ³²hu, fai ia hita tao fefetas boema ata tamaho'o soa neu hoo odima yang hita tae ana mate ena, te hua fai ia ana fela bali'i; ana mopo ena, te hu fai ia hita tita bali'e.'"

Chapter 16Hita Nda Bisa Tao Ues Fee Lamatua Rua'sa

¹Yesus nafade mbali ana nanori nara nae, "atahori mamasu'i esa yang naena malangga a'te. de, atahori mamasu'i a hambu laporan oi malangga a'tea foya-foya eni hata eto nara. ²hu na, atahori mamasu'i a no'e malangga a'te na de ana natane, 'sa'ka yang au rena'a ia tebe do hoko? mufade sa'ka yang hoo tao selama ia, karna hoo nda sudi bisa dadi mu au mana to'u doi ngga sana. ³malangga a'tea dudu'a sia rala'na rala nae, 'sa'ka yang au ae tao fai karna au lamatua ngga oi hendi' au lao mia au ues ngga ena? au nda sudi be'i tati saro sa ena boema au mae hule-hule'e. ⁴au uhine sa'ka yang au tao pas lamatua ngga nda sudi fee au dadi mana to'u doi sa ena, ne'oke atahori-atahori ra simbo au sia sira umena. ⁵basama, ana boe no'e basa atahori yang mana mahuta' sia eni lamatua'na. de ana natane mbali atahori ma'ahuluka nae, 'hoo muhuta au lamatua ngga ba'usa? ⁶atahori na ana na'ta nae, 'mina zaitun bat natun esa.' ma, malangga a'tea denu'e oi, 'mu ha'i mendi susurana, fo endo mu na, sura' bali'ie bat 50.' ⁷basama malangga natane mbali atahori esa fai nae, 'hoo muhuta ba'usa fai?' atahori na na'ta oi, 'kor gamdum natun esa.' ma mana to'u doi'a denu oi, 'mu ha'i mendi susurana nema fo sura' bali'i hoo utama lembata 80.' ⁸basama, atahori mamasu'i a koa malangga a'tena yang mana mafani na karna oi ana mahine'e. hu na, ana kara yang mana sia rae fafao ia mahine nara lena hendi mia ana mana sia manggarelo'a rala. ⁹Au ufade neti nggi, mi torano mala mamon yang sofe no'a salah singgo na fo pas mamon na basana, ara simbo rala hoo sia ume losa dona neu. ¹⁰se'ka mesan yang ana tao tebe-tebe'e sia hal-hal ana'ka, ana boe tebe-tebe'e sia hal yang monae'. boema, se'ka mesan ana nafani sia hal-hal ana'ka ana boe nafani sia hal-hal monae'a boe. ¹¹de, kalu hoo nda dadimu nemehere' soa neu kelola hata heto raefafo'asa, na se'ka yang nae namahere hoo fee eni hata heto'na neu nggo? ¹²boema, kalu hoo nda hambu namahere soa neu pake atahori barang'sana, na se'ka yang nae namahere hoo fee sa'ka yang sebenar na hoo enama? ¹³nda hambu a'te esana ana ato ues fee lamatua' rua'sa karna ana hi' no lamatua esa na ana hika'a no lamatua esa. do hokona, ana rena lamatua esa te hu ana nda tao afi'i no lamatua esa'sa. hoo nda bisa tao ues fee Ama Lamatua boema no mamon'sa." Fee Nesenedat Neu Atahori Farisi ¹⁴atahori-atahori Farisi'ra, yang mana sue doi'a, ara rena rala hal ia ma ara ra'ae'ei Yesus. ¹⁵Yesus nafade mbali'se nae, "hei iara atahori-atahori yang mae hei ndo tetu' sia atahori raefafo'a mata nara, te hu Ama Lamatua nahine saa yang sia hei rala mara karna yang atahori raefafo'a koa-koa'ra na yang tao fee Lamatua melumudu'se ¹⁶to lane raefafo'a no susura nabi ara ranori se losa Yohanes masa'na; mia Yohanes masa'na, hara malole'a soa neu Ama Lamatua nusak'Na ara dui bengga ena de basa atahori'ra rasu rala reu. ¹⁷hu tetebe, na lalai'a no raefafo'a mopo hendi'se lebih malole lao mia to lane raefafo'a titik esa ramopo'e. Soa Neu Mahela'a ¹⁸"basa atahori yang mahela'a no sao'na fo ana sao nala ina'a laen, na ana hohongge. boema, atahori yang mana sao nala ina yang sao'na hela hendi'a, boeo ana hohongge," Atahori Mamasu'i a no Lazarus ¹⁹"atahori mamasu'i esa ana pake buaba'us makandedelaka, boema ana tao feta dote sia fai-fai esa. ²⁰atahori hata tak esa yang aona sofe' no'a bisu bobolo' narana Lazarus ana sungguh-sungguh si'a atahori mamasu'i na lelesu parapunggu'na matana. ²¹ana namahena hambu nanat lao mia atahori mamasu'i a nana sisa nara yang ara mbia hendi'a; te busa'ra boeo rema dadalo bisu bobolo'na. ²²fai esa ma, atahori hata ta'a mate boema malaikat ara ro'e nisi'i Abraham ifa'na. atahori mamasu'i a boe mate de ara ra'oie. ²³sia mamatesa rala, ara siksa'e, de atahori mamasu'i a mete ata' neu boema ana nita Lazarus sia Abraham ifa'na. ²⁴boema, atahori mamasu'i a nggasi nae, 'Ama Abraham, suelai au dei fo denu Lazarus tao lima u'una neu oea fo ana tao neu au mangga dei te au u'umada sia ai rala. ²⁵te hu, Abraham olah nae, 'ama'e, musuneda pas hoo fe'e masodama, hoo hambu basa meulau raefafo'a ena, hu Lazarus hambu basa huku doki raefafo'a; fai ia, sia ia Lazarus hambu netales, te hu hoo nenesiksa'a. ²⁶boema sia ia loe roma'a ana banggi hita de atahori nda bisa rala serisa, nda bisa lao mia ia reti'sa, boema atahori lao mi hoo mamanama nisi ia remasa. ²⁷boema, atahori mamasu'i a olah nae, 'kalu ta'ona na, au hule neu nggo Ama'e, denu Lazarus onda raefafo neu sia au ama ngga ume'na dei, ²⁸karna au u'ena odi a'a ngga tou' lima. fo Lazarus fee nasanedat neu'se fo ara afi'i losa ara risi'i mamana' iaka. ²⁹hu, Abraham nafade nae, 'sira ra'ena to lane Musa boema susura meumare' nabi ra, hela'se fo ara rahine lao mia basa nara rema. ³⁰atahori mamasu'i a olah fai nae, 'hoko'o, Ama Abraham. kalu atahori mana mate esa fela bali'i fo ana neu olah mbali'se de fo ara rae tobata. ³¹Abraham na'ta neu atahori mamasu'i a nae, 'kalu hoo odi a'amara nda tao rerena neu to lane Musa'sa boema nabi ra susura meumare nasa, na ara boeo nda bisa fee nemehere neu sesa, mae atahori mana mate esa fela bali'i neu boeo."

Chapter 17Salah Singgo' Boema Hambu Ambon

¹basama, Yesus nafade neu ana nanori nara oi, "ne'oke hambu fatu ne'etusus sia, te hu tu'ubuku soa neu atahori yang mana tao ona' na'ka. ²meulau na fatu makandedelak esa ara pa'a neu boto'na fo honda'e hendi'e nisi'i tasi neu fo ana afi'i dadi neu fatu ne'etunus sao neu ana diki'i iakara. ³meda-meda'a! te kalu hoo torano'ma tao salah neu nggo, na ai'e; kalu ana no'e ambon, na fee ambon neu'e. ⁴mae ana tao salah' neo hoo lao hitu sia fai esa rala boema ana neti neu nggo lao hitu fo ana hule oi, 'au salah ena de au o'e ambon,' na fee ambon neu'e." Kuasa Namahere⁵Lamatua a'te ana nara ro'e neu'E oi, "Fee hai nemehere mara tamba ramanae!"⁶Lamatua na'ta neu'se oi, "kalu hei nemehere mara monaena ba'u aka'a feta deke esa, hei bisa mifade neu hau hu'u murbei ia'ka mae, 'lesu hendi'e lao mia rae'a rala fo selah'e nisi'i tasi' neu,' na hau hu'u na boe ana rena hoo parena'ma.'A'te Yang Ana Rena Parenda'a Lao Mia Lamatua'na"⁷hei se'ka yang ma'ena'a a'te, yang ana tati saro mole'osi do mana tada, fo pas a'tena bali'i lao mia mole'osi na ana no'e oi, 'uma, endo'o misi'i ia fo mua'?"⁸te hu ana parena a'tena oi, 'dode nasu fee au nana nininu nggara te au ae ua inu boema pake bua lo'as meu-meu defo so'u o'o mendi nana nininu nggara rema nisi au, fo au ua inu basa fo hoo mua minu?⁹kalu ana parenda a'tena fo atena tao tungga'a sa'ka yang eni hihinanauna na ana no'e makasih do hoko'o? ¹⁰hei boe ona'a naka. kalu hei tao basa'e tungga'a yang Lamatua'a parenda'Na, malole na hei olah mae, 'hai ia Hoo a'te'Ma yang feli'i nese. hai ia tao tungga'a sa'ka yang Hoo hihi nanau'Ma.'" Atahori Hedi Bunira'a Sanahulu Hai¹¹Yesus nae lao Yerusalem neu de Ana lao' tungga Samaria no Galilea talada nara. ¹²pas Ana nala desa esa rala, ma Ana nanda no atahori mana hedi'i buni'ra sanahulu yang ara rambari' ra'adodo ro'E, ¹³boema ara nggasi rahere' rae, "Yesus, Meser, suelai mala hai dei!"¹⁴pas Yesus mete nita'se, ma Ana nafade mbali'se oi, "lami fo mitudu hei ao mara misi'i imam-imam ara." boema pas ara rala dala dalada'a, ma buni'ra a mopo hendi basa'se. ¹⁵pas sira esa mete nita eni aona hai ena, ma ana bali'i de ana koa kia no harana tand'e neu Ama Lamatua nara'Na, ¹⁶boema ana sende'e lunggu langga'na nisi'i Yesus mata'Na de ana no'e makasih neu Yesus. atahori na lao mia Samaria nema. ¹⁷basama, Yesus natane mbali'e nae, "hei atahori sanahulu yang hai dei to? atahori ka sio ra sia be? ¹⁸nda hambu esa'sa boe yang ana bali'i nema koa kia neu Ama Lamatua'a mandela masa'aNa aka'a atahori yang nda nene nehine ia'ka sa do? ¹⁹de Yesus nafade mbali'e nae, "fela fo lamu, hoo nemeherema fee masoda'a neu hoo."Ama Lamatua Nusak'Na Nema"²⁰pas atahori Farisi hira ratane rae faihira'a na Ama Lamatua' nusak'Na nema, ma Yesus na'ta neu'se nae, "Ama Lamatua nusak'Na nenemana nda ma'ena tatanda mamara'asa de atahori nda rahine'sa, ²¹nda hambu atahori esa sa boe yang olah nae, 'mete mita, Ama Lamatua'a nusak'Na nema sieena!' do 'Ama Lamatua'a nusak'Na ana sia na!' karna tetebe na Ama Lamatua nusak'Na ana sia hei taladamara."²²basama, Yesus nafade neu ana nanori nara nae, "fai esa te hei mae hi mete mita fai esa lao mia Ama Lamatua Ana'Na fai'Na, te hu hei nda hambu mete mitae'sa. ²³atahori-atahori ra rafade neti hei rae, 'mete mita, sia na!' do 'mete mita sia ia!' te hu, ama afi'i mimihere'se boema ama afi'i tungga mala atahori ona'a nakara." Ama Lamatua Ana'Na Nenema'Na"²⁴hu ndelas'sa ana ndela lao mia lalai'a tonggo'na esa nisi'i lalai'a tonggo'na esa, ona'a nake boe Ama Lamatua Ana'Na nenema'Na. ²⁵te hu, Ama Lamatua Ana'Na ara huku doki'E na'ahulu'u boema tititinonosi iara nda simbo'esa. ²⁶boema, ona'a mana dadi'i mia fai-fai saman Nuh, ona'a nake boe pas sia Ama Lamatua'a Ana'Na fai na. ²⁷atahori-atahori ra raa rinu, ara soa boema ara fee'se sao losa Nuh faina nisi'i ofa'na rala boema loe'a monae'e nema de mate hendi basa atahori'ra. ²⁸dadi ona'a mia Lot masana boe, pas atahori-atahori ra raa rinu, ara banda hasa, ara raseseo, ara sela nggari, boema ara rafefela ume'ra. ²⁹hu, faina pas Lot lao nasade hela Sodom, ma ai'a no belerang'a nggodi lao mia lalai'a ata' nema ona'a udan de mate basa atahori'ra. ³⁰ona'a naka boe pas Ama Lamatua Ana'Na fai nenema'Na. ³¹sia faina, seka mesan yang ana sia ume'a mbunina ata'a, boema sasa nara sia ume'a rala, na afi'i ana onda fo ana neu ha'i fai; boema seka mesan'e yang ana sia osi, na ana afi'i sudi bali'i umena neu fai. ³²misineda saka yang dadi neu Lot sao'na! ³³seka mesan'e yang ana nanaea ao samana'na, na mopo eni ao samana'na. boema seka mesan'e yang ana mopo eni ao samana'na, na ana hambu masoda'na. ³⁴Au ufade neti nggi, sia fai tetmba'na atahori 2 sunggu'u ra'abue sia susunggut 1. te hu, atahori esa ara ro'e, hu esa ara hela'e. ³⁵ina'a rua ara mbau gandum rabue. ina esa ara ro'e te hu ina esa ara hela'e. ³⁶[ona'a naka boe atahori rua ara tao ueosa' ra'abue sia osi esa, na atahori esa ara ro'e, te hu yang ka esa'a ara hela'e."]³⁷de Yesus ana nanori nara ratane mbali'E rae, "Lamtua'a sia be?"Yesus na'ta neu'se nae, "mburu'a sia be, na marambua ana kumbu sia na."³⁷Boema ana nenori Nara ratane neu Yesus,"Lamatua Sia be? Yesus nata soa neu'se,"Sia be sisi mburu'a sia, mbui ka na, a bubue sia na."

Chapter 18Na'sasama' Duduit Mana Na'etu Naladi'i No Ina Falu Esa

¹basama, Yesus na'asasama'a duduit esa neu ana nanori nara no Ana nae nafade'se fo are hule oo'e rakando'a boema rala nara afi'i ra'aana. ²Ana dui nae, "sia nusak esa, hambu mana na'etus naladi' esa yang nda mana mamatau Ama Lamatua'sa boema ana nda mana ma'ena hadat'sa. ³sia nusak naa, ina falu esa nema nakando'a neu mana na'etu'a maladi'a fo ana hule neu'e nae, 'fee au titimba tatais meulau'u soa neu au dedeat ngga dei. ⁴fai hira ra nara, mana na'etu naladi'a nda nau tao afi'i neu ina falu'sa. te hu, basama mana na'etu naladi'a du'a sia rala'na rala nae, 'mae au nda mana umutau Lamatua'sa boema au nda ma'ena hadat neu atahori esa boe, ⁵hu karna ina falu ia nema nakando'a neu au de helan fo au fee titimba tatais meulau neu'e, na fo ana afi'i sudi nema tao na'asususa' nekendo'a au fai. ⁶de, Lamatua olah nae, "rena mala sa'ka yang mana na'etu naladi'a dedea o'ola'na. ⁷Ama Lamatua boe fee Eni atahori nara yang Ana here'ra boema ara hule oo'e sia rerelo no tetemba'a, Ana fee titiba tatai meulau'u lena'a hendi lao mia naa'ka fai. Ana nda fe'e babanggo nita Eni susue'Na neu sira'sa. ⁸Au ufade neti nggi, Ana fee titimba tatai melau' neu sira. te hu, pas Ama Lamatua Ana'Na nema, na Ana Hambu nemeheret sia raefafo'a dohoko'o?" Na'asasama Duduit Soa Neu Atahori Farisi No Mana Kumbu Bea⁹Yesus boe dui na'asasama duduit iaka neu atahori hira yang ara rae sira atahori ndo tetu'uru de ara ra'aloloe atahori laen. ¹⁰atahori rua reu risi'i Ama Lamatua ume'Na fo ara hule oo'e. atahori esa lao mia Farisi boema ka esa'a mana kumbu bea. ¹¹atahori Farisi'a ana nambari'i de ana dui bengga eni aona sia eni hule oo'e rala nae, 'ya Ama Lamatua, au hule makasih neu Nggo karna au nda ona'a atahori laen'sa; mana peras atahori, mana e'ediki, mana hohongge'e, do ona'a mana kumbu bea iaka. ¹²au nda ua inu'sa sia minggu esa na lao rua, au fee au 10 % sia basa au hahambu nggara. ¹³te hu, mana kumbu bea nambari'i seku sia dodo, boema ana nda nambarani mete lalai ata neu'sa. hu, ana popoko paparu aona boema ana olah nae, 'ya, Ama Lamatua. fee suelai' neu au, atahori yang mana sofe'e no'a salah kilu ia. ¹⁴Au ufade neti nggi, atahori mana kumbu bea ia bali'i ume'na neu no hambu ambon lao mia Lamatua nema lena' mia atahori Farisi'a, karna atahori seka yang koa-koa eni aona, na ara raloloe, te seka yang naloloe eni aona, na so'ue ata neu." Yesus No Ana Diki'ira¹⁵de, atahori-atahori'ra rendi ana diki- ana diki'ra risi'i Yesus fo fene nggama'Na neu'se. te hu, Yesus ana nanori nara mete rita, ma ara ramue atahori-atahori nara. ¹⁶hu, Yesus no'e ana diki'ra fo ara risi'i mata'Na neu boema Ana olah nae, "hela fo anadiki ana' nara rema risi Au, afi'i hei baba-babambi'se te Ama Lamatua nusak'Na naa atahori-atahori ona'a iara fo sira ena nara. ¹⁷Au ufade yang tetebe'se ia neti nggi, te seka mesan'e yang ana nda simbo Ama Lamatua nusak'Na ona'a ana diki aira sa, naa ana nda rala neu nita'sa nisi'i Ama Lamatua nusak'Na sa boe." Atahori Mamasui'i No Ama Lamatua Nusak'Na¹⁸sira atahori malangga'na esa natane Yesus oi, "Meser yang meulau, saka yang au tao naa fo au hambu u'ena masoda' losa lolosana neu?"¹⁹Yesus na'ta neu'e nae, "sade hoo olah mae Au meulau? nda hambu esa meulau lena' mia Ama Lamatua'a mesa'Ne sa boe. ²⁰hoo bubulu soa neu to-to lane raefafo iara; 'afi'i hohongge, afi'i hala mbau, afi'i mumuna'o, afi'i fee sakasi e'ediki, boema fee hadat neu hoo ama'ma no ina'ma. ²¹atahori na ana na'ta oi, "au tao basa ona'a naka ena, eni'a mia au fe'e monetena ngga nema. ²²pas Yesus rena nala, ma Ana olah mbali atahori naa nae, "hela fe'e esa fai. mu'udodo mo basa saka yang hoo hata heto mara boema banggi hendi basa'se reu atahori hata tak ra, fo hoo hambu hata heto sia rurga; boema uma fo tungga Au. ²³de atahori naa rena nala saka yang Yesus nafadena, ma ana nggae karna ana sofe no'a hata hetoi'o²⁴basama Yesus mete mbali'e de Ana olah nae, "atahori mamasu'ira susah fo ara rala Ama Lamatua nusak' Na rala reu! ²⁵unta esa rala neu tungga sosota kolona rala na ana fe'e nala, te hu susah fo atahori mamasu'i a nala Ama Lamatua nusak'Na rala neu," Mana Tungga Yesus Naa Ana Simbo Masoda'a Losa Lolosana²⁶atahori-atahori yang mana rena dedea o'olah nara rafade rae, "kalu ta'o naa, seka yang hambu masoda'a?"²⁷Yesus na'ta nae, "saka yang atahori'ra rae nda bisa'sa, na'na bisa soa neu Ama Lamatua. ²⁸boema, Petrus nafade nae, "mete mita, hai lao hela basa hai sa'sa mara de hai tungga Hoo ena. ²⁹ma Yesus nafade neu'se nae, " Au ufade tetebe'se neti nggi, nda hambu atahori esa sa boe yang ana lao hela ume loo'na, sao'na, torano'na, ama no ina nara do basa ana nara aka'a Ama Lamatua nusa'Na sa, ³⁰yang nda hambu sa'sasa yang nalena'sa boe sia fai ia, boema sia fai mana nema ia, na'na masoda'a losa lolosana neu."Nafades Soa No Yesus Mamate'Na Boema Yesus Fela Bali' Lao Mia Mamates Nema³¹boema, Yesus kumbu basa ana nanori nara ka sanahulu'ra de Ana ola-olah no'se nae, "ama rena, hita tae teu sia Yerusalem de sa'ka yang basa nabi ra sura' hela ra soa neu Ama Lamatua Ana'Na nae dadi ena. ³²ara humu rala'E fo ara fee neu atahori-atahori yang nda mana rahine Ama Lamatua'a sa. ara ramamae, ara poko paru'E, boema ara miru neu'E. ³³de ara fifilo basa'E, na ara mbau risa'E. te hu, sia fai ka teluna, na Ana fela bali'i lao mia mamatesa nema. ³⁴hu, Yesus ana nanori nara nda rahine'e saka yang Ana olah sa boe. dedea o'olah nara nene nefeni'i soa neu basa'se de ara nda du'a rala sasa'sa boe. Yesus Nahai'i Atahori Poke'a³⁵Yesus losa deka no'a nusak Yerikho, ma atahori poke' esa endo mia dala bifena de ana hule-hule'e. ³⁶pas atahori poke'a rena atahori'ra nae' lao tungga naa, ma ana nanatane saa de atahori nae lao tungga ia. ³⁷de, atahori'ra rafade rae, "Yesus mana mia

Nazaret nema Ana lao tungga ia."³⁸ma, atahori poke'a ana nggasi nae, "Yesus, Daud ana'na, suelai mala au dei!"³⁹atahori-atahori yang mana lao ma'ahulu'ra ara ramanasa atahori poke'a boema ara denu'e nene. te hu, ana nggasi nahere lena ma'ahuluna fai oi, "Daud ana'na 'e, suelai mala au dei!"⁴⁰boem Yesus nambari de denu atahori'ra ro atahori poke'a mata nema nisi'i Yesus. pas atahori poke'a deka, ma Ana natane neu'e nae, ⁴¹"saka yang hoo nau lao mia Au, fo Au tao soa neu hoo?" atahori poke'a na'ta nae, "Lamatua, au nau fo au ita bali'i."⁴²Yesus nafade mbali'e nae, "mete mita, hoo nemeherema ana fee hoo hai."⁴³li' na boe, ma ana nita bali'i de ana tungga Yesus no ana koa kia Ama Lamatua nara Na. pas atahori nae'e mete rita naa, ma sira boe koa kia Ama Lamatua nara Na.

Chapter 19 Yesus No Zakheus

¹de, Yesus lao tungga nusak Yerikho rala. ²tou'u esa sia naa narana Zakheus, eni malangga mana kumbu bea boema eni atahori mamasu'i'i. ³ana nasu nae mete nita Yesus mata'Na, te hu ana nda hambu nita'sa karna atahori nae bambi rala'e; karna aona e'eku'u. ⁴de zakheus nela na'ahulu'u atahori nae'ra boema ana hene nisi'i hau ara esa ata'a fo ana mete nita Yesus yang Ana nae lao tungga dala naa. ⁵pas Yesus losa mamana zakheus sia'a, ma Ana mete ata'a neu de Ana olah mbali'e nae, "Zakheus, onda te fai ia Au ae sunggu'u sia hoo ume ma." ⁶de, zakheus boeo onda rae neu boema ana simbo nala Yesus no nemeho'ote. ⁷hu, pas basa atahori nae'ra mete rita hal naa, ma ara ra'u'utu esa no esa boema ara olah rae, "Ana neu sunggu'u nisi'i atahori mana sofe'e no'a salah singgo'a." ⁸basama, Zakheus nambari de ana nafade neu Lamatua nae, "Lamatua, mete mita, au hata heto ngga fa au ae fee neu atahori hata tak'a, boema kalu au umopo hendi atahori esa sana, na au ae fee bali'e lena'a lao 4." ⁹de, Yesus nafade neu Zakheus nae, "sia fai ia, masoda'a nema nisi'i ume ia karna atahori ia tititi nonosi'i lao mia Abraham boe. ¹⁰hu, Lamatua Ana'Na nema fo sangga boema mbo nala mana mopo'ra." A'te Yang Mana Rena'a Boema A'te Nda Mana Rena'asa ¹¹ara fe'e rena rala basa iara, ma Yesus dui na'asasama selu'u dududit esa fai karna Ana deka no Yerusalem ena boema karna ara rae ne'o fe Ama Lamatua nusak'Na nae nema ena. ¹²hu na'na, Ana boe nafade nae, "atahori esa tititi nonosina mia manek'a ana lao nusak dodo neu fo ara so'ue dadi neu manek, de basama ana bali nema. ¹³basama, lamatua naa ana kumbu a'te ka sanahulu'ra de ana fee se doi mina 10. ana nafade neu se oi, 'ama badanggan mendi'i doi'i iara losa au bali'i uma.' ¹⁴te hu, atahori-atahori yang nusak esa ro'e ara rambada'e boema waktu ana lao ma ara denu sira atahori nara fo reu rafade rae, 'hai nda nau atahori ia dadi neu hai manek ma sa.' ¹⁵ana dadi nala manek, ma atahori tititi nonosi mia manek'a bali nema de ana parenda basa a'te-a'te nara yang eni fee se doi'ra fo ara rema randa ro'e, naa fo ana bubulu'u sira badanggan de ara hambu untungna ba'u sa. ¹⁶a'te ma'ahulu'a nema de ana olah nae, 'lamatua, hoo doi mina'ma 1 de iama ana dadi neu mina 10 ena.' ¹⁷manek'a nafade mbali'e nae, 'malole na seli, hoo au a'te malole ngga! karna hoo ue meulalu sia ues ana'ka, de au fee hoo parenda mala kota sanahulu.' ¹⁸a'te yang ka rua na nema de ana olah nae, 'lamatua, hoo doi mina'ma 1 de iama ana dadi neu mina 5 ena.' ¹⁹boema, manek'a nafade mbali'e nae, 'hoo kuasa mala kota 5.' ²⁰basama, a'te esa nema fai de ana olah nae, 'lamatua, hoo doi mina'ma ka 1 au mbeda'e neu au lesu ngga. ²¹au umutau hoo karna hoo atahori de'ulakat. hoo ha'i mala sa'ka yang mae hoo nda ena'masa boema hoo etu oru mae hoo nda fe'e selanggari mita'sa. ²²basama, manek'a nafade mbali'e nae, 'au ae ali nggo ona'a au ufade ngga, woe hoo a'te yang de'ulakat! de, hoo bubulu'u mae au ia atahori de'ulakat, yang ha'i nala saka yang au nda mbeda ita'sa boema etu oru ala saka yang nda au sela nggari'sa? ²³ta'o na'na, sade hoo nda fee au doi nggara reu atahori yang mana badanggan doi'isa fo pas au bali'i, naa au hambu bali'i doi nggara no'a buna nara'sa? ²⁴de, manek'a nafade mbali atahori-atahori yang mana mambari sia naranae, 'ha'i mala doi mina naa lao mia'e fo fee neu atahori yang ma'ena doi mina ka 10.' ²⁵hu, ara olah mbali manek'a rae 'lamatua, a'ta naa ma'ena'a mina 10 ena. ²⁶manek'a na'ta nae, 'au ufade neti nggi, seka yang ma'ena'a naa ana hambu nalena'a, te hu atahori seka yang nda ma'ena'a sasasa boe, naa yang eni ena nara sana ara ha'i rala basa'se. ²⁷te hu, soa neu au musuh-musuh nggara yang nda mana nau au dadi u manek'sa, mo basa'se ia rema fo hala misa basa'se sia au mata ngga." Ara Soru Yesus Dadi'a Manek ²⁸Yesus dui basa hal-hal nara, ma Ana lao na'ahulu'u Yerusalem neu. ²⁹pas Ana losa deka desa betfage no Betania, sia deka lete'e Zaitun, ma Ana denu ana nanori'Na rua. ³⁰Ana nafade'se oi, "lami misi'i desa yang mana sia mata'a naa. fo, pas hei losa na'na, hei mita keledai ana esa mana pa'a boema atahori esa'sa boe nda fe'e sae nita'esa. ama sefi mala'e fo mendi keledai ana'a na nema. ³¹kalu atahori ratane hei rae, 'sade hei nore mendi keledai ana naa?', naa ama mi'ta se mae: Lamatua'a nae sae. ³²de, Yesus ana nanori ka rua nara ma ara mete rita basa'e ona'a sa yang Yesus nafade'Na neu sira. ³³pas ara sefi keledaia'a talina ma lamatuana neu, de ana natane'se nae, 'sa'de hei sefi hendi'i keledai'a tali na?' ³⁴de ara ra'ta rae, 'Lamatua Ana nae sae.' ³⁵de, ara ha'i rendi keledai ana'a nisi'i Yesus boema ara tao lalakat neu keledai'a nggarasana, basama fee Yesus sae neu ata. ³⁶pas Yesus lao tungga dala'a, ma atahori-atahori ra bela bua lo'as neu dala'a fo fee Yesus lao tungga ata'a. ³⁷boema, pas Yesus tamba deka no Yerusalem, mia dala o'ond'u sia dala nae nisi'i lelete Zaitun, ma basa mana tungga nara koa kia rahere'e neu Ama Lamatua nara'Na boema ara ramaho'o. ara ro'e makasih neu Ama Lamatua'a soa neu basa mukjizat yang sira rita no mata nara. ³⁸ara nggasi rae, "ua manale'e soa neu Eni yang ana nema dadi manek sia Lamatua rala, soda mole' sia sorga boema mandela masa'a sia nusak tetun inggu temen!" Mazmur 118:26 ³⁹atahori Farisi ruma lao mia atahori nae'e yang mana ma'abubue nara ra olah neu Yesus rae, "Meser, ai mala Hoo ana nanori mara dei." ⁴⁰te hu, Yesus na'ta nae, "Au ufade neti nggi, kalu denu'se ne'ne, na fatu-fatu iara yang ara nggasi ki." Yesus Nggae Soa Neu Yerusalem ⁴¹pas Ana losa deka no kota Yerusalem boema Ana mete nita'e, boema Ana nggae. ⁴²Ana olah nae, "kalu fai ia hoo bubulu'u sa yang ana nendi sodo mole'e neu nggo. te hu, fai ia hal naa nene nefeni'i sia ho matama. ⁴³hu fai esa te pas hoo musuh-musuh mara, ara rafefela tembok naru'u

fo ana babata nala basa hoo'e. ⁴⁴na ara rakalah hendi hoo, hoo mo basa ana mara funi risi'i temboka. boema sira nda tao fatu mana susun ara esa'sa boe sia hoo rala hu hoo nda muhine'e fai naa Ama Lamatua Ana melawat hoo sa."Yesus Use Basa Atahori-Atahori Mana Maseseo'ra Sia Ama Lamatua Ume'Na Rala⁴⁵basama, Yesus nisi'i Ama Lamatua ume'Na rala boema Ana use basa atahori-atahori yang mana maseseo sia rala'a dea reu. ⁴⁶Ana olah neu'se nae, "nenesura'a: 'Ume Ngga dadi neu ume hule oo'e,' te hu hei tao'e neu dadi neu mana rampoka ndun'na!"⁴⁷de, Yesus nanori sia Ama Lamatua ume'Na tunggu-tunggu fai. hu, malangga Imam-imam, ahli-ahli Taurat, boema basa malangga sia nusak naa ara sangga dala'a fo rae hala Yesus. ⁴⁸te hu, ara nda rahine'e tao'E ta'o be sa boe, karna basa atahori'ra to'u rahere'e Yesus dedea o'olah nara.

Chapter 20Netanes Soa No Yesus Kuasa'Na

¹fai esa'ma, pas Yesus nanori atahori hetar mia Ama Lamatua ume'Na boema Ana na'alolosa'a Lamatua hara li'Na, ma imam-imam no ahli-ahli Taurat ro basa atahori-atahori lasi'ra rema randa ro'E. ²ara ratane Yesus rae, "mufade neu hai'e, Hoo tao basa hal-hal iara mendi'i kuasa beka? do, seka yang fee Hoo kuasa iara?"³Yesus na'ta neu'se nae, "Au boe ae utane hei netane'e esa sie. ama mi'ta mala Au dei, ⁴Yohanes sarani'na, naa lao mia be nema? lao mia surga do lao mia atahori nema?"⁵ara ra'abubue de esa natane mbali esa rae, "kalu hita ta'ta tae, 'lao mia surga nema,' naa ne'o Ana nae, 'kalu ta'o na, naa sa de hei nda mimihere Yohanes sa?' ⁶te hu, kalu hita ta'ta tae, 'lao mia atahori nema na, 'basa atahori nae iara, ara honda hita rendi'i fatu losa hita mate karna ara bubulu'u Yohanes naa nabi."⁷de, ara ra'ta rae sira nda bubulu'u Yohanes sarani'na, naa lao mia be nema sa boe. ⁸basama, Yesus olah mbali'se nae, "kalu ta'o na, naa Au boe nda ufade hei no kuasa beka Au tao hal-hal iara."Na'asasama' Duduit Soa Neu Atahori Mana Tao Osi Anggur⁹boema, Yesus dui na'asasama ia neu atahori nae'ra nae, "atahori esa selanggari nala osi anggur esa de basama ana seba osi'a ue osana neu atahori'ra, de ana lao nusak dodo neu dona seli deide ana bali'i. ¹⁰pas faina losa etu anggur, ma ana denu a'te na esa neu nisi'i mana ote anggur ara fo ana ha'i eni lamatuaana babanggi nara, te hu, mana etu anggur ara popoko paparu a'tea boema ara use bali'e no lima rou'u.¹¹boema ana denu selu'u eni a'te na esa neu fai, te hu mana etu anggur ara popoko paparu'e fai boema ara mamasi rarai'e, de ara oi bali'e no lima rou'u. ¹²de, tenu osi anggur'a denu selu a'te ka telu'na neu fai, te hu mana etu anggur ara boe ato ra'ahina'a a'te naa fai boema ara oi'e dea neu.¹³tenu osi anggur'a dudua sia rala'na nae, 'sa'ka yang au ae tao fai? Au denu Au Ana mone ise susue Ngga neu, ne'oko ara fee hadat neu'E.' ¹⁴pas mana nanea osi anggur ara mete rita tenu osi'a ana'na nema, ma ara ra'abubue de ara ola-olah rae, 'Ana ia ahli waris osi anggur'a, ima fo ata tao tisa'E, fo osi anggur ia hita hambu'e!¹⁵basama, ara boe honda ana'ka osi anggur'a dea neu de ara tao rarisa'e. de, saka yang tenu osi anggur'a tao neu mana manea osi anggur ara? ¹⁶Ana nema'na, naa ana tao nisa basa mana manea osi anggur ara nara, fo ana fee osi anggur'a neu mana seba feu." pas atahori nae ara rena rala dudui na'asasama'a iama, ara olah rae, "afi'i losa hal iaka dadi neu hita!"¹⁷te hu, Yesus mete mbali'se de Ana olah nae, "kalu ta'o na'na, iaka arti'na oi saa:'fatu yang tukang bangunan ara honda hendi'ra dadi neu fatu penjuru' Mazmur 118:22¹⁸basa atahori yang ara tuda risi'i fatu naka ata'a naa ana nambalulutu boema fatu'a tendes dai seka naa ara rambalutu!"¹⁹pas ahli-ahli taurat no malangga imam ara meda dudui na'asasama naka olah neu sira, ma ara rae humu Yesus sia faina boe. te hu, ara ramatau atahori nae mana sia nara. Natanes Soa Neu Mana Bae Bea²⁰basama, ahli taurat ara memete'e Yesus boema ara denu atahori nara ruma reu fo ara memeteke yang ara e'ediki dadi neu atahori ndos fo ara hambu jebak Yesus no netanes fo ara hambu humu Yesus dedea o'olah tutuna'Na aona boema ara fee Yesus neu mana kuasa no gubernur parenda na.²¹Atahori-atahori dedenu'ra ratane mbali Yesus rae, "Meser, hai bubulu'u Hoo mufade'Ma boema Hoo munori mara tetebe. Hoo boe nda mana mbeda-bedakan atahori'sa, te hu munori Ama Lamatua'a dala ndo tetu'Na. ²²de bisa hai fee bea neu Kaisar do hoko'o?"²³te hu, Yesus nahine sira dudu'a nara de Ana olah mbali'se nae, ²⁴"soba mitudu neu Au dinar keping esa. dula'a boema sura'a se'ka nara'na sia doi'a ata'a?" ma ara ra'ta rae, "dula'a boema sura'a Kaisar nara'na."²⁵de, Yesus nafade neu'se nae, "kalu ta'ona, na fee sa'ka yang Kaisar ena'na, boema fee Ama Lamatua'a sa'ka yang Ama Lamatua ena'Na."²⁶no naa, atahori-atahori nara nda hambu humu Yesus dedea o'olah Na aona sa sia atahori nae'ra mata nara; ara nggenger soa no Yesus na'ta'Na de ara ramanene.Atahori Saduki Natane'na²⁷basama, atahori Saduki ruma rema randa ro Yesus, sira atahori nda mana ramahere'e mamates yang ana fela bali'i sa, de ara ratane Yesus rae, ²⁸"Meser, Musa sura'a soa neu hita, nae kalu tou'u esa ana mate, te hu ana na'ena'a sao ina esa nda ma'ena ana'asa, naa odi a'a tou na esa sao nala bali'e fo ana nanufa nelu."²⁹ta'o ia, atahori hitu ara odi a'a. a'aka ana sao, te hu ana mate te nda ma ena ana'ka sa. ³⁰basama, odi'ka yang mana tungga'e sao nala mbali'i ina'ka boema ana boeo mate te nda ma'ena ana'ka sa. ³¹de, odi'ka telu na ana sao nala bali'i ina'ka fai te hu sama fe'ena na losa odi'ka hitu na, te hu basa se mate hela ina'ka nda ma ena ana'asa. ³²losa mate'ena, ma ina'ka boeo mate. ³³hu na'naa, sia fai na'etu naladi'a nema, naa seka yang dadi neu ina'ka saona karna basa tou ka hitu'ra sao ina esa?"³⁴Yesus na'ta neu se nae, "ale'ia atahori-atahori ara sao boema ara sao rala'se, ³⁵te hu atahori-atahori'ra yang ara sia mata'a fo ara hambu raefafo'a mana nema'ia, boema ara fela bali'i lao mia mamates'a, ara nda sao'sa boema ara nda sao rala'se sa boe. ³⁶sira nda sudi mate'sa ena karna sira sama ona'a malaikat boe. sira naa Ama Lamatua ana nara karna rafefela bali'i sira lao mia mamatesa nema.³⁷Musa boeo ana natudu soa'a atahori-atahori mana mate'ra yang ara fela bali'i tatada esa yang sura'a soa'a duri nggauta yang nenelalange'e sai tatada'a esa, Lamatua ara rae fene 'Ama Lamatua Abraham, Ama Lamatua Ishak, boema Ama Lamatua Yakub.'³⁸Eni nda Ama Lamatua matesa te hu Ama Lamatua masoda'a, hu na'naa basa atahori rasoda sai lima'Na. ³⁹basa hendi naa, ahli Taurat ruma olah rae, "Meser, Hoo mu'ta Ma naa tebe," ⁴⁰de, nda hambu atahori esa nambarani ratane sa ena.Kristus Naa Lamatua⁴¹basama, Yesus olah mbali neu'se nae,

"ta'obe de atahori'ra ola-olah rae Kristus naa Daud ana'na? ⁴²te hu sia kitab Mazmur, Daud nafade aona nae,'Ama Lamatua olah neu au Lamatua ngga nae, "endo'o misi'i Au boboa ona Ngga,⁴³losa Au ue'endo hoo musuh-musuh mara risi'i hoo mata'ma. "'Mazmur 110:1⁴⁴kalu Daud no'e Kristus nae 'Lamatua,' ta'obe de mae Kristus naa Daud ana'na?"Nasinetat Fo Meda-Meda'a Soa Neu Ahli Taurat⁴⁵pas atahori nae'ra rena, ma Yesus nafade neu ana nanori nara nae, ⁴⁶"ama meda-meda soa neu ahli-ahli Taurat yang ara hika'a lao-lao na ara pake badu masarorombo'o, ara hika'a atahori fee hadat neu'se sai pasar, yang hika'a endo'o sia mamana mata'a sia nggarei-nggarei, boema sai mamana mata'a sia fefesa'sara. ⁴⁷ara ha'i rala ina falu'ra ume nara boema ara hule oo'e naa naruna seli fo atahori koa'se. atahori-atahori ona'a ia'kara hambu huku doki'a nae na seli."

Chapter 21Ina Falu Esa Fee Derma

¹pas Yesus mete ata neu, ma Ana mete nita atahori mamasu'i ra ruma tao derma nara risi'i kotak derma rala neu.
²Ana mete nita ina falu esa boe tao derma na doi keping tembaga 2. ³ma Yesus nafade nae, "Au ufade tetebe neti nggi, ina falu hata tak ia fee derma na naena lena'a lao mia basa athori mamasu'i nara. ⁴hu na'na sira fee derma nara lao mia sira hahambu dai nara, te hu ina falu ia fee derma lao mia eni hata tak nara, de basa sa'ka yang sia eni lima na, ana fee basa'e neu derma, de ana nda sudi maena'a sasasa boe."Tanda-Tanda Fai Mate'ena⁵Pas Yesus ana nanori nara ruma ola-olah soa neu Ama Lamatua ume'Na yang mana hias rendi'i fatu-fatu meulau'u no derma-derma'ra, ma Yesus nafade nae, ⁶"fai naa losa, te basa sa'ka yang hei mete mita'a iara ara tao rambalulutu'se. nda hambu fatu esa nambari neu fatu esa'sa boe, te basa'e sea hendi'se."⁷de, Yesus ana nanori nara ratane rae, "Meser, fai hira naa nara dadi? boema tanda-tanda naa ona'a be'ka?" ⁸ma Yesus na'ta nae, "meda-meda'a fo hei afi'i salah dala hu na'na atahori nae'e ara rema naa ara rendi'i Au nara Ngga fo ara olah rae, 'au ia Eni,' boema 'faina nae losa ena,' afi'i hei tungga mala'se. ⁹te hu, pas hei rena musuh'a fanggi boema atahori rate-ratati, naa afi'i hei mimitau karna basa nara mema'a dadi ra'ahulu'u, te hu fai mate'ena nda fe'e nema si'a fai dekat mana nema ia sa."¹⁰basama Yesus nafade neu'se nae, "bangsa ana fela fo namusuh no bangsa boema nusak'a namusuh no nusak'a. ¹¹raefafoa'a nanggongga'a monaena selih, ndoesa sia bebe, boema basa hedis beka-beka mesan sia basa mamana'ra. boema akan tita dadadi'i yang nemetaus no tanda-tanda monae'e sia lalai'a ata'a¹²hu, basa iara nda fe'e dadisa, te atahori-atahori ra humu rala basa hei fo ara poko paru nggi. ara rendi hei misi'i mana parenda-mana parenda'ra boema ara dina hei misi bui rala reu. ara boe ro hei menghadap manek'ra boema gubernur karna Au nara Ngga. ¹³hu nana, basa iara kesempatan soa neu hei, fo hei bersakasi Ama Lamatua nara'Na¹⁴hu nana, fee rala rala mangga te' neu hei ralamara fo afi'i dudu'a sa'ka yang hei mae olah fo sangga ndo tetu'a neu hei aomara. ¹⁵defo Au fee hei dedea o'olah no duduat meulau neu nggi fo afi'i hei musuh marah nda hambu tati hei dedea o'olah mara sa. ¹⁶hei ina ama, odi a'a tou mara, bobonggi mara, boema torano' mara boe hianati hei, boema ara boe mbau risa hei ruma. ¹⁷basa atahori ramanasa hei karna Au nara Ngga. ¹⁸te hu, hei langga fulumara esa boe nda mo'usa boe. ¹⁹no hei rala manggate mara tungga Au, hei hambu masoda losa lolosana neu."Nefadet Soa Neu Yerusalem Nambalulutu Naa²⁰"te hu, pas hei mete mita pasukan-pasukan tentara ra hengege rala kota yerusalem, naa defo hei bubulu'u nambalulutu na deka nae losa ena. ²¹faina, atahori-atahori yang mana sia mamana Yudea ra basa se rela risi'i lete mbuku'u ata reu, atahori-atahori yang mana sia kota rala boe basase dea reu, boema atahori-atahori yang mana sia desa-desa ra nda bole risi'i kota Yerusalem rala reu sa. ²²faina fai huku doki neu basa'e ona'a sa'ka yang nenapura'a sia susura meumare'a rala. ²³tu'ubuku neu ina-ina mana mairu'ra boema yang mana fe'e masusu'ra sia pas faina losa, hu nana basa sususa'ra sia negri ia, boema huku doki'a monae na seli soa neu bangsa ia. ²⁴sira ara hala mbau'se rendi'i dombe tafa'a boema ara musuh ra humu rendi'se. atahori-atahori asing ara sofe rala kota Yerusalem rala losa kejayaan bangsa-bangsa naa nate'e."Ama Lamatua Ana'Na Nema No Mandela Masa'a Na²⁵"defo hambu tatanda'a sia relo'a, fula'a boema ndu'ra. sia raefafo, basa atahori-atahori ra nggenger ro ara ramatau rena tasi'a no ree'ra namue. ²⁶atahori-atahori ara samaput karna ramatau boema nehani'i soa neu basa hal-hal yang mana dadi'i sia raefafo ia hu nana basa kuasa yang mana sia lalai'a ana nambesi'i. ²⁷basama, ara mete rita Ama Lamatua Ana'Na nema sia lele'a ata'a no kuasa boema mandela masa'a Na yang monae'e. ²⁸kalu basa hal-hal nara dadi ena, naa fela mumburi boema su'u langgama ata neu karna hoo fai na'etuma ana losa ena." Na'asasama'a Hau Ara²⁹basama Yesus dui na'asasama'a duduit esa neu sira nae: "mete mita hau hu ara boema basa hau hu yang laen. ³⁰pas hau-hau hu nara rambetu, naa hei mihine boema hei bubulu mae fai fandu'a nae losa ena. ³¹ona'a nake boe pas hei mete mita basa nara dadi sia raefafo ia, naa hei boe bubulu mae Ama Lamatua nusak'Na nae deka ena. ³²tebe-tebe te Au ufade neti nggi Ae, titinonosi aira nda matesa losa basa hal iara dadi. ³³lalai'a no raefafo'a mopo hendi'se, te hu Au dedea o'olah nggara nda akan mopo'sa." Meda-Meda Mikindo³⁴"mata lolole fo afi'i hei rala mara sosofe'e noa'a hihinanau mae feta dote, minu mafu, boema dudu'at sia hei aomara. te fai naa dadi neu tete'es soa neti hei'e. ³⁵hu nana, faina nema neu basa yang mana mori sia raefafo ia ata. ³⁶meda-meda mikindo'a sia basa faira boema huleo'e mikindo'a fo hei hambu bebe'i bara ait boema hei mbo'i lao mia basa hal yang mana nemara iara no hei bisa mimbiri sia Ama Lamatua Ana'Na mata'Na. ³⁷sia fai rerelo'o, Yesus nanori atahori nae sia Ama Lamatua ume'Na rala, te hu fai tetemba naa Ana lao hela kota fo Ana nisi'i mbuku Zaitun ata. ³⁸boema, fefetu ana, naa basa atahori rema randa ro'E sia ume nggarei rala fo rena'E nanori.

Chapter 22Rencana Rae Hala Mbau Yesus

¹Faina Roti nda ma'ena ragi sa yang ara rae fai paskah deka ena. ²malangga imam-imam no ahli-ahli Taurat ara sangga-sangga dala'a fo rae hala mbau Yesus, karna ara ramatau atahori nae'eYudas Hianati Yesus³basama, nitu'a nala Yudas'a rala'na yang ara oi fene Iskariot. eni esa boe lao mia Yesus ana nanori nara ka sanahulu rua'ra. ⁴de, Yudas lao neu nanda no malangga imam-imam boema mana nanea Ama Lamatua ume'Na fo ana seo Yesus neu'se. ⁵de, ara ramaho'o boema ara rala esa de fee Yudas doi'i. ⁶de, Yudas na'ahei'i boema ana sangga dala'a fo fee Yesus neu'se pas atahori nae'e nese. Nana Ninu Paskah⁷basama, losa faina roti nda ma'ena ragi'sa, fai'na fo hala bibi lombo Paskah. ⁸sia faina, Yesus denu Petrus no Yohanes, Ana olah nae, "lami fo ama tao nana ninu Paskah fo ata taa." ⁹ma ara ra'ta neu Yesus rae, "Hoo nau hai so'u o'o nana nininu'ra risi'i be?"¹⁰Yesus na'ta neu'se nae, "pas hei misi'i kota rala mi, naa hei minda mo tou'u esa yang ana to'u nendi kan; naa ama tungga dea'na fo ana nisi'i ume beka yang ana rala neu, ¹¹fo ama mifade mbali tenu ume'a mae, "Meser fee hai mitane neu nggo mae: sia be kama tamu yang Au ae ua ino oo Au ana nanori nggara?"¹²naa, defo ana natudu neu nggi kama monae esa sia tinggat ata'a, yang mei banggu nara nenesiap basa ena. fo hei so'u o'o nana nininu'ra sia na."¹³de, Petrus no Yohanes reu boema ara hambu sama ona'a sa'ka yang Yesus nafade neu'se de ara so'u o'o nana nininu Paskah ra.Perjamuan Paskah¹⁴pas faina losa, ma Yesus no rasul nara endok heo rala mei'a de raa rinu. ¹⁵basama, Yesus nafade neu'se nae, "Au hika'a ua inu nanat Paskah sama-sama oo hei, sebelum Au susah sona. ¹⁶hu nana Au ufade neti nggi, te Au nda sudi ua inu sa losa basa iara dadi sia Ama Lamatua'a nusak'Na rala."¹⁷de, Yesus ha'i nala saloki esa yang isina anggur sia rala boema Ana hule makasih, basama Ana olah nae, "ha'i mala saloki ia fo ama mibabanggi neu basa nggi. ¹⁸hu nana, Au ufade neti nggi lao mia fai ia Au nda sudi inu anggur losa Ama Lamatua nusak'Na nema."¹⁹basama, Yesus ha'i nala roti boema Ana hule makasih, de Ana bibinggi roti'ra boema Ana fee neu se de Ana olah nae, "roti iara Au ao Ngga yang fee neti hei'e; ama tao ona' ia'ka fo misineda neu Au." ²⁰ona' naka boe, ara raa basama, Yesus ha'i nala saloki anggur'a boema Ana olah nae, "salaoki yang Au mbo'a fee neti nggi ia fulu helu feu'u sia Au rah Ngga rala.Nefadet Soa Neu Atahori Yang Mana Seo Lamatua Yesus²¹te hu, mete mita, lima atahori yang mana seo Au'a ana sia ia sama-sama no Au sia mei ia. ²²hu nana, Ama Lamatua Ana'Na nae lao no cara ona'a yang nene ne'etu basa ena, te hu atahori yang mana seo'a naa mana tu'u buku'u!" ²³Yesus ana nanori nara esa natane esa soa neu atahori seka yang mana tao ona'a naka.Dadi Mii Atahori Yang Mana So'u O'o²⁴rasul ara boe rareresi esa no esa rae seka yang sia basa sira'e paling monae. ²⁵te hu, Yesus nafade neu'se nae, "manek-manek sia raefafo ia yang nda mana mahine Lamatua'a ana to'u kuasa sao rauinggu nara, boema atahori-atahori yang mana to'u kuasa soa manek-manek'ra, ara oi fene 'mana lutulinu rauinggu."²⁶hu, afi'i hei ona' nake, te hu, yang paling monae sia basa hei iara ama tao ona'a hei yang paling anake, boema yang mana parenda tao aona ona'a yang mana so'u o'o. ²⁷seka yang paling monae, atahori yang mana endok do yang mana so'u o'o? ne'o mae yang mana endok'a too? hu, Au sia basa hei talada mara dadi u yang mana so'u o'o fee hei. ²⁸hei iara atahori-atahori yang mana mo Au ukundo'a sia Au susah sosona Nggara rala. ²⁹hu nana, Au fee nusak esa neti hei, ona'a sa'ka yang Au Ama Ngga fee neu Au, ³⁰na fo hei hambu mia minu mo Au mei esa sia Au nusak Ngga rala. boema, hei boe endo misi'i karosi manek'a ata fo hei mi'etu miladi'i suku Israel ka sanahulu rua ra."Petrus Ana Nafani Yesus³¹Simon, Simon, rena mala Au. nitu'a ana denu fo tai hoo ona'a tai gandum'a, ³²te hu Au hule o'e fee hoo na fo hoo nemeherema afi'i tuda. boema, basana hoo tobat, fee manggate neu hoo torano mara."³³hu, Petrus olah mbali Yesus nae, "Lamatua, au siap tao au isi'i bui rala boema mae au mate o Nggo boe au siap!"³⁴Yesus na'ta mbali'e nae, "Au ufade neti nggo, Petrus, sia fai ia manu lai'a nda fe'e ko'oke lao telu sa te hoo mufuni mae hoo nda muhine Au sa."Meda-Meda'a Te Minda Mo Sususah Sosona'a³⁵basama, Yesus natane neu ana nanori nara nae, "pas Au denu hei te nda fee hei mendi saku doi'isa, tas, do hoko na laopei, de hei mi'ena kekurangan sa'boe?" ma ara ra'ta rae, "nda hambu sa." ³⁶Ana nafade mbali'se nae, "hu fai ia, seka mesan'e yang na'ena saku do'i do hoko'na tas, naa mendi'e. boema, seka yang nda ma'ena dombe tafa, naa hela'e fo ana seo badu'na fo ana hasa dombe tafa'a." ³⁷hu, Au ufade neti nggi te saka yang nenesura'a sia buku meumare'a ia rala naa ana dadi sia Au rala,"Ana nenehitu reke'e no atahori-atahori mana tatao de'ulaka'ra rala.' Yesaya 53:12hu, yang nenesura soa no Au'a ana dadi sia fai ia ena."³⁸boema ara olah rae, "mete mita Lamatua, sia ia hambu dombe tafa rua."boema, Yesus olah mbali'se nae, "naa dai ena."Yesus Hule oo'e Mia Taman Getsemani³⁹basama, Yesus dea neu de Ana lao lelete'e Zaitun neu ona'a yang Ana biasa tao ta'o nake; de ana nanori nara boe tungga dea'Na. ⁴⁰pas Yesus losa mamana naa, ma Ana nafade mbali'se nae, "ama hule oo'e naa fo hei afi'i tuda misi'i susah sosona'a rala."⁴¹basama, Yesus lao na'adodo no'se nda salah sa na fatu esa hohonda na neu, boema Ana sende' lunggulangga'Na neu rae'a de Ana hule oo'e nae, ⁴²"Ama Lamatua Ise, kalu Hoo nau naa, hali mala bali'i saloki ia lao mia Au, te hu, afi'i Au hihi nanau Ngga yang dadi, te hu Hoo hihi nanau'Ma."⁴³basa naa ma, Malaikat esa lao mia surga nema natudu aona neu Yesus de Ana fee manggate neu'E. ⁴⁴boema, sia susah soson'Na rala, ma Ana hule oo'e tebe-tebe fai; losa

mbusah nara titih ona'a raah'a titih nisi'i raea neu.⁴⁵ pas Yesus hule oo'e basama, Ana lao bali'i nisi'i ana nanori nara te Ana hambu nala'se mana sungguh ru karna rala nara merah. ⁴⁶Yesus nafade mbali'se nae, "saa de hei sunggu'u? fela fo ama hule oo'e fo hei afi'i tuda misi'i sususah sosona'a rala." Ara Humu Yesus⁴⁷ pas Yesus fe'e olah-olah, ma atahori bubue' esa rema; de ana'a yang ara biasa ro'e na rae Yudas, eni boe esa lao mia Yesus ana nanori ka sana hulu rua nara, ana no atahori'ra rema. de Yudas nakando neu nisi'i Yesus mata'Na de ana idu Yesus. ⁴⁸te hu, Yesus nafade mbali'e nae, "Yudas, ta'obe de hoo seo Ama Lamatua Ana'Na nendi'i i'idu'u?"⁴⁹ pas Yesus ana nanori nara yang mana mambari'i sia boboa'Na rita sa'ka yang nae dadi, ma ara olah rae, "Lamatua, ona be na hai tati hendi'se mendi'i hai dombe tafamara sie?" ⁵⁰basama, Yesus ana nanori'Na esa ha'i nala dombe tafa'na de ana tati neu Imam Agung esa a'te na de etu hendi ndikido ona'na. ⁵¹te hu, Yesus nafade nae, "ta'onan, dai ena!" de Yesus ha'i nala Imam Agung a'te'na ndikido na de Ana pasa bali'e. ⁵²basama, Yesus nafade mbali malangga imam-imam ara, malangga mana manea Ama Lamatua ume'Na, boema atahori lasi mana rema humu'E nae' "saa de basa hei ima mendi'a dombe tafa boema hau e'etu'uru ona'a mae hei mae ima humu na'o? ⁵³pas Au oo basa hei sia Ama Lamatua ume'Na rala tungga-tungga fai, naa hei nda mae humu Au sa. hu na'na, ia fo faina soa neu hei boema kuasa ma'ahatu'a." Petrus Nafani Nae Eni Nda Nahine Yesus⁵⁴ sardadu'ra humu rala Yesus, boema ara ro Yesus nisi'i imam mahere'a neu. te hu, Petrus tungga-tungga'se dea nara lao mia seku dodo. ⁵⁵basama atahori'ra rambila ai'a mia sosoda'a taladana de ara endo ra'abubue, boema Petrus'oo endo na'abue no'se. ⁵⁶hu, a'te ina'a esa yang ana mete nita Petrus endo deka no ai mbila'a ma ana mete bebesa Petrus mata'na de ana olah nae, "atahori ia boe ana namalolo' no Yesus." ⁵⁷te hu, Petrus nafani, nae, "woe ina'e, au nda uhine Yesus na seka'sa boe" ⁵⁸nda doo sa fai ma, atahori esa fai nema de ana mete nita'e ma ana natane nae, "hoo boe esa lao mia sira'e to?" hu, Petrus olah nae, "hoko'o, au nda o sira'sa!"⁵⁹ nada salah saa na jam esa fai ma, atahori esa fai ana olah no tetebes nae, "ne'oko atahori ia boe ana namalolo no Yesus, te ana boeo atahori lao mia Galilea nema na." ⁶⁰te hu, Petrus olah nae, "au nda uhine sa'ka yang olah ia sa boe!" pas Petrus fe'e olah na'ona boema, manu lai'a ko'oke. ⁶¹boema, Yesus heo de Ana mete Petrus. boema, Petrus nasameda sa'ka yang Yesus nafade'Na, Ana olah mbali'e nae, "manu lai'a nda fe'e ko'oke sia fai ia sa te, hoo mufuni mae hoo nda muhine Au sa lao telu ena." ⁶²basama Petrus lao dea neu de ana nggae. Mana Manea'a Ana Poko Paru Yesus⁶³ atahori-atahori yang mana tahan Yesus ara ra'a e'ei'E boema ara poko paru Yesus. ⁶⁴ara tatana mata nara boema ara olah rae, "malaka leo! se'ka yang mana poko Hoo?" ⁶⁵ara boeo rafade hal nae'e nda ona'a Yesus tatao nono'i'Na sa no ara mamasi rarai'E. Yesus Sia Malangga Yahudi'ra Mata Nara⁶⁶ fefetu na, ma atahori-atahori lasi malangga Yahudi'ra, malangga imam-imam ara, ro ahli-ahli Taurat ara ra'abubue de ara ro Yesus nisi'i sira Makama Agama na. ⁶⁷ara rafade rae, "kalu Hoo ia Mesias, naa mufade neu hai." hu Yesus nafade neu'se nae, mae Au ufade neti nggi'o, hei nda akan mimihere Au sa. ⁶⁸boema kalu Au utane neti nggi'o, hei nda akan mi'ta Au sa. ⁶⁹te hu, lao mia fai ia Lamatua Ana'Na akan endo nisi'i Ama Lamatua yang Mahakuasa boboa oana'Na."⁷⁰ basa'se olah rae, "kalu ta'ona na, Hoo ia Ama Lamatua Ana'Na? Yesus na'ta neu'se nae, "hei yang olah mae Au ia Eni ena."⁷¹ basama ara olah rae, "sakasi sa'ka fai yang hita tae sangga? hita rena ao tara lao mia bafa'Na ena!"

Chapter 23Ara Ro Yesus Nisi'i Pilatus

¹basama, basa atahori nara fela rambari de ara to'u rendi Yesus nisi'i Pilatus mata'na. ²de, ara rafade neu Pilatus rae, "hai hambu mala atahori ia e'edi leleko nala hai rauinggu mara boema Ana nda nau fee hai bae bea nisi'i Kaisar sa, ma Ana dui oi Eni Kristus, Manek esa boe." ³ma Pilatus natane Yesus nae, "tebe do, Hoo ia Manek soa neu atahori Yahudi'ra?" de Yesus na'ta nae, "naa hoo yang olah." ⁴basama, Pilatus nafade mbali malangga imam-imam ara boema atahori nae mana sia nara nae, "au nda hambu sala'a sia atahori ia'ka sa." ⁵te hu, ara rasu tuntut'E de ara nggasi rahere rae, "Ana hasut atahori-atahori ra no nanori nara sia basa mamana Yudea lao mia Galilea losa mamana'a ia!" Ara Ro Yesus Nisi'i Herodes⁶ pas Pilatus rena nala hal naa, ma ana natane Yesus oi Hoo ia atahori lao mia Galilea do? ⁷de, ana bubulu oi Yesus lao mia Herodes mamana parenda'na, ma Pilatus denu ara ro Yesus nisi'i Herodes yang pas faina boe ana mia kota Yerusalem. ⁸pas Herodes mete nita Yesus, ma ana namaho'o, te eni do ena ana nae nanda no'E karna ana rena hal nae soa Yesus masoda'Na boema tatao nono'i'Na, hu na ana nae mete no mata'na mukjizat esa yang Yesus tao. ⁹de, Yerodes natane hal nae neu Yesus, te hu Yesus nda fee ne'ta sa'sa boe neu Herodes. ¹⁰malangga imam-imam boema ahli-ahli Taurat ara yang mana mambari sia nara, ara fee tuduhan sudi'a beka neu Yesus. ¹¹ona naa bo, Herodes no sardadu nara ramamae boema ara mamasi rarai Yesus. basana ma, ara papake badu malolole neu'E de ara ro bali'E nisi'i pilatus neu. ¹²ma'ahuluna, Pilatus no Herodes ru'ase ramusu'u, te hu fai ia ma ara ra'abubue. Pilatus Nda Hambu Fee Yesus Bebas'sa¹³basama, Pilatus na'abubue nala malangga imam-imam ara, malangga-malangga Yahudi'ra, boema atahori nae, ¹⁴de ana nafade'se nae, "hei mendi atahori ia nema nisi'i au mae Ana e'edik nala hatahori nae. te hu, pas au tao timba tai'E mia basa hei mata mara, te au nda hambu salah sa'sa boe ona'a yang hei dudui mara neu au." ¹⁵mae Herodes boe nda hambu salah sa'sa sia'E, naa de ana fee hei mendi bali'E neu au. mete mita, Ana nda tao salah monae sa'sa boe fo hita hukudoki'E losa Ana mate. ¹⁶hu naa, au poko paru ala'E, naa au mbo'i bali'E." ¹⁷[sia fai-fai paskah, naa Pilatus mbo'i atahori esa lao mia bui soa neu atahori nae.] ¹⁸te hu, atahori nae mana sia naa ara randu rae, "ha'i hendi atahori ia! fo mbo'i Barabas fee neu hai!" ¹⁹[Barabas naa atahori mana sia bui rala yang mana tao namue mia kota rala boema ana mana tati mbau nisa atahori.] ²⁰karna Pilatus rala'na ana nae mbo'i Yesus, de ana olah-olah bali no atahori nae mana sia nara. ²¹te hu, ara nggasi rakando rae, "salibkan atahori na! salibkan'E!" ²²ma Pilatus natane neu'se lao ka teluna nae, "sa de? tatao de'ulakat saa'ka yang atahori Ia tao? Ana nda tao salah'asa. au nda hambu salah Na sa'sa sa boe yang au hukudoki'E fene mate. hu na, au poko paru'E fo basana au bo'i bali'E." ²³hu, basa'se rasu boema ara nggasi rahere rae salibkan Yesus. de, hara nara rasenggi'i. ²⁴mate'ena ma, Pilatus na'etu'u tungga hihi nara. ²⁵Pilatus mbo'i bali'i Barabas yang tao huru hara mia kota rala boema mana tati mbau nisa atahori, ona'a sa'ka yang atahori nae mana sia nara roro'e nara, te hu ana fee Yesus neu'se fo ara tao'E ona'a sa'ka yang sira hihi nanau nara. Ara Salibkan Yesus²⁶ pas sardadu'ra ro Yesus lao, ma ara boe tahan hela atahori esa nara na Simon lao mia Kirene yang ana fe'e do nema mia desa. de sardadu ra ranggungua salib'a neu aru'na de ara denu'e lu'a salib'a tungga Yesus dea'Na. ²⁷atahori nae'e tungga Yesus dea'Na, boema ina rao ara nggae tungga-tungga Yesus dea'Na ²⁸te hu, Yesus heo mbali'se de Ana olah mbali'se nae, "hai ina mana lao mia Yerusalem ima, ama afi nggae soa neu Au. ama susa sona soa neu hei ao mara mo hei ana mara." ²⁹defo losa faina te atahori-atahori ra rafade rae, 'namao'oto soa neu ina-ina yang nda mana bonggi'isa, boema yang teina nda fe'e bonggi nita ana'e sa, no susu na nda fe'e fee nita ana'ka susu sa.' ³⁰faina te sira rafade neu mbubuku 'ra rae, 'foi hendi nggi fo tuni mala hai!' boema neu lelete'ra rae. 'misimbobori mala hai!' ³¹hu naa, mae sira tao hal-hal nara pas hau hu'a fe'e mana mori'i, sa'ka yang ne'oke ana dadi pas hau hu naa meto?" ³²hambu atahori de'ulekat rua yang ara ro'se fo hukudoki risa'se sama-sama'ro Yesus³³ pas ara losa mamana esa narana "Tengkorak," serdadu ra salib Yesus sama-sama no atahori de'ulaka ka rua ra, atahori esa nisi'i boboa ona'Na boema esa nisi'i boboa dii'Na. ³⁴basama Yesus nafade nae, "ya Ama, fee ambon neu'se, karna sira nda bubulu'u sa yang sira tao'sa boe." de serdadu ra honda undi fo ara raa babanggi Yesus bualo'a nara neu sira. ³⁵atahori nae yang bekeri' sia nara mete rita no mata nara, te hu malangga-malangga Yahudi ra ra'a e'ei' Yesus no ara mali'E. ara rafade rae, "Eni na'amomori'i bali'i atahori laen, de hela'e fo fene na'amomori bali'i ao'Na kalu Eni naa Kristus, yang Ama Lamatua here!" ³⁶serdadu'ra boe ra'a e'ei' Yesus, de ara rema fo oi rae fee anggur ma'ei neu Yesus, ³⁷boema ara rafade rae, "kalu Hoo manek soa neu Yahudi, naa fee masoda bali mala neu Hoo aoma!" ³⁸boema, ara sura' papa' esa neu langga'Na ata'a oi: "IA'KA MANEK SOA NEU ATAHORI YAHUDI"

⁴⁰te hu, atahori mana eu de'ulakat esa ana ai'e nae, "hoo nda mumutau neu Ama Lamatua karna hoo boe simbo mala hukudoki ia'ka sama no'E?" ⁴¹mema' hita ia'ra hambu hukudoki ia sama no hita tatao nono'i tara, te hu Atahori ia nda tao salah sa'sa sa boe." ⁴²de, ana nafade mbali Yesus nae, "ya Yesus, musudeda mala au, pas Hoo losa misi'i Hoo Nusak ma ena." ⁴³basama Yesus nafade mbali'e nae, "Au ufade tebe-tebe neti nggo, fai ia boe hoo mumulolo' mo Au tisi'i Firdaus rala teu." Yesus Mamate'Na ⁴⁴faina pas li'i 12 rerelona, ma'ahatu'a tatana nala basa

mamana naa losa li'i 3 bobobona ⁴⁵karna reloa ma'ahatu boema side'e mana sia Ama Lamatua ume'Na sida hendi'e neu rua. ⁴⁶de Yesus nggasi hara'Na nahere' nae, "Ya Ama, neu Hoo lima'Ma Au lo samana Ngga neu Nggo." Ana olah basa na'ona, ma etu Yesus hahae'Na. ⁴⁷pas malangga serdadu'a mete nita no mata'na sa'ka yang eni nita'a, ma ana koa kia Ama Lamatua nae, "tetebe, atahori ia nda salah'sa!"⁴⁸pas atahori nae yang mana rema ramalolo fo mete rita no mata nara aon sa'ka yang ana dadi sia naa, ara bali'i, ma ara poko paru tenda nara aon. ⁴⁹basa atahori yang mana mahine Yesus no ina hira yang mana tunggu 'E lao mia Galilea rambari ra'adodo de ara mete ramemeu hal-hal ia.Ara Ra'oi Yesus⁵⁰atahori esa narana Yusuf, eni lao mia Dewan penasehat, eni naa atahori yang hada dala meulau. ⁵¹(ana mesa nee nda tunggu na'etus boema yang sira tatao nara sa). Yusuf naa lao mia kota Arimatea, kota esa lao mia Yahudi. eni naa boe atahori esa yang mana nahani Ama Lamatua Nusak'Na. ⁵²ana neu nanda no Pilatus de ana no'e Yesus ao sisi'Na. ⁵³boema, ana neu na'onda'a Yesus ao sisi'Na lao mia hau salaib de ana mboti'E nendi'i side Linen. basa naa, ma ana nasusunggu'E nisi'i rates esa yang ara pa'e sia lelete fatu'a ata'a. sia mamana naa, nda fe'e hambu atahori esa na'oi e sia naa sa boe. ⁵⁴faina pas fai nenesiap,neu fai sabat nae nema. ⁵⁵ina-ina yang mana nema ramalolo ro Yesus lao mia Galilea tunggu Yusuf. ara mete rita Yesus rate'Na boema ara rasusunggu Yesus ta'o be sia rates'sa rala. ⁵⁶basa naa, ma ara lao bali' fo ara reu tao buna rambe boema mina fo rae nggari no o'ose neu Yesus rate'Na. sia fai sabat ma ara hahae tunggu'a no hukum Taurat Musa.

Chapter 24Hara' Oi Yesus Mori Bali'i

¹fai ka esana mia nggarei naa, pas fe'e fefetu anana, ma ina - ina nara reu se'u Yesus rate'Na rendi no buna rambe yang sira tao hela'ra. ²reu te mete rita rates'a tatanana yang ara tatana rendi'i fatu monae'a ana na'adodo no rates'a, de rates'a mana mbobo. ³te hu, ara rakando siri'i rates rala reu te Yesus ao sisi'Na nese ena. ⁴pas ara fe'e du'a-du'a soa no hal naa, nggenger ma atahori rua yang ara pake bua lo'as makandedelak ra rambari risi'i sira boboa nara. ⁵ina-ina nara ara dere de ara be'ute mata nara, te hu atahori ka rua ra rafade mbali se rae, "saa de hei ima sangga atahori yang fe'e mana masoda'a sia rates'a rala?" ⁶Yesus nda sudi sia ia sa ena, Ana mori bali ena. misineda sa'ka yang Ana nafade neti hei'e pas hei fe'e mia Galilea. ⁷Ana nafede nae Ama Lamatua Ana'Na ara soro neu atahori-atahori tatao nono'i de'ulakat ara, fo ara salib'E, de Ana mori bali'i sia pas fai ka teluna. ⁸ma, ina-ina nara rasaneda bali'i Yesus nafade'Na. ⁹basama ara bali lao hela Yesus rate'Na, de ara reu dui sa'ka yang sira rita no yang sira rena'a lao mia atahori ka rua'ra neu rasul ka sanahulu esa'ra boema neu atahori yang mana tungga Yesus ra. ¹⁰ina-ina mana dui' nara Maria Magdalena, Yohana, Yakobus ina'na Maria, boema ina ka hira'ra. ¹¹te hu, rasul nara nda rama here sa'ka yang ina-ina nara dudui nara sa, ara oi fee ina'ra dui e'ediki. ¹²te hu, Petrus fela nambari de ana nela'a Yesus rates'Na neu. Ana nakando rates rala neu de ana be'ute de mete rates rala neu, te hu ana mete nita aka'a side lenan yang ara pake rendi'e mboti neu Yesus ao sisi'Na. basama Petrus lao bali te ana du'a-du'a nae sa'ka yang mete nita na'ka.Yesus Natudu ao'Na neu Mana Tungga Nara Mia Dala Nae Nisi'i Emaus Neu ¹³faina boe, atahori 2 mana tungga Yesus ara lao desa esa narana Emaus reu yang dodona nda salah sana stadia 60 lao mia kota Yerusalem. ¹⁴atahori ka rua'ra fe'e olah-olah sa'ka yang sira rena'ra nara. ¹⁵pas ru'ase fe'e olah-olah boema ara tukar dudu'at, ma Yesus nema deka'se de lao namalolo no'se. ¹⁶te hu, ru'ase mata nara nenehalang de ara nda rahine Yesus sa. ¹⁷Yesus nafade mbali'se nae, "hei olah-olah saa naa sia dala ata?" ma atahori ka rua'ra rambari boema metena mata nara sofe' no'a sususa sosona'a. ¹⁸basama esa narana kleopas ana nafade mbali'E nae, "ne'oke aka'a Hoo ia fo atahori feu'u sia kota Yerusalem ia, de Hoo nda bubulu' sasa boe yang mana dadi'i mia ia, sia fai-fai mate'en nara hia'ra sa?" ¹⁹Yesus na'ta neu nae, "saa naa?" boema ara dui neu'E rae, "soa no Yesus lao mia Nazaret nema. Eni naa nabi esa yang Ana sofe' no'a kuasa sia dedea o'olah'Na boema tatao nono'i Na sai basa hai nusak mara. ²⁰te hu, malangga imam-imam'ra boema basa malangga'ra fee huku doki mate neu'E de ara salib risa'E. ²¹hai mae ne'o fe Ana yang fee hai nusak'ma Israel bebas. te hu, fai ia fai mamate'Na fai ka teluna fai ia. ²²te hu, ina ka hira'ra iara rema de ranggengge hai. pas fe'e fefetu ana na ma ara lao reu se'u Yesus rate dae'Na, ²³ara reu te ratesa rou ena, Yesus ao sisi'Na nese ena. basama, ara lao bali'i de ara reu rafade mbali Yesus ana nanori nara rae sira rita malaikat esa de ana nafade neu'se nae Yesus mori bali'i ena. ²⁴basama, hai ka hira'ra lao mi se'u Yesus rate dae'Na de hai losa te hai mete mita'a ratesa rou ena ona'a sa'ka yang ina ka hira'ra dudui nara fa'ara. te hu, sira nda randa ro Yesus sa". ²⁵basama Yesus nafade mbali'se nae, "atahori ona'a hei iara nggoamara seli de nda mimihere sa'ka mesane yang nabi'ra rafade neti nggi sa. ²⁶ara rafade rae losa faina te Kristus hambu sususa sosona ona'a iaka deifo Ana nisi'i Eni mandela masa'a naa rala." ²⁷de, Yesus nafade nalulutu neu'se basa sa'ka yang nenesura'a sia basa susura meumare'a rala soa no Ena ao'Na, lao mia Musa susura'na nema losa nabi'ra susura nara. ²⁸pas ara lao losa deka no desa esa narana Emaus, ma Yesus lao nakando ona'a fo Ana nae lao nisi'i nusak dodo neu. ²⁹te hu, ka rua'ra ai ra'ahaha'E. ru'ase hule mbali'E rae, "muhan mo hai sia ia te fai'a bobo' nae ena boema relo'a soko nae'a tena." de, Yesus ume rala neu de Ana sunggu nahani no'se. ³⁰pas Ana na'abue no'se mia mei nana nininu'a, ma Yesus ha'i nala roti'a boema Ana huleo'e fee'se. Ana bibinggi roti'a, de Ana fee neu'se. ³¹neu na, ma ara fe'e do rasaneda boema ara rahine Yesus. te hu, nggenger neu ma Yesus mopo hendi'E. ³²basama, esa nafade mbali esa rae, "naa de au tenda ngga foti pas Ana olah-olah no hita mia dala'a nema boema pas Ana dui namemeu susura meumara'a neu hita" ³³pas fai'na boe, ara fela de ara lao bali'i Yerusalem reu. ara randa ro Yesus ana nanori ka sanahulu esa nara boema atahori-atahori yang mana tungga'ra basa'se ra'abue mia mamana esa. ³⁴Yesus ana nanori nara rafade mbali atahori ka rua'a nara rae, "Lamatua'a tetelese Ana mori bali'i de Ana natudu ao'Na neu Simon!" ³⁵atahori ka rua mana tungga'ra boe'o ara diu sa'ka yang sira rita mia dala'a nema. ara dui rae ta'obe foo sira rahine Yesus pas Ana ha'i nala roti'a de Ana bibingga'e.Yesus Natudu Ao'Na Neu Atahori-Atahori Mana Tungga Nara ³⁶pas atahori ka rua ara fe'e dui sa'ka yang sira rita'ra, ma Yesus nambari'i mia sira talada nara de Ana olah mbali'se nae, "soda mole' neu basa hei." ³⁷te hu, basa'se nggenger boema ara ramatau. ara rae ne'o fee sira mete rita nitu'a. ³⁸basama, Yesus olah mbali'se nae, "sa de hei nggenger boema hei du'a-du'a sia hei rala mara?" ³⁹hei mete mita Au lima nggara no Au ei nggara sie. teteles ia Au. ima nggama Au boema ama mete mita sie, nitu naa nda ma'ena ao sisi'i boema rui'i ona'a yang hei mita'a saia Au." ⁴⁰Yesus olah basama, Ana natudu lima'Na no ei'Na neu'se. ⁴¹ara nda fe'e ramahere hu ara ramaho'o boema ara fe'e du'a-du'a sia rala nara, ma Yesus natane mbali'se nae, "hei fe'e hela nana nininu'u sia ia boe doo?" ⁴²de ara ha'i fee u'u poto esa mana pangga'a neu'E. ⁴³Yesus ha'i nala u'u a de Ana naa mia basa'se mata nara. ⁴⁴basama, Yesus nafade mbali'se,

"dedea o'olah ia'ka yang Au ae ufade neti nggi pas Au fe'e oo hei. basa sa'ka yang nenesura'a soa no Au sia too lane Musa, too lane nabi'ra, no koa kio a ara dadi."⁴⁵ basama Yesus nasosoi sira dudu'a nara de ara hambu rahine susura meumare'a isi nara. ⁴⁶Yesus nafade fai neu'se nae, "hambu sia susura meumare'a nae Kristus Ana hambu sususa sososna'a iaka fo Ana mori bali'i lao mia mamatesa nema sia fai ka teluna. ⁴⁷boema, atahori tobat fo ara hambu ambon lao mia nara'Na nema fee neu basa nusa'ara, lao mia Yerusalem nema. ⁴⁸hei iara sa'kasi-sa'kasi basa iara. ⁴⁹ama bubulu'u, te Au haitua Au Ama ngga fufuli hehelu'Na neu nggi. te hu, ama mihani misi'i kota Yerusalem rala losa hei hambu kuasa lao mia nusa tetu inggu tetu'na nema. "Ara So'u Yesus Surga Neu"⁵⁰ basama, Yesus no'e no basa mana tungga nara nisi'i kota dea neu sia mamana'a nara naa Betania. losa naa, ma Ana boti'i lima'Na ata neu de Ana fee ua nale'e neu'se. ⁵¹pas Yesus fee nala ua nale'e neu'se, ma Ana sara ngga no'se de ara so'u E surgu neu. ⁵²de, ara koa kio neu'E basama ara laobali'i Yerusalem reu ro rala nara sofe' no'a ramaho'o. ⁵³ara rahani si'a Ama Lamatua ume'Na rala fo ara koa kio neu Ama Lamatua nara'Na.

2 Corinthians

Chapter 1

Londa hara mia Paulus ¹Lamatua Yesus Kristus ate nanan Paulus no Lamatua hihi nanaun no Timotius, hita toronon, so'a neu rauinggu Amalamatua manasia Korintus no basa atahori meumare no basa manasia Akaya. ²Uanale so'aneunggo boema sodamolek mia hita Amalamatua no Lamatua Yesus Kristus. ucapan syukuratas penghiburan Lamatua. ³Neneberkati Lamatua no Amana hita Lamatuana, Yesus Kristus, Ama yang mana sofe no sususe boema Lamatua sofeno penghiburan ⁴yang menghibur hai sia hai sususa sosona ralafohai boeo bisa menghibur sira sia basa sira sususa sosona rala, hai boeo Lamatua yang hibur hai. ⁵Tehu sama ona'a sususa-sosona Lamatua Kristus sofe neu hai, ona na boeo penghiburan hai sofe mia Lamatua Kristus. ⁶Ita hai susa, na so'a neu penghiburan boema momori. do hai nenehibur, na so'a neu penghiburan, yang mana tao ues sia tataba ralasoa neu sususa-sosona yang sama, yang hai'o alami. ⁷Hai harap so'a neu hei na mahere te hai bubuluonamae hei ha'i mala ha'i sususa sosona mbei, ona napun hai ama tungga hai sia hai penghiburan rala. ⁸Torono-torono, hai nda hi fo hei nda bubulu so'a neu sususa yang alami sia Asia. hai lemba berat nae nalena hai bebe'ima de hai tatafa nda bisa'sauntuk tetap mori. ⁹Ha'i boeo mi ena hukuman matesia bali ha'i aoma, fo hai afi mimihere bali ha'i aoma mesane, tehu so'a neu Lamatua mana na'afefela atahori mana mate. ¹⁰Ana mbo'i hedi ha'i mia mamates mana na'atatau na boema ana mbo'i hendi ha'i fai. so'a Neue ha'i mihani fo ana na'amomori baliha'i fai. ¹¹Hei'o tolong ha'i tungga hei doa-doa mar'ade deifo nae yang bersukur so'a neu hai narama karena na susue yang nene fe so'aneu hai tungga doa-doa atahori na'e. Paulus uba rencana na. ¹²Hai kokoa, na ha'i ralaanamara dui fo ha'i mori sia raefafo ia, na so'a neu hei, no rala temeaomia Lamatua, na nda dudu'a raefafo, tehu na uanale mia Lamatua rala. ¹³De ha'i nda sura hal-hal lain so'a neunggo selain yang hei hambu baca fo ma'la. Au harap fo hei ma'la basae, ¹⁴Ona'hei boe'o mala ruma so'a neu hai, de hei'o koa hai, ona hai'o koa hei,neu faina Lamatua Yesus. ¹⁵Sia nemere ia, au u'ena maksud u'uhulu sia ho mamanam ia fo hei bole hambu uanale lao karua na. ¹⁶Au hi uma se'u hei sia au dala lalaongga isi Mekadonia, fo bali' mia Mekadonia na isi hei fo hei bisabantu au sia au dala lalaongga isi Yudea. ¹⁷Hunana, sade noau ralangga nda temeaosa au rencanahal ia? Do sa, yang au rencanakan au rencana na raefafo'a enan'a de so'a neu au ata sama sama sia "ya, "ya" boema "hoko, hoko"? ¹⁸Sama ona Lamatua ana setia, hai duduima so'aneunggo nda "ya" do "hoko". ¹⁹Na,Lamatua anan Yesus Kristus, yang nenedui benggaa sia hei taladama mia hai, yaitu ole au,silas,boema Timotius, nda "ya" do "hoko", tehu "ya" sia Eni rala. ²⁰Tehu Lamatua helu basa nae "ya" sia Lamatua Kristus rala. hunana tungga Eni hai mae "Amin" hai so'aneu Lamatua mandela masa'a. ²¹De, Lamatua yang menengukan hai sama-sama mo hei siaLamatua Kristus rala, boema yang telah mengurapi hita. ²²Boema yang memetraikan hitade ana fe Roh- Na sia hita ralanrala dadi neu jaminan. ²³De au hule o e Lamatua fo dadi saksi neu samanangga fo bisa tahan ao'ra so'a neu hei au fe'e nda uma sia Korintus. ²⁴Tehu hai nda parenda so'aneu nemeherema, tehu hai yang manatao ues sama sama mohei sia hei neme ho'oma karena sia hei nemehere rala, hei riri mi here.

Chapter 2

¹De au u etu balai neu au aongga masane fo afi be uma singgo sia rala memera. ²Te au tao hei ralamara mera, seka yang taofe au umu ho'o, nda laense yang au tao fene rala mera na? ³Au sura, ona ben'a au tao, fo au uma na, au nda hambu ralamambeta mia sira yang harus nya tao fe au umuho'o.fo au rasa umuhere neu basa hei boema au umuho'ongga dadi neu basa hei mimiho'o ma. ⁴Talalu nae sukadoki no ralamambeta, au sura so'a neu hei no luo man'dali nae, tehu nda tao fe hei ralamara rambeta, fo hei'o bubulu susue yang au uena,na so'a neu hei. fo fe ambon neu basa hita yang manatao salah kilu. ⁵Tehu oanamae hambu ruma ara tao ralamambeta,na nda nendiralamambeta so'a neu au, na naena batas-batas fo au afi u'ulelena so'a neu basa hei ⁶Hambu atahori on'ana, na a'ai neu hei ruma fodai so'a neu'e. ⁷Hunana, hei lebih malolole fe ambon boema ama hibur'risi fo atahori ona'na afi tena sia sususa yang nalena. ⁸De au tola hei fo mi here susue so'a neu'e. ⁹Tehu na au sura fe neu hei, fo au bubulu bukti na, hei bisa do hoko ta'a sia basae rala. ¹⁰Atahori esa fo hei fe ambon neue, au'o fe ambo neue boe, sa yang au fe ambon neue, ita fe'ehela yang au hatas fe ambon, au tao huna hei sia Lamatua Kristus matana. ¹¹hunana fo nitu'a afi nedihahambumia hita karena hita bubulu maksud-maksudnya. rala mabalutu boema Paulus ralan namaloa ¹²De au losa Troas fo dui bengga meumare Lamatua Kristus boema lelesu'a nenebuka so'a neu ausia Lamatua rala. ¹³Au Fe'e nda hambu rala loa karena fe'e nda u nda o toronongga Titus. de, au uteaneuse boema au lao isi Mekadunia. ¹⁴De, syukur neu Lamatua, yang biasa no hai misi sesenggi sia Lamatua rala de fe ma'ameni nahineso'a neuE sia basa mamana, tungga hai. ¹⁵Te, hai mana ma'afo meni Lamatua Kristus so'a neu Lamatua sia sira taladana yang nene ne'e momori sia sira taladana yang mana sala kilu. ¹⁶So'a neu esa, hai ma'afo mamates so'a neu mamates, boema so'a neu yang lain ma'afo manamoriso'aneu manamori tehu, seka yang bisa so'a neu hal-hal ia? ¹⁷Tehu, hai nda ona atahori lain, fo ara seo Lamatua haralin. ona'nao, sia Lamatua Kristus rala haiola-ola sia Lamatua matana no tetebe, onamae Lamatua dedenu-dedenunar'a.

Chapter 3

Manatao ues-manatao ues hehelu feu Lamatua ¹Ta'obe haimulai koa bali neu hai aomara do?Do sama ona sira ka hira'ra, do hai mendi susura pujian so'a neunggo do mia hei? ²Hai susurama hei, yang nene sura sia hai atemrala, yang nenebubulu boema basa atahori bubulu. ³Hei mitudu hei susura Lamatua Kristus fo hai yang mana taoues, nda nenesura pake tinta, tehu no nemehere Lamatua yang manamori, te ndasia fatura tataben'na, tehu sia atahori ate tataben. ⁴Hai mi ena nemehere on'a ia so'a neu Lamatua tungga Lamatua Kristus. ⁵Nda berarti hai, mo hai aoma mesane, miena menganggap sesuatu la'o mia bali hai mesanggi, te hai miena kemampuan la'omia Lamatua, ⁶Yang ana tao fe hai bisa dadi manataoues-manataoues hehelu feu nda tungga huruf,te hu mia nemehere. te, huruf na mamates, tehu nemehere na momori. manamandela masa'a manaemia manatao ues⁷Tehu manatao ues yang nendi nisi mamates,yang no huruf-huruf nene sura sia fatutataben na nemano mandela masa'a, losa-losa nusak Israel ara nda bisamete Musa matana huna mandela masa'a na, pada hal saat na mandela masa'a ana mopo mbei-mbei ena, ⁸Nda mana tao ues raena nemehere mandela masa'a yang talalu manae?⁹Tehu mae manatao ues yang rendi hukuman raena mandelamasa'a. ¹⁰Tehu, sa yang na'a hulu na nene anggap meulau, sia hal ia rala ndafi hambu di muliakan karena mandela masa'a talalu naena. ¹¹Tehu itamae yang manamopo mbei mbei na nema no mandela masa'a hela lenan yang kekal na sia mandela masa'arala. ¹²De mi'ena pengharapan yang sama ona ia, hai pake nemehere manae, ¹³Nda sama ona Musa, ana tao side siamatana fo Israel ana-ana ara nda mete ritalosa babasana sa yang mana mopo mbei mbei na. ¹⁴Tehu dudua nara nene manggate. losa fa'i ia, sia pembacaan hehelu mbara rala, side yang sama tetap nda ha'iesa karena hanya sia Lamatua Kristus side na bisa ha'i hendi. ¹⁵De losa fa'i ia, onamae ara baca, Musa susuran side ia tatana sira ralanar'a. ¹⁶tehu, ita atahori esa bali nisi Lamatua, side na nene ha'i. ¹⁷Lamatua ia nemehere de sia mamana nemehere Lamatua sia, sia na kemerdekaan sia. ¹⁸De basa hita, yang mata nda nene mboti no side mencerminkan mandela masa'a Lamatua, neneuba nisi gambar yang sama mia mandela masa'a nisi mandela masa'a, sama ona Lamatua,yang adalah nemehere na.

Chapter 4

Kegigihan Paulus sia ues rala ¹Huna na, hai mulai hambu ues ia, onamae hai simbo susue mia lamatua, hai ralamara'a nda ra'a anasa. ²Tehu hai nda hi hal hal nene ne'e funi yang nendi mamaet, ana nda lao sia kelikiran rala, do memalsukan Lamatua hara lin, tehu no dudui nda nda, hai mitudu bali hai aomara so'aneu ata hori marala dudu'a sia Lamatua matana. ³Boema ita hai meumarema fe'e nene tatana boe, meumarena na nene tatana so'a neu sira, yang mana mate sosoru. ⁴Yang sia sira taladana lamatua raefafo ana taofo duduanara poke ara nda rama here'sade ara nda hambu rita manggarelo mandela masa'a meumare Lamatua Kristus, yang adalah gambaran Lamatua. ⁵Tehu hai nda dui bali neu hai mesane, tehu Lamatua Kristus Yesus dadi Lamatua sia hai mesane onamae manatao ues-manatao ues fehei karena Lamatua Yesus. ⁶Karena Lamatua, yang berfirman, "ma'un fo manggarelo ronda mia ma'ahatu rala," ana ronda sia hita ralan fo nendi manggarelo nehine so'aneu mandela masa'a Lamatua yang manasia Lamatua Yesus Kristus matana. ⁷Tehu su'i ia hai mi ena sia bejana rea manutei ralafo neleni kuasa na la'omia Lamatua fo ndamahai aomara mesane ⁸Ara tinda hai mia sisi basa'e, tehu nda nene api. hai soreo, tehu nda putus asa. ⁹Ara tao hai, te nda hela ara nggari hai, tehu nda binasa. ¹⁰Hai biasa mendi Lamatua Yesus mamatena sia hai aomrala fo Lamatua Yesus nenenita sia hai aom rala. ¹¹Karena hai mana mori ia, biasa fe hai misi mamates karena Lamatua Yesus fo Yesus momorin na nenenita sia hai aom rala yang mbei fo basa. ¹²Ona'na mamates ues sia hai rala, tehu momori ues sia hei ralama. ¹³Tehu, no taena aosamana nemehere yang sama, sesuai yang nene sura basa, "Au umuhere, karena na, hai'o ola ola. ¹⁴Tehu hai bubulu so'aneue, yang nafefela Lamatua Yesus, fo nafefela hai boe bersama- sama mo Lamaatua Yesus de ana nendi hai mo hei sia mata Na. ¹⁵Tehu basae nene dadi so'aneu kepentingan hei fo susue, na yang dei fo losa atahori nae, ara hambu dudui syukur na'e so'a neu mandela masa'a Lamatua. mori huna nemehere ¹⁶Hunana, hai ralamara nda ra'a anasa. onamae mita, hai aosisima na'a ana tehu hai atahori nemehereakan nene nefeu tungga tungga fai ¹⁷De, hedis mbei yang mana ona ia, tao fe ues so'a neu hai nalena esa nda mana basa mandela masa'a yang nalena basa-basa'e. ¹⁸Hai nda mete se'u hal-hal yang nene nita, tehu hal-hal yang nenenita na nda do'sa boema hal-hal yang nda nene nita na nda mana basa'sa losa don'aneu.

Chapter 5

¹Te hai bubulu bahwa jika ume,mamana leleo hita sia rae fafo ia foihendi'e, hita ta ena mamana esa mia Lamatua, ume esa yang nda tao pake lima' yang ndamana basa sia surga. ²Selama hita sia ume ia rala, hita mengelu karena hita sue fo pake mamana leleo surgaw ihita. ³Tehu ona bena hita pake, nda hambu hita makaholasa'ena. ⁴Selama hita sia ume ia rala, hita mengelu boema terbebani karena hita nda hi takahola tehu pake bualo'as fo yang nda mananala do'sa' na momori'a odo nendi. ⁵Faia, ana yang mempersiapkan hita untuk tujuan ia ia Lamatua, yang fe hita nemehere fo na ona jaminan. ⁶Hunana, hai bisa tabah boema menyadari fo ketika hai sia ume sia aom ia, hai nda mo Tuhan. ⁷Tehu, hai mori huna nemehere, nda huna ninita. ⁸Tehu, hai tetap tabah boema nda hi leo sia aonasa fo leo ro Tuhan. ⁹Hunana, hai berusaha fo hai berkenan so'aNeue, enta hai leo sia ume ia do sia'a dea. ¹⁰Tehu basa hita harus di hadapkan sia kadera pengadilan Lamatua Kristus matana fo basa atahori ara simbo bali hal-hal yang anatao sia aona rala, sesuai no sa yang ana tao, de na malole do de'ulaka.manatao ues pendamain mia Lamatua¹¹Te hai bubulu artinya nemetau so'aneu Tuhan,de hai fe nemehere neu atahori lain. tehu hai siaenaso'a neu Lamatua boema au berharap sia boe so'aneu ate duduama. ¹²Hai nda berusaha saena kokoa bali neu hai so'aneunggo, tehu hai fenggo kesempatan fo koa hai. Neuna boe, hei akan mi ena jawaban so'a neu sira yang koao neu hal-hal aosisi de nda nas sa yang sia etem rala. ¹³Ita hai nda dadi bali hai aoma, hal na so'a neu Lamatua, ita hai dadi bali hai aoma, na untuk kepentinganmu. ¹⁴Karena susue Lamatua Kristus menguasai haiketika hai menyimpulkan itamae atahori esa mate neu basa'e, ne'o basase mate. ¹⁵Boema, Ana mate neu basa'e fo sira yang mana mori nda mori so'a neu aka sira mesane, tehu so'aNeue, yang mana mate fo fela bali so'a neusira. ¹⁶Hunana,neu ia hai nda bubulu esasa boe menurut keadaan aosisin na. onamae hai mihine Lamatua Kristus secara aosisi,tehu neu ia hai nda afi menilai sa Ena ana ona na. ¹⁷De, seka yang sia Lamatua Kristus rala, na nene cipta feu.Hal-hal yang mbara ana laoena, meteneu'a hal-hal yang feu fo mana nema. ¹⁸Basa hal iara laomia Lamatua yang meperdamaikan hita to Aona tunggu Lamatua Kristusde ana fe hita ues pendamain na. ¹⁹Yaitu sia Lamatua Kristus rala mendamaikan raefafo no Aona mesane, te ana nda perhitungkan sira sala kiluna de fe nemehere dui pendamaian fe neu hita.²⁰De hai adalah duta-duta Lamatua Kristus Lamatua natudu nonoe Na tunggu hai-hai dui so'a neunggo so'aneu Lamatua Kristus, fe aoma neu di perdamaikan no Lamatua. ²¹Ana yang nda nahine salakilu de tao Na dadi neu salakilu huna hita fo hita nene nda Lamatua sia Eni rala.

Chapter 6

¹DE tao ues sama-sama Moe, hai boeo mendorong hei foafi simbo uanale Lamatua no sia-sia. ²De Ana berfirman: "neu faina Au berkenan, Au menolong hei,boema neu fai keselamatan,Au menolong hei."metemita, faiiaadalah waktu yang berkenanna.metemita, faiia adalah hari keselamatan na Yesaya 49:8 ³Hai nda fe sandungan so'a neu se mesan fo manatao ues hai nda nenecela.⁴te hu, sia basa'e rala hai carama mitudu bali'hai aomara ona'a mae mana tao ues soa neu Lamatua, sofe' no ketabahan sia basa sususa'a rala, nakaseseti', sususa'a, ⁵Hehemba', sia bui'a rala, mana mamue'ra, bebengge mamanggu, nda sunggu'sa, ndoe, ⁶sofe no'a kemurnian, sofe'e no'a mahine'e, rala ma'asufu', mana sue, dula dale Lamatua, susue no temeo, ⁷dedea o'olah tetebe, Lamatua'Kuasa'Na, sisiro ndotetu sia lima ona' no lima di',⁸mandela masa'a no neloe nedae atahori, umpatan no koko'a, ara rae fe hai mana tipu laka'a te hu hai ndos. ⁹hai ona'a atahori nda nenenehine'se, te hu hai nenenita'a; ona'a atahori manamate' te tehu mete mita hai masoda; ona'a atahori yang ara tao'e, te hu nda mate'sa, ¹⁰ona'a atahori mana susa sona'a te hu atahori mana mamaho'o, hai ona'a atahori mana hata ta' te hu hai mana tulu fali sao neu atahori nae', hai ona'a atahori nda ma'ena'asa tehu hai mi'ena'a basa'e¹¹hai buka bafama soa neu nggo, woe hei atahori Korintus, hai ralamara nenebuka loa' soa neu hei. ¹²hai nda batasi hei'sa, te hu hei ralamara batasi bali neu hei. ¹³fai ia, Au tao soa neu nggo sama ona'a Au ola-olah soa neu Au ana ngga'ra- buka hoo ralama no loa'. Nono' Yang Nda Sama'sa¹⁴afi'i dadimu nono yang nda sama'sa no atahori-atahori yang nda mana mamahere'sa. hu na, sa'ka yang sama ona'a mana ndomeu'a no ma'ahatu'a? do, sa'ka yang sama sia manggarelo'a no ma'ahatu'a? ¹⁵ne'etu' sa'ka yang Lamatua Kristus naena no belial? do, babanggi be'ka yang sia neu atahori yang nemehere boema atahori nda mana mamahere'sa ¹⁶boema, ne'etu be'ka yang hambu sia Lamatua ume'Na no mana songgo tanggu'a? hu na, hita ia Lamatua ume'Na yang man mori' ona'a Lamatua harali'Na oi, "Au ae leo sia sira rala nara boema ae lao o hei sia hei talada mara, boema Au ae dadimu hei Lamatua mara, boema hei dadi mi Au raunggu'ra. "Imamat 26:11-12¹⁷hu na'na, hei dea'mi lao mia sira talada nara, boema ama sarangga, "Lamtua na'ona, "de, afi'i nggama sa'ka yang de'ulaka fo Au simbo hei. "Yesaya 52:11 ¹⁸"De, au dadi'U hei Ama'ma, boema hei dai'mi Au ana ngara, mae tou boema ina'a, "Lamatua nafade'Na sofe'e no'a Kuasa'Na losa na. 2 Samuel 7:14;7:8

Chapter 7

¹odi a'a torano nggara hu na hita ta'ena hehehlu ia'ka, suelai nggeru, ima fo ata tamemeu hita aonara lao mia basa tatao de'ulaka'a no dula dale de'ulaka'a no ata tao meulau' fo namatau soa neu Lamatua. Paulus Namaho'o"na²Fe hai mamana sia ralama karna hai nda tao sala'soa neu atahori se'ka boe, nda tao ne'erurungi se'ka menas'sa boema hai nda fe'e hai mita hahambu lao mia se'ka mesan'e. ³Au nda ufade ia fo nda tao mi'itutuda hei misi'i sala'sa, hu na ufade u'uhulu' soa neu hei mae hei sia hai ralama rala fo mate sama-sama boema mori'o sama-sama. ⁴nemehere ngga monae' soa neu hei, Au koa soa neu hei, Au sofe no nemeho'ot, Au nemeho'ongga sofe neu basa'hai sususama rala. ⁵de, hai losa mia Makedonia, hai oamara rasa ona'a nda tenang, hai hambu sususa sosona'a lao mia netofa ne'uh mae mia dea boema mia rala nema no nemetaus. ⁶te hu, Lamatua, yang Ana kokoe atahori mana maloe madae ao, kokoe hai mendi Titus nenema'na. ⁷nda aka'a no nenema'na sa, te hu no kokoe'Na yang Ana tao'e fee nemeho'o sia hei rala, sama ona'a Ana dui neu hai hei nemahena'ma, sususa sosona'ma, tata'ma tao fee Au umuho'o. ⁸Dadi, mae Au fee hei nggae huna Au susura ngga, au nda menyesali'e, kalo au menyesal ita'e, na huna au mete ita susura na tao fe rala mara hedi's onamae nda do'sa. ⁹fai ia au umuho'o, nda huna hei rala mara hedis, te hu karna hei sususa mara fo hei afi sudi tao sala kilu huna hei ralamara rambeta soa neu Lamatua' hihi nanau'Na de nda na'arurungi hei sia hal be'ka mesan lao mia hai. ¹⁰huna, rala mambeta yang sama ona'a Lamatua hihi nanau'Na nendi haha'e lao mia tatao de'ulaka' yang nda nenebasa boema ana no hita nisi masoda'a. te hu, rala mambeta raefafo'a nendi mamates. ¹¹Hu, mete neu'e sususa' sosona' naenaseli yang sama ona'a Lamatua hihinanan'Na na ues monae soa neu nggi na nendi tatanda monae soa neu hei nda mi'ena salah'sa, mamasasat, mamataus, nemehena semangat, no balasan. sia basa'e rala, hei mitudu, hei nda sala' lao mia masalah naa'sa. ¹²Dadi, ona mae au sura susura fe neu hei hal na nda soa neu atahori'ra mana tao salah'sa boema nda fe neu atahori yang ara ndae salah neu'se, te hu fo ho tao sa'na tao no rala teme ao neu hai nenenita' soa neti hei sia Lamatua'a mata'Na. ¹³hu na'na, hai mimiho'o, Boe ma mia nemeho'o na'ka, hai hambu mimiho'o selu mia Titus nemeho'ona. karna dula dalena hambu ma'asufu lao mia basa hei. ¹⁴Hu, kalo au koa hei sia Titus matan, au nda hambu mamaet'sa. Te hu ona'a be fo hai dui bengga basa'e neu nggo sia ndo tetu'a rala, ona' na boe'o dadi neu nemeho'o mia hai nema, nda' sia Titus matan. ¹⁵de, susuena tamba monae soa neu hei, kalo ana nasandeda hei tatao malolemara, ona be hei mihani nenemana boema nemetau losa ana dere. ¹⁶au umuho'o sia basa hal rala, au u'ena nemehere sia hei rala lao mia basa-basa'e .

Chapter 8

Ne'ebubue persembahan susue feneu atahori-athori manandotetu ¹Fa'ia torono-torono, hai hi hei bubulu uanale Lamatua yang ana fe neu rauinggu-rauinggu sia Mekadonia, ²Bahwa sia sususa sosona rala ujian nae, nemeho'ona no hata'ta talalu nae ara raena nae seli su'i ota ralanara ndos. ³Au ufade neu sira fe sesuai no sira bebe'ina, boema lena sira bebe'ina no sira hihina mesane. ⁴Ara ro'e no sangat neu hai ma uanale fo tungga ha'i bagian sia atahori-atahori manatao ues sia ndo tetu rala. ⁵De ia yang ara tao, nda ona yang hai hi, pertama-tama, ara rendi aonara mesane fe neu Lamatua, basama neu hai na Lamatua hihin. ⁶Dadi hai desak Titus, foonabena ana na'ahula, fo ana nabasa ues uanale ia sia bali hei. ⁷Tehu sama ona hei mienalena sia basa'e rala, sia nemehere, dudui,nehine, sia basa usaha, no susuem rala neu hai, onabena hei boeo mienalena sia uanale rala. ⁸Au nda ufade hal ia ona perenda, tehu na menguji tungga tetebe atahori lain so'aneu susue ralama temeao. ⁹Te, hei bubulu uanale Lamatua hita Yesus Kristus, onamae ana mamasu'i, ana nau dadineu hatata huna hei fo tungga hatata- Na, hei dadi mimisui, ¹⁰De sia hal ia rala au fe au hahambunga, hal ia hahambu so'aneunggo, yang eni manafali'e, hei nda aka tao, tehu hei hi tao. ¹¹De, fai ia, mubasahendi ues na fo sama ona rala temeao fo mubasahendi sa yang sianggo. ¹²De, ita ta'ena kesiapan fe, fefena nene simbo, no sa yang atahori esa na'ena, nda no sa yang nda na'esa. ¹³Hal ia nda fe nggafat neu atahori lain boema fe hei lemba bera, hela onabena afi nabenu. ¹⁴Hela onabena ho mu'enalena neu fai'ia ne'e dadai neu sira kukurana fo ita fai muri ara raena lena deifo ra'adai neuho kukurama. Boema ana nda afi nabenusae. ¹⁵Ona' nenesura sia susura meumare rala, "Atahor iyang hambu nae, ndalena'sa boema atahori yang hambu mbei ndahata'ta."keluaran16:18 Titus nenedenu ¹⁶Tehu syukur so'aneu Lamatua yang ana tao sia Titus ralana tetebe yang sama ona yang au u'ena so'aneunggo. ¹⁷De ana nda simbo aka hai nefademara, tehu no tetebe na yang manae, ana nema sianggo na eni hihinanaun. ¹⁸Mo Titus, hai denu toronoma yang nene koasia basa rauinggu taladana sia dudui meumare rala. ¹⁹Nda aka nasa, anao nene dudu laomia rauinggu-rauinggu fo ana lao no hai tao ues uanale ia, yang hai tao fo nendi mandela masa'a neu Lamatua fona netudu ralateme aohai. ²⁰hai tao no malolole fo afi ahambu atahori olafade hai sia dudui manae yang hai tao' ia. ²¹Hai usaha tao sa yang nda, nda sia aka matamemete Lamatua rala, tehu sia mata memete atahori. ²²Boema, mose, hai denu hai toronoma yang hai soba basa de tebe manggate sia hal nae, hela lelenan te ale'ia manggete seli karena naena nemehere yang manae so'aneunggo. ²³Fa'ia so'aneuTitus, eni seseringga beoma nono taoues ngga yang nendi hahambu so'aneunggo. Boema so'aneu hita toronon-toronon ruma, nara rauinggu dedenun, fona mandela masa'a neu Lamatua Kristus. ²⁴De dudu neuse, sia rauinggu matana, netudu sue-sue fo hai koa hei.

Chapter 9

Feno rala temeao ¹Auaete, na sura nalena fo feneunggo so'aneu manatao ues fo atahori-atahori meumare iara. ²Tehu, au bubulu ralatemeaoma, yang au koa neu hei boema neu atahori-atahori Mekadonia, no Akhayaara siap basa eni to manalao'na no mbaranima yang tao fe sira nanaena dadi reu mbarani. ³Tehu, au denu torono-torono iara fo hai koa neu hei naa nda dadi neu papake'esa sia hal ia rala. no ia boe, ama mihere leo sama ona'a au ufade neti hei. ⁴hu na, atahori ruma lao mia Makedonia rema ro au boema ara hambu hei fe'e nda mihere'sa hai nda hi ola-fade mo hei'sa ana hambu mamaet karna nemehere ia. ⁵hu na, au dudu'a ngga ona be'na lai-lai fo toreno-torano iara lao rahahulu neu nggo boema ara tao hela fee yang helu hela' ma'ahuluna. fene tao hela fo dadi neu fee no rala teme ao, boema nda fee no rala seseri'sa. ⁶Au ufade hal ia: se'ka yang mana selah nggari mbei ana'o etu oru mbei'a, boema atahori yang ana selah nggari nae ana boe etu oru nae. ⁷atahori se'ka mesan yang mana nae fee sama ona'a ana na'etu'u basa sia ralana rala, nda no sususa sosona do no rala seseri'sa hu na Lamatuaa sue atahori yang fe no rala nemeho'o. ⁸De, Lamatua bisa nasofe basa susuelalai soa neu hei fo hei mi'ena basa-basa'e sia hei ue tatao malole mara. ⁹sama ona'a nene sura' "Ana banggi basa boema Ana fe neu atahori hata ta', ndo tetu'Na losa don nduku do nan neu. Mazmur 112:9¹⁰fai ia, Ana tao hela fini ngges neu mana selah nggari boema nana'na roti, Ana tao hela no tao nemenae fini ngges fo selah nggari mendi'i boema nemenae etu oru ndotetu'a'. ¹¹dei fo hei mimisu'i sia basa hal soa neu basa hoo rala susue'ma, yang lao mia nafefela dedea o'olah makasih soa neu Lamatua. ¹²hu na, fee ues ia nda aka'a dai neu atahori-atahori mana tao ndotetu'ra hihi'nanau'na sa, te hu nasofe'e no dede'a o'olah makasih soa neu Lamatua lao mia atahori nae. ¹³lao mia natudus ues ia'ka, ara koa kio neu Lamatua karna hoo nemehere'ma boema hoo dedea o'ola'ma soa neu Lamatua Kristus harali'Na, boema hoo rala susuema soa neu sira no basa atahori'ra. ¹⁴de, sia sira hule o'e na rala soa neu nggo, ara ramahena karna Lamatua susuelalai'Na yang sofe neu nggo. ¹⁵maksih neu Lamatua'a no fefe'Na yang nda bisa ola' mendi'i dedea o'olat'sa

Chapter 10

Paulus Kuasa'na Lao Mia Lamatua ¹Au, mesa ngga Paulus, hule neu nggo ona mae aba isi'e boema no Lamatua Kristus susue lalai'Na, au nda umburani unda o nggo'sa, te hu sia do'do fo au umburani. ²au hule neu nggo fo au uma na, au nda afi'i mbarani sa no nemehere na au reke hitu fo mbarani ureresi o atahori ruma yang rae hai mori mo hai ao sisi'ma. ³mema'a, hai fe'e mori sia hai ao sisi'ma rala. te hu hai nda mitonda mendi'i hai ao sisi'ma sa. ⁴hu na, hai sisiro musuhma nda lao mia ao sisi'ma te hu lao mia bebe'i bara'ai Lalai fo nembelulutu hendi kota'ra. ⁵hai mifoi hendi dudu'a-dudu'a no hal naru'a yang ara rafefela rendi'i koao nara fo ara nda ramahere Lamatua sa. hai nda hitu reke basa sira dudu nara boema mituda hendise risi Lamatua Kristus, ⁶no hai fe huku doki' neu basa nda mana nene'sa losa hei mimiherema namanae. ⁷mete mita sa sia ho matama. hambu atahori ruma ramahere sira aona Lamatua Kristus ena'Na, hela'e fo ana nafade bali hal ia, fo ona be na eni Lamatua Kristus ena'Na. hai boe ona na. ⁸te au ona'a ulena' mbei koa soa neu kuasa ngga, yang Lamatua fe neu hai fo tao fe hei meulau boema nda tao nambalulutu hei'sa, au nda mae'sa. ⁹au nda nau utudu ona'a au u'utatau hei'sa endi'i au susura ngara. ¹⁰hu na, sira rafade rae, "susura-susura nara mema'a tegas no keras, te hu na ona'a ao sisi, ana male no dedea o'ola'na nda ma arti'sa." ¹¹Sudineu fo atahori ona'nadudu'a hal ia, fo sa yang hai mifade no susura neuna hai nda mo heisa, sama ona hai tataomara fo neuna hai nda mo hisa. ¹²tehu, hai nda mbarani ne'ebubue do ne'e sasama hai aomara no sira hira yang ara koa bali aonara masene. Tehu, ara ukubali aonara nobali sira aonara fo arara'a sasama aonara no bali sira aonara mesane, ara nda ralasa. ¹³Tehuna'na, hai nda bisa koasa soaneu sa yang hai ndamalasa yang Lamatua banggi basa neu hai, na nenebatas fo afi losa neu hei boe. ¹⁴De, hainda milena nenebatas neuhai, ona hai ndabisa losa neu hei. hai yang mi'i hulu losa hei no meumare Lamatua Kristus. ¹⁵Hai o nda koao nalena nenebatas neu hai boema nda koao neu atahori ruma bebenggena, tehu no nemeheha fo onabena nemeherema mori, mamana ues hai sia hei taladama ana boe namaloa fai, ¹⁶Fo hai hambu duibengga meumare neu mamana-mamana sia dea hei no nda koao neu sa yang nenetao basa sia atahori ruma mamanan. ¹⁷Seka yang hi koao, sudineu fo ana koao sia Lamatua rala." ¹⁸Tehu, atahori nda koakio bali neu oana mesane yang nenebukti tahan uji, tehu soa'aneu atahori yang Lamatua koae.

Chapter 11

Paulus no ate mana lelekona ¹Au umuhena, hei mihani au sia au nggoangga mbei, de tebe hei mihani au. ²Tehu au umeda ralakukura neunggo no ralakukura Lamatua ise hunu aufenggo tunangan mo tou esa, fofenggo onamae perawan yang ndamana tao salakilu neu Lamatua Kritus. ³Tehu, au umutau, afi sambe sama ona mengge yang no nanalana ombokoson Hawa, onana dudu'amana nenesesat mia ketulusan no kemurnian tatao sia Lamatua rala. ⁴Tehu, hei mihani dei ita atahori esa nema fo ana dui so'aneu Lamamtua Yesus ma ndanasaboema ndasama ona hai duduima, do ita hei simbo nehine yang ndasamasa yang hei nda fe'e simbo mitasa do harali meulau ndasamasa yang hei fe'e nda simbo mita. ⁵Au hahambunga au samaona lamatua aten mana nalabasa.'e ⁶Onamae au nda uhine o'ola alanaesa, tehu nda on'a nas'a sia nehine'a karena no cara na'e hai mituduneunggo sia basa hal rala. ⁷Do, au tao basa salakilu neuna au u'uana bali au aongga fo hei hambu miminaru karena au duibengga Lamatua haralin neu hei no cuma-cuma? ⁸Au umuna'o rauinggu lain fo simbonggadi mia sira fo layani hei. ⁹Neu, na au o hei de ndoe boema susa sosona, au nda taobera feneu se mesan karena torono-torono yang mananema mia Mekadonia rasofe hahambunga. fo siabasa hal rala au unea aongga fo afi endi barat fenggo de au taoukundo ona'na. ¹⁰Onabena nda-nda Lamatua Kristus sia au ralangga, au kokoangga nda nene halangi sia mamana-mamana Akaya. ¹¹Ta'obe? Do ita aunda suenggo? Lamatua yang bubulu! ¹²Tehu au aka tao ukundo'a sa yang au tao fo au hambu u'etu kesempatan mia sira yang ara hi kesempatan fo ara hambu sama ona hai sia hal-hal yang ara koao. ¹³De, atahori-atahori ona'nara ate-ate ombokoson, manataoues-manataoues yang malakat yang ara e'edik tao ona Lamatua Kristus atenara. ¹⁴Hal na nda nggenggers karena nituao anatao dadi ona malaikat manggarelo. ¹⁵Karena na, nda nggenggers ita manatao ues ara tao aona'na samaona manatao ues tetebe, fo basana ara simbo sa yang ara tao bali neusira. Hedinggarau Paulus neu Lamatua Kristus ¹⁶Laoesa fai, au ufade afi hambu esa fo oi au ia nggoa maeona'na boe, o simbomala au onamae atahori nggoa fo au hambu kokoa mbei. ¹⁷Sa yang au ufade sia nemehere rala na nemehe'o au nda ufadesa samaona Lamatua hihinanaun, tehu sama ona sia nggoa rala. ¹⁸Atahori nae koao sia aosisina de, au wo koao. ¹⁹De, hei dudu'a mara meulau de'no rala nemehe'o hei mihani neu atahori nggoa! ²⁰Hei mihani, ita hambu atahori yang taohei, dadimi ate ara odo hei, ara ha'i hahambu sia hei, ara ramananaru aonara'a, do mbasa nasuma. ²¹Au maenae au harus ufade bali neu hai talalu lemah sia hal na! tehu sa mesan yang atahori lain mbarani fo ara koao -- au oo mbarani. ²²Sira atahori Ibrani do? Au boe. Sira atahori Israel do? Au boe. Sira titinonosi Abraham do? Au boe. ²³Ara taoues fe Lamatua Kristus do? Au lelenan'na fai -- au ola-ola ona atahori mamulu. bebenggengga lena na'e, lelenan'na sia bui rala, popoko-hehembra nda nene reke nala, boema sia'a ndola bifena. ²⁴Mia atahori-atahori Yahudi, naena lao lima au simbo basa fifilo hanulu kura'esa. ²⁵Ara filo au lao telu pake ue, ara honda au lao esa pake fatu, lao telu mia ofa mana tena', tetemba'esa boema faiesa tasi'a lu nendi au. ²⁶Lao hetar mia au dalangga au a'ea mate bahaya mia loe'a, nda aka nasa te na'ora, mia atahori-atahori Yahudi, boema nda aka atahori Yahudi. Au neneancam bahaya sia kota, boema sia pada soda, sia tasi boema lao'mia torono-torono ombokoson. ²⁷Au bengge'ena no tao ues bera nda sunggu alasa, ndoe no u'umada, nalafana nda u'ena nanat, sia ma'arini rala, bualoas o nese. ²⁸Te nda aka hal-hal iasa, tungga-tungga fai o masala sia yang dadineu tanggung jawab au fo ne'eboineu basa rauinggu. ²⁹Seka yang nda be'iao, te au hoko seka yang tuda, te au nda susasona? ³⁰Te au harus koao, au koao so'aneu hal-hal yang nenenetudu au kukurangga. ³¹Lamatua no Amalatua Yesus, yang nene koakio losa don nduku don'nanau, manabubulu au nda mana tipulaka. ³²Sa Damaskus, gubernur mana sia mane' Aretas ra'e mete se'u kota Damaskus fo ara humu au. ³³Tehu au mia keranjang rala de raonda tungga jedela manasia tembok boema au nene mbo'i mia lamana.

Chapter 12

Nggaut sia Paulus ao sisina rala ¹Au harus koao maena nda nenedi hahambu. Au aka memete-memetenaka ndo'a no dudui-dudui mia Lamatua. ²Au bubulu atahori esa sia Lamatua Kristus rala, yang to sanahulu ha manalao na rendie surga neu sia tingkat ka teluna te sia ao sisina, au nda bubulu; do sia ao deana, auo nda bubulu, Lamatua yang bubulu. ³Te au bubulu atahori na onabe -- te sia aon rala do sia aon dea, au nda bubulu, Lamatua yang bubulu-- ⁴Ana nene boti nisi Firdaus de rena dedea o'ola yang nda bisa dui, boema atahori nda bisa ola-ola. ⁵So'a neu atahori ia au koa'e, Tehu nu'a au mesangga, au nda koa'e se kecuali na au sala kilu ngga. ⁶Huna na, ita au ae koao, au nda dadi u nggoa sa karena au ufade nda-nda. tehu au tahan fo atahori afi mete au lena no sa yang sira rita do ara rena mia au. ⁷Na nenea fo au afi koao nae neu dudui-dudui yang luar biasa na, boema ara fe nggaut esa nesi au ao sisingga rala, na la'omia nitu'a dedenu fo ana tao fe au susa boema au afi koa bali neu au aongga mesa'ne. ⁸So'a neu hal ia, au hule neu Lamatua lao telu fo hal na lao hela au. ⁹Tehu, ana nafade neu au," Uanale-Ngga dai neunggo na au kuas Ngga nenesempurna sia kelemahan rala." huna na, au umu ho'o neu kelemahan ngga, fo kuasa Lamatua Kristus sia au ralngga rala ¹⁰Huna na, au umuho'o sia au kelemahan ngga, sia siksaan rala, sia sususa sosona rala, sia poko hembra rala, boema sususa rala mo Lamatua Kristus. Karena itamae au lema, nane'o au u be'i. Paulus sue rauinggu manasia Korintus ¹¹Neuna hei pasak au de umunggoa, padahal harusna hei koa au te, au nda kurang sa-sasboe na nenebanding no ate yang meulau ara, mae au nda u'ena sa-sasboe. ¹²Tanda-tanda yang nenebukti ateasa fo nene nita boema manataba, sia hei taladama rala no mukjizat-mikjizat boema keajaiban-keajaiban. ¹³Tehu, sia hal sa rala fo hei nene ne'eana mia rauinggu-rauinggu lain, kecuali au nda tao bera so'a neunggo? maafkanlah au nda adil' ia! ¹⁴Faiia, au eti se'u hei lao ka telun na ia fo au afi tao bera so'a neunggo te au nda sangga sa yang hei miena, tehu hei. Te anakara nda wajib sangga su'i do ra'abubue su'i feneu ina amanara, tehu ina amanara fo fe neu ananara. ¹⁵De, au fehendi au aongga boema su'iotangga no nemeho'o neuhei. De au sue ulena hei te ita hei nda su'e mihene ausa? ¹⁶Boema itamae au nda tao bera neu hei, hei mae au mahinengga lena fo te'e si hei no e'edik. ¹⁷Do au ha'i hahambu mia hei tungga athori-atahori yang au denuse retihei? ¹⁸Au desak Titus neti fo denu hai toronoma fo arasama-sama. Do' Titus ha'i hahambu mia hei? Do ha'i nda lao sia Lamatua yang sama boema lao tungga ei lele yang sama? ¹⁹Do ita hei dudu'a mala eni do'ena fo ha'i bela bali ha'i aomara neu hei? hai ola-ola sia Lamatua matana sia Lamatua Kristus rala, tehu hal-hal ia hal susue, fo ne'efefela neu hei. ²⁰Tehu, au umutau, mitamaefo au uma, au unda o hei nda sama ona yang au harap, boema hei nda minda mo au sama ona yang hei harap. Afi sambe hambu duduatara nda samasa, rala'ara dudunggu mba-mbau, nemenasat, hahambu neu'a hei aomara, dudui atahori naran, dudui nda papake, mana koao, boemanemue leli, ²¹Au a'e'a nda umheresa ita au uma fai, au Lamatuangga na'a ana au sia hei matamara boema au susa sosona neu atahori nae yang fai ma'ahulura tao salakilu de ara tetap sia salakilu boema tato de'ulaka, hohongge no aosisi yang ara biasa tao.

Chapter 13

Paulus lao Korintus neu lao ka telun ¹Ia laoka telun'na au uma se'u hei. Harus hambu keterangan laomia saksi rua do telu dei, na yang perkara esa nenefade oi sah, ²Neu'na, au fe neseneda neu sira yang manatao salakilu no bas yang lain'nara. fai'ia, mae ua nda sama-sama o hei, ua fe neseneda neu sira ona' yang au tao sia au dala lalaongga yang karua, de ita au uma fai, au nda afi sue sira, ³Karena hei mo'e bukti neu Lamatua Kristus, yang ana ola-ola sia au ralangga boema nda lemah neu hei, tehu berkuasa sia hei ralam'ma. ⁴Tebe-tebe, Lamatua Kristus nenembaku sia hau nggange'a sia kelemahan rala, tehu, ana moribali na kuasa Lamatua. Tehu hai o lemah boe sia Eni rala, tehu hai mori bali sama-sama mo Eni Karena kuasa Lamatua neu hei. ⁵uji bali neu aoma mesa'ne fo mita, hei tetap sia hei nemeherema rala do. Mete bali neu aoma mesa'ne! Do hei nda mihine bali neu hei aoma mesa'ne fo Lamatua Kristus Yesus sia hei ralama rala, do se'u te hei nda hambu sia ujia rala. ⁶Au harap fo hei bubulu neu hai hair'ruia atahori manatahan uji, ⁷De hai koakio neu Lamatua fo hei afi tao salah, nafo hai afi nenenita tahan uji, tehu nafo hei hambu tao sah yang nda, onamae mata memete'a'na hai nda hambu tahansa sia ujian. ⁸Hai nda hambu tao hal-hal yang de'ulaka no nda-nda, tehu neu'aka nda-nda. ⁹Hai mimiho'o neuna hai lemah boema hei mihere. hai Koakio fo hei dadimi ndotetu. ¹⁰Hunana, au sura hal-hal ia neuna au u'udodo ohei fo ita au uma, au nda pake derene, kuasa yang Lamatua fe neu au fo ufefela hei, boema ndatao umbululuhei. ¹¹Basana, torono-torono, mimiho'o. ama usaha dadimi ndotetu, midadale esa no yang lain, ralaesa, duduat esa, boema morisia ndotetu. boema, Lamatua manasue no sodamolek ana tunggu no hei. ¹²Londa hara feneu esa no yang lain no i'idu mana ndotetu. ¹³Basa atahori-atihori ndotetu ara londa hara neunggo. (13-14) Uanale Lamatua Yesus Kristus no susue' mia Lamatua no ne'ebubuea mia Lamatua manandotetu. [[ayt.co/2Ko]]

Philippians

Chapter 1

Londa hara laoma Paulus no Timotius ¹Mia Paulus no Timotius Lamatua Yesus Kristus ateanan feneu basa atahori meumare sia Lamatua Yesus Kristus manasia Filipi no basa penilik no rauinggu manatou aimbele. ²Masoimasoda mia Ama Lamatua neu basa hita boema Lamatua nanea basa hei. huhule o, oe mia Paulus neu rao inggu manasia kambo Filipi. ³Au umuho, o utudale neu au Ama Lamatua ngga tunggu-tunggu fai saat au usunedu neu hei. ⁴Au hule oo'e no nemeho, o soa neu basa hei. ⁵karna hei ue osa mara, yang hei fe no ne'e lolosa Ama Lamatua harali'na mia ma'a hulu losa fai ia. ⁶Au umuhere bahwa Eni yang tao ue osa meulau sia hei talada mara, Eni boe yang tao na'a teme losa fai Lamatua Yesus Kristus nema. ⁷Losa faina au usunedu neu basa hei karna basa hei sia au ralangga rala. Mae au fe'e sia bui rala do au fe soi tefa no manggate rala soa neu Lamatua hara li'na, fo hei dadi mi torono mo au sia Ama Lamatua susue lalai'na rala. ⁸Ama Lamatua adalah au saksi ngga, au umu ho'o basa hei sia Lamatua Yesus Kristus susue'na rala. ⁹Ia auhuhule o, onggehela onabe ona susuelalaima boemano basa hei mahinema boema hei susuema ¹⁰Boema hei hambu sa yang malole neu hei aosisima meulau sia Lamatua, a faina. ¹¹sofeno ndotetun mana sia Lamatua Yesus Kristus fo koakio soa, neu Lamatua Paulus namahedi tehu Lamatua, a haralin na Lao nene dui bengga nakando Mae paulus namahedi boe, o ana na'alalao Lamatua'a hara lin. ¹²Torononggeru Auhi hei bubulu sa yang dadi neu Au tehu nendi dudi bebengga soa neu Lamatua ¹³Basa, e bubulu moko manaen bubulu Au sia buirala soaneu Lamatua ¹⁴nanaenara bubulu torono mana sia lamatua rala boe ramahere boema nda ramatua dui bengga Lamatua haralin. ¹⁵Atahori ruma dui bengga soa neu Lamatua tehu ara nda bisa. sa boema hambu ruma dui bengga no meulau. ¹⁶sira yang ra. ena dudua meulau ara tao karna susue fosira bubulu au sia mamanaia manaso tefa susura meumare. ¹⁷nda mana naena dudua meulausa ara tao fo ndanau hatahori lena sira. ara tao sususa sosona neu au selama au mia bui. ¹⁸Boema sa yang ho etu, oru e, edik do leleko tatao ndandama dui bengga neu Lamatua neuna boema au umu ho, o ukundo, o ¹⁹Au bubulu lao ma ho koakioma neu Lamatua na yang dadi neu mana soi tefa. ²⁰Sa yang au hule o, e au nda hambu mamae mamali tehu au hambu nemberani sofe mia lamatua mia fai, ia losa don na neu sia momori rala do sa mamates rala. ²¹soa, neu au momori sia Lamatua rala boema mamates na hahambu, ²²Tehu aumori tunggu au ao sisingga na au harus tao ues boema etu oru bo, a boa. boema be yang au tengga here au nda bubulu sa. ²³Au nene abi sia pilian rua hihingga hela momori, a fo sama sama o Lamatua na yang lebe malole. ²⁴Tehu soa neu hei momori ia malole soa neu basa hita ao sisina. ²⁵No neme here ia au bubulu au leo u, ubue o basa hei fo tendi susue boema nemehere. ²⁶Tehu au bali isi' hei fo nemeho, o ma ana na'amoko sia Lamatua Yesus Kristus rala. ²⁷Tehu

momori,ia pake no malole soa neu susura meumare Lamatua Yesuskristus fo au umana unda' o hei do au
nda'umasana au rena hei, mimbiri,mi'ibue fo mihere neu duladale boema dudu'at esa fo ata ta'abubue soa neu
nemehere sia susura meumare.²⁸ Afi fe atahori ra'atatau hei mo musura karna, na nendi mambalutu so'a neu sira
tehu masoda so'a neu hei boema tatanda'na lao'mia Lamatua

³⁰Na yang hei hadapi huhule o'oe sama ona'a heimita sia au matangga, boema hei rena afe'e alami.

Chapter 2Dudu'at ona Lamatua Kristus

¹Dadi,sia Lamatua Kristus rala na hambu bebe'i bara ai',susue lalai,

³Afi ta'ena dudu'a koao tehu muloe mudai aoma,anggap atahori laen nalena ho aoma. ⁴Afi basa-basa hei mete neu hei aoma tehu hitapun harus mete neu atahori laen. ⁵Biar dudu'at hambu sa hita sama ona Yesus Kristus enana, ⁶Rupa na ona Lamatua, ana nda anggap aona sa sama ona Lamatua yang eni harus pertahankan. ⁷tehu ana tao aona ona nda atahori hatata fo ana dadi neu babu sama ona hita atahori. ⁸Ana tao aona sama ona hita atahori, Ana naloe nadai aona sambe ana mate mia hau nggange. ⁹No ia Ama Lamatua fene ua ma nale nara na lena hendi basa-basa e. ¹⁰Sia Lamatua rala no lunggu langga mana sende',mana sia lalai ata, sia raefafo,boema ma sia raerala -- ¹¹Boema bafa ma yang mbo'a ,Kristus Yesus adalah Lamatua soa neu dula dale mana kuasa! Lamatua kerja sia hita ralana¹²huna na torono nggeru susue lalai, Bukan hita taat saat ana sama-sama no hita tehu ana nda sama-sama no hita sa pun hita taat supaya hela ona be na hita ta'ena masoi masoda' hanya karna hita tamatau neu Lamatua. ¹³Lamatua kerja sia hita rala na ma hita hi atau tungga lamatua hihi nanau na. ¹⁴Tao basa-basa nara afi no mata mana ma'a susunggu' boe ma unggu remu ¹⁵Fo hita afi dadi teu atahori mana masala' te Lamatua tapi dadi teu Lamatua ananara nda mana tao hal sa. ¹⁶To'u muhere Lamatua hara lilon fo Lamatua fai na losa no hita kerja barat nda sia-sia tapi hambu tala nemeho'ot. ¹⁷Au dadi ona nininu mana mbo'a sia nggalas fefe neu mana sia ata no tatao nemehere na, au umuho'o basa hei. ¹⁸Ona na boe hei, no alasan yang samahita hambu ua nale malole sama-sama no au. Paulus nadenu Timotius no Epafroditus¹⁹Sia lamatua Yesus rala na ,au harap nadenu Timotius soa neu ho, au umuho'o ketika au rena dui bengga tentang hei. ²⁰Au nda hambu atahori mana ona ho fo ana peduli rasa nemeho'o . ²¹Te atahori laen lebe sibuk hihi nanau na dari pada Lamatua Kristus Yesus hihi nanau na. ²²Te ho bubulu Timotius natudu bukti bahwa eni aona lebe meulau fe Lamatua hara lilo ona anak esa no papa na. ²³Huna na au umuhere boema au denu setelah au bubulu akan dadi mata' esa soa neu au, ²⁴Au umuhere neu Lamatua' akan uma soa neu ho. ²⁵Tehu, au dudu'a boema au uduu Epafroditus neu ho. Ia au bobonggi,nono ngga mana nendi fuli hehelu neu ho no mana fe au hahambu. ²⁶Te ana nemeho'o hei basa nggi ana susa karna ana rena bahwa ana mera, ²⁷Mema dolu ana namahedi hela mamates te Ama Lamatua natudu susue na neue -- supaya sususa'a afi namanae.Tehu nana, Au denu bali soa neu hei supaya hei hambu rasa malole boema hita mete selu,no mopo hendi au bibi ngga, ²⁹simbo Epafroditus sia Lamatua rala sofe no susue lalai no be'ute langga atahori-atahori ona eni. ³⁰Hunana hela mbei na mate karna Lamatua Kristus ueosa na ; ana nggati ao samana na nggati soa susue yang nda hambu eni fe neu au sa.

Chapter 3Lamatua mana ma,ahulu

¹Babasana,odi a,anggara, umuho,o sia Lamatua rala na.Au nda nafi sura sa ma a,obe sa soa neu hei karna ia soa neu hei. ²Munea soa neu busa-busa ra, Munea neu mana tao de,ulaka, no munea neu mana uta edi ho ao ma, ³karna hita atahori -atahori mana uta edi meu lau, mana hule oe neu Dula Dale, koakio Lamatua Yesus, no nda mana mahere sasa sia raefafo.⁴Ta,obe-taobepun au nda umehere sasa sia raefafo sa.kalo atahori laen dudu,a na na,ena koao sasa sia raefafo ia,nendi no au: ⁵Au e,edi au ao sisi ngga fai ka falun na, kambo Israel tulen, lao mia leo Benyamin, atahori Ibrani mana tao dedea Ibrani.Lao ma totolalane Taurat,auia atahori Farisi.⁶sia ma,ahe a rala au ia atahori mana dodoki hukudoki rauinggu no sia hal meumare sia rae totolalane Taurat,au nda dokasaki sa. ⁷Berati sasa sia fai ma,ahulu na nendi fe au hahambu, fai ia au runggi karna Kristus.⁸Tebe-tebe,e sa yang au anggap hahambu soa neu au lebe meulau au uhine Ama LamaTua Yesus Kristus, au mbia hendi basa hata heto ra no au anggap basa nara nda papake soa neu au sa fo au bisa hambu AmaLamaTua Kristus susue lalai na ⁹boe ma sia lima ara na rala. Au nda u'ena ndotetu sa soa neu totolalane Taurat, malole na au u'ena ndo tetu ma nemehere mia Ama LamaTua Kristus, no ndo tetu lao mia Ama LamaTua Ise yang lao mia au nemehere ngga.

¹²nda batu sa kalo au simbo basa ia'ra atau au ndo tetu ena. te au ae oi'e fo fai esa na au humu hambu 'e, te ona 'a au pun Ama Lama Tua Kristus humu nala au boe.¹³odi a'a nggara au nda uhine sa kalo au bisa hambu 'e. te aka esa: au lilih hendi basa mana sia au deng gara fo au o'i sa mana sia au mata ngga. ¹⁴au tarus usaha fo bisa ambu hahambu lao mia Sorga nema, yaitu Ama Lama Tua Ise 'a nono'e na sia Kristus Yesus lima ara na.¹⁵hu na na hita atahori lasi ra dudu'a ona'k na; boe ma kalo hei mi'ena dudu'at laen ona'k Lama Tua hihi nanau na Ama Lama Tua Ise a nefade neti hei 'e. ¹⁶mae ta'o be boe oo sa' yang ita hambu boe, ima fo hita to'u neu sa yang hita nemehere na.¹⁷odi aa nggeru tungga au tatao ngga no mete neu au ei lalao ngga no au tatao ngga neu basa hita. ¹⁸hetar mana lao-lao, sira, yang biasa au dui neti hei 'e, ia boe ma au dui bali'k neti hei 'e no'a sususa luoe bahwa atahori nanae na momori na aka ramusu no hau londa nggagge Kristus. ¹⁹sia sira momori maabui nara nema te hara rambalulutu karna lama tua nara aka sia ambu nara, boe ma ara koao rendi sira sala singgo nara. boe ma dudua nara aka hata eto raefafo a. ²⁰hu na hita Negara na sia Sorga rala, lao mia na nema hita tahani hita Ama Lama Tua na Yesus Kristus. ²¹Ana akan ruba hita aona ona Eni ao na yang ndotetu, ona 'a maadere bara ai na basa e rena sia 'e.

Chapter 4Nenori nefade neu rauinggu fo ara dudu'at esa ma rala esa

¹No ia au hule neu hei torono-torono nggeru yang au sue au hihingga hei dadi neu namaho'ot boema nemehena fo mimbirik miherek sia Lamatua rala. ²Au o'e neu Euodia boema sintikhe fo ara eo hei sia Lamatua rala. ³Au o'e neu hei torononggeru fo ama mete mala ina -ina eru nara be fo basanggi milalao susura meu marek,boema mo klemens no odi a'a nara fo nara-nara mana sura' sia susura masoda'. ⁴Mimiho'o ma mitidale sia Lamatua rala selu' fali au ufade mimiho'o ma mitidale! ⁵Hela ona bena rala mara bengga neu fo basa hata hori Lamatua no hei. ⁶Afi' mitiriti sa sa be fo ama fe basa-basa se fenu Lamatua sofe no huhule' oe' boema no kokoakikio'. ⁷Hela ona bena hei rala mara sofe' no susue lalai neu Lamatua' boe ma rala mara dudu'a mara sia Kristus. ⁸Natete'e na odi a'a torono nggeru, basa mana tetundos,basa mana meumare,basa mana tetu,basa mana meu,basa mana malole ,basa mana bebengga,basa mana sempurna,basa mana ne'e bebengga,dudu'a mala basa nara . ⁹Sa yang ho munori simbo mala,rena mala no mete lao mia au nema,fo tao tungga basa nara, fo no Lamatua susue lalai na ana nanea nala ho losa lolosa na. Paulus nama ho'o soa neu atahori mana mamahere sia Filipi¹⁰Sia Lamatua' rala au umu ho'o neu hei bali' mo au. tebe ,eni fai mana lao ra au mete hei tehu hei misimbute. ¹¹Au ufade hei ia au nda to'a ta'sa au mori ufade soa neu au aongga sia basae. ¹²Au uhine beka to'a ta' ma beka hahambu' sia ia au unori momori sofe' no hahambu' soa' neu betas do ndoes do mori to doi' nae' do doi' nese. ¹³Au tao sama tungga Lamatua' mana fe au bebe'i bara aik. ¹⁴Hei tao malole' de hei banggi lelemba dodoi' mo au . ¹⁵Hei bubulu' atahori Filipi mia fefeuna au endi susura meu mare nanauna,au lao hela kambo Makedonia,nda hambu odi nara rae banggi lelemba doi' sa fo ara fe ma ara simbo aka'a hei. ¹⁶Boema mia Tesalonika, hei fe au tutulu fafali soa neu au hihi ngga lena' no lao esa. ¹⁷Te tutulu fafali' na au sangga au sangga boa' fo au na'amoko au hahambu ngga. ¹⁸Au simbo ala hei fefe ma dai ena lena' be au mana saka au hi ma hei fe au tungga Epafroditus hei fefe ma au tao neu tutuna kokotuk ma'ameni soa neu Lamatua. ¹⁹Lamatua tao matetu basa hi totonara tungga eni su'i otana sia Yesus Kristus. ²⁰Soda molek soa neu Lamatua' losa do na neu. Amin. ²¹Tebe mi'i lolosa au hara ngga neu basa atahori ndos*sia Yesus Kristus koakio soa neu ho ma mu basa odi na Torono mamahere maabue no hita. ²²Basa atahori ndos fe soda mole'k neu ho ma neu basa odi na mana no hita sia Kaisar umen. ²³susue lalai mia Lamatua' Yesus Kristus ana nanea ho masoda ma losa donaneu.Amin.

Colossians

Chapter 1

Fufuli hehelu mia Paulus nema ¹Mia Paulus, yang dadi neu Rasul Lamatua Yesus Kristus mia Ama Lamatua hihina boe'ma mia Timotius hita torono nemeheren sia Lamatua rala. ²Soa neu atahori-atahori meumare no torono-torono nemehere'nggeru yang setia sa Lamatua rala sia Kolose. Bebei bara'ai soa neu'nggi no maua manale mia hita Ama Lamatua'na. ³Huhule o'oe mia Paulus. Watu au berdoa soa neu'nggo, hai huleo'oe soa neu Ama Lamatua, Ama mia hita Lamatua'na Yesus Kristus,⁴Karna hai rena oi hei nemehere'ma sia Lamatua Yesus Kristus no susue lalai yang hei mi'ena fo tao soa neu basa atahori nemehere. ⁵Nemehere no susue lalai na'ka ana nema karna huhule' o'oe yang Lamatua tao hela soa neu'nggo sia nusa tetun, fo yang hei rena mia Susura Meumare'a rala. ⁶Susura Meumare na'ka ana losa hei, boe ma losa basa raefafo'a de Susura Meumare ia'ka ana nabuna naboa nakando, sama ona mana dadi mia hei taladama'ra, fo eni hei rena no hei bubulu Ama Lamatua bebei bara'ain sia meumarena rala. ⁷Hei minori tataos ia mia Epafra, hai torono mana to'u ai mbele yang hai sue, yang dadi neu mana to'u ai mbele soa neu hei. ⁸Eni yang mana nafade soa neu hei susue ma lalai mia Dula dale'a rala. ⁹Hu na, neu mia fai'ia hai rena, hai nda pake barenti hule o'oe soa neu'nggi no hai mo'e soa neu Lamatua untuk memenuhi hei no mihine Lamatua hihi-Na sia basa nenori nefade meumare'a. ¹⁰No na, hei momori'ma ana layak sia Lamatua matan, menyenangkan Lamatua sia sudi sa mesan, nabuna naboa sia basa hita tatao nono'i meulaun, no ana namanae sia tahine Ama Lamatua. ¹¹Hule, fo hei mo basa hei dere'ne' ma nene fe manggate no bebei bara'ai mia koasa-Na, fo hei hambu basa nemeho'o netedale. ¹²Mo'e makasih soa neu Ama Lamatua mana tao fe hei hambu tao tungga basa to'to lalane fo hei hambu simbo hata heto mia atahori-atahori nemehere mana sia manggarelo'a rala. ¹³Ana mbo'i hendi hita mia koasa ma'a hatu'a no Ana fe hita tisi Ana Mone susue'na kerajaan-Na. ¹⁴Sia Lamatua rala, hita hambu soi tefa yaitu fe ambon soa neu basa hita sala kilu'na. Lamatua Kristus mana ma'ahulu sia basa sa'ka mesan. ¹⁵Lamatua adalah susura'a mia Ama Lamatua yang nda nene nita'sa, mana ma'a hulu mia basa ne'e dadadi'ra. ¹⁶Boe'ma mia Lamatua nema, basa mana sia Nusa tetun do Ingu temen no mana sia raefafo nene ne'e da'dadi, mana nene nita no nda mana nene nita'sa, fo soa neu tetende e'endo,

manaparenda no mana koasa. Basa se nene ne'e dadadi lao mia Eni nema, fo bali soa neu Eni. ¹⁷Ana sia eni basa raefafo'a isi na nda fe'e sia sa, de basa raefafo'a isi'na nene tongga sia Eni rala. ¹⁸Eni adalah malangga mia ao' fo ao na'ka adalah rao inggu. Eni bo adalah mana ma'ahulu, boa 'ulu mia basa atahori mana mate, fo Eni dadi mana ma'ahulu lao mia basa'se. ¹⁹Sebab Ama Lamatua hi ma nau fo basa mandela masa'a-Na leo sia E rala. ²⁰Lao mia Eni nema, basa sa'ka mesan nene ne'e dadame no-E, fo soa neu mana sia raefafo boe ma mana sia Nusa tetun do Ingu temen, yaitu mole dame lao mia ra-Na mana titi mia hau nggange ata. ²¹Mado'na nema hei nene mopo, hei dadi'mi musuh Ama Lamatua sia hei dudu'a a'afima, no hei tatao nono'ima yang mana de'u laka, ²²fai ia hei nene mole dame mo Kristus ao sisin, mia mamate momopo-Na, soa neu hei dadi'mi hohotu lalange meu mare, nda mana hambu sala kilu sia Ama Lamatua mata'na. ²³De, hei leo mihu sia nemehere'a rala, manggate, no afi mitinggenggo mia hei huhule' o'o, en yang hei rena mia Susura meumare'a, yang nene nefade soa neu basa ne'e dada'di mana sia raefafo, yang mia na nema fo au Paulus mana dadi neu mana to'u ai mbele. Huhule O'o, e Paulus soa neu rao inggu. ²⁴Fai ia, au umu ho'o mia au sususa sosonangga soa neu hei, karna sia au ao sisi'ngga dadi neu mana na'a teme sa'ka yang dadi neu sususa sosona mia Kristus nema, fo mia ao sisi-Na yaitu rao inggu. ²⁵Au dadi'u mana to'u ai mbele soa neu rao inggu fo sama ona ue tataqs yang Ama Lamatua fenu au, soa neu hei fo hei hambu mi'i lolosa Ama Lamatua harali'na no sofe ma teme. ²⁶Ia fo dadi neu rahasia mana ma'a funi mia fai'a losa fai'na boe ma mia titi'ti nonosi ia losa titi'ti nonosi na'ka, tehu yang fai ia nene netudu soa neu basa atahori-atahori mamahere-Na. ²⁷Ama Lamatua hi na'a lolosa soa neu se, oi sira mimisu'i rahasia meu mare mana mandela masa'a sia nusa-nusa lai'nara taladan, oi Kristus sia hei rala, yaitu huhule o'oe mia mandela masa'a nema. ²⁸Hai mi'i lolosa mae Eni no a'ai boe ma nenori nefade soa neu atahori seka no basa mahine'na, fo hai hambu mendi se dadi reu monetena sia Kristus rala. ²⁹Boe ma, au boe'o susa sona, au utati endi sa'ka yang sama ona Koasa-Na yang tao ues manggate sia au rala.

Chapter 2

¹Au nau hei bubulu bera nggafa yang au utonda soa neu hei, no sira mana sia Laodikia, no soa neu basa atahori yang nda fe,e nanda natonggo no au sa. ²Au hihi'ngga adalah rala'na'ra hambu manggate no nene ne'e esa sia susue'a rala, fo sira ra'ena basa hata heto mana lao mia toto'u nono'e mahine mia sa'ka yang dadi neu ne'efuni mia Ama Lamatua, yaitu Kristus mesa'na. ³Sia Lamatua rala, nene ne'e funi basa hata heto, mia mahine nema. ⁴Au u'u lolosa dala ia'ka fo afi hambu atahori tipu laka'nggo nendi netofa neu'u yang hita rena na ona'a nda-nda mesan. ⁵Sebab, au ao sisingga nda no hei sa, tehu au o hei sia ao samana'a rala, no au umu ho'o ita hei tatao nono'i meulau,ma no hei nemehere manggate ma sia Kristus rala. Tungga mihere mo Lamatua Yesus Kristus. ⁶De, karna hei simbo mala Lamatua Yesus Kristus dadi neu Lamatua, ama mori mikindo sia-E rala. ⁷mi'oka no mifefela hei aoma sia-E rala, manggate hei nemeherema sama ona yang nene nefade basa soa neu hei, no sofe mo huhule o'o'e. ⁸Ati-ati fo afi hei esa boe'o te'e si nala hei no dedea dudui rou yang nendi de'u laka, yang lao mia tatao nono'i atahori ma'ahulu'ra no basa sira toto lalane ao samana raefafo na, no na nda lao mia sa'ka yang Kristus hihi ma nanaun. ⁹Fo sia Lamatua rala, sofe'no basa sa'ka yang lao mia meu mare'a rala nema, ana mori dadi neu hita ao sisin. ¹⁰Hei dadi mi'i sofe sia Lamatua rala, yang adalah malangga soa neu basa manaparenda no mana koasa. ¹¹Sia Lamatua rala, hei nene edi eo, yang nene tao mia atahori liman, tehu no edi eo yang nene tao lao mia Kristus, yaitu nene uta hendi ao sisi mana tao sala. ¹²Sia oe titi katelu'ra, hei nene ne'oi hendi mo Kristus, boe'ma nene fela bue-bue mo-E lao mia hei nemehere'ma sia Ama Lamatua koasa'na, yang fe Lamatua fela mia atahori mana mate'ra taladan. ¹³Mema'a mado'nema hei mate mia hei sala kilu mara no mia hei ao sisi'ma nda mana fe'e edi eo sa, Ama Lamatua tao fe hei mori bue-bue mo-E fo basa'na Ana fe ambon neu basa hita sala kilu'na. ¹⁴Ana na'a hahae'e susura huta no basa atoran-atoran mana desak yang dadi neu mana ba dala sia Ama Lamatua no hita taladana. Ana ha'i nala nendi ana nene mbaku mia hau nggange'a ata. ¹⁵Ana na'a o'olu hendi basa manaparenda no mana koasa, boe ma na'a dadadi'se reu netudu mamaet karna Ana menang mia hau nggange'a ata. Afi tungga atoran-atoran yang atahori tao. ¹⁶Hu na, Afi fe esa boe ana nggero furi hei rendi na'na' ni'ninu do fai malole agama, tao fula feu do fai nggarei. ¹⁷Basa ia'ra dadi'a salao tentang sa'ka mesan yang nema, te hu ao tetebe na adalah Kristus. ¹⁸Afi fe atahori ma'a'he nendi rala yang e'edik no ana be'ute langga soa neu malaikat-malaikat mana nggero furi hei. Sira adalah atahori-atahori yang hi nendi mata memete soa neu tatao nono'i ana, fo boe ma tao fe'se dudua a'afi nara koao karna dudua a'afi raefafo. ¹⁹Atahori ona'na ana nda to'u nahere sia langga sa. Langga adalah mana tongga basa ao'o, no basa ao'o nene ne'e esa nendi ua kakalu boe ma rui rebo, basa na'ra mori rendi momori mia Ama Lamatua nema. ²⁰Kalu hita lao to Kristus, hita mate soa neu basa dudua a'afi raefafo, sa'de hei fe'e dadi ona hei fe'e dadi mi raefafo'a enan, ta'alok soa neu atoran-atoran ona'a: ²¹"Afi nggama, afi dunggu neu ma'ma, afi dunggu'e"? ²²Atoran-atoran ia'ka nene mopo kalu hita tungga'e, karna atoran-atoran ia'ka nene tao nendi parenda no nenori nefade mia atahori raefafo. ²³Atoran-atoran ona ia, mema hita mete'na meulau, ana natudu ao'na tungga nggarei kasasi, na'ena rala meulau e'edik, boe ma ana siksa ao aru'na. Tehu, basa ia'ra nda hambu nile'sa, selaen hanya nendi ma'a he fe hita ao sisin.

Chapter 3

Momori feu sia Kristus rala. ¹Kalu hei nene nefefela sama mo Kristus, sangga sa'ka yang mana mia ata nema, mamana sabe'na Kristus sia, endo sia Ama Lamatua boboa onan. ²Dudu'a sa'ka yang mia ata nema, afi sa'ka yang mia raefafo nema. ³Sebab, hei nene mate basa ena, de hei momori'ma nene ne'e funi sama mo Kristus sia Ama Lamatua rala. ⁴Kalu Kristus yang adalah hei momori'ma, natudu ao-Na, hei boe nene netudu mia mandela masa'a rala sama-sama mo-E. ⁵Hu na, misa hendi tatao nono'in sa'ka mesan yang mana lao mia tatao nono'in hei raefafon, yaitu hohongge bubuni, nemumuti ne'mumu, hihi ma'nanau de'ulaka, boema mana koao, yang adalah be'ute langga soa neu fatu hau. ⁶Tataos ia'ka yang tao fe Ama Lamatua mulai namanasa. ⁷Watu na, hei boe'o tao watu hei fe'e mori sia rala. ⁸Tehu, fai'ia, honda hendi basa na'ra: ra'manahene'e, mana koao, nasa-nasa, ola-ola atahori naran boema o'ola dedea de'ulaka mia nudu bafa ma. ⁹Afi esa e'edik esa karna hei nene lao hela atahori mbara'ma no basa tatao nono'in na. ¹⁰Pake atahori feu, yang tunggu fai na nene ne'fefeu mia mahine no gambar mia mana ma'a dadi'a. ¹¹Sia tatao ia'ka rala, nda hambu atahori Yunani do atahori Skit, babu do atahori mana bebas'en, tehu Kristus adalah basa'se mana sia rala. Momori feu no odi a'a do torono. ¹²Dadi ona atahori-atahori nene dudu mia Ama Lamatua, yang meu mare boe ma sofe no susue, pake soa neunggo susue lalai meulau, rala mata fanggi, tao meulau boe ma, mu'u lulu'u nasa bori. ¹³Mu'u lulu'u nasam esa no esa, fo fe ambon neu atahori se mana tao salah. Sama ona Lamatua fe ambon neu nggo, de hei bo mesti esa fe ambon neu esa. ¹⁴Sia basa na'ra ata, pake aka susue ma lalai, dadi neu papa'a manggate. ¹⁵Hela fo mole dame mia Kristus ana to, u nonoe rala'ma, karna mema soa neu na hei nene no'e dadi mi ao' esa, de ama be'u te langga fo hule o'oe leo. ¹⁶'Helanu' fo Kristus dedea o'ola'na dai lena fo ana leo sia hei rala, no basa mahine yang nene nenori mia esa no esa, soda sosoda Mazmur, sosoda-sosoda koa kio, sosoda nggarei, basa'se sofe no huhule o'oe sia rala'ma rala soa ne Ama Lamatua. ¹⁷Sa'ka yang hei tao, tao basa'se sia Lamatua Yesus naran, boe ma hule o'oe soa neu Ama Lamatua, lao mia Lamatua Yesus nema. Momori feu sia ume lo hada rala. ¹⁸Sao-sao ina, ta'alok soa neu sao tou sama ona sia Lamatua rala. ¹⁹Sao-sao tou, sue lai neu sao ina'ma no afi tao de'ulaka soa neu se. ²⁰Umbu ana, ta'alok neu ama ina sia basa sa'ka mesan karna tatao nono'i ona na, ana tao fe Lamatua nama ho'o. ²¹Papa-papa, afi tao fe ana mara' ramanasa fo ara afi tao rala mana tik. ²²Babu-babu, ta'alok neu manaparenda nggo sia rae fafo ia, sia basa sa'ka mesan. Tatao' na'ka nda watu ara rita nggo fo soa neu nemeho'o sira, te'hu no rala meulau karna namatau soa neu Lamatua. ²³Sa'ka mesan yang hei tao, tao no rala teme, sama ona Lamatua fo nda soa neu raefafo. ²⁴Sebab hei tao mae lao mia Lamatua nema hei simbo hata heto yang dadi neu hei nggadi'ma. Lamatua Kristus yang hei so'u o'o fene fai ia. ²⁵Sebab, atahori yang mana tao sala ana simbo balasan mia sala kilu sa'ka mesan yang ana tao, esa boe'o nda hela'esa.

Chapter 4

¹Ama-ina, tao meulau soa neu babu-babu ma'ra sia ndo tetu'a karna hei bubulu bahwa hei boe mi'ena manaparenda hei sia Nusa Tetun do Inggu temen. Tatao Nono'i yang nene tao.²Manggate' Hule o'oe, no ama minea fo hule o'oe mikindo. ³Hule o'oe soa neu hai fo Ama Lamatua buka lelesu soa neu susura meumarena fo hita tao fai ne'efuni Lamatua Kristus, yang karna na au nene maso bui. ⁴Hule o'oe fo au hambu u'ulolosa no meulau soa neu sa'ka yang harus au ola-ola.⁵Tao meulau soa neu basa atahori fea, fo tao na dadi neu uanale meulau'. ⁶Hela'nu basa dedea o'ola'ma sofe no susue'ma lalai, nene tao masi, fo hei bubulu sa'ka yang harus hei tao soa neu basa atahori. Fufuli hehelu mia Paulus no Atatahori-Atahori mana no e.⁷Tikhikus nema dui benggaga basa duduit tentang au. Eni adalah au torono susue nemehere nggesa, mana dui benggano ana tao tungga susura meumare'a isin, Ana torono mamana karja esa sia Lamatua rala. ⁸Au denu'e nisi nggo na'ena dala esa supaya hei bubulu keadaan hai fo supaya ana hambu manggate rala'na. ⁹Ana neti no Onesimus, hita torono susue nemeheren yang setia, no esa lao mia hei nema. Ara ra'a lolosa soa neu nggo basa sa'ka mesan yang mana dadi sia ia.¹⁰Au torono bui'nggesa, Aristarkhus, ana fulu helu soa neunggo, boe ma soa neu Markus, ana dadin Bernabas, yang karna eni, hei hambu dala; simbo mala e kalu ana nema se'u hei. ¹¹Boema fufuli hehelu mia Lamatua Yesus, yang ara ro'e rae Yustus. Sia basa hei au torono-torono sepelayanan nggara taladan soa neu Ama Lamatua Kerajaan-Na, Aka sira ia'ra yang lao mia atahori mana edi eo, no sira yang dadi reu mana tao manggate au.¹²Epafras, hei torono nemeherem, Yesus Kristus aten, boe ana fulu helu soa neu nggo. Ana hule o'oe nakando'a karna hei fo hei hambu mimbiri matetu no na'ena nemehere yang batu, sia Ama Lamatua koasa-Na rala. ¹³Au hambu u'u lolosa fufuli hehelu sa'ka de ana hambu sususa sosona soa neu hei boema soa neu basa'se mana sia Laodikia, no Hierapolis. ¹⁴Lukas, dokter susue, no Demas, ara fulu helu soa neu nggo.¹⁵Mi'ilolosa au fufuli hehelu'ngga soa neu basa torono-torono nemehere nggara, mana sia Laodikia, no soa neu Nimfa no basa rao inggu mana sia ume nara. ¹⁶Boema susura ia, ama baca soa neu'se, baca soa neu rao inggu mana sia Laodikia boe. ¹⁷Mi'ilolosa soa neu Arkhipus, "Mete leo fo hei tao hendi ues pelayanan yang au simbo mia Lamatua nema."¹⁸Au, Paulus, sura fufuli hehelu ia'ka endi au lima'ngga. Misineda au fufutu pa'pa,a'ngga. Ama Lamatua bebe'i bara'ain lao no basas hei.

1 Thessalonians

Chapter 1Lo' Hara no Sususelalai' mia Paulus

¹laok mia Paulus, Silwanus, no Timotius fenu atahori mamahere' sia Tesalonika, mana sia Ama Lamatua Ise no Lamatua Yesus Kristus limana rala. susuelalai 'a no soda mole' neti hei.²hai selalu mo'e makasih neu Lamatua 'a soa neti basa hei, no hai selalu huleoo'e fe basa hei, ³selalu misineda hei ueosa mara nemehere', usaha susuelalai'a, no mbusatiti mara soa neu hoo huleoo'e mara sia hita Lamatua rala, Yesus Kristus, boema sia Ama Lamatua mata na.⁴torano' nggeru yang Lamatua suelai, hei bubulu' bahwa Ana here nala hei ena ⁵soa neu, Lamatua Harali na* hai nda ima sia hoo mendi aka'a duduata sa, te hu boe no Kuasa, sai Roh Kudus* a rala, boema sofe no'a nemehere'; ona' yang hei bubulu' hai atahori ona' sake' sia hei'e taladamara rala, demi hei tatamara.⁶hei telah dadi atahori nemehenat soa neu hai no Lamatua karna hei simbo mala harali Na sia sususasosnan Na rala no nemeho'ot laok mia Roh Kudus, ⁷fo hei dadi nemehenat soa' neu basa atahori mamahere'a yang mana sia Makedonia no Akhaya.⁸te lao' mia hoo de Lamatua 'a harali na ara' rena'e nda aka'a sia Makedonia no Akhaya sa, te sia basa mamanan boe, hoo nemeherema basa atahori renaena' de hai nda perlu dui sasa'sa boe.⁹te basa sira dui aonara saol'a hai, ona' bek'e hoo ola'a hai, no ta'obe hoo bali' lao' mia sosonggo-tatangguta nema* fo ne'elolosa' Lamatua 'a harali Na yang manamori no batu', ¹⁰boema untuk nahani Lamatua'a Ana'na neneman na lao' mia Surga nema, yang Ana na'ahohori' bali'e mia atahori mamates, nana' Yesus, yang soinala hita'e mia murka mana sia fai muri'a nema.

Chapter 2 Paulus nendi Lamatua 'a haralina fenu jemaat manasia Tesalonika

¹torano' nggeru 'e hei bubulu' bahwa hai i'ima mara se'u hei'e nda rou'u sa. ²mae hai susasona ma'ahuluna, ona'a hei bubulumara, ara' tutuhemba no ne'emumuti hai mia Filipi, hai mimbirani sia Lamatua'a rala untuk mi'ilolosa Lamatua harali na* Lamatua soa neu hoo sia musu'ra taladana. ³te hai fe nesenedata' nda lao' mia nitua nemasa, nda meusa hokona tipulaka' ⁴te ta'obe Lamatua nemehere hai to'u harali Na, ona' na yang hai ola-ola', te nda fenu atahori nemeho'osa, te hu soa neu Lamatua 'a nemeho'o Na yang mana soba hai ralamara. ⁵hai nda fe'e perna kokoe mita sa, ona' yang hei bubuluma, hoko'na fo hai hambu hataeto raefafo'a-- Lamatua nahine hai tataomara. ⁶hai boe nda sangga nara kokoa mia atahori'e, mae lao' mia hoo boema lao' mia atahori laen, mae hai Lamatua Kristus Rasul Nara'o, te hai bisa mo'e sia'e lao' mia hoo'e nema. ⁷sebalik na, hai tao malolole sia hei taladamara, ona'a mamaesa o'oifa ananara aona. ⁸dadi, sia susuelalai'a monae' rala soa neu hoo'e, hai Mae fe neti hoo nda aka'a Lamatu' haralina sa * te no'a hai masodamara boe karna hoo hai ana susuelalaima. ⁹te hoo musuneda, torano' nggeru, hai ueosamara no mbusatitimara, ta'obe hai wue mia rerelo tetemba' fo nda dadi berat neti hoo waktu hai fe'e mi'ilolosa' Lamatua haralina* neti hei 'e. ¹⁰heira' nemehenat' no Lamatua boe mana meumare', tetebebe, no sia hei'e atahori memehere'a taladana. ¹¹ona' hei bubulu', hai fe nesenedat, fe nemeho'ote neu hei, denu basa hei, ona'a ama'esa fenu ananara aona, ¹²fo hei masodamara ona' Ama Lamatua hihinanauna, yang Ana no'e hoo ume mane'a rala neu no kemuliaan na aona. ¹³hai boe soa' mo,e susuelalai mia Lamatua fenu hal ia', bahwa faina hei simbo mala Lamatua'a haralina, yang hei rena lao' mia hai'e, hei simbomala nda ona' dudui laok mia atahori'e sa, te hu ona' yang batulna nema, yaitu Lamatua 'a haralina yang ara ue sia hei atahori nemehere mara taladana. ¹⁴torano' nggeru, hei dadi ena neu atahori manafe netudus neu yang mana nggarei kasasi sia Lamatua Yesus Kristus rala yang sia Yudea, karna hei boeo' hambu sususasona' yang sama, lao' mia atahori'ra yang lao' mia bali' hei aomara, ona'a yang sira alami lao' mia atahori Yahudi'ra ¹⁵yang ara halambau Lamatua Yesus no Nabi nara,* boema ara use hendi hai. ara nda fe nemeho'ot soa neu Ama Lamatua sa no ara musu' basa atahori ra. ¹⁶hara rataba lara hai fo nda bisa ola-ola' mo atahori nda Yudea ra'sa fo ara hambu masodak' sa. ta'ona rakando fo ara ra'asofe sira dosa nara, te hu murka Lamatua onda neu basase' ena. Hihinanauna Paulus fo Bali' Neu se'u Mana Nggarei Kasi'ra sia Tesalonika ¹⁷torano' nggeru, hai nda bisa mitonggo' mo heisa si'a faiesa rua' -- te aka'a mata no mata -- nda no Roh -- hai du'a-du'a 'a hei no mae'a dofo mindamo hei. ¹⁸te hai mae ima se'u hei, lelenana au, Paulus, lao hiraena, te hu nitua nataba nala hai. ¹⁹te seka yang dadi nemehenat, nemeho'ot, sololangga' bebenggat soa neu hai'e sia Lamatua Yesus mata na waktu Ana nenemana? nda hei sa fo sekara fai? ²⁰hei iara kemuliaan no nemeho'ot soa neu hai.

Chapter 3Dudui Malole' Lao' mia Timotius Soa Neu Atahori Nggarei ra sia Tesalonika

¹karna na, waktu hai nda sudi tahan malasa, hai mietu' fo leo mesa'me sia Atena, ²no hai denu Timotius, Hai torano' ma no Lamatua a'te dedenuna, boema hai torano' ueosa'esa sia Lamatua Kristus haralina rala, fe hoo mahere' no fe nesenedat soa neu hoo nemeherema, ³fo nda hambu atahori esa boe ana na'anggonga' no sususasosna iara'. te hei bubulu aomara bahwa hita tasenggi' laomia bali' neu hita'e. ⁴boema, waktu hai fe'e mo hoo, hai mifade nekendo hoo bawah hita akan hambu sususasosona', de ana dadiena ona' yang hoo bubuluma. ⁵de hu na, au nda sudi tahan alaesa na, de au denu reti fo bubulu hoo nemeherema. Au umutau, soa neu manadudunggu mbabaura fo hai bebengge-mamanggu mara persuma⁶te iama, Timotius bali' ena lao' mia hoo mamana ma, de ana nendi dudui meulau soa neu hoo nemeherema no hoo susuelalaima neu haie, bahwa hoo mbeda malolole hita kenangan nara boema mae'a dobe fo munda mo hai, ona' hai boe mae'a dobe fo minda mo hoo. ⁷hu na, torano' nggeru, sia sususasosona'a rala hai mimiho'o neu nggo soa neu hoo nemeherema⁸iana, hai masodama kalu hei mimbiri' mihere' sia Lamatua a ralana. ⁹te sa'ka yang bisa hai fe neu Lamatua susuelalaina soa neti hei, fe nggati neu basa nemeho'ot yang hai hambu sia Lamtua matana soa neti hei? ¹⁰rerele no tetemba'o hai huleo'e tebe-tebe neu Lamatua fo hai bisa minda bali' mo hei, fo mi'idada' sa yang kurang soa neu hoo nemehere ma. ¹¹iana, fe Ama Lamatua no Lamatua Yesus Kristus aona yang nanea no hai meti se'u heie. ¹²kira na Lamatua fe hoo tamba-tamba mori sia Lamatua susuelalai na soa neu hei esa mo esa, no basa atahori, ona'a hai tao neti hooe. ¹³kira na Ana menegukan hoo ralama fo nda foa'asa neu meumarema sia Lamatua mata na no Ama Lamatua nenemana sia Lamatua Yesus Kristus, no basa atahori Kudus Na.

Chapter 4Masoda yang Nemeho'ote soa Neu Ama Lamatua

¹netete'ena, torano' nggeru, hai mo'e no fe nesenedat neti hei sia Lamatua Yesus rala fo ona'a hei simbo mala mia hai ta'obe hei masodamara fe nemeho'ot soa neu Lamatua, tao lana' lao' mia nanema. ²te hoo bubulu' parenda-parenda sak' yang hai mifade neti hoo lao' mia Kuasa Lamatua Yesus. ³hu na, iara Lamatua hihinanauna: pengudusan hoo*, te hoo musti mu'udodo hendi aoma lao' mia percabulan; ⁴te hei boe bubulu' tataomalole' soa neu hei aomara aona sia kekudusan no kehormatan, ⁵nda ona' gaira yang sofe no'a nesute ona' atahori nda mana nahine Lamatua, ⁶fo afi atahori esa boe dadi neu musu boema tipulaka soa neu torano' nara. hu na, Lamatua ana balas soa neu iara, ona'a hai mi'idudui hei mia mahahuluna no hai tebe-tebese fe nesenedat neti heie. ⁷Lamatua no'e hita nda fe neu ketidakkudusan, te hu fe neu kekudusan, ⁸na de, seka yang nda nau nenorinefade iasana, ana nda tolak atahori raefafo sa te hu ana tolak Lamatua, yang manafe Roh Kudus-Na* fe neu hoo. ⁹te, soa neu susuelalai torano' , hei nda mi'ena atahori sura' fenu hei karna Lamatua nanori hei aomara fo esa suelai esa. ¹⁰boema, hei boeo tao mi'ihulu' ena susuelalaia soa neu basa torano'ra mana sia Makedonia. te hu torano' nggeru, hai mo'e neu heie toarano'nggeru kalo bisa na hei tao lena' mia nanema, ¹¹boema amausaha fo masoda mara malole', tao hei uesamara aoma, no ama ue mendi' hei limamara aon, ona'a yang hai denu neti heie, ¹²fo hei hambu momori masoda yang pantas sia atahori dea'ra matanara boema no nda kurang sasasa boe.Lamatua Neneman ¹³torano' nggeru, hai nda nau hei nda bubulu' sasasa boe soa neu atahori mana matera ena fo hei nda miena sususa'sa no lumata ona'a atahori yang nda na'ena nemehere soa neu Lamatua sa. ¹⁴hu na, kalo hita tamahere bahwa Lamatua Yesus mate ena beoma Ana mori bali'na, hita boe tamahere bahwa Ama Lamatua ana akan kumbu basa sira yang mana mate sia Lamatua Yesus rala Ana no' basa sira. ¹⁵hai mifade iara neti heie no'a Lamatua haralina, bahwa hita yang fe'e mana mori'a yang fe'e sia losa Lamatua nenemana, nda akan ra'ahulu sira yang mana mate' ma'ahulura sa. ¹⁶Lamatua aona akan onda lao' mia surga nema no'a nahara, harana lao' mia penghulu malaikat, boema no hara terompet Ama Lamatua, de basa atahori mana mate sia Lamatua Kristus rala'ra fela' bali' ra'ahulu. ¹⁷de fo, hita yang fe'e mana mori'ra, yang fe'e sia raefafo'a, ana so'u basa hita sama-sama to sira' sia lele'a ata fo tatonggo, to Lamatua sia lalai ata. boema ta'ona fo hita sama-sama to'a Lamatua nekendo. ¹⁸hu na, hei esa nadadale esa mendi' dedeao'ola'ra iara.

Chapter 5Ama siap leon Untuk Lamatua Nenemana

¹skarang, torano'nggeru, soal faina neman, nda perlu sura' neti fenu hoo sa. ²te, hoo bubulu' batu faihira' Lamatua nenemana ona' atahori na'o sia tetemba' rala. ³faina atahori rae "damai boema aman" te hu ara nggenger te sususa' no lumata'a nema neuse ena, ona' ina'a hedina yang nae bonggia, ara' nda akan lolos mia hal nakasa. ⁴te hu, torano'nggeru, hei masodamara nda si'a ma'ahatu'a ralasa losa faina nema ona' atahori nema neu hooe ona na'oe. ⁵basa hei'iara ana-ana manggarelo' boema ana-ana rerelo. hita'iara nda lao' mia tetemba' no ma'ahatu'a nemasa. ⁶hu na, afi' hita sunggu' ona' atahori laen, te hu ima fo ata bajaga beoma waspada. ⁷atahori yang sunggu, sunggu sia fai tetemba boema atahori mana mafu'a boe mafu sia fai tetemba. ⁸hu na, karna hita'iara ana-ana rerelo' ima hita fo ata bubulu', ata pake badu mana lapis nemehere' boema susue', beoma no huhuleoo'e soa neu mansoda'a. ⁹Ama Lamatua nda tao hita nisi' Lamatua'a nasa'na, te hu fe hambu momori masoda sia Lamatua Yesus Kristus rala, ¹⁰yang Ana mate ena soa neu basa hita, fo hita bulu' atau sunggu'o, bisa leo Mo'e. ¹¹hu na, fe mahere' esa no esa boema esa na'a fefela esa, ona' yang hei tataomara iara'. Nesenedat nete'eNesenedat Nete'en Boema Soda Mole¹²torano'nggeru hai mo'e neti hei fo ama fe hadat dala neu atahori mana tebe-tebe tao ues sia hei taladamara, yang ana parenda hei sia Lamatua limanna rala boema ana fe nesenedat neti hei. ¹³fe hadat dala neu se tebe-tebe sia Lamatua susuelalai Na rala karna sira ues'nara. ama masoda Mara boema ama leolao na esa suelai esa. ¹⁴hai fe mahere' neti hei, torano'nggeru, fe nesenedat neu atahori mana mbera'barera, fe mahere' neu sira yang rala'nara ra'ana, bantu yang mana masaloe'ra boema ralama ma'asufu mo basa atahori. ¹⁵memete malolole fo afi atahori esa balas jahat no jahat, te hu usaha fo ama tao malolole' esa no esa sia hei taladamara boema neu basa atahori. ¹⁶ama mimiho'o mikindo'a! ¹⁷huleo'e mikindo! ¹⁸mo'e makasih soa neu basa sa'ka mesan'e. te na yang Lamatua hihinanau Na soa neu hoo sia Kristus Yesus rala. ¹⁹afi' nemate' Roh* ²⁰afi' anggap reme nubuat-nubuat* ²¹te hu, soba' basa na'ra! to'u mala sa'ka yang malole'! ²²mi'idodo lao' mia tatao nono'i nda malole'sa! ²³semoga, no Ama Lamatua susuelalaina fe basa hei meumare'. kirana Lamatua ne'eboi hei Roh, ma aosmana'mara, fo nda hambu foa'sa losa Lamatua nenemaNa. ²⁴Ana yang no'e hei adalah setia, Ana pasti tao Eni tataona²⁵torano'nggeru ama huleo'e boe fe hai! ²⁶lo' hai harali'ma fenu basa torano' no suelai' mia hai nema. ²⁷Au hule neu hoo tebe-tebe mendi' no Lamatua narana, fo hoo baca fe susura ia fenu basa torano' nggara sia na. ²⁸ua'nale lao' mia hita Lamatua Kristus Yesus, soa neu hoo.

2 Thessalonians

Chapter 1

Londa hara soa neu ate ana mana tungga Lamatua sia Kambo Tesalonika ¹Londa hara mia Paulus, Silwanus, no Timotius, soa neu ate ana mana tungga Lamatua sia Tesalonika mana sia hita Ama Lamatua na rala, no Lamatua Yesus Kristus. ²Bebei bara'ai no maua'manale lao mia Ama Lamatua no Lamatua Yesus Kristus soa neu nggo. ³Hai aka hule oo'e soa neu Ama Lamatua, fo soa neu hei, torono'nggeru karna mema harus ona na. Sebab, nemehere'ma'ana mori no sasi lena no susue yang basa hei mo torono mara mi'ena ana boe na'a moko. ⁴Hu na, hai mesanggi yang ola-ola no hai bangga soa neu hei sia Ama Lamatua ate-ate anana'ra mata na, karna hei nemehere mara sia nembau netati'a talada'na fo yang hei alami susa sona. Fo soa neu huku doki mia Ama Lamatua ⁵Ia adalah bukti huku doki yang ndo tetu mia Ama Lamatua nema, fo hei nene anggap layak hambu Nusa tetun mo Ama Lamatua karena hei bo susa sona. ⁶Boe ma, ndo tetu soa neu Ama Lamatua untuk balas nendi tutuni ndendeni soa neu sira mana tao sususa sosona. ⁷Tehu Ana fe bebei bara'ai soa neu mana hambu sususa, boe ma soa neu hai, fo Lamatua Yesus nene natudu mia nusa tetun nema no Malaikat-Na. ⁸Sia ai mana mbila rala, untuk tao pembalasan soa neu se yang nda mana nahine Ama Lamatua, boe ma ana nda tao tungga hita Lamatua Yesus harali'na. ⁹Sira akan hambu huku doki losa dona neu, ne'e dodo mia mana koasa Lamatua ifa roma'na. ¹⁰Ketika Ana nema untuk nene koa kio sia basa atahori-atahori nemehere ra taladanara --sebab sa'ka yang atahori dui benga soa neu hei, na nene nemehere. ¹¹Hu na, hai hule oo'e soa neu nggo, fo hita Ama Lamatua'na Ana anggap hei nene pake sia basa hei momo'e ma no ana sofe no hihi ma nanau na untuk tao meulau sia basa hei tatao nono'i nemehere ma sia Lamatua Koasa-Na, ¹²fo hita Lamatua na Yesus narana nene koa kio sia hei rala, no hei sia Lamatua rala, sesuai no bebei bara'ai mia hita Ama Lamatua'na no Lamatua Yesus Kristus.

Chapter 2

Atahori raefafo de'ulaka neneman ¹Hita Lamatua na Yesus Kristus neneman fai ia, fo losa fai'na hita nene ne'e esa to Lamatua, hai mo,e soa neu torono'nggeru, ²fo hei dudu,a aa'fi'ma afi halai masaloe do banggana,u saat hei rena mae Lamatua nema'ena, fo mia Dula dale, do fuli hara, do pake susura yang ara pake oi na lao mia hai nema.³Afi fe esa boe nema nendi eni pepeko leleko na fo fe hei misi de'ulaka'a rala, fai'ia nda akan nema sa kalu mana nela hela Lamatua nda fe'e nema sa, no atahori raefafo mana de'ulaka nene netudu sa fo na adalah ana mana nendi mamate momopos, ⁴fo mana malawan no mana koao soa neu basa yang nanara aona oi eni ama lamatua do mana nene sembah atahori, fo ana ha'i nala mamana e'endo sia Ama Lamatua ume'na no natudu ao na dadi neu Ama Lamatua.⁵Hei nda misineda waktu au fe'e leo o hei, au ufade basa ia'ra neu basanggi? ⁶Fai ia, hei bubulu sa'ka yang tahan'e fo ana losa fai na deu fo ana nene netudu. ⁷Fo sa'ka yang dadi neu tatao nono'i durhaka ana deu fo fe'e nene tao. tehu eni yang fai ia nene tahan tetap nene tahan losa ana nene use hendi.⁸Boe ma, atahori raefafo mana de'ulaka na'ka akan nene netudu. Te hu Lamatua akan hala hendi nendi ha'haen-Na no ana namopo hendi'e nendi neneman-Na. ⁹Atahori raefafo mana de'ulaka'a nenema'na ona nitu'a tatao nono'ina boe, ana lao no basa eni koasa na, tatanda nemetaus, no mujizat-mujizat e'edik; ¹⁰basa pepeko leleko de'u laka nara akan mana mopo losa dona neu karna sira use hendi susue ma lalai yang mana fe momori meulau.¹¹Boe ma Ama Lamatua ana na'onda fe sususa mana'e soa neu se, fo basase ramahere neu aka pepeko leleko'a, ¹²fo basase nda mana mama here neu meu mare'a te hu ara hi'a tao de'ulaka, nene hambu hukudoki. Hei nene dudu untuk hambu masoi masoda.¹³Torono Lamatua sue nggeru, hai mo'e maua'manale mia Ama Lamatua soa neu hei. Te metema Ama Lamatua Ana tengga here nala hei eni mia sososana lao' mia Dula dale no nemehere sia meu mare'a rala fo hei hambu masoi masoda. ¹⁴Soa neu na boe ma Ama Lamatua no'e hei tungga Susura Meumare* yang hai mi'ilolosa fo hei hambu hita Lamatua Yesus Kristus mandela masa'a na. ¹⁵De Torononggeru, fela mimbiri no ama to'u mihere nenori nefade-nenori nefade yang hai minori soa'neu hei, fo lao'mia dedea o'ola do mia hai susura ma'ra.¹⁶Fai ia, semoga hita Lamatua na Yesus Kristus mesa'na no hita Ama Lamatua na, yang mana sue lai hita no ana fe hita manggate rala losa dona neu no huhule o'o,en meulau' mia bebebi bara'ai nema, ¹⁷fe rala manggate neu basa hita tatao' nono'in no basa hita dedea o'ola meulaun.

Chapter 3

Huhule o'oe mia Paulus ¹Basa boe ma, toronggeru, hule o'oe soa neu hai, fo Lamatua Susura Meumare'na nene dui bengga lai-lai no basa mandela masa'a, sama ona mana hambu dadi sia hei talada mara. ²Fo hai nene mbo'i hendi mia atahori-atahori de'ulaka, karna nda basa atahori ra'ena nemehere sa. ³Tehu Lamatua manasue. Ana fe bebe'i bara' ai no Ana nasala'e nala basa hei mia de'ulaka nema. ⁴Hai mi'ena nemehere mia Lamatua mengenai hei, fo oi hei fe'e tao no hei tao mikindo sa'ka yang hai perenda. ⁵Hai hule o'oe fo Lamatua dudu fe hei ralama soa neu, Ama Lamatua susue'na, no rala manggate mia Lamatua Kristus nema. Hei harus tao ue osa'a. ⁶Toronggeru, fai ia hai parenda soa neu hei, sia hita Lamatua'na Yesus Kristus rala, fo hei mi'i dodo hendi hei ao'mara mia torono-torono mana mori masaloe banggana'u no ana tao nda pas no sa'ka yang hai minori soa'neu hei'sa. ⁷Hei bubulu ao'mara, sa'ka yang harus hei tao tungga hai, karna hai nda pernah hambu mana masaloe banggana'u selama hai mo hei'sa. ⁸Hai bo, nda mia minu nanat mia atahori laen'sa, fo hai nda bae'sa. Te'hu, hai tao ta'o be sia hatu rerelon, fo hei nda dadi'mi mana lemba ruku sia hei esa no esa talada'mara. ⁹Fo bukan hai nda mi'ena hak sia na'sa, te'hu soa'neu hai fe hai ao'aru'ma dadi neu mana matudu dala soa neu hei mana tungga'ra. ¹⁰watu hai fe'e leo mo hei, hai fe hela parenda ia ka;"Hambu seka nda nau tao ues na afi fene na". ¹¹Te metema hai rena hambu hei esa momori'ma masaloe banggana'u, nda nau tao ues, te'hu ana batasibu no, ue osa raefafo nda nene pake'sa. ¹²Atahori ona na'ka hai parenda se, no hai fe neseneda sia Lamatua Yesus Kristus nara-Na, fo suba-suba tao ue o'osa, boe ma mua kokis ma mesanggo. ¹³Boe'ma hei, torononggeru, afi masaloe tao meulau. ¹⁴Fo hambu atahori nda tao tungga sa'ka yang hai dui bengga hela sia susura ia rala, dudu mema atahori'na no afi mu'u'mina mo' e, fo ana mae. ¹⁵Te'hu afi tao'e dadi neu musu, ai'e fo tao'e dadi neu hita odi a'a' na. Dedea-dudui babasan. ¹⁶Ma'ua Manale mia Lamatua nema fo Ana fe dadame soa neu fai'a no basa hihi'ma nanauna. Lamatua Ana lopolinu basa hei. ¹⁷Au, Paulus, sura hara'li ia'ka, no au limangga mesa'na, dadi neu tatanda oi ia au susurangga. Ona na au sura. ¹⁸Bebei bara'ai mia hita Lamatua'na Yesus Kristus, ana lopolinu basa hita.

1 Timothy

Chapter 1 Salam neu Timotius

¹Lao mia Paulus, yang mana dadi rasul Yesus Kristus karna parenda Lamatua,mana to'u momori hita no Yesus Kristus nemehehena hita. ²Neu Timotius, ana bonggi sia nemehere rala. boe ma basa susue lalai mia Ama Lamatua no Yesus Kristus. Neseneda neue nda tungga nenori sesat. ³Hela ona be na au o'e neu nggo fo au lao isi' Makedonia, lao nehere sia Efesus fo au hambu neseneda mia atahori fo ara afi hambu nenori-nenori mia atahori laen, ⁴ana na'abue sira dudu'a na neu duduit no tutuda nonosi nda bisa basasa. boe ma ana bisa hambu ne reresi, boe ma nda hambu na lalao Lamatua hihi nanauna sa. ⁵Sia parenda na ka susue lalai'a batu-batu mia rala nema meulau, rala yang meulau, boema nemehere yang tulus. ⁶Atahori ruma mbeda'a pikiran ia ka no ara sala sia ola-ola yang nda meulau sa. ⁷Ara rae dadi ahli Hukum Taurat, te hu ara nda rala sa yang ara ola' sa no hal-hal yang ara nemehere. ⁸Tehu, hita bubulu Hukum Taurat na meulau jika hita atahori tao neu papake malole ⁹Nendi no kesadaran bahwa Hukum Taurat nda soa neu aka atahori meulau sa, tapi soa neu mana langgar hukum no mana melawan, atahori mana tao sala no atahori mana tao sala kilu, atahori nda mana suci no raefafo, atahori yang mana tao na mate papa na no mama na aona. ¹⁰Atahori mana tatao nono'i nda malole sa,ana hohongge bubuni, mana nama na'o atahori,mana tipulaka, sa'kasi e'edik boema, seka boe yang nda nenori nefade meulau , ¹¹hunana nenori harali malole yang mulia lao mia Lamatua mana sofe berkat, yang mana nemehere soa neu au.No'e makasi neu Paulus sia Lamatua uanale meulau. ¹²Au o'e makasih soa neu Eni mana fe au mahere, naka Yesus Kristus ,Lamatua hita,karna Eni anggap au nemehere no na'a tetende au sia ues iaka. ¹³Tehu ma'ahulu na au atahori mana ole rarai,popoko hehembra, no atahori yang mana mamasana, de au simbo no susue lalai karna ma'ahulu na au tatao ngga nda na'ena dudu'a afi sa no sia nemetaus. ¹⁴Lamatua fe au susue lalai yang sosofe, ra'abubue no nemehere no susue sia Yesus Kristus. ¹⁵Dedea o'ola ia hambu nemehere no bisa simbo sosofe neu Yesus Kristus nema sia raefafo fo mana soi tefa atahori-atahori mana tao sala;sia atahori , au ia mana tao sala'. ¹⁶Te nereresi iaka, au hambu susue lalai,de sia au rala ngga ,atahori yang mana tao sala' iaka,Yesus Kristus natudu rala ma'asufu Na yang sofe' fo netudu neu atahori yang mana nemehere neuE fo ana hambu momori yang losa lolosa na. ¹⁷Lao mia mane'a soa neu basa masa, mana losa lolosa na,no nda mana mete nita sa,Lamatua ise,hatat no mandela masa'a losa lolosa na. Amin. ¹⁸Parenda ia au fe neti nggo, Timotius, anangga, sama ona'a nubuatan yang perna au fe tentang hoo, boema no nubuatan na'ka ue tebe-tebe sia ue osa malole rala, ¹⁹no to'u tahere neu

nemehere no rala temeao. Atahori ruma tolak tataos iaka de ara ra'atunu sia sira ramahere na. ²⁰Ona'a Himeneus no Aleksander yang au fe se reu nitu fo ara ranori fo afi sudi rarai oole.

Chapter 2Huleo'e Fe Neu Basa Atahori

¹Ma'ahulu na, au fe neseneda neu nggo fo ne'e lolosa huhuleo'oen, boema to'e makasih soa neu basa atahori, ²Neu manek-manek no basa atahori mana endo sia mana parenda fo hita hambu dala masoi masoda' yang ma'asufu no sodamolek sia meumare no hadat. ³Hal iaka malole no fe nemeho'ot neu Ama Lamatua mana soi tefa hita, ⁴yang hihi nanau neu basa atahori hambu momori masoda'a no losa neu nahine meumare⁵Tehu, aka' Ama Lamatua esa boema lao mia Lamatua fo ana natalada sia Ama Lamatua no atahori raefafo talada nara yaitu Yesus Kristus dadi neu atahori, ⁶yang ana fe aona fo ana soi tefa soa neu basa atahori. sakasi iaya ara dui pas faina. ⁷Hunana, ara fe au to'u Lamatua harali na no a'te dedenu na--au ola ndos, au nda e'edik sa-- boema au dadi neu meser sia nemehere rala no tetundos soa neu nusak-nusak laen.Cara tou mane no ina a'ana sia kasasi rauinggu⁸Hunana, au hihi ngga tou mane ra sia basa mamana' ra tetap huleoe' boema so'u lima nara ata ru yang tetundos nda nemenasa no rareresi. ⁹Hunana, au hihingga ina a'ana ra papake bualo'as meulau, sofe' no meulau boema linuafi nala aona. Bualo'a mahado bukan langga fulu yang mana elefu'u , lilo mbilas, no bualo'as feli nanae, ¹⁰Tehu ho tatao nono'i meulau fo na'a tetende ina a'ana yang nae'na meumare.¹¹Ina a'ana esa ana harus nenori sia rala ma'asufu no sia rala meulau. ¹²tehunana, au nda nau ina a'ana nenori do parenda tou mane ra. tapi ina a'ana ra sia rala ma'asufu¹³Karna Adam na'a dadadi ma'ahulu boema Hawa na'abuik, ¹⁴boema ara nda e'edik Adam'sa te hu ina' ara e'edik de ara tuda sala'. ¹⁵te hu, ina'ra akan fe se momori sia bonggi anana boema sira tarus mori sia nemehere, susue lai, no tetundos boema linuafi aona.

Chapter 3 Mana mete se'u rauinggu

¹dedea o'ola iaka nda , "hunana atahori esa ana tunggu parenda mana mete se'u rauinggu, ana nau ue osa yang meulau." ²Hunana, mana mete se'u rauinggu harus atahori yang nda mana sala singgo, sao tou ma sao ina, meulau, linuafi aona, mana nemehere, mana hi bantu atahori, no mana nenori malole, ³nda mana ninu sa, atahori nda mana tao sala' te hu mana susue lalai, nda mana mareresi, atahori nda mana mata doi. ⁴Ana harus urus nala umelo na aona no meulau boema ana jaga nala ana nara susue lai no meulau. ⁵Te hu ana nda linuafi nala umelo na aona sa, ta'obe fo ana linuafi nala Ama Lamatua ise'a rauinggu Na? ⁶Afi ana atahori mana lao hela tatao nono'i nda meulau sa fo ana afi dadi nu atahori mana koao' boema ana tuda nisi huku doki' nitu rala. ⁷Tamba na fai, ana atahori yang mana nendi dedeo meulau sia antara atahori-atahori dea boema ana afi tuda sala' no nitu kuasai nala e. Syarat-syarat mana mete se'u Rauinggu ⁸Boema diaken, Atahori iaka harus hita nemehere, nda mana tipu dae sa, nda mana kecanduan ninu anggur, no nda mana sangga hahambu sa boema nda mana tipu laka sa. ⁹Ara harus linuafi rala nemehere iaka no rala anan meu. ¹⁰Boema ara harus uji ra'ahulu se no ara nda terbukti mana sala singgo, ara bisa layani sia nggarei rala. ¹¹Boema diaken sao na'ra, ara atahori yang nemehere, nda mana dudui leli' sa, tapi ana mana linuafi nala aona no ara bisa ramahere sia basa hal. ¹²Diaken harus sao na lao mia ina' esa, ana bisa ator nala ana nara boema umelo na no meulau. ¹³Te hu ara yang mana layani sebagai diaken no meulau boema ara hambu nemehere neu bali' ao nara no keyakinan yang monae akan nemehere na sia Yesus Kristus. Ne'efuni Meumare Hita ¹⁴Au harap au bisa lao eti nggo, de au tulis hal-hal iaka neu nggo supaya ¹⁵Ne'o au telat, hei bubulu' ta'be sira bisa mori sia Ama Lamatua ume na, hunana nggarei sia Ama Lamatua mana mori' ri to'a no dasar lao mia meulau. ¹⁶Hita akui betapa monae na ne'efuni meumare na ka:"Na, tao sia ao sisi', nemehere sia Roh, malaikat-malaikat ara rita,rendi hara' neu nusak-nusak ra talada na,ramahere sia raefafo,ara boti'e neu mandela masa'a."

Chapter 4Neseneda neu mana tao ne'esususa'

¹Roh nafade no jelas bahwa sia fai-fai natete'en, atahori ruma lao hela nemehere na fo ana fe aona'ra nisi' roh-roh nda meulau sa boema nitu ra nenori nara.²Sira hambu pengaru' lao mia mana e'edik no mana ombo koson yang rala anan nara mana cap nendi besi matobi.³Sira nda nau atahori sao sa boema nda nau atahori ra nana nininu yang Lamatua na'a dadadi', de harusnya ara simbo rendi'i rala temeao neu sira ramahere no rahine meulau.⁴Te hu, sasa yang Lamatua na'a dadadi' sia raefafo ia meulau boema nda hambu yang nda meulau sa kalo ara simbo rendi'i malole',⁵Karna basa nara nemehere sia Lamatua hara li'na no huhuleoe'. Kristus Yesus yang malole' neu ue tatao⁶Rendi nenori' hal-hal iaka neu odi a'a nemehere esa, ho akan dadi dedenu Yesus Kristus yang malole', basa na de ho hambu nenori sia dudu'a afi nemehere esa boema nenori malole' yang ho tungga.⁷Mu'udodo mo dudu-dudu takhayul no dedea andi ao mia iana lasi esa, tapi munori aoma fo musoda mendi'i meumare'.⁸Nenori ho aoma, nda na'ena papake' sa, te hu papake'a ana dadi soa neu basa- basa'e karana na'ena janji neu momori fai' ia boema momori mana nema' ia.⁹Dedeat iaka ata hambu no meulau boema layak ata simbo neu rala temeao.¹⁰Te hunana, hita tungga sangga no berjuang. Te hu, tao hita harapan soa neu Lamatua yang mana mori, boema mana soi tefa soa neu hita atahori,teristimewa sira yang mana ramahere.¹¹Parenda boema nenori se hal-hal iaka.¹²Afi' fe atahori ra'ana nggo karna ara anggap ho muri', tapi ho dadiMu teladan neu atahori-atahori nemehere sia dedea o'ola, ue tatao, susue,nemehere boema nda mana tao sala'.¹³Losa au eti, bertekunlah sia nenori buku meumare rala, sia mana fe susue boema sia natudus.¹⁴Afi nggari hendi karunia nemehere yang sia hoo, yang hoo hambu lao' mia ramalan fai'na lasi'ra lala lima neu ho.¹⁵Hoo tao hal-hal ia mendi' manggate ma, hoo tao hal-hal iaka mendi basa hoo ao ma supaya basa atohori ra bisa mete hoo ue tatao malole'.¹⁶Mete no tebe-tebe mendi hoo momori ma baoema sa'ka yang nenori ma. Hoo tao meulau sia rala ma karna tao demikian hoo hambu masoi masoda, baik sia hoo aoma maupun sira yang rena hoo nenori ma.

Chapter 5Ai rauinggu no meulau

¹Afi ai tou'ra yang lebe lasi mendi'i nasa ma, tapi taoe ona'a ama ma, boema tao tou' ra yang lebe muri' ona'a odi a'a. ²Tao ina' yang lebe lasi' ona'a mama ma, boema ina' yang lebe muri' ona'a odi a'a ina mendi'i sofe no malole'. Muhine basa ina falu³Sue lai ina falu-ina falu yang batu-batu ina falu. ⁴Te hu, jika ina falu ra'ena umbu ana', sira yang ratudu ra'ahulu nenori neu basa ume isi' ra. ona'na boema, sira harus tao rala malole' neu sira ama ina' ra, de hal iaka yang Lamatua hihi nanau na. ⁵De ina falu yang batu-batu ina falu no momori na sia aona, ana harus tao eni rala neu Lamatua boema nendi dudu'a afi neu huleoe' reorendu no tetemba. ⁶Te hu, ina falu yang momori hanya feta dote, ana mate ena walaupun ana fe'e mana mori'. ⁷Parenda hal-hal iaka neu rauinggu fo sira nda ra'ena sala singgo'. ⁸Te hunana, atahori esa nda na'aboi bali' ama ina odi a'a nara aona sa, khususnya odi a'a bonggi nara, de boema ana nau eni nemehere na sa no ana lebe de'u laka lena' atahori yang nda mana mamahere. ⁹Ina falu yang mana maso' sia daftar iaka, ina yang paling mbei' to nenulu, dadi sao ina lao' mia tou esa, ¹⁰De ara rahine karna ue tatao na meulau, de ana na'a boi ana kara, ana fe tumpangan, ana safe atahori-atahori tetundos sara ei na, ana sue lai atahori mana sia sususa' rala, boema ana manggate ue tatao mana malole'. ¹¹Hunana, ina falu-ina falu yang fe'e muri' ra afi tao se sia daftar, te hu hihi nanau hohongge na ana tao fe se ra'a dodo' ro Kristus, sira hihina nau'a sao selu'. ¹²Hal iaka ara fe se nggengero' karna sira leleko' fufuli hehelu ma'ahulu yang sira tao mana lao' na. ¹³Mulai no na ma, sira ranu mana mbera bare, ko heheo lao mia ume esa fo basa na esa. Nda aka na sa, sira aka' ola-ola no tamba-tamba atahori laen ue tatao na, ra'a dudui hal-hal yang harusnya sira nda dui sa. ¹⁴De, au hihi nga fo ina falu-ina falu muri' ra sao selu', bonggi ana kara, boema urus ume loo nara fo nda fe mamana' neu musu ra untuk sira sala singgo na. ¹⁵Te hu, atahori ruma bali' tunggu nitu ra. ¹⁶De hambu ina' esa namahere mana na'ena ama ina odi a'a yang ina falu, biar fe se ra'aboi ina falu-ina falu nara na fo nggarei nda hambu fua ndae, fo nggarei hambu tolong inafalu-inafalu laen yang batu-batu nae'na susue. Mana mete rauinggu no hal-hal laen¹⁷Penatua-penatua mana urus rauinggu nendi malole layak ara simbo susue lalai' lao rua, mana sia ma'ahulu nara harus manggate sia berkhobah no nenori. ¹⁸Hunana, susura meumare' nafade, "afi memberangus bibi lombo ra bafa na yang mana naninu feta," no ue tatao atahori ara berhak hambu nggadi nara. ¹⁹afi' simbo tuduhan mana tuda' neu mana mete rauinggu te hu ara fe bukti lao mia sakasi atahori rua do telu. ²⁰Sira yang mana tao sala' harua ne'erereana se sia basa atahori laen ne mata na fo ara ramatau tao sala'. ²¹Sia Lamatua mata na, Yesus Kristus, no para malaikat yang mana pilih, au usu neda nggo endi'i sungguh-sungguh fo tunggu dudu'at-dudu'at iaka tanpa dudu'at laen atau susue laen. ²²Afi' talalu halai ndae lima ma neu seka boe atau afi' tunggu sala' lao mia atahori laen.jaga hoo ao ma fo ana tetap ndos. ²³Afi' aka minu oe muti', te hu pake anggur mbei fo demi tei ma no ao ma yang biasa nambeta. ²⁴Sala' mia atahori ruma no mata memete batu sehingga ara fe sira neu pengadilan. Te hu, sala' mia atahori ruma neu fai ma'abuin na deufu ata tita. ²⁵Boema neu hita mata memete na hambu ue tatao malole'. Te hu ue tatao malole' yang hita nda tita sa, nda akan ma'afuni nakando.

Chapter 6Netudus aka' neu ate ra

¹Basa atahori mana tanggon sebagai ate ra haruslah ara anggap tuan na soa neu atahori yang pantas hambu susue basa'e fo nara na Lamatua no nenori' hita nda na'ena ole rarai. ²Boema ate ra yang tuan na adalah atahori nemehere, afi kurangi hoo susue ma neu sira karna sira adalah torono-torono nemehere. Boema, ate ra harus tao ues neu tuan na nendi' lebe malole' karna mana simbo berkat ues se adalah atahori-atahori nemehere no yang sira sue lai. Nenori boema nefade hal-hal iaka neu sira. Tentang nenori' laen boema sue doi. ³Te hambu atahori yang ranori hai nenori laen mana nda sesuai no dedeat yang batu' lao mia Lamatua hita Kristus Yesus boema nda sesuai no nenori meulau', ⁴Ana ona'a mana e'edik boema nda nala' sasa boe. Ana aka'a hihina yang nda mamahedi' sa, yang aka'a rareresi dedea o'ola yang justru ana nendi dudu'a nda meulau boema ana curiga mana nda malole sa, ⁵Boema ara tao tarus-tarus netofa sia atahori-atahori ra talada nara yang dudu'a na mana mambalutu' boema ara nda hi nemehere sa, yang ara du'a bahwa malole'a fo ara hambu hahambu'. ⁶Te hu, meulau'a yang nggungguna yang monae no ara ramalolo' de dai ena. ⁷De boema, hita nda tendi sasa boe fo maso' sia raefafo no hita boe nda tendi sasa fo hita kalua mia raefefo iaka. ⁸Te hu nana nininu boema bua lo'as sia ena, hita rasa na dai ena. ⁹Atahori yang hihina nau'a dadi mamasu'i ana tuda sia sala' rala no e;edis soa neuE, nda hii raefafo malole' na sa de ana tao na'a sususa' atahori-atahori sia rurunggi rala no mamates. ¹⁰HUnana, sue doi'a adalah oka' lao mia tatao nono'i de'ulaka. Atahori-atahori mana tungga sangga doi de ara mbeda' lao mia nemehere no na siksa aona nendi'i sususa' rala. Hal-hal yang harus hita tasaneda. ¹¹Te hu, hoo sebagai atahori lao' mia Lamatua, mu'udodo ao ma lao' ma basa na ra. Tungga neu malole', meulau, nemehere, susue, rala ma'asufu no bangga na' u ndos. ¹²Berjuanglah sia ue nemehere mana meulau' no to'u mala momori losa lolosa na yang soa neuE de ara ro'e ketika hoo fe pengakuan yang malole' sia sakasi ra nae mata nara. ¹³Sia Lamatua mata na mana fe momori sudi'a sia be no sia Yesus Kristus mata na mana fe pengakuan malole' ketika sia Pontius Pilatus mata na, au parenda hoo, ¹⁴De nendi'i hoo mu'ulalao parenda' iaka nda mana sala' boema nda mana na'ena sala singgo' sa losa Lamatua hita Kristus Yesus nema. ¹⁵Sia Lamatua na'etu na, Ana akan natudu aoNa fo penguasa soa neu mesa' ne, mane' mana sia mane' ra ata. ¹⁶Aka' eni mesa ne fo losa lolosana, mana leo sia manggarelo yang nda dai sesa, nda hambu atahori esa mete nitaE sa boe. Banggi Eni, basa susue no kuasa yang losa lolosa! Amin. ¹⁷Basa na boema, parenda atahori-atahori mamasu'i sia saman naka fo ara afi koao atau ara tao nemeheha neu su'iota nara yang nda pasti, hunana tao hoo nemeheha ma soa neu Lamatua, yang na lena ara siap sasa mesa ne fo hita ta tinu. ¹⁸Parenda sira fo ara tao malole', dadi mu mamasu'i sia ue tatao malole', dadi mu atahori rala malole' no siap babanggi. ¹⁹Te hu nana, sira akan kumbu su'iota neu ao nara sebagai dasar yang malole'neu masa mana nema' ia fo ara to'u neu momori' mana losa lolosa na. ²⁰Timotius, jaga sa ka yang ramahere soa neu hoo. Mu'udodo mo ola-ola mana sia raefafo no ombo koson boema netofa yang mana sala' disebut "nehine", ²¹yang ara akui nemehere mia atahori ruma dadi neu nasarangga. Uanale' soa neu nggo.

2 Timothy

Chapter 1

Londa hara feneu Timotius ¹La'omia Paulus Lamatua ate anan nene here la'omia Ama Lamatua hihina sesuai hehelu momori yang mana sia Lamatua Yesus Kristus rala. ²Soaneu Timotius ana susuena. Lamatua susue lalai Na no soda mole'lao mia Ama Lamatua, Yesus Kristus, hita Lamatua'Na. Neseneda fo ne'elolosa nekendo'a Lamatua harali'na ³Au umuho'o nekendo'a soa neu Ama Lamatua, yang au umuhere no rala temeao ona'a au bei ba'i nggara tatao nara, fo au usuneda soa neu hei sia au hule o'e ngga tungga rerelo no tetemba. ⁴Fo au usuneda soa neu hei lu oema, au hi'a mete yang sofe no nemeho'ot. ⁵Au nene neseneda no hei nemehere temeao'ma, fo mana ma'ahulu'a mori sia beima Lois, boema inama Eunike, no au umuhere sia fai ia ana mori sia hei ralama boe. ⁶No alasan ia, au fe neseneda neu nggo fo dui bengga nekendo susue Ama Lamatua mana sia nggo lao mia au lima raraengga. ⁷Huna Ama Lamatua nda fe neu hita duladale nemetaus, tehu duladale bebe'i bara'ai, susue boema no rala ma'asufu sia aoma. ⁸De, afi mae dui bebengga soa neu hita Lamatua'na hoko na soa neu au, atahori bui-Na. tehu, lao mia Ama Lamatua koasa-Na tungga sususa sosona soa neu Lamatua harali'na. ⁹Ana mana soi tefa nala hita boema Ana no'e hita no huhule meumare, nda no hita tatao nono'ina, tehu karna tujuan no ua'manale' mia'E fo mana fe soa neu hita sia Lamatua Yesus Kristus mia Raefafo'a fe'e nese. ¹⁰Fai ia, ia dadi neu netudus lao mia mana soi tefa hita Lamatua Yesus Kristus yang mana, nda naseneda mamates boema Ana nendi momori losa dona neu lao mia Lamatua harali'na. ¹¹No harali'na ia, au nene dudu dadi u mana nanori, Rasul

boema meser.¹²Huna, au sususa sozona ngga ona'a fa'ia. te hu au nda mae'sa karna au bubulu soa neu se fo au umuhere, beoma au umuhere bahwa Ana bisa nanea sa yang Ana nemehere neu au losa faina. ¹³To'u mala tebe-tebe nenori soda'a yang hei rena mala mia au sia nemehere rala, no susue mana sia Lamatua Yesus Kristus rala. ¹⁴No Duladale le'u tei yang mana sia hita rala'na, nenea malolole su'i ota mafelit yang fe nemehere soa neu nggo. ¹⁵Hei bubulu tetebe soa neu basa'e yang mana sia Asia ara nda mete se'u soa neu au'sa, sia sira talada nara Figelus no Hermogenes. ¹⁶Onabe na Ama Lamatua fe susuelalai soa neu Onesiforus ume isi nara karna ana biasa fe namahena boema ana nda mae au sia bui rala'sa. ¹⁷Huna, au losa Roma, ana no nemeho'ot sangga au losa ana na'nda no au. ¹⁸Hela onabe'na Lamatua linuafi fo ana hambu susuelalai lao mia Lamatua sia faina, hela onabe na hei bubulu lao hira ana tao ues soa neu au mia Efesus.

Chapter 2

Tiaderu mikindo ona me sia sususa sosona rala ¹Huna na, anangga, amami be'i sia uanale rala mana sia Lamatua Kristus rala. ²Sa yang heirena la'omia au sia atahori nae matanar'a, fe nemehere na so'a neu atahori-atahori mana namahere fo arabisa dui bengga so'a neu atahori laen. ³Tungga sususa sosona sama'ona Lamatua Yesus Kristus soldadu malolena. ⁴Nda hambu soldadu fo ara'tao sibuk bali so'a neu sira ao'na no tatao momori tungga-tungga fai fo ana hambu nemeho'o mia malangga'na. ⁵Onamae atahori atlet esa fo ara baku lawan, ana nda hambu solo' sesengi kecuali ana balawan tungga hada dala yang nene pake. ⁶Atahori petani esa yang anatao ues neke ndo'a ana dadineu atahori ka esa'na yang hambu etuoru. ⁷Dudu'a so'aneu sa yang au ufade karena Lamatua fenggo dudu'at sia basa'e rala. ⁸Neseneda Lamatua Yesus Kristus, yang mana felabali mia atahori manamate, titinonosi Daud, samaona yang au ufade sia susura meumare Ngga ⁹Yang hunana neuia au susasona losa bui sama ona atahori de'ulaka, tehu Amalamatua haralin nda nenebui'sa! ¹⁰Huna'na, au batahan sia basa'e rala so'aneu atahori-atahori fo Amalamatua tenggahere nalase fo arabeo'o hambu momori yang mia Lamatua Yesus Kristus rala no manamandela masa'a yang ndamana basa'sa. ¹¹Dudui ia nda; " onamae hita mate to Eni, hita'o deifomori bali to Eni. ¹²Onamae hita to'e, hita boe'oyo parenda sama-sama to Eni. onamae hita laka Eni, Ana'o akan laka bali hita. ¹³Onamae hita nda to'e,sa Ana tetap no hita karena Ana ndabisa laka bali Aona mesane" mana tao ues yang laka Amalamatua ¹⁴Fe nesaneda neuse hal-hal ia. nenorise sia Lamatua matana fo ara afi rareresi soal dede'at, na guna'na nese na hanya nendi nembelulutu so'aneu atahori-atahori yang manarena'na. ¹⁵Tao yang malolefo feho aomaneu no meulau sia Amalamatua matana onamae mana tao ues yang nda mana mae, dan yang manamanori basa dedea nda-nda meulau no nda. ¹⁶Tehu, mi'idodomo ombokosong yang nda papakekarena na nenendina nisi tatao ndameulau yang lebe manae. ¹⁷Sira duduina ana akan namaloa sama onahedis gangren, bali sia sira adalah Hemeneus no Filetus, ¹⁸yang ara nda tungga sa fo malole, de ara dui rendi manamatera felabali'ena. ara rambalulutu hendi atahori ruma nemeherena. ¹⁹Tehu, dasar Ama Lamatua yang tetap ri'ri nahere no materai ia:" Lamatua nahine seka dadineu eni ena Na," no" basa atahori yang ramahere Lamatua nara'na harus laohela tatao duduafi nda meulau'sa." ²⁰Sia umemalole rala, nda hambu aka perabot mia lilo no riti, tehu mia hau boema rae mbilas. aratao ruma dadi reu mamana terhormat, boema ruma dadineu mamana yang nda meulau. ²¹Hunana, onamae atahori esa safe'sa aona mia hal-hal yang nda meulausa, ana dadineu prabot untuik tujuan meulau, fo ana dadineu nggungguna esa so'a neu tenu enana boema nenesiap hela so'aneu ues yang malole. ²²Mu'udodo hendi dudu'a ao sisi monetenama boema sangga nda-nda, sodamole sama-sama mo sirayang ro'e Lamatua no rala teme ao. ²³Mi'i dodo mo nereresi nggoa boema nda rala'sa karena hei bubulu halna nendi nereresi. ²⁴Maba tao ues so'aneu Lamatua haruslah ndabolemireresisa, tehu malolole mo basa atahori, minori no malolole, boema sabar, ²⁵boema tao nomalololelawanma. fo Amalamatua fese uanale pertobatan nendise nisi dudu'a meulau ²⁶Fo ara bisa sadar boema ara mbo'ihendi oasisinara mia jebakan nitu yang manarongga helase fo ra'alalao hihina.

Chapter 3

Duduafi-duduafi atahori sia fai ma'abuin ¹Mete sia fai-fai ma'abuina, masa-masa sususa ana akan nema. ²Tehu, atahorira sue aka sira aosisina'ra, sue doi, dudu'amuku, koa'o, seoatahorinarana, ndarena ina ama, ara ndaral'a ro'e makasih nda ranea rala aosamana'na, ³Ana nda na'ena susue, nda hi dame sa, hi n'a mumuti, mana mamasana, de'ulaka, nda himeulasa ⁴Mabafadea, halai, koa'o, ana sue aosisi hihin, nda sue Ama Lamatua, ⁵Metena ndos tehu malakat kuasanya. mi'i dodomo atahori ona ia. ⁶Tehu, sia sira taladana hambu atahori-atahori mana susu' aon risi rao inggu rala no ara fe ina-ina ndamana be'iao yang manalemba salakilu nae fo ara rendise risi'i hihi mananau ao sisi. ⁷Ina-ina onanar'a ara biasa ranori, tehu ara nda ralasa losaneu nehine neu ndotetuna. ⁸Sama ona'a Yohanes no Yamberes ara ndarena Musa, ona'naboe atahori-atahori iara yang ndarenandotetuna. duduanara rambalutu no nemeherenaranda tahan uji. ⁹Hunana, ara ndabisa ra'adodo ronggoan nara na nenedadi so'aneu basa atahori, sama ona atahori kaduara Paulus fe nese neda neu Timotius. ¹⁰Tehei tunggamala nenoringga, ona'au momoringga, tetebe momoringga, nemeherengga, ralamaasufungga, susuengga, boema noautetebengga, ¹¹Ona manapokohemba boema hedinggaraus yang au hambu mia Antiokhia, ikonium, dan listra. au batahan mia manapokohemba rala, boema Lamatua no au mia basa'e. ¹²So'aneu basa atahori nda manasala raemori sia Lamatua Yesus Kristu rala ara hambu pokohemba, ¹³Boema atahori-atahori jahat boemamana malakat ara ndaakan dadi malole'sa, aramenyesatkan boema di sesatkan. ¹⁴Tehu so'a neu hei, taomikindo no sa yang hei minori mala boema sa yang hei mimihere tehei bubulu la'o maseka hei nenori na, ¹⁵Eni miahei fe'e anamara hei mihine basa susura meumare yang bisa nendi fenggo titimba tatai meulau so'a neu masoda manatungga nemerher sia Lamatua Yesus Kristu rala. ¹⁶Basa susura meumare hahaena mia Amalamatua nendi no nenori, fo bubulu sala kilu,fo bisa taonelole tataononoin, boema nenori sia ndotetun rala. ¹⁷Tehu ona'naboeo, Amalamatuaenan atahori dadi mahine boema lengkap no tataomalole'

Chapter 4

¹Neu nenema- Na boema no kerajaan Nya, no tetebe, au fuli helu so'aneu hei sia Amalamatua mata na boema Yesus Kristus yang mana maetu atahori mana mori boema mana mate: ²mifade so'aneu susura meumare, mihere malole do nda malole neu faina; aie, boema fene duduat, denuse no ralamaasufu no nenori. ³Tehu, faina akan losa ne'otahori-atahori ara ndanau simbo nenori meulau. onamaete, aka ndikinara, puas ara akan ra'abubue meser-meser so'a neu sira aona mesane yang sesuai no sira hihin. ⁴Ara nda akan rena ara rasadea dudui ndotetu fo bali risi dongeng-dongeng. ⁵Boema hei minea aomar'a sia basa'e rala. sia sususa rala, amalailai taodudui ndotetu. ⁶Hunana, au mbo'a fe nininu persembahan, boema failalaongga losa'ena ⁷Au tela bertarung sia pertarungan rala no malole; au ubasa pertandingan; au uuboi nemehere. ⁸Fai'ia sololangga mane ndotetun nenesiap so'aneu au. neu fai'na Lamatua, mana maetu ndos, deifo anahadia neu au, tehu nda aka au, tehu so'aneu basa atahori yang hi nenema Na. Paulus dui aon feneu Timotius. ⁹Usaha fo imalailai sia au ¹⁰Te Damas lao hela au, te ana sue raefafo'a de lao nisi Tesalonika. Kreskesboema glatia no Titus risi Dalmatia. ¹¹Aka Lukas mana no au. mala Markusfo ima sama sama karena ana talalu berguna so'a neu au sia ues. ¹²Au utus Tikhikus Efesus neu. ¹³Ita hei ima mendi badu yang au hela feneu Karpus sia Troas boema basa au buku nggar'a terutama perkamenna. ¹⁴Aleksander, si tukang besi na, na'a talalu na'a rurunggi au. Lamatua deifo ana balas ona eni tataona. ¹⁵Hei malolole mo'e te ana nda hi hita nenorina ¹⁶Neu pembelaan au sososana, nda hambu esa noau saboe te basaelao hela au. malole fo hal ia nda balas neu se. ¹⁷Tehu Lamatua riri sia au boboangga de ana fe au ma'adere de dudui na hambu dui nebasae mia au, boema basa atahori nda aka Yahudi fo mana rena. neu na, boema ara mbo'i au mia meoaku'a bafana. ¹⁸Lamatua a nanea au sia basatao deulaka boema deifo nendi au isi mamana mane surgawi-Nya no soda. So'a Neu e mandela masa'a losa don nduku- don naneu Londa hara neu babasan ¹⁹Mu'ulolosa au harangga feneu Priskila no Akwila, boema neu basa Onesiforus ume isi na. ²⁰Erastusana leo tetap sia Korintus, no Trofimius au laohelase te ara mamahedi sia militus. ²¹Usaha fo ima sia ia afi losa ma'asufu a nema. Ebulus, Pudes, Linus, Klaudia, boema basa torono nemehere ara londa hara so'a neunggo ²²Lamatua no samanama. sodamolek so'a neu hei.

Philemon

Chapter 1

Soda Mole'k Soa Neu Filemon ¹soda mole'k laok mia Paulus mana sia Bu'i 'a rala karna Ama Lamatua Yesus Kristus narana, boema laok mia Timotius, hita bobonggi namahere na fenu Filemon, tora no'k dedena mana to'u buku meumare'k yang hai suelai. ²boe ma fenu Apfia, hita bobonggi na, no fenu Arkipus hita nono dedena baba'u na, boe ma fenu atahori mana mamahere'k yang ra'abubue sia hoo ume ma. ³soda mole'k boema no Lamatua susuelalai na soa neu hoo 'e mia hita Ama Ise na, no Ama Lamatua Yesus Kristus. Makasih monaena seli soa neu susuelalai mia Ama Lamatua boema no susuelalai mia Filemon ⁴au umuho'o neu au Ama Lamatua ngga kalo au usuneda hei sia au huhule oo'e ngga, ⁵hu no.. au rena hei nemehere mara no hei susuelalai mara soa neu Ama Lamatua Yesus, boema no basa atahori mana ndotetu' ⁶au hule oo'e fe hoo soa no hoo nemeherema fo ana tamba malale'k boema hoo mahinema sofe no'a malole'k soa neu Ama Lamatua Kristus. ⁷au umuho'o monaena seli soa neu hoo susuelalai ma de laok mia hoo 'e, hita torano'k nara no atahori ndotetu ra ralanara ma'asufu no ra'asofe bali'k. Huhule'k mia Paulus soa neu Onesimus ⁸hu na, mae au umuhere ngga sofe soa neu Ama Lamatua Kristus boema bisa denu tao hei tatao mara, ⁹te hu, no susuelalai'a malole'k na au oo'e sia hoo. au Paulus ... umulasi ena, boe ma au fe'e sia bu'i 'a rala karna Ama Lamatua Kristus Yesus narana. ¹⁰au hule neu hoo soa neu ana ngga Onesimus yang au utonggo oo mia bu'i 'a rala, ¹¹ana'a dolu na nda papakesasa 'sa soa neu hoo 'e te neu iama ana malole'k soa neu hoo ma soa neu au boe. ¹²au denu ana susue ngga bali'k neti hoo, ¹³yang au nanau ngga na hela'e nahati no'a au nggati hoo, fo ana bisa urus au sia bu'i a rala, karna Lamatua harali na. ¹⁴te kalo hoo nda bubulu sasa na, au nda nau tao sasa'sa boe, fo kalo hoo mae tao malole'k na afi'k karna no rala seseri'k te no rala temeao ¹⁵ne'oko Onesimus nanauna illih no hoo sia fai esa rua, fo nana hoo bisa simbo bali'k 'e losalolosa na. ¹⁶te nda sudi'a ona'k Ate te lena' nanema, ona'k ana bonggi manasuelai, nda aka'a soa neu au sa, te lelenana soa neu hoo, mae sia hoo ralama boema sia Ama Lamatua Ise ralana. ¹⁷de kalo hoo mae hita torano'k ueosa esa na simbo mala bali'k Onesimus ona' hoo simbo mala au ¹⁸kalo ana tao sala neu hoo ma ana nahuta sa sia hoo na fuandae sala singgo'a neu au 'e ¹⁹au Paulus sura'k susura endi' limangga aon, au ae sura'k susura sie te nda dui sasa 'sa boe mae

hoo muhuta au soa neu hoo momori masoda ma.²⁰ ya, torano'k mana sia Ama Lamatua 'a rala susuena, au hambu susuelalai mia hoo 'e de fe rala ma'asufu no sofe sia Ama Lamatua Kristus ralana.²¹ au umuhere hoo nemeherema, de au sura'k susura ia fenu hoo te au bubulu' hoo tataoma lena hendi mia au oo'e ngga²² boe ma au o'e fo hela fe au kama esa te no hei huhule oo'e mara de ara rae mbo'i bali'k au eti se'u hoo.²³ Epafra, torano'k ngga mana mia bu'i rala no Ama Lamatua Yesus Kristus susuelalai na de ana lo hara malole'k neti hoo.²⁴ boema Markus, Aristrakhus, Demas, no Lukas boema torano'k nggeru mana to'u Ama Lamatua harali na²⁵ soda mole'k boema no Ama Lamatua susuelalai na neu basa hita ma Ama Lamatua yesus Kristus nanea hoo mia fai 'ia losalolosa na.

1 Peter

Chapter 1

Fufuli hehelu mia Petrus¹ Mia Petrus, rasul esa lao' mia Lamatua Yesus Kristus, soa neu atahori-atahori mana leo dadi ona atahori fea, fo mana leo nggari-nggari basa'a kambo Pontus, Galatia, Kapadokia, Asia, no Bitinia; mana nene here² eni mia ma'a huluna fo mia Ama Lamatua nema, ma lao mia Dula dale meumare'a soa neu momori mana tungga soa neu Lamatua Kristus Yesus rala, boe ma hambu Lamatua ra nesembiru na : Hule fo bebe'i bara'ai no soda mole soa neu nggi! Huhule o'oe mana momori.³ Maua manale mia Ama Lamatua Yesus Kristus, mana tungga no bebe'i bara'ai manaen seli mia Lamatua, mana bonggi bali hita tisi huhule o'oe, a rala, fo mana mori mia Lamatua Yesus Kristus fefelan mia atahori mana mate'ra taladan,⁴ fo hambu babanggi hata heto nda mana basa'sa, nda mana mambalutu'sa, boe ma nda mana male'sa; nene mbeda sia nusa tetun do inggu temen soa neu nggi,⁵ fo hei nene bambi nendi'i Ama Lamatua koasan mia momori nemehere fo mana hela'a nene netudu sia fai ne'e babasan.⁶ Mia ia rala nema fo hei mimi ho'o, mia fai e'eku ia'ka, kalu hambu na hei boe susa sona mia sosoba dodou beka mesan⁷ boema nemehere'ma felina lena no lilo mbilas mana sambu ma lalo, fo hela ona be na nene soba basan mia ai' a rala, de hambu tetebe de ana naboa koa kio, mandela masa'a, boe ma nara meulau sia fai Lamatua Yesus Kristus lopo linun.⁸ Hei nda fe'e mita-E sa, tehu hei sue-E, no hela ona be na fai' ia hei nda mia-E sa, tehu hei mimihere neu-E. Hei mimiho'o boe ma netedale nda nene dui bengga nala'sa fo mana sofe no mande ma masa'a,⁹ Karna huhule o'oe nemeherema sia fai babasan, nene hambu'ena, fo masoi masoda soa neu ao samanam.¹⁰ Boe ma masoi masoda ia'ka, Nabi ra dui bengga hela bebe'i bara'ai mana dadi neu enama, fo tebe-tebe mana nene mete se'u no mana nene nenori nefade hela.¹¹ Sira mana sangga soa neu seka, no fai hira' fo Dula dale Lamatua Kristus fai'na sia sira rala, fo Ana dui bengga soa neu Kristus sususa sosonan no mandela masa'an fo mana nema maabuin.¹² Soa neu Nabi ra, nene nefade oi sira nda mana so'u o'o bali sira aon sa, tehu sira so'u o'o neu hei sia dala-dala nene nefade soa neu hei lao mia atahori-atahori mana dui bengga susura meumare'a soa neu hei no Dula dale le'u tei'a fo mana nene denu mia nusa tetun do inggu temen; dala-dala na'ka fo malaikatara hi' rita. Nono'e soa neu momori meulau'a.¹³ Hu'na, tao hela dudu'a a'afima fo ati-ati, mbeda nggao basa huhule o'oe'ma sia bebe'i bara'ai fo nene fe soa neunggo sia fai sa be na Lamatua Kristus Yesus nene nefade.¹⁴ Dadi neu ana-ana mana rena, afi ta'alok soa neu hihi ma nanau de'ulaka ma, sama ona fai sa be na hei fe'e mori sia hei nggoa'ma rala,¹⁵ tehu tao meulau sia basa tatao nono'im, sama ona Ama Lamatua fo mana no'e nggo adalah meumare.¹⁶ Fo mana sura hela oi, "Hei harus mori sia meumare'a karna Au sia meumare'a"¹⁷ De, kalu hei mo'e Lamatua tae Ama, fo Eni mana fe hu'uku dodoki soa neu basa atahori tungga sa'ka fo mana sira tao hela, nda pake mete mata'sa, mori sia nemetaus'a rala, sia fai sabe na hei fe'e mori ona atahori fea'a;¹⁸ No nene nehine oi hei nene soi tefa mia hei momori de'ulaka ma, fo mana nene banggi ba'e basa soa neu nggi, mia hei bei ba'i ma'ra, fo nda mia hata heto raefafo ona'a lilo mbilas do poe mata,¹⁹ tehu mia Lamatua Kristus ra lilon, Bibi Lombo'a Anan ra'na, fo nda mana keko doka koe kolo'sa tehu tetu teme.²⁰ Lamatua Kristus nene dudu basa'ena eni raefafo'a nda fe'e nene na'a dadadi'sa, tehu Ana fe'e do nene netudu sia fai babasan ia'ka karna soa neu hei.²¹ Mia Eni nema, hei dadi'mi mimihere soa neu Ama Lamatua; fo Ama Lamatua mana nafefela-E mia atahori mates'a taladan no Ama Lamatua fe mandela masa'a soa neu-E, fo hei nemehere ma no huhule o'oe ma, sia aka'a Ama Lamatua rala.²² Karna hei ao samana ma nene safe sa hendi'e na mia hei tungga soa neu meumare'a de hei hambu odi a'a meulau, de huna ima foa ata esa sue lai esa no tebe-tebe no rala temeao,²³ Karna hei nene bonggi bali'en, nda mia fini ngges laka', tehu lao mia fini ngges nda mana laka sa, fo mia Ama Lamatua harali'na fo mana mori de ana leo naka ndo.²⁴ Buku susura meumare'a nafade nae, "Basa mana mori'ra sama ona uru, no basa mandela masa'a nara sama ona uru buna; uru'a male no buna'na mo'u,²⁵ tehu, Lamatua harali'na ana nahu losa don behkan ndu'u do'na neu." Yesaya 40:6-8 No, Harali ia'ka dadineu susura meumare fo nene nefade soa neu nggo.

Chapter 2

Fatu mana mori no Nusa meumare ¹Hu na, honda hendi basa nemenasa', basa pepeko leleko, basa peleder, basa rala de'ulaka, boema basa model ne'emumuti ne'emumu. ²Sama ona anadiki mbilas fe'e mana bonggi feu, fo hela ona be na, hei hi, ma ana nau aka susu ao samana fo mana meu reda-reda, fo hei hambu mi'imoko sia hei momorima, ³kalu hei tebe-tebe simbo mae Lamatua fo meulau. ⁴Watu hei ima misi Kristus, Fatu Manamori, nene tola hendi mia atahori ra rema, tehu nene here mia Ama Lamatua fo mafeli soa Neu-E, ⁵hei bo ona fatu-fatu mana mori, nene ne'e fefela dadi neu ume ao samana, Imamat meumare soa neu hohotu lalangge ao samana fo mana dadi neu hihi ma nanau neu Ama Lamatua lao'mia Yesus Kristus nema. ⁶Huna Susura Meumare'a nafade nae," Mete leo, Au mbeda fatu esa, sia Sion, fatu penjuru nene dudu basa de mana mandela ma masa'a, fo seka mesan namahere neu-E, na ana nda nene ne'emamae sa. Yesaya 28:16⁷De, Fatu na'ka mandela masa'a soa neu hei mana mimi here, tehu soa neu nda mana mamahere'a sa,"Fatu fo bukan fatu'ra honda hendi'ra, ana dadi neu fatu penjuru, "Mazmur 118:22 ⁸de dadineu,"Fatu ne'etunu, no fatu lasi esa fo ana fe atahori ra'a loli."Yesaya 8:14 Ara ra'atunu rasale'u karna ara nda tunggu soa neu Susura Meumare'a sa. Na dadineu dala mana dudu basa soa neu sen. ⁹Tehu, hei dadimi Nusa nene dudu basa' en, Mane'ra atahori nemeheren, nusa meumare', Ama Lamatua mesa'a ha'inala dadi neu Eni rao inggo na, fo boe ma hei hambu mi'i lolosa basa Eni meulau-meulau nara' fo Ana no'e hei deami, lao hela ma'ahatu'a lao misi manggarelo-Na yang ajaib. ¹⁰Ma'ahuluna, hei nda Ama Lamatua rao inggu na'sa, tehu fai'ia hei dadimi Ama Lamatua rao ingguna. Ma'ahuluna, hei nda simbo susue lalai sa, tehu fai'ia hei simbo susue ma lalai mi Ama Lamatua nema."Hosea 2:23 Ne'e lalao momori meulau soa neu Ama lamatua mandela masa'a na¹¹Torononggeru yang au suelai, au hi unori ufade hei sama ona hei atahori mana nema, no atahori dea sia raefafo ia'ka, de mi'i dodo hendi hei ao'ma mia hihima nanau de'ulaka raefafo, yang nene nafetu no bali hei ao samana ma. ¹²Minea hei tatao ma nono'i meulau ma, sia atahori-atahori nda mana mamahere'ra talada'na fo hela ona be na hei nene ne'emumuti oi hei dadimi mana tao de'ulaka, ara hambu rita hei tatao ma nono'i meulaum, fo ara koakio soa neu Ama Lamatua sia fai simbo duladale'a. Tunggu soa neu Mana Koasa. ¹³Demi Lamatua naran, ta'alok soa neu basa lembaga manaparenda yang atahorira ra'etu raladi basa'ena, fo soa neu mane'a mana dadi neu mana koasa, ¹⁴do soa neu basa Gubernur yang nene denu mia mane'a fo fe ngge'nggero fufuri soa neu seka mana tao de'ulaka boe ma ara fe kokoa kikio soa neu atahori se fo mana tao meulau. ¹⁵huna, ia Ama Lamatua hihi ma nanaun: no tatao meulau, hei fe atahori-atahori nggoa nda mana mahinera' nda ola rala'san. ¹⁶Mori dadimi atahori-atahori mana merdeka, tehu afi tao kemerdekaan na'ka dadineu tatao nono'i de'ulaka. de hela ona be na mori dadimi Ama Lamatua ate anan. ¹⁷Ta'alok soa neu atahori. Sue lai neu basa torono-torono susue saranima'ra, mumutau soa neu Ama Lamatua, no ta'alok soa neu mane'a. Kristus sususa sosonan dadi neu dala momori meulau¹⁸Ate ana-ate ana, ta'alok soa neu lamatuama no be'ute langgama. Afi aka soa neu atahori meulau boe ma masaloe banggana'u ra, tehu soa neu atahori de'ulaka boe. ¹⁹Sebab dadineu susue ma lalai, kalu no sira kesadaran na mia Ama Lamatua nema, atahori'esa nae nahani sia sususa sosona'a rala karna de'ulaka'a. ²⁰Sebab, sa'ka nene hambu kalu hei simbo ue hehempa mo rala temeao tehu lao mia hei tatao nono'i salakilum? Tehu, kalu hei susa sona karna hei tatao nono'i meulaum no hei simbo mendi rala temeao, hei tataom na'ka nene simbo sia Ama Lamatua matan. ²¹Sebab, soa neu na hei nene no'e, karna Kristus boe'o Ana susa sona soa neu hei no Ana lao hela tatao nono'i meulun soa neunggi fo hei tao tunggu ei lele-Na. ²²Ana nda tao sala'sa, no pepeko leleko'a nda sia bafa-Na sa. Yesaya 53:9 ²³Watu Ana nene u'nggumu, tehu Ana nda simbo no unggumu'sa; watu Ana susa sona, Ana nda ancam sa, tehu ana soro ao-Na soa neu Ama lamatua fo mana fe ne'etu naladi nendi ndo tetu'u. ²⁴Ana mesa'na lemba doi nala basa hita sala kilu nendi Eni ao sisi-Na mia hau nggangge'a fo hita mate sia hita lao hela sala kilu'a, no hita mori tisi'i manggarelo'a rala. Boema karna Lamatua ra lilon, hita hai. ²⁵Ma'ahulun, hei ona'a bibi lombo-bibi lombo fo mana sala nakando'a, tehu fai'ia hei bali misi manatada no mana o'o ifa ao samana'ma.

Chapter 3

Tatao Nono'i lao mia sao ina no sao tou ¹Boe ma hei sao ina-sao ina, ta,alok soa neu sao tou ma. sebab, kalu sia hei taladama, hambu sira nda mana tao tungga Susura Meumare, sira hambu tao hendi lao mia tatao ma nono'i sao ina nda pake dedea ma o'ola sa, ²sebab sira rita tatao meumare no tatao nono'i nene pandang.³Afi tao meulauma lao mia deama nema. ona'a iri langgama, pake bua mbilas, do pake bua lo'as feli'na manaen seli. ⁴Tehu, tao meulauma lao mia rala temeo manema, ona'a meulau fo nda mana male sa, fo mana lao mia dula dale mana neloe nedae ao'o no matu-matu. Na'ka fo mana na'ena feli'i sia Ama Lamatua matan.⁵Sebab, ona'a na ina-ina meumare'ra mia fai ma'ahulun, fo ara tao sira huhule o'o'en neu'a Ama Lamatua, tao menulau sira ao arun; ona'a ara ta'alok soa neu sira sao toun. ⁶Ona'a Sara ta,alok soa neu sao'na, Abraham, de ana no'e na nae 'tuan'. Hei adalah Sara ana nara de hei afi fe nemetaus'a eko feo nalanggi watu hei mae tao meulau na'ka.⁷Ona'na soa neu hei, hai sao tou-sao tou, mori mu'u bue mo sao inam sofe no mahine karna sira adalah atahori mana masa loe banggana'u ru.Pandan si dadi ona torono mana simbo momori bebe'i bara'ai huna hei huhule o'o'em nda nene empang sa. Susa sona karna tao meulau⁸Ma'a buina, basa hei mi'ena dudu'at esa, susue lai, susue odi a'a, rala matafanggi, no neloe nedae ao. ⁹Afi tada de'ulaka no de'ulaka, do rarai o'ole no rarai o'ole. Boema, hei nene lala lima'a sebab soa neu na hei nene no'e fo dadi mi mana to'u ua manale'a.¹⁰Sebab Susura meumare'a nafade,"Soa neu seka sue momorin, no ana hi nita fai-fai meulau', ana harus nanea ma'na mia de'ulaka nema, no nudu bafa'na mia dedea o'ola mana peko leleko. ¹¹Ana boe harus na'a dodo ao'na mia de'ulaka rala boema ana tao meulau'u. Boema ana sangga mole dame'a, fo ana use sambe hambue. ¹²Sebab, Lamatua matan mete soa neu atahori-atahori ndos, no ndiki-Na rena soa neu huhule o'oe na'ra. tehu, mata-Na tantang atahori-atahori fo mana tao de'ulaka."Mazmur 34:13-17".¹³Seka mana tao'nggo mu'u tunu musu le'u kalu hei tao meulau'u? ¹⁴Tehu, kalu hei harus susa sona soa neu meu mare'a, na hei hambu ua manale."Afi mimitau ma afi nggengger soa neu sira mana tao nggi susa ma sona."¹⁵Tehu, tao Kristus mandela masa'a na sia rala'ma rala! Minea fo fe netas soa neu seka mesan lapor hei karna bebe'i bara'ai yang hei simbo, ¹⁶tehu tao tungga mendi'i be'u te langga ma neloe nedae ao, boema mu'ena rala matafanggi fo sia fai beka ma hei nene o'ola,a, atahori mana rarai hei momori meulauma sia Kristus rala, ana dadi mae. ¹⁷Sebab, lebe bae susa sona karna tao meulau, kalu na tebe-tebe hihi ma nanau mia Ama Lamatua nema, dari pada susa sona karna tao de'ulaka.¹⁸Kristus boe susa sona Karna hita sala kilun, lao esa soa neu basa atahori, ndo tetu'a mate soa neu sala kilu'a, huna de Ana hambu nendi hita tisi'i Ama Lamatua. Ao sisin ara tati mbaue, tehu Ana fela bali mia Dula dale'a rala. ¹⁹Mia Dua dale'a rala, Ana lao no Ana na'a lolosa haralin soa neu dula dale-dula dale mana sia bui, ²⁰fo sira yang ma'a hulu'na nda rena watu Ama Lamatua sabar nahani sira mia zaman Nuh, fo Nuh fe'e tao ofa'na. Mia ofa'a na'ka, aka ruma'a, yaitu aka sira falu, fo ara salamat mia tasi'a lunala raefafo'a.²¹Tasi'a lu nala raefafo na'ka dadi neu lambang sarani fo mana fe'nggi momori sia fai ia. Sarani'a, nda soa neu sasafe sasa manggenggeo sia hita aon, tehu ana dadi neu huhule o'oe soa neu Ama Lamatua fo rala matafanggi meulau mia Yesus Kristus fefelan nema, ²²yaitu Eni yang fai ia ana hene nisi'i nusa tetun do inggu temen neu fo ana sia Ama Lamatua lima onan; fo basa Malaikat, basa manaparenda'ra, no basa mana koasa'ra ara ta'alok soa neu-E.

Chapter 4

Momori feu mia Duladale nema ¹dadi, karna Lamatua Kristus Ana namahedi secara ao sisi, mulai fai ia hei minea ao aru ma mendi dudu'at esa, karna ata hori mana hambu sususa sosona ao sisi, ana nda nafi tao sala 'san ²hu na, momori mana sisa sia raefafo ia rala, ana nda tungga hihi ma nanau mia atahori, tehu mia Ama Lamatua hihi ma nanaun. ³Hu na dai leo sia fai mana lao ma, soa neu tatao ma nono'i atahori-atahori nda mana nahine Ama Lamatua; mori sia hihi nanau ao sisi, mamafu, fefeta dodotes, nininu-nininu, no sosonggo tatanggu sofe no de'ulaka. ⁴Fai ia, ara nggengger watu ara hambu hei nda nafi nau tao tungga tatao nono'i fui fo sira tao ra sa. Hu na, ara ramumuti hei. ⁵Te hu, ara fe tanggung jawab soa neu Lamatua yang mana na'etu atahori mana mori no atahori mana mate. ⁶Soa neu dala ia'ka, Susura meumare'a nene dui bengga soa neu atahori-atahori mana mate sia fai ia, fo meskipun sira nene hukum basa'en mia raefafo ia sama ona standar atahori, tehu ara mori sia duladale'a tungga u'uku uli mia Ama Lamatua. Tao mahinema dadi neu mana to'u ai mbele. ⁷Basa sa'ka mesan, fai na deka basa'en. Hu na, ati-ati boema minea ao fo bisa hambu hule o'oe. ⁸Sia basa nara ata, tao mikindo susue lalai'a no tetebe, karna susue ma lalai'a bisa soi tefa nala sala ma kilu nae'a. ⁹Mitudu meulau esa no esa, afi no keluhan. ¹⁰Karna basa atahori simbo nemeho'o netedale, fo tao na untuk ama layani esa no esa dadi mi mana to'u ai mbele; ¹¹seka fo mana ola, na biar ana ola dadi neu atahori mana ma'a lolosa'a Ama Lamatua haralin; no seka fo mana layani, na biar ana layani no manggate mana Ama Lamatua fe, sehingga sia basa sa'ka mesan, Ama Lamatua nene koa ma kio'o lao mia Yesus Kristus. Soa Neu'e basa mandela masa'a no koasa mia fai ia losa do na neu. Amin. Sususa ma sosona dadi teu mana tungga Kristus ¹⁴¹²Torono susue nggeru, afi nggengger mo ai sosoba dodou mana nema soba hei, sama ona'a sa'ka yang dadi ona'a ane soa neu nggi. ¹³Tehu, mimiho'o ma mitidale karna hei tungga ha'i bagian sia Kristus sususa sosona'na rala, fo boe'ma hei bo hambu mimiho'o ma mitidale sia fai sabe'na Lamatua mandela masa'a na nene netudu. /v 14 Maua manale kalu hei nene ne'emumuti karna Kristus nara'na, fo Duladale mandela masa'a no Duladale Ama Lamatua ana leo sia hei rala. ¹⁵Te hu, afi sia hei talada'mara hambu hei susa ma sona dadi mi mana hala mbau, mama na'o loloi, mana tao de'ulaka, do dadi mi atahori mana sambor atahori laen tataon. ¹⁶Te hu, seka mesan mana susa ma sona dadi neu atahori Kristen, afi fe ana mae, sebaliknya ana koa kio Ama Lamatua karna lemba doi nara na'ka. ¹⁷Losa faina ne'etu neladi'a mulai lao mia Ama Lamatua ume lo hada na. No, kalu ne'etu neladi Ama Lamatua ana mulai mia hita nema, maka sa'ka dadi neu ua manale lao mia atahori-atahori fo nda mana tao tungga Ama Lamatua susura Meumarena? ¹⁸Kalu atahori mamahere boe'o ana helambembein fo ana nda nasoda sa, bagaimana no ata hori de'ulaka no atahori mana masala'a? Amsal 11:13 ¹⁹Hu na, helan fo sira mana susa sona karna hihima nanau mia Ama Lamatua, namahere ao samanan soa neu mana Ma'adadadi eni no meulau, foa ana tao nakando sa'ka yang meulau.

Chapter 5

Tada mala Ama Lamatua Bibi lombo na'ra ¹Hu na, soa neu penatua no mana nita mata Kristus sususa ma sosenan, boema dadi neu atahori fo ana akan tungga ha'i bagian sia mandela masa'a a rala fo akan nene netudu, au hule soa neu penatua mana sia hei talada'mara. ²Tada mala Ama Lamatua bibi lombo nara mana sia hei taladamara! Afi karna nene paksa, tehu no rala temeo, sama ona Ama Lamatua hi ma nau; afi tao hanya karna mae hambu untung te'hu mamaet, te'hu karna mae dadi mi manatada tetebe. ³Afi tatao ma nono'ima dadi ona mana koasa soa neu basa sira yang mana nene nemehere sia ho lemba doi mala ra, tehu dai mi contoh soa neu lalaet na'ka. ⁴No na boema, kalu Mane Mana Tada nema, hei simbo mala sololangga mandela masa'a foa ana nda hambu male sa. ⁵De hei boe fo ma'adere ra, harus ta'alok soa neu lasi-lasi'ra; no boema basa hei mi'ena rala matafanggi meulau, esa no esa karna: Ama Lamatua nda hi atahori mana koao'sa, tehu Ana fe maua'manale soa neu atahori mana na'ena rala matafanggi meulau. Amsal 3:34 ⁶Hu na, muloe'mudae ao'ma sia Ama Lamatua liman rae' fo mana sofe no koasa. Fo losa fai'na, Ana akan fe hei hene. ⁷Fe basa hei masa loe bangga na'u mara soa neu Ama Lamatua karna Eni yang na'a boi nasa mao hei. ⁸Ati-ati boe ma ama minea mihere! Musu'ma, si Nitu, ana lao serinu-serinu sama ona meo'aku'a ana nggasi'ki sangga nanat untuk ana odo. ⁹Lawan Nitu'a! Mimbiri mihere sia hei nemehere mara, karna hei bubulu sia basa raefafo ia, torono susue sarani nggeru boe'o ara lemba doi sususa sosona yang hei alami. ¹⁰Boema, kalu hei susa ma sona untuk fai e'eku, Ama Lamatua sumber basa maua'manale yang mana no'e hei untuk ha'i bagian sia mandela masa'a-Na fo nda mana basa'sa sia Kristus rala, Ana akan na'a hahai, fe maua manale, manggate rala, no ana na'a fefela hei. ¹¹Soa Neu'e koasa losa do na neu. Amin! Fufuli hehelu Mate'en ¹²Au sura susura e'eku ia'ka soa neu nggi tungga Silwanus, fo au uhine dadi ona'a au torono sarani ngga fo mana setia. Au hi'a fe soa neu nggo nonoet boema duduit, oi ia adalah bebei bara'ai fo nda mana basa'sa lao mia Ama Lamatua. Mimbiri mihere sia bebei bara'ai na'ka. ¹³Ate ana mana sia Babilonia, yang mana dadi neu Ate ana nene dudu mia Ama Lamatua nema, na'alolosa hehelu fufuli soa neu nggi. ¹⁴Fe'se to'u lima esa no esa rendi i'idu susue. Maua manale soa neu basa hei sia Kristus rala. Amin

2 Peter

Chapter 1 Soda Mole' Lao' Mia Simon Petrus

¹lao' mia Simon Petrus, Lamatua Kristus Yesus a'te dedenu'na, fe neu atahori yang mana simbo rala nemehere'a yang sama ona' hai enama lao mia ndotetu Ama Lamatua Ise boema mana soi tefa nala hita, Yesus Kristus. ²kirana Ua'nale lao' mia Lamatua boema soda mole' sosofo no'a hoo muhine neu Ama Lamatua Yesus, hita Lamatua Na. Atahori Yang Lamatua No'e Boema Ama Lamatua Here ³Kuasa Na yang lao' mia Ama Lamatua nema fe ua'nale neu hita, sa'ka mesan yang Lamatua hihinanau'Na neu hita masoda boema meumare'a, lao' mia nehine neu Lamatua yang Ana no'e nendi hita fo ata teu tisi' mandela masa'a no susuelalai'Na. ⁴lao' mia'e, Ana fe ua'nale neu hita fufuli Na'ra yang monaena seli boema nafeli fo fufuli na'ka hoo hambu tungga ha'i bagian sia Ama Lamatua rala Na, boema na'adodo no mambalulutu yang dadi lao' mia raefafo, boema yang dadi karna hi nau raefafo. ⁵hihinanau na'ka, usaha no tebe-tebe fo hoo nemeherema neu Lamatua tamba sia meumare'a rala no'a rala malole', rala malole' no mahine neu Ana Lamatua, boema mahine nau Aka Lamatua no linuafi mala aoma, boema linuafi mala aoma no sabar, sabar no nda mana mareresi' nalelena'sa, ⁷nda mana mareresi nalelena no suelai odi'aa, suelai odi'aa no susue yang nda mbali'a aona'sa ⁸hu na, kalo basa iara sia hoo aoma rala boema ana tamba-tamba nakando'a, na hoo nda bisa gagal sa atau nda muboa'sa sia muhine neu hita Lamatua Yesus Kristus rala. ⁹te hu, atahori yang nda na'ena basa nara'sa adalah atahori yang nda bisa nita no jelas boema poke' karna ana lili' bahwa Lamatua namemeu'e no soi nala'e lao' mia sala'singgo'na. ¹⁰hu na, torano' nggeru, ama usaha mihere' lena' fo pastikan bahwa hei tebe-tebe ara ro'e boema here'rala hei; te kalo hei tatao'mara na, hei nda akan tuda'sa. ¹¹hu na, lelesu mana sia kerajaan kekal Lamatua no mana soi tefa nala hita, Yesus Kristus, ara soi loa' soa neu hoo. ¹²hu na'na, au nanau'ngga fo fe nesenedat nekendo'a neti hoo basa hal na'ra, mae hoo muhine basa enaho boema hoo to'u muhere sia meumare'a rala yang losa li'ia hoo muenae. ¹³selama au fe'e mana mori' sia tenda raefafo rala ai, au anggap perlu au fe dorongan mahere, neu hoo no cara fe nesenedat neti hoo, ¹⁴hu na au bubulu bahwa au ae lao' hela tenda leleo sia raefafo'a ia'ena ona' Lamatua Kristus Yesus netudu neu au mata'ngga ao'Na no jelas. ¹⁵boema, au usahakan no au rala teme ao'ngga fo fe hoo musunedat nekendo soa neu basa ia'ra waktu au lao' hela hoo ena. Sa'kasi Mata Lamatua Kristus Mandela Masa'a ¹⁶te hai nda tungga dudui-dudui nama karang'sa waktu rafade neti hoo tentang kuasa boema Lamatua Yesus Kristus neneman'na, te hu

karna hai ia'ra sa'kasi-sa'kasi mata Lamatua mandela masa'a Na. ¹⁷te waktu Lamatua Yesus hambu hadat no mandela masa'a lao' mia Ama Lamatua Ise, ona'a Ana ola' no'e oi Yang Mahamulia, "ia'ka Au Ana ngga mana suelai, soa neu'E Au berkenan," ¹⁸hai boe'o rena hara' na'ka nema lao'mia surga nema waktu hai mo'E mia gunung suci ata. ¹⁹hai boe tamba mimihere dedeat Ramalan'a, yang malole'na hei boe'o rena matalolole, ona' hei memete lambu ana'a mbila sia mamana ma'ahatu'a rala, losa fefetu'a nema no ndu fefetu'a mori sia hoo rala'ma. ²⁰te hu, hal ma'ahulu yang harus hoo bubulu adalah bahwa nda hambu ramalan sia buku meumare'a rala yang lao' mia ramalan atahori raefafo'asa, ²¹te nda hambu ramalan esa 'sa boe yang nema lao' mia atahori raefafo'a hihinanauna'sa; te hu atahori ola rendi' Ama lamatua nara'Na no tutunan lao' mia Roh Kudus.

Chapter 2Huku Doki Neu Meser-Meser Falus

¹pada saman ma'ahulu'ra, hambu meser-meser falus sia atahori yang mana namahere neu Ama Lamatu, ona'a li'ia boe hambu meser-meser falus sia hei talada mara yang ara ranori ra'afufuni nenorit yang nda malole'sa, boema ara ranori nenori yang nafani neu Lamatua yang mana soi tefa nala'se lao' mia salala'singgo nara hu na nendi sususa'sosona soa neu bali' aon'nara. ²boema, atahori nae' tungga rala nenori nefade nara yang nda mahadat'sa, boema lao' mia'se, dala' tetundos'sa ara tolak. ³no'a raku'tao'a ara ha'i untung lao' mia hoo rendi dedea'oola yang sofe no'a tipu'dae; hukuman soa neu'se lao' mia dolu kala nema nda akan tunda-tunda'sana, boema sususa'sosona soa neu'se nda sudi' sunggu sana. ⁴te, kalo Ama Lamatua aon'Na, Ana nda tahan nala'sa waktu malaikat tao sala'sa, te hu Ana honda'e neu neraka boema fese reu rantai ma'ahatu'a rala fo tahan'se losa pengadilan nema, ⁵ boema kalo Ama Lamatua nda suelai raefafo purba te hu a'ka Nuh, atahori yang mana nanori meumare'a no sira atahori hitu', te hu Ana fe udan anin no loe monae losa fai hanulu neu raefafo yang nda mana nehine Ama Lamatua'sa; ⁶boema kalo Ama Lamatua hukum Sodom no Gemora nendi' cara nembelulutu kota karua'ra de dadi neu afu, bomema tao'se dadi neu netutudus soa neu sa'ka yang akan dadi sia fai mana muri' nema neti atahori-atahori yang masoda'nara jahat sia masa mana nema'ia⁷boema kalo Ama Lamatua fe masoda neu Lot, atahori tetu'ndos na'ka, yang susa'sona no atahori-atahori yang nda ma'ena hada'dala sa boema momorina sofe no'a manggegeo, ⁸(untuk fai esa rua, Lot leo nose sia taladanara tungga-tungga fai, boema ao samanana tetundos ana susa'sona karna mete nita no rena mata tatao nono'is nda malole'sa yanga ana nita boema rena mata;) ⁹hu na Ama Lamatua pasti nahine ta'obe mbo'i atahori tetundos boema tahan atahori yang tatao de'ulaka fo huku doki neu'se sia fai ne'etu neladi na nema. ¹⁰lenna'na sira yang memuaskan ao'ina na sia hihinanau manggegeo'a rala, boema yang nda mana taoafi no manaparenda'sa. no sangat lancang boema koa'o, meser-meser falus nara' nda ramatau mamasi rarai atahori-atahori tetundos, padahal para malaikat, mae na'ena bebe'ibarei no mano kuaasa monae lena, nda ola'fade yang na'ena ole rarai soa neu atahori mana sia Lamatua mata'Na. ¹²meser-meser falus iara ona' banda yang nda ma'ena hadat'sa, yang ara bonggi'e fo untuk ara humu'e boema ara hala'e; sira mamasi rarai sa'ka yang sira nda rahine'sa, akan dibinasakan sia tataonono'i nara aon; ¹³sira hambu bali' tatao de'ulaka neu aon'nara fo bae neu sira tatonono'i nara.sira oine'oke mafu-mafu sia fai rerelo malole soa neu'se. sira adalah manggegeo no sala'singgo, ara ramaho'o rendi sira tipu laka nara waktu ara ra'rino sama-sama ro basa hei. ¹⁴sira ra'ena mata nara yang sofe no'a mana hohongge boema yang nda hahae hue'osa sala'singgo'sa, sira kokoe atahori-atahori yang aosamana'nara lemah, boema samana'nara doka haki sia sususa'a rala. sira adalah ana-ana yang terkutuk!¹⁵sira lao' hela dala yang ndos boema ara tungga rala dala yang masarangga, yaitu dala' Bileam bin Beor,yang hi'a simbo babae untuk tataonono'i yang nda malole'sa. ¹⁶hu na, ana hambu e'ena a'ait mahere' soa neu eni tataonono'i na lao mia keledai yang nda ma'ena dedea'oola sa, te hu ana ola pake dedea'oola atahori de ana ai na'ahahai tatao nono'i mamulu nabi na'ka. ¹⁷atahori-atahori iara ona' oe mata mana meti boema ona lele nggeo'a yang anin monae'a fu hendi'e. ma'ahatu monae'a hela fe neu'se. ¹⁸no ola'fade mana koao, te hu rou, sira te'e atahori-atahori yang mana sai hendi lao' mia sira yang masodana si'a nitu'a rala no'a aosisi'a hihinanau'na boema no hohongge bubuni. ¹⁹meser-meser falus na'ra fuli helu fe loa', hu na sira aonara na a'te lao' mia mamates'sa. te, sa'ka mesan yang nakala hendi atahori esa, atahori na'ka yang dadi neu a'te²⁰te hu, kalo sira ara mbo'i hendi lao' mia manggenggeo raefafo'a yang sofe no'a de'ulaka lao' mia nehine neu Lamatua no mana soi tefa hita, Yesus Krtistus, te hu ana bali' nisi raefafo yang de'ulaka na'ka boema ana parenda nale'e, nan'na sira dedi reu lebih rambalulutu lao' mia ma'ahuluna. ²¹lebih malole' na kalo sira nda rahine rita'sa dala tetundos na'ka, te hu sira yang rahine te ara rasadea lao' mia hukum meumare yang ara fe neti'se. ²²sira sama ona' lao' dedea o'ola yang tetundos ia: "busa bali' neti nisi mutana aon" boema "fafi yang fe nememeu'e, bali' nisi mamana lololina sia tane'a rala"

Chapter 3Lamatua Yesus Akan Bali' Nema

¹Torano'nggeru yang au suelai, ia'ka susura karuana yang au sura' neti hei. sia susura ka'rua'ra nara, au usaha nefefela bali' hei dudu'a meu'mara no cara fe nesenedat neti hei, ²fo hei misineda bali' dudui-dudui ma'ahulu'ra yang Lamatua a'te Ana'nara ola-ola'na boema parenda-parenda lao' mia Lamatua no mana soi tefa lao' mia para A'tea nema. ³ma'ahu-ma'ahuna, basangge bubulu te fai-fai natete'en mana nema ia, atahori mana soa olerarai'ra rema tunggu sira hi nau'nara yang sofe no'a sala'singgo. ⁴sira rafade rae, " sia'be Lamatua fufuliNa oi bali' nema? te lao' mia ama ina ma'ahulu'ra mate, basa'e lalona fe'e sama ona'a ma'ahulu'ra waktu Lamatua ne'edadai raefafo'a"⁵te hu sira e'edik lili' mana nita no mata'nara bahwa lao' mai Lamatua harali'Na, lalai'a sia ena lao' mia ma'ahuluna nema, boema raefafo'a Ana nadadi'e mia oe boema lao' mia oe' nema. ⁶no oe na'ka boe, raefafo'a yang sia waktu na Ana nambalutu'e no oe loe monae'a. ⁷te hu, no Lamatua harali'Na yang sama, lalai boema raefafo' sia li'ia nenembeda fo ara lalange no ai sia fai ne'etu neladi' no nebelulutu hendi atahoro-atahori de'ulaka'ra. ⁸Torano'nggeru yang mana suelai, afi' lili' mana nita no mata kaesa'a ia'ka: neu Lamatua, fai'esa sama no too rifon boema too rifon sama no fai'esa. ⁹Ama Lamatua nda fe'e perna banggo-banggo soa neu fufuli'Na sa ona' atahori anggap nebabanggo bali' lao' mia'se, Ana naena rala ma'asufu soa neu nggo hu Ana nda nau esa boe mate'sa, te hu fo basa atahori hambu rema risi' manggarelo'a. ¹⁰fai Lamatua nenema'Na ona'a atahori na'oa, boema lalai'a mopo hendi'e no harali yang monaena seli. ai'a akan naa hendi basa sa-sa mana sia lalai'a ata boema ai'a no matobi'na seli londa lao' mia lalai'a ata nema, boema raefafo no basa isi'oena ai'a naa hendi'se¹¹kalo basa na'ra rambalulutu hendi'se, no cara ia'ka, ta'o beka no hei masoda'mara? ta'o be de hei nda mori mo meumare'a boema uehosa sia Ama Lamatua rala, ¹²fo mihani boema fe na'alali Ama Lamatua'a nenema'Na? sia fai Lamatua, lalai ana nambalulutu no ai mbila'a, basa mana sia lalai ata ana sai rae nema karna matobi'a. ¹³te hu, ona'a Lamatua fufuli'Na, hita tahani lalai no raefafo feu' mamana atahori mamahere'ra akan leo. ¹⁴Torano'nggeru uang mana suelai, karna hita tahani hal ia'ka, hu na usaha no tebe-tebe fo Ama Lamatua hambu nala hei nda ma'ena sala'singgo'sa, nda manggegeo'sa, boema malolole mo Ama Lamatua. ¹⁵anggap Lamatua sususelalai'Na neu nggo fe waktu neu hita fo hambu simbo tala masoda'a. sama ona'a Paulus, hita torano' susuelalai'na, sura fe neu nggo nendi' dudua'aafi lao' mia Ama Lamatua neu'e ¹⁶Ana boeo nafade basa ia'ra sia basa susura'nara yang laen. mema'a hal-hal ruma hita nda bisa tahine'sa de atahori-atahori yang gao'ra titu'laka boema no atahori yang nemehere'nara a'ka mbei'a. sira boe tao sia babanggi-babanggi laen lao' mia buku meumare'a, de akibat'na mamates soa neu bali' aon'nara. ¹⁷Torano'nggeru yang mana suelai, hu neu hei mihine hal ia'ka, ama matalolole fo hei afi ara rendi nggi misi dala masararangga'a lao' mia sala'singgo atahori-atahori yang nda mana nehine hadat'sa. afi hei mi'iloli lao' mia hei nemeherema yang mahere'. ¹⁸te hu, mimbetu sia ua nale rala boema mihine neu Lamatua no mana soi tefa nala hita, Yesus Kristus. soa neu'E mandela masa'a, li ia no losalolosa'na! Amin.

1 John

Chapter 1

Susura Meu mare masoi masoda ¹Hambu esa yang hai rena eni ma'a huluna, hai mita mendi hai mata ma, hai mete no hai nggama mendi hai lima ma yaitu Susura Meu mare masoi masoda. ²Masoi masoda ia ka Ana natudu de hai mitaena. Hai dui bengga no hai mi'i lolosa neu nggo tentang masoi masoda na ka. yang mana sia na'a bue no Ama Lamatua boe ma nene natudu neu hai. ³Sa ka yang hai mita no hai rena, hai mi'i lolosa neu nggo fo hela ona be na ho bo mu'ena ne'e bubue mo hai. Nda'nda na, ne'e bubue hai na adalah ne'e bubue to Ama Lamatua no Ana na Yesus Kristus. ⁴Basa ia ra hai sura neu nggo fo hela ona be na dadi neu sofe no neme ho'o ma nete dale. Lao sia manggarelo a rala. ⁵Ia hehelu fufuli yang hai rena e na mia Lamatua de hai mi'i lolosa neu nggo, fo Ama Lamatua dadi neu manggarelo, fo sia Lamatua rala lefu-lefu nda nafi hambu ma'a hatu sa. ⁶Mete ma hita tae hita ta'ena ne'e bubue to Lamatua, te hu hita momorina sia ma'a hatu a rala, na hita peko leleko de hita nda hambu tao meu lau sa. ⁷Te hu, mete ma hita lao sia manggarelo a rala, sama leo ona a Lamatua sia manggarelo a rala, hita ta'e na ne'e bubue esa no esa, boe ma Ana mone ise na Lamatua'a ra lilo na nema safe sa hendi basa hita sala kilu na. ⁸Mete ma hita ola tae hita ata hori sala nese,, na hita peko leleko hita ao na, de nda hambu meu lau sia hita rala sa. ⁹Mete ma hita ta'ta basa hita sala kilu nara, Lamatua ana soi tefa nala basa hita sala kilu nara, de ana safesa hendi basa hita mia ta'tao nono'i de'u laka ra. ¹⁰Mete ma hita tae hita nda fe'e tao tita sala sa, hita tao Lamatua dadi neu mana peko leleko, de susura meumare na nda hambu sia hita rala sa.

Chapter 2

Lamatua Yesus dadineu mana soi tefa hita. ¹Ananggeru, au sura dedea o'ola ru ia ra soa neu hei fo hei afi tao sala. Te hu, hambu esa tao sala, hita ta'ena mana soi tefa sia Ama Lamatua mata na, fo na Lamatua Kristus Yesus yang mana sia ndo tetun na. ²Eni mana dadi neu tunu hotu dadame soa neu hita sala kilu na. De nda aka hita salah kilu na, te hu basa rae fafo a sala kilu na. ³Ba'u data na hita bubulu no tahine Ama Lamatua, de hita tao tungga sa ka mana dadi neu Eni to'to lalane na. ⁴Ata hori ra ra'o ia, "Au uhine Ama Lamatua," te hu nda tao tungga Lamatua to'to lalane na, na ana ona a ata hori mana peko leleko de meu mare a nda sia ralana. ⁵Te hu seka tao tungga Lamatua hara li na, susue Ama Lamatua tebe-tebe dadi neu teme sia ao na rala. Ba'u data na hita bubulu tae hita sia Lamatua rala. ⁶Ata hori mana nafade nae eni leo sia Ama Lamatua rala, ana harus leo ona'a Lamatua Yesus mori. Sue lai torono boe ma tao tungga Ama Lamatua Hi'hi ma na'nau na. ⁷Torononggeru yang au sue, au nda sura parenda feu soa neu hei sa, te parenda mbara'a yang hei to'u e eni do' ena. Parenda mbara'a na'ka dadi neu Lamatua Hara li na, yang hei rena eni so'sosa'na. ⁸Te hu, au boe, sura parenda feu mana ndo tetu soa neu nggo, yang mana sia Lamatua rala boe ma hei rala, karna ma'a hatu ana lao'ena de manggarelo tebe-tebe ana nema ena. ⁹Ata hori ra ola rae eni sia manggarelo'a rala, te hu ana namanasa torono na, na nara na, ana fe'e sia ma'a hatu'a rala losa ia. ¹⁰Ata hori mana sue lai torono na, leo sia manggarelo'a rala de' nda hambu sa mesa na fene na'a tunu sa. ¹¹Te hu, kalu ana namanasa torono' na, ana leo lao si'a ma'a hatu'a rala. Ana nda bubulu ana lao benu sa, karna ma'a hatu'a tatana mata na. ¹²Au sura neu hei, hai ananggeru, karena Lamatua narana hei sala kilu mara, nene soi tefa basa e'na. ¹³Au sura neu hei, hai papa-papa, karna hei bubulu Lamatua eni ma sososana. Au sura neu hei, hai ana-ana monetena, karna hei tao hendi nitu malakat'a. Au sura neu hei, hai ananggeru, karna hei mihine Ama Lamatua'ena. ¹⁴Au sura neu hei, hai papa-papa, karna hei bubulu Lamatua eni ma sososana. Au sura neu hei, hai ana-ana monetena, karna hei ma'adere, no hei leo sia Ama Lamatua Harali'na rala, no hei tao hendi nitu malakat'a. ¹⁵Afi sue lai raefafo ia, do basa mana sia raefafo na rala. Hambu esa sue lai raefafo'a, susue Ama Lamatua nese rala na rala. ¹⁶Karna basa mana sia raefafo'a rala, na hihi ma nanau ao sisi, hihi ma nanau mata, no momori mana koao yang nda lao mia Ama Lamatua nema sa, te lao mia raefafo nema. ¹⁷Raefafo ia ana mana mopo no basa hihi ma nanau'na, te hu ata hori mana tao tungga Ama Lamatua hihi ma nanauna ana mori losa dona neu. Afi tungga mo nda mana hi Lamatua Kristus sa. ¹⁸Ananggeru, faira mana basa; ana ona'a hei rena, rae nda mana hi Lamatua Kristus ana nema, de fai ia nda mana hi Lamatua Kristus, hetar rema'ena. Ba'u data na hita bubulu tae fai ia faira rate'e. ¹⁹Ara lao' ma hita rema, te hu hita nda lao mia sira rema sa, kalu ara lao ma'hita, na ara leo ro hita raka ndo'a, te hu ara lao hela hita'ena, hu na hita bubulu ara nda lao mia hita nema sa. ²⁰Te hu, hei mi'ena eko feo mia dula dale'a de hei bubulu basa se. ²¹Au sura neu hei, hei bukan nda fe'e bubulu meu mare'a sa, te hu karna hei bubulu'ena no karna nda hambu fo pepeko leleko lao mia meu mare nema sa. ²²Seka mana peko leleko na'ka, kalu bukan eni nda mana mahine Lamatua Kristus? eni fo nda mana mahine Lamatua Kristus, eni ata hori yang mana nda nahine Ama Lamatua no Ana mone ise na. ²³Seka yang laka fo nda nahine Ana sa, ana bo nda na'ena Ama sa. Te hu, seka yang nahine Ana, ana bo na'ena Ama. ²⁴Hela fo sa ka yang hei rena eni sososa'na leo nakando sia hei rala. Mete ma sa ka yang hei rena eni sososa'na leo nakando sia hei rala, hei bo leo mikindo sia Ana no Ama rala. ²⁵No ia fo hehelu fufuli yang Lamatua fe hela neu hita, na mana mori losa do'na neu, fo nda mana mopo sa. ²⁶Basa sa ka yang au sura feneu hei ia, na'ena kaitan no atahori mana nae tao fe hita nda tahine Lamatua sa. ²⁷Te hu, lopo linu yang hei simbo lao'mia Lamatua nema, ana mori naka ndo sia hei rala, de hei nda nafi sangga ata hori nema nanori hei sa. Te hu karna lopo linu mia Lamatua nema, nanori hei momori mana sia meu mare'a rala, bukan pepeko leleko, fo hela ona be na Lamatua nanori neu hei, hei sia Lamatua rala mikindo. ²⁸Fai'ia, ananggeru, leo misi Lamatua rala, fo Ana nema natudu ao na, hita ta'ena nemehere ao sisi de hita nda mae sia Lamatua nenema na sa. ²⁹Te hu hei bubulu basa, ia nda-nda mesan, hei bo bubulu bahwa hita inggu atahori mana tao meu lau, na nene bonggi rae lao mia Lamatua nema.

Chapter 3

Hita adalah ana-ana mia Ama Lamatua nema.¹ Mete mita Lamatua susue lalaina talalu manaena seli soa neu hita, sehingga hita nene dui bengga rae hita ana-ana mia Ama Lamatua nema. hu na, raefafo'a nda nahine hita sa karna raefafo'a nda nahine Ama Lamatua sa.² Torono susuengeru, fai'ia hita adalah ana-ana mia Ama Lamatua, te hu hita tatao nono'i na nda fe'e nene netudu sa, de hita bubulu bahwa faina losa Lamatua nema, hita dadi ona Lamatua boe, karna hita akan tita Lamatua no basa mandela masa'a tetebe na.³ Hambu atahori mana na'ena huhule o'o'e ia ka sia Lamatua Kristus, ana safe sa ao na, sama ona Lamatua yang adalah meumare.⁴ Basa ata hori mana tao sala na mana nggani sala hohoro lalane karna sala kilu adalah tao sala soa neu hohoro lalane.⁵ Hei bubulu bahwa Lamatua Kristus nene netudu fo Ana soi tefa hita sala kilu na, boe ma sia Lamatua rala, nda hambu sala kilu sa.⁶ Soa neu ata hori mana leo sia Lamatua rala, nda tao de'u laka sa; nda hambu atahori mana tao sala kilu ana bisa nita no nahine Lamatua sa.⁷ Ananggeru, afi fe esa tao na'a sususa ho boe. Ata hori mana tao meumare adalah atahori ndo tetu, sama ona Kristus adalah ndo tetu.⁸ Ata hori mana tao sala adalah lao mia nitu, karna nitu a yang mana tao sala kilu ini mia sososana. Ama Lamatua Anana nema nendi nda-nda ia : nambalutu hendi tatao nono'i lao mia nitu a.⁹ Nda hambu esa bonggi lao mia Ama Lamatua, ana tao sala kilu sa, karna fini ngges lao mia Ama Lamatua leo sia ao na rala; de ana nda hambu tao sala kilu sa, karna ana bonggi mia Ama Lamatua nema.¹⁰ No na boema, seka mesa na' ana mia Ama Lamatua, boe ma seka mesa na' ana mia nitu a nema, dadi neu manggarelo. Ata hori nda mana tao meu mare sa, na nda lao mia Ama Lamatua sa, boe ma ata hori yang nda mana sue torono nara, dadi ru esa sue lai esa.¹¹ Hu na, ia hara li yang hei rena ini sososa'na, fo hita esa sue lai esa.¹² Afi dadi ona Kain, yang lao' mia de'u laka rala de ana hala hendi odina. De sa de Kain hala hendi odina? Sebab tatao nono'i mia Kain de'u laka, te hu tatao nono'i odina' nda.¹³ Torononggeru, afi nggenger kalu rae fafo ia nda hi nggo sa.¹⁴ Hita bubulu bahwa hita kalua mia mamates'a rala tisi momori'a rala karna hita sue torono'ra. Atahori nda mana sue torono na, ana leo sia mamates'a rala.¹⁵ Soa neu atahori nda mana hi torono na adalah mana hala mbau atahori, boe ma hei bubulu bahwa nda hambu mana hala mbau ata hori, ana na'ena momori meu lau sia aona.¹⁶ Ona ia hita tahine susue: Lamatua Yesus Kristus ana fe momori-Na soa neu hita. de hita harus fe hita momorina soa neu hita torono'nara.¹⁷ Te hu, kalu hambu atahori mana na'ena hata heto raefafo, no ana nita toronara fe'e ra'ena huhule, te hu ana nggoe nisa dudu'ana soa neu toronona ia, ona be susue Ama Lamatua bisa sia ralana rala?¹⁸ Ananggeru, ima hita sue lai, afi no dedea o'ola do hita bafa ma na, te hu tendi tatao nono'i meu mare.¹⁹ No ia, hita bubulu bahwa hita lao mia meu mare a no hita dudu'a manggate na sia Ama Lamatua matana.²⁰ Hambu hita dudu'ana fe sala bali hita, Ama Lamatua lebi manae mia hita dudu'ana de ana bubulu basa'e.²¹ Torono susuengeru, nda hambu hita dudu'ana fe sala neu hita sa, na hita ta'ena rala manggate sia Ama Lamatua matana.²² Sa ka mesan yang hita to'e, hita simbo lao mia Ama Lamatua, karna hita tao tungga Ama Lamatua hohoro lalane na, boe ma hita tao sa yang dadi neu Ama Lamatua hihi nana'un na.²³ Ia parenda' mia Ama Lamatua fo hita tamahere sia Ana-Na Yesus Kristus nara'na, de hita esa sue lai esa sama ona yang Lamatua parenda soa neu hita.²⁴ Atahori yang mana tao tungga Ama Lamatua Hohoro lalane'na leo sia Ama Lamatua rala, boe ma Ama Lamatua leo sia e rala. Hita bubulu fai ia bahwa Ama Lamatua leo sia hita rala, no Dula dale lao mia Ama Lamatua ana pala banggi soa neu hita.

Chapter 4

Bubulu Dula dale mana mia Ama Lamatua nema ¹Torono susue nggeru, afi mimihere soa neu basa dula dale, te hu tes dei dula dale-dula dale nakara, fo ata bubulu beka lao mia Ama Lamatua karna hambu meser-meser e'edik yang rema risi raefafo. ²Ona ia hei mihine Dula dale leu tei mia Ama Lamatua nema: basa dula dale mana nahine, oi Lamatua Yesus Kristus ana nema dadi ona atahori, na lao mia Ama Lamatua nema. ³Soa neu dula dale yang nda mana namahere Lamatua Yesus, na nda lao mia Ama Lamatua nema sa. na adalah dula dale mia atahori nda mana nahine Lamatua Kristus sa, yang hei rena oi ana nema, de fai ia ana nemaen, sia raefafo ia. ⁴Ananggeru, hei lao mia Ama Lamatua nema, hei tao hendi nabi-nabi e'edik'kara karna Ana mana sia ho ao ma, manae' lena eni mana sia raefafo ia. ⁵Nabi-nabi e'edik ia ra, lao mia raefafo. Karna na, ara ola-ola lao' mia raefafo, de raefafo'a rena se. ⁶Hita lao mia Ama Lamatua. Atahori mana nahine Ama Lamatua, ana rena hita, te hu atahori nda lao mia Ama Lamatua sa, ana nda rena hita sa. No ia hita bubulu Dula dale le'u tei no dula dale mana tao fe sususa. Ima fo hita esa sue esa. ⁷Torono susuenggeru, ima hita esa sue lai esa, karna susue'ia, lao mia Ama Lamatua nema, fo atahori mana naena susue lalai, nene bonggi rae lao mia Ama Lamatua de ana nahine Ama Lamatua. ⁸Ata hori nda mana nahine susue lalai, ana nda nahine Ama Lamatua karna Ama Lamatua adalah Susue ma lalai. ⁹Ona ia Ama Lamatua susue lalaina nene netudu sia hita taladana: Ama Lamatua denu Ana Mone Ise-Na nisi raefafo ia fo hita hambu momori lao Mia'e. ¹⁰Sia ia rala susue lalai na ka: nda hita yang sue Ama Lamatua sa, te hu Ama Lamatua yang sue lai hita, de ana fe Ana-Na dadi neu tutunu hohotu dadame soa neu basa hita sala kilu nara. ¹¹Torono susue nggeru, Ama Lamatua talalu sue hita, hita boe harus esa sue esa. ¹²Nda fe'e hambu ata hori fo ana nita Ama Lamatua sa. kalu hita esa sue esa, Ama Lamatua leo sia hita rala no susue-Na, nene tao na'a teme sia hita rala. ¹³No tatao ia ka, hita bubulu oi hita leo sia Ama Lamatua rala boe ma Ama Lamatua sia hita rala karna Ama Lamatua fe basa Eni Dula dale-Na soa neu hita ena. ¹⁴Na hai mita de hai dui bingga oi Ama Lamatua ana denu Ana-Na dadi neu Mana Soi Tefa Raefafo ia. ¹⁵Atahori mana dui nae Lamatua Yesus adalah Ana'a mia Ama Lamatua, Ama Lamatua leo sia e rala boe ma ana leo sia Ama Lamatua rala. ¹⁶De hita bubulu no hita tamahere susue mia Ama Lamatua nema, de atahori mana leo sia susue'a rala, ana leo sia Ama Lamatua'a rala boe ma Ama Lamatua leo sia'e rala. ¹⁷No ia, susue'a nene ne'e tao meulau no hita fo hita hambu bebe'i bara'ai sia fai huku doki'a nema, karna ona'a Ama Lamatua, boe ma sama ona hita sia raefafo ia. ¹⁸Nda hambu nemetau sia susue'a rala, te hu susue'a yang tetu teme ana use hendi nemetaus, karna nemetaus na, ana torono no huku doki'a. Atahori mana mamatau, nda fe'e nene tao natetu sia susue'a rala sa. ¹⁹Hita suelai karna Lamatua suelai hita na'a hulu. ²⁰Fo hambu atahori na'o ia: "Au suelai Ama Lamatua", te hu au nda hi au toronongga, atahori na adalah mana peko leleko. Karna, atahori nda mana sue lai torono na mana nene nita sa, ana nda hambu sue nala Ama Lamatua yang nda nene nita sa. ²¹No parenda ia ka, hita simbo lao mia Ama Lamatua: Soa neu atahori yang mana sue Ama Lamatua, ana harus suelai torono'na boe.

Chapter 5

Ama Lamatua ate ana nara taohendi raefafo'a ¹Soa neu atahori mana namahere fo Lamatua Yesus adalah Kristus nene bonggi mia Ama Lamatua nema; boe ma atahori mana sue Ama Lamatua, ana sue ana na yang mana bonggi mia Papa na nema. ²No ia hita bubulu oi hita sue lai Ama Lamatua ana nara, yaitu hela fo hita sue lai Ama Lamatua no hita tao tungga parenda-parenda mia Ama Lamatua nema; ³Karna ia susue lalai'ma Ama Lamatua nema, oi hita tao tungga Ama Lamatua parenda-Na; no parenda-parenda mia Ama Lamatua nda mama bera sa. ⁴Sa ka mesan mana bonggi rae lao mia Ama Lamatua nema, ana tao hendi raefafo'a; fo mana tao hendi raefafo ia ka adalah: nemehere hita. ⁵Seka mana tao hendi raefafo kalu ana nda namahere oi Lamatua Yesus adalah Ana'a mia Ama Lamatua? Momori losadona neu hambu sia aka Lamatua Yesus rala. ⁶Lamatua Yesus yang nema no oe ma ra: nda aka oe sa, te hu no ra boe. Dula dale'a yang na'a dudui karna Dula dale na'ka mia meu mare'a nema. ⁷Hambu sira telu yang ra'a dudui sia nusa tetun do inggu temen: ⁸Dula dale, oe, no ra; de katelu' iara dadi reu esa. ⁹Kalu hita simbo dudui bebengga mia atahori nema, dudui bebengga lao mia Ama Lamatua deu fo manggate. Karna dudui bebengga yang Ama Lamatua fe adalah dudui bebengga tentang Ana-Na. ¹⁰Atahori yang namahere soa neu Ama Lamatua Ana-Na, na'ena dudui bebengga na'ka sia rala'na rala. Atahori yang nda namahere soa neu Ama Lamatua, ana dadi neu atahori mana peko leleko karna atahori na'ka nda namahere soa neu dudui bebengga yang Ama Lamatua fe tentang Ana-Na. ¹¹De ia fo dudui bebengga na'ka: Ama Lamatua ana fe soa neu hita momori' losa dona neu, de momori na'ka sia Ana-Na rala. ¹²Atahori yang mana hambu momori; atahori yang nda mana hambu Ama Lamatua Ana-Na, ana nda na'ena momori sa. Atahori yang bonggi lao mia Ama Lamatua nema, ana nda tao sala kilu sa. ¹³Au sura basa'e na hal-hal ia ka soa neu hei yang mana namahere sia Ama Lamatua Ana-Na nara na, na fo hei bubulu bahwa hei hambu momori losadona neu. ¹⁴De nemehere ia'ka, yang hita ta'ena sia mata-Na, yaitu hita to'e sa'ka mesan yang nda no hihi' ma nanau'Na, Ana rena hita. ¹⁵Fo hita bubulu Ana rena hita, sa'ka mesan yang hita to,e , hita bubulu bahwa hita hambu huhule o'o'e'na yang to'e mia Lamatua nema. ¹⁶Fo hambu atahori mana nita torono'na tao sala te hu ana nda dudu nisi mamatesa rala sa, hela ona be na atahori na ana no'e, na Ama Lamatua akan fe momori soa neu ata hori yang mana tao sala na'ka yang ana nda dudu nisi mamates'a. Te hu, hambu sala kilu esa yang ana dudu nisi mamates'a; Au nda ufade bahwa ana harus natane soa neu sala kilu na'ka sa. ¹⁷Basa tatao nono'i yang nda meulau'sa adalah sala kilu, te hu hambu sala kilu yang nda nisi mamates'a. ¹⁸Hita bubulu soa neu atahori yang nene bonggi rae lao mia Ama Lamatua rala, ana nda hambu tao sala kilu sa, te hu ana yang nene bonggi rae lao mia Ama Lamatua nema, nene nanea' lao mia nitu'a de nitu'a nda hambu nggama'e sa. ¹⁹Hita bubulu bahwa hita lao mia Ama Lamatua nema, boe ma basa raefafo'a ana sia nitu'a to'to'u nono'e na rala. ²⁰De hita bubulu oi Ama Lamatua Ana-Na, nema'e na, de ana nendi fe mahine soa neu hita, fo hita bisa tahine tae Eni yang ndo tetu na'ka. De hita sia Eni yang ndo tetu na'ka, hita mori sia masoi masoda losa do na neu. ²¹Ananggeru, mi'i dodo hendi hei ao ma mia nemehere soa neu fatu hau.

2 John

Chapter 1

Londa hara ¹Lao mia Penatua, soa neu Mama mana nene dudu no ana-ana nara, yang au sue sia meu mare'a rala, de nda aka au sa, tehu basa ata hori mana rahine meu mare'a, ²karna meu mare'a yang leo sia hita de ana akan sama-sama no hita losa do'na neu. ³Bebe'i bara ai, susue lalai, no maua manale mia Ama Lamatua no Ana-Na Lamatua Yesus Kristus, leo no hita sia meu mare no susue lalai. Mori tungga Ama Lamatua parenda na. ⁴Au umu ho'o karna Au bubulu oi hambu hei anamara hira na leo sia meu mare'a rala, sama ona parenda yang hita simbo mia hita Ama'na nema. ⁵Fai ia au oo'e soa neu nggo mama, au nda sura parenda feu sa, te hu parenda yang hita ta'ena eni sososa'na, fo hita esa sue lai esa. ⁶Ia susue lalai'a, oi hita mori tungga sa'ka yang Ana parenda. Ia parenda na'ka, sama ona'a hita rena basaena eni sososa'na fo hei mori sia rala'na. ⁷Karna mana tao de'u laka hetar mori risi raefafo rema'ena, ara nda rambo'bafan oi Lamatua Yesus dadi neu Kristus yang nema dadi ona atahori raefafo sa. Ara adalah ata hori mana nendi de'u laka fo ana nda tungga Lamatua Kristus sa. ⁸Ama besa-besa fo afi mopo hendi sa'ka yang hita ue tala, fo boema hita simbo ta'ateme hasil na. ⁹Soa ne inggu atahori mana lao dea neu fo ana nda leo sia Lamatua Kristus nenori nefade'na sa, ana nda na'ena Ama Lamatua sa. Te'hu seka yang leo sia nenori nefade na'ka rala, ana na'ena Ama'a no Ana boe. ¹⁰Fai esa ma hambu atahori nema soa neu nggo, te ana nda nendi nenori nefade ia'ka sa, afi simbo e neti nisi ume ma rala, do hoko na afi muhara moe sa-sa boe. ¹¹Te

metema seka mesan yang simbo e na, ana ha'i nala hahambu mana sia atahori de'u laka'na tatao nono'in. Londa hara mate'en¹² Au hi'a sura fe hei naena seli, tehu au nda nau sura endi susura no tinta sa. Tehu au hule fo au bisa eti unda o'nggo, fo ata ola-ola esa nita esa matan'a, fo nemeho'o netedale'a dadineu sofe. ¹³Feto'ma ana'nara nene tengga here nala, untuk ra'a lolosa hara soa neu'nggo.

3 John

Chapter 1

Londa hara no sosodat soa neu Gayus ¹lao mia mana to,u ai mbele soa neu Gayus yang hai sue sia meu mare a rala. ²Odi a,a nggeru yang au sue, au hule o,e fo basa hei sia soda mole a rala, ao sisi ma soda ona a ao samana ma boe o soda. ³Au boe umu ho,o neu torononggara yang mana nae nema fe dudui bebengga tentang meu mare. ⁴Au nda u'ena neme ho'o lebih manae sa lena no au rena oi ananggara lao sia meu mare a rala. ⁵Torono su sue, hei tatao no'no'ima meulau soa neu hei torono mara, walau hei nda mihine se sa. ⁶Ara dui bengga susue lalaima neu basa rao inggu. Hei tatao nono'i meulau ma, boe ma tulu fali soa neu leleo lalao nara no dala meu lau soa neu Ama Lamatua. ⁷Sebab ara reu pake nara na ka, ara nda simbo sa sa boe lao mia atahori-atahori nda mana mama here ra sa. ⁸Hu na, hita harus tulu fali atahori ona na, sehingga hita dadi teu torono mana dui bengga soa neu meu mare a. Diotrefes no Demetrius. ⁹Au tulis susura soa neu rao inggu, te hu Diotrefes, yang hihi nanau na koao sia antar hei, nda nau simbo hai sa. ¹⁰Hu na, mete ma au uma, au fe neseneda soaneu basa eni tatao nono'i na, yang mana namumuti hai no dedea de'u laka! nda aka na sa, anabo nda nau simbo torono se sa, yang mana nema no mana 'ai se yang nau simbo torono se boe ma nadodo hendi se, mia rao inggu nema. ¹¹Au torono yang au sue, afi tunggu de'u laka, tehu tunggamala meulau. Ata hori mana tao meulau, lao mia Ama Lamatua nema, tehu ata hori mana tao de'u laka, nda fe'e nita Ama Lamatua sa. ¹²Basa atahori mana dui bengga tatao meu lau mia Demetrius nema, boe ma meu mare a boe dui bengga ona na. Haibo dui bengga , no hei boe bubulu sa ka yang hai dui na mema'a nda. Londa hara matete'en. ¹³Hambu tatao nono'i nae yang au ae sura neu nggo, tehu au nda nau sura neu nggo pake engge no tinta sa. ¹⁴Au hule fo au unda o nggo lai-lai fo hita bisa ole-ola esa nita esa. ¹⁵Maua manale soa neu nggo. Torono mana sia ia ra londa hara soa neu nggo. Boe ma mu'u lolosa londa hara hai soa neu basa torono mana sia na ra.

Jude

Chapter 1 Londa hara lao ma Yudas

¹Lao ma Yudas, Lama tua Yesus ate anan no Yakobus Toro no na, Soa neu atahori namehere yang ama Lama tua sue boe ma soa neu atahori yang Lama tua Yesus Kristus ne'e boi. ²Hela be na sofe no susue ma lalai. Ama Lama tua ana huku doki ata hori mana tao sala. ³Toro no susuenggeru, au fe'e sangga dala fo sura soa neu basa hita fo ndanda no masoi masoda, au hule fo hita to'u tahere hita neme here na yang nene nefade fai ia losa dona neu soa neu basa atahori neme here. ⁴Hambu atahori-atahori yang hita nda sadar sa ana nema, yaitu sira yang Eni don nene dudu basa neu huku doki, atahori-atahori nda manuhere, yang ara taosala Lama tua susue lalain fo neu kaspuas sira hi hi ma na na una boe ma, ara nda hi Lama tua Yesus Kristus yang dadi nu mana kuasa. ⁵Au ae fe nese neda soa neu nggo, walau hei bubulu basa ena, oi Lama tua ana fe masoi masoda soa neu ate ana nara boe ma ana soi hendi se mia nusa Mesir, te hu basa ma ana nisa hendi nda mana nama here ra sa. ⁶No malaikat-malaikat fo nda mana nama here soa neu to to lalane sira, tehu ara lao hela sira mamana na, boe ma ara pa'a nisa pake rante fo nene huku doki sia mamana mana ma'ahatu kibu-kibu sia fai mana e a nema. ⁷Boe ma ona sia Sodom no Gomora boe ma mana sa kambo-kambo boboa na, neu fe aon na neu sala hongge bubuni boema ana use hendi tatao no no'i nda meu lausa, ana ha'i nala huku doki ai nda mana mate sa dadi neu nese neda. ⁸Ona atahori-atahori yang mana nama here meit-meit sira, hara seo ao aru na, ara nda simbo mana koasa boema ara rarai mana e nara. ⁹Mikhael mesa ne, malangga malaikat, na reresi no nitua neu ao sisi na Musa, ana nda bisa ola sa sa neu e, "deu fo ana ola nae aka Lama tua nama nasa ho!" ¹⁰Aka na, ata hori penyesat ra ara ola-ola yang ara nda bubulu sa, ara bubulu aka sia rala na, ona a banda nda madudu'a sa. aka ona ia ara bisa rambalulutu. ¹¹Ara nufa se! ara tunggu dala na Kain, ana oi ma nalaka nala basa e sala singgo Bileam, boema ana mate sama ona'a Korah. ¹²Sira ona mnggarau sa perjamuan a rala, yang ara ra no ho na ara nda pake ramatau sa, ara mbali a mata mesa ne. ara ona le le yang nda nendi udan sa, yang anin fu neu nema. ara ona a hu hu yang nda maboa sa pas sa musim na, mate lao rua boe ma ali hendi oka na. ¹³Ara ona a tasi a nare nahere, yang membuihkan ara mesa ne.

ara ona a ndu-ndu yang lao leli, yang fene ma'ahatu kolo me meo fe neu losa losa na¹⁴ Ona a atahori Henokh dombe ke hitu na ma Adam, ana bernubuat oi mete Lama tua nema no atahori susu e na sira hetar, ¹⁵Soak neu lalao na penghakiman neu ata hori basa se, huku doki neu basa atahori mana sala kilu so'a neu tatao na, no sira o ola na nda meulauk sa so a neu dedea o olala na soa neu atahori mana sala kilu neu Lama tua rala na. ¹⁶Ara ona a atahori - atahori yang aka mengeluh, sangga- sangga a atahori sala na, ana tunggu hi hi na nau na; ara bafa monae no ara dalo atahori so'a neu ha hambu. Musunede no nanori¹⁷ Torono susue nggeru, hei misineda sa yang nene dui bengga mia hita Lamatua Yesus Kristus ana dedenunara. ¹⁸Hei hambu dedea o ola a ma ma'a bui, deu fo sia atahori pencemooh yang tunggu ao sisi na yang sala." ¹⁹Ara ona a atahori- atahori yang nendi perpecahan tunggu neu ao sisi na no nda hambu Roh sa. ²⁰Te hu au torono-torono susu e ngga, fela mesa ma sia namahere yang sia muti no berdo'a neu Roh kudus rala na. ²¹Na'aboi ao ma na sia susue Lama tua hela tunggu Lama tua susue na, yesus Kristus yang nendi hita neu momori losa do na neu. ²²Hambu rala na so'a neu ara yang mana ragu-ragu, ²³Soimala atahori ha'i tala atahori ma ai rala. so'a neu lain memete rala ngga hedis neu e ana nama tau, reu benci buabaus sira yang ara cemari ao sisi rae fafo na. koakio so'a neu Lama tua²⁴ So'a neu yang berkuasa nanea nggo fo afi tuda ma ana no hita nda tetu teme sa sia mata na sia takha kemuliaan na no nemehoo monae. ²⁵Soak neu Ama Lamatua mesa na, mana soi tefa hita, sia hita Lamatua na Kristus Yesus, mandela masa'a, bebei bara ai, no kuasa sia basa fai: afis sa, fai ia losa do naneu. Amin.